

宋幸

梁 沈 約 撰

中 華 書 局

卷八五至卷一〇〇(傳)

宋書卷八十五

列傳第四十五

謝莊 王景文

爲賦。 及王微,曰其名聲遠布如此。二十九年,除太子中庶子。 將軍劉湛曰:「藍田出玉,豈虚也哉。」初爲始興王濬後軍法曹行參軍,轉太子舍人,廬陵王 左氏經傳,隨國立篇,製木方丈,圖山川土地,各有分理,離之則州別郡殊,合之則宇內爲 文學,太子洗馬,中舍人,廬陵王紹南中郎諮議參軍。 元嘉二十七年,索虜寇彭城,虜遣尚書李孝伯來使,與鎭軍長史張暢共語,孝伯 年七歲,能屬文,通論語。及長,韶令美容儀,太祖見而異之,謂尚書僕射殷景仁、領軍 謝莊字希逸,陳郡陽夏人,太常弘微子也。 太子 左衞 率袁淑文冠當時,作賦畢,齎以示莊,莊賦亦竟,淑見而 又轉隨王誕後軍諮議,並領記室。 時南平王鑠獻赤鸚鵡,普詔羣臣 歎曰:「江東無我」 訪 問莊 分

列

倳

第四十

五

謝莊

卿當獨秀。我若無卿,亦一時之傑也。」遂隱其賦,

具慶 今 獨 董 漸 同 町 武 同憤。 一復得 居陝, 欣, 鋭 大軍 無 夫 旅 奉 醜 元 里 继 近次 授 啓 類 X 奉三月二十七日檄,聖迹昭然,伏讀 肅 頌 不 明 事 弑 洽 曾 律 目。 塗歌 將乾威, 永 密 立 不 繼 一,轉司 詣 伏承 進。 盈. 況 清無遠,於悲 室家 世 旅 下官世荷寵 祖 龔行 荆、鄢 所命 自 徒左長史。 相 曰:「賊劭自絕於天,裂冠毁冕,窮弑 相 慶,莫不 天罰, 滌社 ,柳元景、 暴殄 之師,岷 踊 靈 躍 望景聳魂,瞻雲佇足。 省闥横 世 不 叨 祖 、漢之衆、舳艫 司馬文恭 稷 恩踰量,謝 知 入討,密送檄書與莊,令加改治宣布。 之仇, 所裁 流,百僚 (感慶。 、宗慤、沈慶之等精甲 雪華 病 屛 萬 私門,幸 夷之恥,使 天 氣 里,旌旆 作王 道路以目。 先帝 免 室,叡哲 極 虎 虧天, 以 逆,開闢 弛 日 口 墜 」,雖 月之光 檄至, ·十萬, 一之構, 重光。 九 未聞, 土 志在 冥符,羣后 所照 已次 更獲 輒 殿 投報 四 布之京邑, 下 臨 近 莊遣腹心門生 海 締 文明 品 道。 造 泣 其 一字,風 畢 Í 路 會。 在 垢 殿 無 澤 朝 **F** 幽 辱 今 之 所 野 親 加 明

豊 唯 通引弓之俗,樹無益 利 止 彭 是 世 陽 視 祖 之寇 踐 關 阼 र्ग 之請。 武 除 帝 侍 之軌 修 或 中。 約 以 ", 招 不 時索虜 覘 廢 國 塵點之風。 馬邑之謀。 ,順之示 求 通 Ħ. 弱 र्गा 交易爽議,旣應深杜 故 無 上 有 明柔遠 詔 餘 奉臣 則 經 博議 距 略 而 不 觀 莊議 足則 釁 和約詭論, 二日,日 閉 有 關 足 臣 表 愚 何 强 尤宜 以 爲 爲 屈 且 固 獯 冠 漢 絕 帶 文 獫 之 和 棄 臣庸 邦,

管多蔽,豈識國儀,恩誘降逮,敢不披盡。」

誕 便 克日 時 驃 下船。 騎 將軍竟陵王誕當 莊以:「丞相 既無入志,驃騎發便有期, 爲荆州,徵丞相 、荆州刺史南郡王義宣入輔,義宣固辭不入,而 如似欲相逼切,於事不便。」世祖乃

申誕

發日,義宣

|竟亦不下。

祿位者,尤不 廢 貴 法 戚競利, 申恩,便爲令有所屈。 上始踐阼,欲宣弘風則,下節儉詔書,事在孝武本紀。 興貨廛肆者, 宜與民爭利,不 悉皆禁制』。 此處分伏願深思,無緣 審可得在此詔不?拔葵去織,實宜深 此實允愜民聽。其中若 明韶旣下,而 莊慮此制不行, 有犯違,則應依 聲實乖 弘 爽。 又言曰:「詔云 臣 愚謂大臣在 制裁糾。 若

祖 因 孝 [宴集, 問劍所在, 答曰: 「昔以與魯爽別, 竊爲陛下杜郵之賜。」上甚說, 當時以爲知 建 元年,遷左衞將軍。 初,世祖嘗賜莊 寶劍,莊以與豫 州 刺 史魯爽送別。 爽後反叛,

于時搜才路陿,乃上表日

言廝 懷, 用 輿 臣 能 聞 觀 道 功 謠 臻 照 無積、化 仄遠 千里 斯實 一,非 至 特燭 一恭己。 辰 階告平,頌聲方製。 車之珍 伏惟);德柔鄰國,豈徒秘璧之貴。[三]故詩稱殄悴,誓述 陛 下膺慶 集圖 臣竊惟隆陂所漸, 门締字 開 縣,夕 爽選政 治亂之由, 景 日 何嘗不興 調 風、采

器,其可得乎。昔公叔與僎同升,管仲取臣於盜,趙文非親士疎嗣,祁奚豈諂讎比子, 致魏輔,應侯任二士而已捐秦相,白季稱冀缺而疇以田采,張勃進陳湯而坐以褫爵。 茹茅以彙,作範前經,舉爾所知,式昭往牒。

且自古任薦,賞罰弘明,成子舉三哲而身 身,加以禁錮,年數多少,隨愆議制。若犯大辟,則任者刑論。 用。若任得其才,舉主延賞,至有不稱職,宜及其坐。重者免黜,輕者左遷,被舉之 此先事之盛准,亦後王之彝鑒。如臣愚見,宜普命大臣,各舉所知,以付尙書,依分銓 不遇,用與不用耳。今大道光亨,萬務俟德,而九服之曠,九流之艱,提鈞懸衡,委之選 起於徐、沛、受籙白水,茂異出於荆、宛。寧二都智之所產,七隩才之所集,四實遇與 之律,未闡當今。 一人之鑒易限,而天下之才難原,以易限之鑒,鏡難原之才,使國罔遺授,野無滯

薪之歌克昌。臣生屬亨路,身漸鴻猷,遂得奉詔左右,陳愚於側,敢露芻言,懼氛恒典。 載,或就加恩秩,或入崇輝寵。今莅民之職,自非公私必應代換者,宜遵六年之制,進 **獲章明庸墮,退得民不勤擾。如此則下無浮謬之愆,上靡棄能之累,考績之風載泰,槱** 又政平訟理,莫先親民,親民之要,實歸守宰,故黃霸治潁川累稔,杜畿居河東歷

有詔莊表如此,可付外詳議,事不行。

其年,拜東部尙書。莊素多疾,不願居選部,與大司馬江夏王義恭牋自陳,曰:

當有心於崇達邪。頃年乘事回薄,遂果饕非次,旣足貽誚明時,又亦取愧朋友。前以 聖道初開,未遑引退,及此諸夏事寧,方陳微請。 欵志未伸,仍荷今授,被恩之始,具披 寸心,非惟在己知尤,實懼塵穢彝序。 下官凡人,非有達概異識,俗外之志,實因羸疾,常恐奄忽,故少來無意於人間,豈

當之信自苦劇。若才堪事任,而體氣休健,承寵異之遇,處自效之塗,豈苟欲思閑辭事 豈是疾痊,直以荷恩深重,思答殊施,牽課尩瘵,以綜所忝。眼患五月來便不復得夜 逼心,氣餘如綖。利患數年,遂成痼疾,吸吸惙惙,常如行尸。恒居死病,而不復道者, 邪。家素貧弊,宅舍未立,兒息不免粗糲,而安之若命,寧復是能忘微祿,正以復有切 此段不堪見賓,已數十日,持此苦生,而使銓綜九流,應對無方之訴,實由聖慈問已,然 於此處,故無復他願耳。今之所希,唯在小閑。下官微命,於天下至輕,在己不能不 坐,恒閉帷避風日,晝夜惽懵,爲此不復得朝謁諸王,慶吊親舊,唯被敕見,不容停耳。 重。屢經披請,未蒙哀恕,良由誠淺辭訥,不足上感。 禀生多病,天下所悉,兩脅癖疾,殆與生俱,一月發動,不減兩三,每至一惡,痛來

列

患如 深,粗照誠懇,願侍坐言次,賜垂拯助,則苦誠至心,庶獲哀允。 必聞,亦無假居職,患於不能裨補萬 不須復議外出」。 私心實自哀愧。 來生耳。 此 家 、世無年,亡高祖四十, 553 曾祖三十二,亡祖四十七,下官新歲便三十五,加以疾 ,當復幾時見聖世, 就其中煎憹若此, 實在可矜。 但得保餘年,無復物務,少得養痾,此便是志願永畢。 入年便當更申 莫非過恩,然亦是下官生運,不應見一閑逸。 前請,以死 耳。 自固。 識淺才常,羸疾如此,孤負主上 但庸近所訴,恐未能仰徹。 前時曾啓願三吳,敕旨云「都 在衡門下有所懷 擢授之恩

三年,坐辭疾多,発官。

以爲 宣倍深文之吏,立鞫訊之法,當是時也,號稱刑清。「引陛下踐位,親臨 未洽於民謠。 弗經,亦列聖之恒訓。 大明元年,起爲都官尚書,奏改定刑獄,曰 何希冀邪。 無冤民矣。 臣聞 |明愼用刑,厥存||姬典,哀矜折獄,實暉呂命。 仰憑愍察,願不垂吝 頃年軍旅餘弊,劫掠猶繁,監司討獲,〔<〕多非其實,或規稅身咎,〔<〕不 而比囹圄未虚,頌聲尚缺。 用能化致升平,道臻恭己。 臣竊謂五聽之慈,弗宣於宰物,三宥之澤, 逮漢文傷不辜之罰,除相坐之令,孝 罪疑從輕,旣前王之格範, 若不蒙降祐,下官當於 今不敢復言此,當付之 聽 訟,億兆 公恩盼弘 相賀

列傳第四十五 謝莊

初感景緯。[10]臣近兼訊,見重囚八人,旋觀其初,死有餘罪,詳察其理,實並無辜。 則一人罰謬,坐者數十。 慮 國患,楚對之下,鮮不誣濫。 昔齊女告天,臨淄臺殞,孝婦寃戮,東海愆陽,此皆符變靈 身遭鈇鑕之誅,家嬰孥戮之痛,比伍同閈,莫不及罪,是

此等不少,誠可怵惕也。

古,兩造之察,流詠於方今。臣學闍申、韓,才寡治術,輕陳庸管,懼乖國憲 移之刺史,刺史有疑,亦歸臺獄。必令死者不怨,生者無恨。庶鬻棺之諺,輟歎於終 委二千石親臨覈辯,必收聲吞釁,然後就戮。若二千石不能決,乃度廷尉。神州統外, 名,而無研究之實。愚謂此制宜革。自今入重之囚,縣考正畢,以事言郡,幷送囚身, 舊官長竟囚畢,郡遣督郵案驗,仍就施刑。 督郵賤吏,非能異於官長,有案驗之

之美,粤帝所難。 國鈞,終貽權謗。今南北多士,勳勤彌積,物情善否,實繫斯任。官人之詠,維聖克允;則哲 柄馭下,以爵爲先,九德咸事,政典居首。銓衡治樞,興替攸寄,頃世以來,轉失厥序,徒秉 吏部尚書可依郎分置,幷詳省閑曹。」又別詔太宰江夏王義恭曰: |時親覽朝政,常慮權移臣下,以東部尙書選舉所由,欲輕其勢力,二年,下詔曰:「八 加澆季在俗,讓議成風,以一人之識,當羣品之誚,望沈浮自得,庸可致

選認 旦出,在朝論者,亦有同異。誠知循常甚易,改舊生疑。 但吏部尚書由來

此弊。 世臣相處之方,臣主生疑,所以彌覺此職,宜在降階。監令端右,足處時望,無人則闕, 月,稍加引進,而理無前期,多生慮表,或嬰艱抱疾,事至回移。官人之任,決不可闕, 稍進,本職非復重官可得,不須帶帖數過,居之盡無詒怪。 有從郎分置,視聽自改。選旣輕先,民情已變,有堪其任,大展遷回。兼常之宜,以時 異於九流。今但直銓選部,有滅前資。物情好猜,橫立別解,本旨向意,終不外宣。唯 爽,舉兵滅門,以此言之,實由榮厚勢驅,殷繁所至。 卽嗟誚滿道,人之四體,會盈有虛,旬日之間,便至怨詈,況實有假託,不由寢頓者邪。 來一去,向人已周,非有黜責,已貴難賤,旣成妨長,置之無所,盛衰遞襲,便是一段 詣不前,貧苦交困,則兩邊致患,互不相體,校之以實,並有可哀。若職置二人,則無 兼選曹樞要,歷代斯重,人經此職,便成貴塗,己心外議,咸不自限,故范曄、魯 設可擬議此授,唯有數人,本積歲

處分,會何偃致故,應有親人,故近因此施行。本意詔文不得委悉,故復紙墨具陳。 自中分荆、揚,于時便有意於此,正訝改革不少,容生駭惑。爾來多年,欲至歲下

時 河南獻舞馬,詔羣臣爲賦,莊所上其詞曰: 中。

赭,沫流朱。至於肆夏已升,采齊旣薦,始徘徊而龍俛,終沃若而鸞眄,迎調 稿,亦聯規於朱駮。觀其雙璧應範,三封中圖,玄骨滿,燕室虛,陽理竟,潛策紆,汗飛 蘅以崇躅,卷雄神於綺文,蓄奔容於帷燭,蘊籋雲之銳景,戢追電之逸足,方疊鎔於丹 紫燕。 影,躍采淵而泳質,辭水空而南傃,去輪臺而東洎,乘玉塞而歸寶,奄芝庭而獻祕。 符瑞之慶咸屬,榮懷之應必躔。月晷呈祥,乾維效氣,賦景河房,承靈天駟,陵原郊而漸 夕歸 夫蹠實之態未卷,凌遠之氣方攄,歷岱野而過碣石,跨滄流而軼姑餘,朝送日於西坂, 赴承雲於驚箭,寫秦坰之彌塵,口見狀吳門之曳練,窮虞庭之蹈蹀,究遺野之環核。若 其養安騏校,進駕龍涓,輝大馭於國阜,賁上襄於帝閑,超益野而踰綠地,軼蘭 風於北都,尋瓊宮於條瞬,望銀臺於須臾。 天子馭三光,總萬字,挹雲經之留憲,裁河書之遺矩。 五王晦其術,十氏懵其玄,東門豈或狀,西河不能傳。旣秣芭以均性,自己又佩 是以德澤上昭,天下漏泉, 露於飛鍾, 池而轢 及

列 克 日宣 **一重光,德星昭衍,國稱梁、岱佇蹕,史言壇場望踐,鄗上之瑞彰,江間之**

浮慶煙,肅 嶽 禎 闡,榮鏡之運旣臻,會昌之曆已辨,處五繇之程符,鑒羣后之薦 ,禮也。 肅雍雍,引八 於是順斗極,乘次躔,戒懸 神 而 詔 九仙。 日於昭旦, 下齊郊 而掩 命月題於上年。 配林,集嬴里 而降訪田, 典。 騑騑 翼翼 聖主將有 浦軒 泛修 事 次巘 於東 風 而

曾岫,燭神光於紫壇。 瑄璧承巒,金檢茲發,玉牒斯刊,盛節之義洽,升中之禮殫,億兆悅,精祇歡, 是以擊轅之蹈,撫埃之舞,相與而歌曰:聳朝蓋兮泛晨霞,靈之 聆萬 歲於

來兮雲漢華。山有壽兮松有茂,祚神極兮貺皇家。

邁於勛、發。 然後悟聖朝之績,號慶榮之烈,比盛乎天地,爭明 業底於告成,道臻乎報謁,巍巍乎,蕩蕩乎,民無得而稱焉。 乎日月,茂實冠於胥、庭,鴻名

又使莊作舞馬歌,令樂府歌之。

伏須 有節,盤于遊田,著之前誡。陛下今蒙犯塵露,晨往宵歸,容恐不逞之徒,妄生矯詐,臣是以 不奉旨,須墨詔乃開。上後因酒讌從容曰:「卿欲效郅君章邪。」對曰:「臣聞蒐巡有度,郊祀 加冠軍 〈神筆, 五. 年,又爲侍中,領前軍將軍。 乃敢開門耳。」改領游擊將軍,又領 ·將軍。改爲江夏王義恭太宰長史,將軍如故。六年,又爲吏部尚書,領國子博 于時世祖出行,夜還,敕開門,莊居守,以棨信或虛, 本州大中正,晉安王子勛征虜長史、廣陵太 執

士,坐選公車令張奇冤官,事在顏師伯傳。

常侍如故,諡曰憲子。所著文章四百餘首,行於世。 爲散騎常侍、光祿大夫,加金章紫綬,領尋陽王師,頃之,轉中書令,常侍、王師如故。 使知天下苦劇,然後殺之未晚也。」帝然其言,繫於左尙方。太宗定亂,得出。及卽位,以莊 之。或說帝曰:「死是人之所同,政復一往之苦,不足爲深困。莊少長富貴,今且繫之尙方, 以爲金紫光祿大夫。初,世祖寵姬殷貴妃薨,莊爲誄云:「贊軌堯門。」引漢昭帝母趙婕妤堯 仍除長史、臨淮太守,未拜,又除吳郡太守。莊多疾,不樂去京師,復除前職。前廢帝卽位, 金紫光祿大夫,給親信二十人,本官並如故。一泰始二年,卒,時年四十六,追贈右光祿大夫, 母門事,廢帝在東宮,銜之。至是遣人詰責莊曰「卿昔作殷貴妃誄,頗知有東宮不」將誅 時 北中郎將新安王子鸞有盛寵,欲令招引才望,乃使子鸞板莊爲長史,府尋進號撫軍,

長子颺,晉平太守。女爲順帝皇后,追贈金紫光祿大夫。

高 |日:「伐國,重事也,公云何乃使|王智知。」|高祖笑曰:「此人高簡,豈聞此輩論議。」 其見知 祖 甚重之,常云:「見王智,使人思仲祖。」與劉穆之謀討劉毅,而智在焉。 它日,穆之白高 王景文,琅邪臨沂人也。名與明帝諱同。祖穆,臨海太守。伯父智,少簡貴,有高名,

列

射。 元嘉 薨,追贈開府,諡曰元公。 五. 如 兵尙 此。 太宗初,以后父爲特進、左光祿大夫,又進開府儀同三司, 中,爲侍中,勤於朝直,未嘗違惰,太祖嘉之,以爲湘州 爲 .書,晉陵太守,加秩中二千石,封建陵縣五等子,追贈太常。 太尉 諮議參軍,從征 長安,留爲桂陽公義眞安西將軍司 刺史。 固 世祖大 一讓, 馬、天水太守。 父僧朗,亦以 乃加侍中、 明 末, 爲 謹實 特進。 還爲宋國 尚書左 見知。 僕 尋

夏王 當以 故爲太宗娶景文妹,而以景文名與太宗同。 一義恭 一多軍,仍度安北、鎭軍府,出爲宣城太守。 適景文,固辭以疾,故不成婚。 景文出繼智,幼爲從叔球所知。 、始興王濬征北後軍二府主簿、武陵王文學、世祖撫軍記室參軍、南廣平太守、 起家太子太傅主簿,轉太子舍人,襲爵建 美風姿,好言理,少與陳郡謝莊 高祖 第五女新安公主先適太原王景深, 齊名。 太祖 陵子。 甚 相 出 離 欽 為江 重

選,以景文及會稽孔覬 大明二年,復爲祕書監,太子右衞率,侍中。 身,及事平,頗 丞,祕書監,領越騎校尉,不拜,遷司徒左長史。 元 凶弑立,以爲黄門侍郎,未及就,世祖 見嫌責,猶以舊恩,除南平王鑠司空長史,不拜。 俱南北之望, 並以補之。 五年,出爲安陸王子綏冠軍長史、輔國將軍、江 入討,景文遣間使歸款。 上以散騎常侍舊 尋復爲左長史。 出爲 與侍-坐姊墓開不臨赴,発官。 東陽 以父在都邑,不 中俱掌獻替、欲高 太守,入爲 御 史 獲 致 其

寶曆 侍、服 丹陽 如 夏內史,行郢州事。 疏 績 散 賊 平太守。 前 左 爲 爵 不 故 衞 顯 騎常侍 廢 易於拾 率淵 帝 朝 疇 方 尹 可 太宗翦除暴主,又平四方,欲引朝望以佐大業,乃下詔曰:「夫良圖宣國,賞崇彝命,殊 闋 策) 固 啓 勝 庸 嗣 坐 乃受 一乃制 「密費 永光 與奉朝請毛法因蕭戲,得錢百二十萬,白衣領職。 卽 位 都督江 器 實 遺。」景文 勤王府。 辭 一,徙秘 位,加領 膺徽 僕 情 初,爲 開茂 義 (射)改授散騎常侍、中書令、中軍將軍,尹如故,又辭不拜。 仍出爲使 勝之術耳。」尋遷丹陽尹,僕射如故。 機 州郢州之西陽豫州之新蔡晉熙三郡諸軍事、安南將軍、江州刺史。 書監,侍中如故。 烈。 左衞 東部 ,妖徒干紀,預 安南將軍、江州 曰「敵固 又徵爲侍中,領射聲校尉,右衞將軍,曰即給事中, 風 尙 業 尚書。 書右 將軍。 韶 遠。 僕 無小,蜂蠆 景和元年,遷右僕射。 射 時六軍 並謀參軍 領 毗 刺史景文,風 以父老自解,出爲江夏王義恭太宰長史,輔國將軍、南 一扇略。 衛尉 ·戒嚴,景文仗士三十人入六門。 有毒,何可輕乎。 ·政,績亮時艱,拓宇開邑, 興宗, 宜登茅社,永 度 識懷 淹粹,理懷 遭父憂,起爲冠 詳正, 傳 諸軍當臨事而懼,好謀 厥 葬復爲侍中,領中庶子, 思局 祚。 清暢,體 通 **股澄** 敏。 軍將軍,尚書左 實 兼望 諸將咸云:「平殄小 允勳典。 氛寧樞,實 太子中庶子, 吏 部 重,誠 尙 書、領 景文可封 資 備 而成,先 込 持 節 未拜。 僕射

列

傳

第

四

+

五.

王

景

文

二一七九

夷

多

太子

州 受五 江 安 不 果 百 縣 遷。 戶。 侯 食邑八百戶,興宗可始昌縣伯,淵 史,不 頃之, 進號 鎭南將軍, 許 徴爲尚 書左僕射,領 尋給鼓 吹一 吏部,揚州刺史,加太子詹事,常侍 部。 可南城縣伯,食邑五百戶。」景文固 後 以江州當 徙鎮 南昌 一, 領 豫章 如 故。 太守, 讓,不許,乃 不 願還 餘 如

求

為

湘

州

刺

異 思 心 術 旣 罔 味 時 愧 必 之由。 又謂景文在江 非平 殊效,誓 理。 吾踰 不 唯乞平心精檢,若此 上欺 **忝轉深**, 州 明主。 ,不能潔己,景文與上幸臣王道隆 足以致謗,念此 竊聞 有 言 爲 不 其 驚 虚,便宜 貝 绵者 懼 , 何 ,云營生乃至巨萬, 能 肆 自 諸 測 市 青日:[三三] 朝 品 以 區 正 所懷,不 風 吾雖寡於行己,庶不負 素 俗。 無此 願望風容貸。 脫 其妄作, 能 日 當 忽 賜 致

自了 卿 中 鄉 元 正 基義 若 、毗 流 可 此 景文屢辭 不 有辭,更不 雖 中 作偷,猶 日 重,密邇畿內,又不 中興,豈謝 書 閑 「令耳。 地 內授, ,控帶三江,通 知誰應處之。 如不 干木,綢繆相 庶姓作揚州, 上手 作 賊。 詔譬之日 得 故 接荆 ネ 此選大備,與公卿疇懷,非聊爾也。」固辭詹事領選,徙爲中書 以密白,想爲 用 與,何後殷鐵邪? 徐干木、王休 、郢,經塗之要, 驃 「尚書左僕射, 騎,陝西任 申 啓。 要, :
元、 由 由 司 卿已經此任,東宮詹事 殷鐵 來 徒 來 有 用 以 並 重 宗 宰 處之不 鎭。 室。 相 不 如 應帶 驃騎 辭。 此, 旣 神 卿淸 則 州 去,巴陵 ず, 用 揚 ,遠遵先旨 令才 州 人 自 望, 雖 理 成 美, 應 闕 何 居之, 京京 刺 愧 職 П 休

上遣 新 除尚 書右僕射褚淵宣旨,以古來比例六事詰難之,不得已乃受拜。 又進中書監,領太子太傅,常侍、揚州如故。 景文固辭太傅,

弓長 並殺 射殺人。」一士,王字,弓長,張字也。 之,而景文外戚貴盛,張永累經軍旅,又疑其將來難信, 時太子及諸皇子並小,上稍爲身後之計, 景文彌懼,乃自陳求解揚州 諸將帥吳喜、壽寂之之徒,慮其不能奉幼主, 乃自爲謠言曰 一; 士不可親,

其婢。 求臣署入,云凡外 憂駭 此 通 補橫至,夙夜燋戰, 一镑, 人,即問郗顒, 臣凡猥下劣,方圜無算,特逢聖私,頻叨不次,乘非其任,理宜覆 且廣 臣遺李武之問儼元由,答云「使人謬誤」。 、聽察, 方知 幸無復 人通啓,先經 無地容處。 虚 託。 所聞。 比十七日晚,[11]得征 臣署。 六月中,得臣外甥女殷恒妻蔡疏,欲令其 比日忽得兗州都送迎西曹解季遜板云是臣屬,旣 于時驚怖,即欲封疏 誤之與實,雖所不知,聞此之日 南參軍 上呈, 事 謝儼 更思此家落漠, 口信,云臣使 折, 雖 兒啓聞 加恭 人 一,唯有 、謹,無 乞祿, 略 庶非 不 奪 識

非 凡走,豈可暫安。 復可防。 臣 之所 自竊 (知)便有此三變,臣所不覺,尤不 州任,倏已七月,無德 荷恩懼罪,不敢執固,焦魂褫氣,憂迫失常。 而祿,其 可思。 殃將至。 若守爵散輩,寧當招 且傅職清峻, 況臣髮醜 亢禮 说,誠 人羣,病絕力 儲 極 由 占 以臣

列

効 足以自周,久懷欣羨,未敢干請,仰希慈宥,照臣款誠。 ,穢朝點列,顧無與等,獨息易駭,慚懼難持。 伏願薄回矜愍,全臣身計,大夫之俸,

上韶答曰:

召及虜發船車,並啓班下在所,有卽駐錄。 卿偶不悉耳,多是其周旋門生輩,作其屬託,貴人及在事者,永無由知。 異。且舉元薦凱,咸由嚋諮,可謂唐堯不明,下干其政邪。悠悠好詐貴人及在事者,屬 落漠,兼謂卿是親故,希卿署,不必云選事獨關卿也。 獨 有 師,乃至州郡縣中,或有詐作書疏,灼然有文迹者。 不容都不聞。 :作其名,載禁物,求停檢校,强賣猥物與官,仍求交直,或屬人求乞州郡資禮,希蠲 去五月中,吾病始差,未堪勞役,使卿等看選牒,署竟,請敕施行。此非密事,外間 然傳事好訛,由來常患。殷恒妻,匹婦耳,閨閤之內,傳聞事復作一兩倍 但卿貴人,不容有此啓。 諸舍人右丞輩,及親近驅使人,慮 恒妻雖是傳聞之僻,大都非可駭 由來有是,何故 非徒止於京 呼

師伯 之不疑。 白衣 人居 今既省錄,今便居昔之錄任,置省事及幹童,並依錄格。 「貴要,CICI但問心若爲耳。 僕射,橫行尙書中。 令袁粲作僕射領選,而 大明之世,巢、徐、二戴,位不過執戟,權亢人主,顏 人往往不 知有粲。 粲作令來,亦不異為 粲遷爲令,居

僕射。 揚州,太子傅位雖貴,而不關朝政,可安不懼,差於粲也。 人情向疑,淡淡然亦復不改常。 以此居貴位要任,當有致憂兢理不。卿今雖作 想卿虛心受榮,而 不爲累。

於任 坐談 之淺條,存亡之要,回回巨細一揆耳。 亡不 名 毎 位 憂 足以 其 運。 貴 貴 達 身,賤者自 高 於刺客。故甘心於履危,未必逢禍,縱意於處安,不必全福。 一人以以 絓 夫千仞之木,既摧於斧斤, 有危殆之懼,卑賤有溝壑之憂,張、單雙災,木雁 數,死於溝瀆,死於塗路者,天 在懷,泰 輕,故易忘其己。 則 觸 人改容,不則行路嗟愕。 然爲教者,每誡貴不誡賤,言其貴滿好自恃也。 晉卿畢萬七戰皆獲,[三]死於牖下,蜀相 一寸之草,亦瘁於踐蹋。 (地之間,亦復 至如 何限,人不 兩失,有心於避禍,不如無 賤者,否泰 高崖之修榦,江亞與深谷 ·以係 意 不足以動人,存 但貴者自惜,故 耳 費禕從容 凡 ì

先,正 論之 惜。 頸 禍 鳥喙,可 於 襄陽 以 若乃吉凶 景和 是 此 依 而 之世 當 俙 與共憂,不可與共樂。 推 於理, 時 ', 貴 大期,正 皆羨之,謂 何必難 言可 應 人從壽陽 行 委 處,賤何必易安。 爲 而 之理 陵霄駕 爲 之耳。 一運,遭隨參差,莫不 范蠡去而全身,文種留而遇 歸 亂 鳳、遂與 朝,人皆爲之戰慄,而 得吉者是其 但人生 、義嘉 同 |也自應卑愼爲道,行已用心,務思謹 命吉, 滅 由命也。 駱宰 遇不吉者是其 乃遇 旣 洞。 見 非聖· 幼 中 主,語 今主上 興之運; 人,不能見吉凶之 人云 命 口頸,頗有越 凶 越 袁顗 以 王長 圖 近 澼 事

列

慶,人人蒙爵級;宰值義嘉染罪,金木纒身,性命幾絕。 預圖邪 王之狀,我在尚書中久,不去必危。」遂求南江小縣。 諸都令史住京師者,皆遭中興之 卿耳眼所聞見,安危在運,何可

春,上疾篤,乃遣使送藥賜景文死,手詔曰:「與卿周旋,欲全卿門戶,故有此處分。」死時年 旦晏駕,皇后臨朝,則景文自然成宰相,門族强盛,藉元舅之重,歲暮不爲純臣。泰豫元年 時上旣有疾,而諸弟並已見殺,唯桂陽王休範人才本劣,不見疑,出爲江州刺史。慮一 追贈車騎將軍、開府儀同三司,常侍、中書監、刺史如故,諡曰懿侯。

景文卒,諡曰恭世子。子婼襲封,齊受禪,國除。 胸即答曰:「草翁風必偃。」[lill]少以敏惠見知。及長,篤志好學,官至秘書丞。年二十四,先 長子絢字長素。年七歲、讀論語至「周監於二代」,外祖何尚之戲之曰:「耶耶乎文哉。」

男,食邑三百戶。爲中書、黃門郎,晉陵、義興太守,所莅並貪縱。在義興應見收治,以太后 如故。景文甚不悅,語之曰:「阿益,汝必破我門戶。」阿益者,蘊小字也。曰司事寧,封吉陽縣 爲廣德令,會太宗初卽位,四方叛逆,蘊遂感激爲將,假寧朔將軍,建安王休仁司徒參軍,令 景文兄子蘊字彥深。父楷,太中大夫,人才凡劣,故蘊不爲羣從所禮,常懷恥慨。家貧

都,停巴陵十餘日,更與攸之成謀。時齊王世子爲郢州行事,蘊至郢州,謂世子必下慰之, 下。及攸之爲逆,蘊密與司徒袁粲等結謀,事在粲傳。事敗,走鬭場,追禽,斬於秣陵市 欲因此爲變,據夏口,與荆州連橫。 爲荆州刺史,密有異志,蘊與之結厚。 於朱雀門戰敗被創,事平,除侍中,出爲寧朔將軍、湘州刺史。 故,止発官。 景文弟子字,大明末,爲海鹽令。 廢帝元徽初,復爲黃門郎,東陽太守。未之郡,值桂陽王休範逼京邑,蘊領兵 世子覺其意,稱疾不往,又嚴兵自衞,蘊計不得行,乃 及齊王輔朝政,蘊、攸之便連謀爲亂,會遭母憂,還 泰始初,天下反叛,唯||獨不同逆,官至司徒記室 蘊輕躁,薄於行業,時沈攸之

袁粲羣公方驂並路,傾覆之災,庶幾可免。 庾元規之讓中書令,義在此乎。 史臣曰:王景文弱年立譽,聲芳籍甚,榮貴之來,匪由勢至。若泰始之朝,身非外戚,與

校勘記

孝伯訪問莊及王微 列 傳 第 四 十 五 校 「王微」各本並作「王徽」,據南史改。 勘 記 按王微卒於元嘉三十年,故孝伯問

訊 及之。 參見本書卷六二王微傳校勘記第十八條。

臣聞功照千里非特燭車之珍德柔鄰國豈徒秘璧之貴 南史作「臣聞功傾魏后,非特照車之珍,

德柔秦客,豈徒秘璧之貴」。

奚取九成

七隩才之所集 南史作「七隩愚之所育」。

五 舉主延賞 「舉」各本及沅龜四七一作「據」,據南史、建康實錄改。

, . 六 **二** 亡高祖四十 按謝莊高祖謝萬,卒年四十二,見晉書。 此 云四 十,與晉書異。

「十つ 號稱刑 清 各本 並作「號令刑存」、據元龜四七一改。

監 司 討 獲 「討」各本並作「計」,據远龜四七一 改。

九九山 或規発身咎 各本並脫「身」字,據元龜四七一 補。

初威景緯 「威」各本並作「咸」,今改正。

遷右 衞將 軍. 右 衞」南史作「左衞

旣秣苣以 均性 「芭」各本並作「苞」,據藝文類聚九三改。

寫秦坰之 彌 塵 「彌」藝文類聚九三作「弭」,疑是。

右衞 將軍 「右衞」南史作「左衞」。 記

「道龍當作道隆。」按王道隆見恩倖傳。

固辭詹事領選徙爲中書令 「領選徙爲」各本並作「徙領」二字,據齊史訂正。

[14] 比十七日晚 「比」各本並作「此」,據远龜四六三改。

人居貴要 「人」各本並作「之」,據元龜四六三、通鑑宋明帝泰始七年改。

高崖之修榦 「崖」各本並作「涯」,據南史、元龜四六三改。

 Ξ 存亡之要 「亡」各本並作「止」,據元龜四六三、通鑑宋明帝泰始七年改。

晉卿畢萬七戰皆獲 各本並脫「卿」字,據元龜四六三改。

草翁 諱。 偃於絢 風 必偃 爲母舅,故南史云然。 論語原文「草上之風必偃」,南史作「草翁之風必舅」,旣爲尚之諱,又爲尚之子偃 然古人父前子名,宋書作「草翁風必偃」,并不誤。

三〕阿益者蘊小字也 「阿益」南齊書、南史作「阿答」。

宋書卷八十六

列傳第四十六

殷孝祖 劉勔

殷孝祖、陳郡長平人也。 曾祖羨,晉光祿勳。 父祖並不達。

顏師伯節度,累與虜戰,頻大破之,事在師伯傳。 用、除奮武將軍、濟北太守。入爲積射將軍。 孝祖 少誕節,好酒色,有氣幹。 太祖 元嘉末,爲奉朝請,員外散騎侍郎。 大明初,索虜寇靑州, 。還授太子旅賁中郎將,加龍驤將軍。 上遣孝祖北援,受刺 世祖以其有武 竟 陵 史

王 誕 據廣陵爲逆,孝祖隸沈慶之攻誕,又有戰功,遷西陽王子尚撫軍、寧朔將軍、南濟陰太

又遷濟南 南郡,將軍 如 故。 守。日

出爲盱眙太守,將軍

一如故。

還爲虎賁中郎將,仍除寧朔將軍、陽平東平二郡太守。

前廢帝景和 列 傳 第 四 + 元年,以本號督兗州諸軍事、兗州刺史。 六 殷 孝 囮 太宗初即位,四方反叛,孝祖外甥

朝 氣節成名,若便能控濟、河義勇,「三還奉朝廷,非唯匡主靜亂,乃可以垂名竹帛。」孝祖 助逆,羣凶事申,則主幼時艱,權柄不一,兵難互起,豈有自容之地。 辟,人無異議,泰平之隆,非旦則夕。而羣小相煽,構造無端,貪利幼弱,競懷希望。 天挺,神武在躬,曾不浹辰,夷凶翦暴,更造天地,未足爲言。 據津逕,僧韶間行得至,說孝祖曰:「景和凶狂,開闢未有, 司 徒參軍潁川萬僧韶建議銜命徵孝祖入朝,日上遣之。 廷消息,僧韶隨方酬譬,幷陳兵甲精强,主上欲委以前驅之任。 時徐州刺史薛安都遣薛索兒等屯 朝 野危極,假 國亂 朝危, 孝祖卽日棄妻子,率文武 舅少有立功之志,長以 命漏 宜立 刻。 長主, 主 上 使 公卿百 具間 聖 天 道 德

千人隨僧韶還都。

諸軍 欲 事 一遣向 普 孝祖忽至,衆力不少,並傖楚壯士,人情於是大安。進孝祖號冠軍,假節、督前鋒 天同逆,朝廷唯保丹陽一郡,而永世縣尋又反叛,義興賊垂至延陵,內外憂危,咸 虎檻、拒對南賊。 御仗先有諸葛亮筩袖鎧帽,二十五石弩射之不能入,上悉以

賜 孝

將進攻之,與大統王玄謨別,悲不自勝,衆並駭怪。 樂 爲 孝 用 祖 負其 進使持節、都督兗州青冀幽四州諸軍事、撫軍將軍、刺史如故。 誠節,凌轢諸將,臺軍有父子兄弟在南者,孝祖並欲推治,由是人情乖離, 泰始二年三月三日,與賊合戰,常以鼓 時賊據赭圻,孝祖 茣

蓋 自隨,軍中人相謂曰:「殷統軍可謂死將矣。〔四〕今與賊交鋒,而以羽儀自標顯, · ,持節、都督 手攢射,回欲不斃,得乎。」是日,於陣爲矢所中死,時年五十二。追贈散騎常侍、征 如故。 封秭歸縣侯,食邑千戶。四年,追改封建安縣,諡曰忠侯。 若善射者 孝祖子悉 北將

薛安都

所殺,以從兄子慧達繼封。

齊受禪,國除。

劉 勔 字伯猷,彭城人也。 祖懷義,始興太守。父穎之,汝南、新蔡二郡太守,征林邑,遇

疾卒。

功封 軍 守。 爲 寧朔 出 一十七年,索虜南侵,道錫遣勔奉使詣京都,太祖引見之,酬對稱旨,除寧遠將軍、綏遠太 安陸 大亭侯。 元 勔 子尚 嘉 司 少有志節,兼好文義。 馬。 末 撫 會事平, 蕭簡 除員 竟陵 軍 参 據廣州爲亂,剛起義討之,燒其南門。 外散騎侍郎。 軍 王 以本號爲晉康太守,又徙鬱林 **一**公 誕 據 廣陵 入直閣。 家貧,爲廣州增城令,廣州刺史劉道錫引爲揚烈府主簿。 爲逆,勔隨道隆受沈慶之節 孝建 先是,遣費沈伐陳檀,不克,乃除一動龍驤將軍、西江督 一初,荆、江反叛,宗慤以勔行寧朔將軍、湘東內史,領 太守。 廣州刺史宗慤又命爲軍府主簿,以 度, 大明初還都,徐州 事平,封金 一城縣五等侯。 刺史劉道隆請

列

傳

第

四

+

六

21

勔

安王子鸞撫軍 護 、鬱林太守。 中兵參軍,遭母憂,不拜。 **勔旣至,率軍進討,隨宜翦定,大致名馬,幷獻珊瑚連** 前廢帝即位,起爲 振威 將軍 理樹 、屯騎校尉 」, 上 甚 悅。 直 還除新 閤

拜。 時 厚為 固守,自始春至于末冬,薛道標、龐孟虯並向壽陽,勔內攻外禦,戰無不捷。 琰,甲仗三十人入六門,復兼山陽王休祐驃騎司馬,餘如故。 建 子 百 横塘,事在琰傳。 左 解 平王景素輔國司馬, 姓 衆 衞 生 及 馬 太宗卽位,加寧朔將軍,校尉如故。 所依。 琰 爲 率 與廣之。 ·, 公 立 開門請降,勔約令三軍,不得妄動,城內士民,秋毫無所失,百姓感悅,咸曰 碑。 封鄱 將軍王廣之求動所自乘馬,諸將帥並忿廣之叨冒,勸勔以法裁之,勔歡 復除使持節、督廣交二州諸軍事、平越中郎將、廣州刺史、日別將軍如故,不 改督益 除輔國將軍、山陽王休祐驃騎諮議參軍、梁郡太守、假節,不拜。 陽縣侯,食邑千戶。 進據梁山。 寧二州諸軍事、益州刺史,持節、將軍如故。 會豫州刺史殷琰反叛,徵勔還都,假輔國將軍 江州刺史晉安王子勛爲逆,四方響應,剛以 破琰將劉順於宛唐, 又不拜。還京都、拜太 善撫將 杜叔 帥,以寬 琰嬰城 本官 率衆 笑,即 來蘇。 寶 於 討 領

引虜 西河公、長社公攻圍輔國將軍、汝陰太守張景遠,景遠與軍主楊文萇拒擊,大破之。 琰 佐、本官 初 求 救 如 索虜,虜大衆 故。 先是,常珍奇據汝南,與琰為逆,琰降,因據戍降虜,事在琰傳。 屯據 汝南。 泰始三年,以勔爲征虜將軍、督西討前鋒諸軍事,假 至是

汝陰 遠尋病卒,太宗嘉其功,追贈冠軍將軍、豫州刺史,追封含洭縣男,食邑三百戶,以文萇代爲 寇 陷 人防運車□□千兩,[10]於汝陽臺東水上結營。元德單騎直入,斬拔首,因進攻汝陽臺,卽 五 如 米 故。 義陽,曇瓘大破之。房上其北豫州租,有車二千兩,勔招荒人,邀擊於許昌,房衆奔散,焚 外壘,獲車一千三百乘,斬首一百五十級。一國又使司徒參軍孫曇瓘督弋陽以西,自己會房 百,寇武津縣,勔遣龍驤將軍曲元德輕兵進討,印房衆驚散。 太守。 四年,除侍中,領射聲校尉,又不受。 進號右將軍。 除動右衞將軍,仍以爲使持節、都督豫司二州諸軍事、征虜將軍、豫州刺史,餘 其年,虜遣汝陽 **虜子都公閼于拔** 司馬 趙懷仁步騎 又率三百

淮 西 人賈元友上書太宗,勸北攻懸瓠,可收陳郡、南頓、汝南、新蔡四郡之地。 上以其

所陳示勵,使具條答。 動對日

境,自己盤據州郡,百姓殘亡。 友又云「虜於 遑,滅虜未及。 一萬 人歲食米四十八萬斛,五年合須米二百四十萬斛,旣理 元友稱:「虜主幼弱,姦偽競起,內外規亂,天亡有期。」 臣以爲獯醜侵縱,蹈藉王 懸 元友又云:「有七千餘家,穀米豐積,可供二萬人數年資儲。」臣又以爲 瓠 開驛保, **虜已先據,若不足恃,此不須缺」。俱是攻城,便應先圖懸** 去冬衆軍失耕,今春連城圍逼,國家復境之略,實有 不容有,恐事難稱言。 不

列

爵,便 理相 叉未足恃。萬餘之言,似不近實。 之宜,唯 前 臣 斷 其剋捷,不知足南抗懸瓠,北捍長社與不?且賊擁據數城,水陸通便,而今使官以二千 經蠻接嶮,數百里中,裹糧潛進,方出平地,攻賊堅城,自古名將,未有能以此濟者。假 瘫 驅略車營,翻還就賊,蓋是戀本之情深,非報怨之宜,何可輕試。元友又云:「請敕荆、 開立驛道,據守堅城,觀其形候,不似蹙弱。可乘之機,恐爲難驗。元友又云:「四郡民 民,民非異計。 所 又以爲景遠兵力寡弱,不能自固,遠遣救援,方得少剋。今定是爲賊所畏不?景遠 [其資運,於事爲難。 元友又云:「虜圍逼汝陰,遊魂二歲,爲張景遠所挫,不敢渡淮。」 (`,遭虜二十七年之毒,皆欲雪讎報恥,伏待朝威。」 臣又以爲垣式寶等受國重恩,今猶 兩州,遣二千精兵,從義陽依西山北下,直據郾城。」臣又以爲郾城是賊驛路要戍,且 何更越先取鄽,以受腹背之災。且七千餘家豐積,而虜猶當遠運爲 背,莫復過此。元友又云「龍山雉水,魯奴、王景直等並受朝爵,馬步萬餘。 推傷,裁至數百,廣步騎四萬,猶不敢前,而今必勸國家以輕兵遠討,指掌可克,言 卽 須 逃 敕 遁,殊類姦猾,豈易闇期。 命。」臣以爲 元友又云:「虜欲水陸運糧,以救軍命,可襲之機,在於今日。」臣又以爲 魯奴與虜交關,彌歷年世,去歲送誠朝廷,誓欲立功。 元友又云:「四郡恨忿此非類,車營連結,廢田二載, 兼王景直是一亡命,部曲不過數十人,旣不可言, 是威不制 自蒙榮 進討

生業已盡,賊無所資,糧儲已罄。斷其運道,最是要略。」臣又以斷運須兵,兵應資食,

而當此過懸瓠二百里中,使兵食兼足,何處求辦。

威,徒失兵力,虛費金寶。凡此之徒,每規近說,從來信納,皆詒後悔。界上之人,唯視 强弱,王師至境,必壺漿候塗,裁見退軍,便抄截蜂起。 首領回師,何嘗不爲河畔所弊。 臣竊尋元嘉以來,傖荒遠人,多干國議,負儋歸闕,皆勸討虜。 魯爽誕說,實挫國

太宗納之,元友議遂寢。

守,安陽縣男,式寶輔國將軍、陳南頓二郡太守,眞陽縣男,食邑三百戶。 軍南出,虜追擊破之,珍奇走依山,得至壽陽,超越、式寶爲人所殺。 司州刺史,汝南新蔡縣侯,自己食邑千戶,超越輔國將軍、北豫州刺史,潁川汝陽□□三郡太 三千餘人。勔馳驛以聞,太宗大喜,以珍奇爲使持節、都督司北豫二州諸軍事、平北將軍、 動與常珍奇書,勸令反虜,珍奇乃與子超越、羽林監垣式寶,於譙殺虜子都公費拔等凡 珍奇為廣所攻,引

偏示朝臣,自尚書僕射袁粲以下,莫不稱**贊**,咸謂宜許。上曰:「巴陵、建平二王,並有獨往 故,不拜。其年,徵拜散騎常侍、中領軍。」勔以世路糾紛,有懷止足,求東陽郡。上以勔啓 五年,汝陰太守楊文萇又頻破虜於荆亭及戍西。詔進勔號平西將軍、豫州刺史,餘如 若世道寧晏,皆當申其所請。」勔經始鍾嶺之南,以爲棲息,聚石蓄水,彷彿丘中,朝

節 中、軍號, 右 士 僕射、江三中領軍如故,給鼓吹一部。 、都督南徐兗靑冀□五州諸軍事、平北將軍、□□□ 愛素者,多往游之。 許之,以爲假平北將軍。 六年,改常侍爲侍中。 七年,解都督、假號、幷節。 廢帝卽位,加兵五百人。 其年,南兗州刺史齊王 侍中、中領軍如故, 太宗臨崩、顧命以爲守尚書 |出鎭淮陰,以||勔爲使持 出鎭廣陵。 固辭侍

逆蕃 昔王允 有捐 置佐史,鎮扞石頭。旣而賊衆屯朱雀航南,右軍王道隆率宿衞向朱雀,聞賊已至, 勔 事 可 勔 輕 平,詔曰:「夫義實天經,忠惟人則,篆素流采,金石宣煇,自非識洞情靈,理感生極,豈 贈散騎常侍、司空,本官、侯如故,諡 任 思懷亮粹,體業淹明,弘勳樹績,譽洽華野。 軀 扇 重,災眚必及,天道密微,避豈得免。」桂陽王休範爲亂,奄至京邑,加勔使持節、領軍, 動至,命閉航,道隆 元徽初,月犯右執法,太白犯上將,或勸勵解職。 秉 洞"逼 衞主,CIKJ舍命匡朝者哉。 誠 // 木壺: 漫京. 一峻節 甸,援桴誓旅,奉律行師。 均均 不聽,催動渡航進戰。率所領於航南戰敗,臨陳死之,時年五十七。 風往德,歸茂先軌。 故持節、鎭軍將軍、守尚書右僕射、中領軍鄱陽縣開 日 忠昭公。」 身與事 泉途就永,冤逝無追,思崇徽策,式光惇史。 綢繆顧託,契闊 滅,名隨 勔曰:「吾執心行己,無愧幽明。 操遠。 屯夷,方倚謀 朕 用傷悼,震慟于厥 献,翌康帝道。 急信召 國侯 若才 نار

子悛嗣,順帝昇明末,爲廣州刺史。齊受禪,國除。

機、雲爲戮上國。 史臣曰、吳漢平蜀,城內流血霑踝,而其後無聞於漢。 劉勔克壽春, 士民無遺芻委粒之歎,莫不扶老攜幼,歌唱而出重圍,美矣。 陸抗定西陵,步氏禍及嬰孩,而

校勘記

尚以撫 遷西陽王子尙撫軍寧朔將軍南濟陰太守 軍將軍都督南徐、 | 一州 | 南濟陰即南徐州屬郡。 錢大昕廿二史考異云:「撫軍下當有脫 孝 祖 蓋爲撫軍府僚佐, 文。 而帶南 是時子 濟 陰

韶一。 按荀氏潁川大族、疑南史作「荀」是。

孝祖外甥司徒參軍潁川葛僧韶建議銜命徵孝祖

入朝

「葛僧韶」元龜三七一同。

南史作「荀僧

太守。」

= 若便能控濟河 義勇 各本 並脫「河」字,據南史補。 濟,濟水 河、黄河。

四 殷統軍可謂死將矣 各本並脫「將」字,據南史、 建康實錄、御覽三一二引、元龜三九四及四五

、通鑑補。

列 傅 第 四 + 六 校 勘 記

- 万五 若善射者十手攢射 「十手」各本並作「十士」、據南史、建康實錄、御覽三二三引改。
- . ☆ ∪ 除西陽王子尙撫軍參軍 各本並脱「參軍」二字,據南史補。
- - 復除使持節督廣交二州諸軍事 平越中郎將廣州 刺史 各本並無「將」字,按百官志, 有「平越中

郎將」,無「平越中郎」,今補「將」字。

- [八] 拜太子左衞率 南史作「太子右衞率」。
- プルリ 耐造龍 驤將軍 曲 元德輕兵進討 「曲元德」通鑑宋泰始四年作「申元德」。
- (10) 虜子. 都公閼于拔又率三百人防運車□□千兩 「子都公」通鑑宋泰始四年作「于都公」。
- 勔叉 當 作 使 曇 瓘 司 徒 ۰, 參軍孫曇瓘督弋陽以西 按胡注是,今改正。 下出「臺瓘」,弁改。 孫曇 瓘」各本並作 「孫臺瓘」。 胡三省通鑑注云 臺瓘
- [1] 蹈藉王境 「蹈」各本並作「乘」,據通鑑宋泰始四年改。
- 汝南 新 蔡 縣侯 孫彪 宋書考論云:「汝南下當有『太守』二字。」
- 以勔 爲 使持節 都督南 徐兗青冀 五 州 諸 軍 事平 北 將 軍 按五 州數之祇 四州 少 一 州。 疑闕

「徐州」,當補於「南徐」之下。

- [1五] 顧命以爲守尚書右僕射 各本並脫「爲」字,據兩史補。
- 豈有捐軀 衞主 軀」各本並作「驅」。 襲道耕蛛隱廬日箋 云:「驅當作軀。」按龔說是,今改正。

宋書卷八十七

列傳第四十七

蕭惠開 殷琰

汝南 史,徙汝陰王友,又爲南徐 緝 迎 趣 和 時俗,緝外內之歡。 與 少有風 周 人多不同,比肩或三年不共語。外祖光祿大夫沛郡劉成戒之曰:「汝恩戚家子,當應 ,甚如慈旨。 蕭惠開,南蘭陵人,征西將軍思話子也。初名慧開,後改慧爲惠。 朗 同官友善,以偏奇相尚。 氣,涉獵文史,家雖貴戚,而居服簡素。 但不幸耿介,恥見作凡人,畫龍未成,故遂至於多忤耳。」轉太子舍人。 如汝自業,將無小傷多異,以取天下之疾患邪。」惠開曰:「人間宜 州別駕,中書侍郎,江夏王義恭大將軍大司馬從 轉尙書水部郎,始興王濬征 初爲秘書郎,著作並名家年少,惠開意 北府主簿,南徐州治中從事 事 中 郞 將 與 相

孝建元· 列 傳 年, 第 四 自太子中庶子轉黃門侍郎,與侍中何偃爭積射將軍 + 七 簫 惠 開 徐沖 二一九九 之事。 偃任遇甚

除 毎 隆 悲 在 臣 臣 中庶 一思懷 加加 一,由 宥。 議 嫌 但 專載 此件旨, 不 謂 責 子。 臣 順 不 有 己辭。 能 及 侍中,臣有 可 見惠 别 謝 申 ·, 故 敕 愆 雖天 右職 開 有 聊設微異。 自 司 其咎 照 以屬 解 ,改意重 廣 表,自歎 當 臨, 疾多,発惠開官。 而行之,不知何過。 竟未見察臣理,違顏咫尺,致茲壅濫,則臣之受劾,蓋 臣,刺骨鑠金,將在 偃恃恩使貴,欲使人靡二情,便訶脅主者,手定文案,割落 日「見子不 幸與 思話素恭謹,操行與惠開不同,常以其 且議之不允,未有 、周朗周旋、理 「朝夕,乞解所忝,保拙私庭。」時偃 應 如 此。」 、彈科,省心揆天,了 杖之二百。 (峻異) 尋重 寵 何 方 知 足

供僧 宅,名日 安王子鸞冠軍長史,行吳郡事。 長史、寧朔 而 兄弟 衆。」 父艱 甚 禪鄉 多 由 將軍 居居 此 ,

若使全關一人, 寺 國秩不 .喪有孝性,家素事佛,凡爲父起四寺, 、襄陽 ,京口墓亭,名曰 復下 太守,行 均。 則在 雍 服除, 州 禪亭寺,所封 惠開妹當適桂陽 我 州 所讓。 府 除 事 司 徒 若使人 善於 封 左 陽 長 爲 王休範,女又當適世祖子,發遣之資,應須 縣, 人等分,又 史。 政 名曰 南岸 威 大 行禁 明 禪 南岡下, 事 封 止 年, 可 寺。 悲恥。 出爲 襲封 名曰禪岡寺, 謂 或 封 海 僚 寺衆旣 陵王 陽 日:一 縣 休茂 侯。 封秩 立 曲 還 饲 自 北 盖 舊鄉 宜 H 新 郎 悉

殊有所震。」及在任,百僚畏憚之。八年,入爲侍中。 徙御史中丞。 二千萬。 乃以爲豫章內史,聽其肆意聚納,由是在郡著貪暴之聲。入爲尚書吏部郎,不拜, 世祖與劉秀之詔曰:「今以蕭惠開爲憲司,冀當 韶曰:「惠開前在憲司、奉法直繩,不阿 稱職。 但一往服領,〇〇已自

權戚,朕甚嘉之。可更授御史中丞。」母憂去職

人 人東下,爲巴東人任叔兒起義所邀,欣壽敗沒,陝口道不復通。 晉安世祖之穆,其於當壁,並無不可。但景和雖昏,本是世祖之嗣,不任社稷,其次猶多。 將軍,又進平西將軍,改督爲都督。晉安王子勛反,惠開乃集將佐謂之曰:「湘東太祖之昭, 柯、越嶲以爲內地,綏討蠻、濮,闢地徵租,聞其言者,以爲大功可立。 太宗卽位,進號冠軍 持節、將軍如故。 吾奉武、文之靈,兼荷世祖之眷,今便當投袂萬里,推奉九江。」乃遣巴郡太守費欣壽領二千 步出梁州,又為氐賊楊僧嗣 起爲持節、督靑冀二州諸軍事、輔國將軍、靑冀二州刺史,不行。 惠開素有大志,四至蜀,欲廣樹經略,善於述事,對賓僚及士人說收牂 所斷。 更遣州治中程法度領三千 改督益寧二州刺史,

尋平,蜀人並欲屠城,以望厚賞。 反,[三]於是諸郡悉應之,並來圍城。城內東兵不過二千,凡蜀人惠開疑之,皆悉遣出。 先是 惠開爲治,多任刑誅,蜀土咸懷猜怨。 惠開每遣軍出戰,未嘗不捷,前後 及聞欣壽沒,法度又不得前,晉原一 所摧破殺傷不可勝計。 郡遂 子勛

列傳

使蜀,具宣朝旨。 外衆逾合,勝兵者十餘萬人。時天下已平,太宗以蜀土險遠,赦其誅責,遣惠開弟惠基步道 惠基旣至涪,而蜀人志在屠城,不欲使王命遠達,遏留惠基不聽進。

率部曲破其渠帥馬興懷等,然後得前。 惠開奉旨歸順,城圍得解。

之,生禽寶首,囚於成都縣獄。所遣使至,上使執送寶首,除惠開晉平王休祐驃騎長史、南 曰:「須賊破路開,便躍馬馳去。」遣宋寧太守蕭惠訓、別駕費欣業萬兵並進,回與戰,大破 之欲戰,本在通使,使若得通,則誠心達矣。」乃作啓事,具陳事情,使腹心二人帶啓,戒之 相距,何以自明本心。」惠開曰:「今水陸四斷,表啓路絕,實首或相誣陷,謂我不奉朝旨。 十萬人。 起,凡諸離散者,一時還合。渠帥趙燕、句文章等,與寶首屯軍于上,去成都六十里,衆號二 時太宗遣惠開宗人寶首水路慰勞益州,寶首欲以平蜀爲功,更獎說蜀人,於是處處蜂 惠開欲遣擊之,將佐咸曰:「攻破蜀賊,誠不爲難。但慰勞使至,未獲奉受,而遣兵

意 共 人曰:「隨我上,豈可爲張悅作西門客邪。」惠開自蜀還,資財二千餘萬,悉散施道路,「於 趣不常皆如是。先劉瑀爲益州,張悅代之,瑀去任,凡所攜將佐有不樂反者,必逼制將還, 事 不厚,以爲隨其同上,不能攜接得還,意恥之,廐中凡有馬六十匹,悉以乞希微償責,其 初,惠開府錄事參軍到希微負蜀人債將百萬,四爲責主所制,未得俱還。 惠開與希微 郡太守。

不拜。

泰始四年,還至京師。

一無所留。

答者。 能詣 開 京 舟力甚盛,不知爲誰,遣 口 請假還都,相逢於 己,戒勒部下:「蔡會稽部伍若借問,愼不得答。」 五. 年,又除桂陽王休範征北長史、南東海太守。 曲 河 人歷舫訊, 惠開 先與興宗名位略同,又經情款,自以負釁摧 惠開有舫十餘,事力二三百人,皆低頭直去, 其年,會稽太守蔡興宗之郡,而惠開自 惠開素嚴, 自下莫敢違犯。 屈 慮 興宗 無 興宗不 見惠

胸 軍、南郡 得 志,寺 懷 惠開與諸弟 復爲晉平王休祐驃騎長史,太守如故。 雖 太守,未拜,七年卒,時年四十九。 壽 內所住 百 歲,猶爲天也。」發病 一齋前 並 不 ,有嚮種花草甚美,惠開 睦,惠基使益州, 歐 血 一,吐 逐不相見。 如肝胏者甚多。 子叡 悉剗除,列 六年,除少府,加給事中。 嗣 與同 ,齊受禪,國除 產弟惠明亦著嫌隙云。 種 白楊樹。 除巴陵王 毎謂 一休若征 惠開素剛,至是益 人曰:「人生不 西長史、寧朔將 得行 不

殷琰,陳郡長平人也。父道鸞,衡陽王義季右軍長史。

琰少 爲 太祖 所知 見遇 與 琅邪 王景文相埓。 初爲江夏王 一義恭征北行參軍 始興王濬後

計數,欲進退保全,故不還都邑。 軍 王 屬,丹陽丞,尚書左丞,少府,尋陽王子房冠軍司馬,行南豫州,隨府轉右軍司馬, 臨海王子頊爲冠軍將軍、吳興太守,以琰爲錄事參軍,行郡事。 主簿, 休若左軍 出爲鄱陽 司馬 、晉熙太守,豫州治中從事史, 事平, 坐繫尙方, 頃之被宥。 廬陵內史。 臧質反, 除海 復爲豫州別駕, 陵王國郎中令, 棄郡奔北皖。琰性有 又徙巴陵 太宰戶曹 不拜

参軍 仍 受制 瑗 琰長史,殿中將軍劉順爲司馬。 反,即以琰督豫司二州南豫州之梁郡諸軍事、建武將軍、豫州刺史,以西汝陰太守龐道隆 太守龐 ·杜叔寶、「t)前陳南頓二郡太守皇甫道烈、道烈從弟前馬頭太守景度、前汝南潁川二郡 府州事。 弋陽 於 琰令還。 前 叔寶等。 天生、前睢陽令夏侯季子等,並勸琰同逆。 廢帝永光元年,除黃門侍郎,出爲山陽王休祐右軍長史、南梁郡太守。 太守卜天生據郡同逆,斷梁州獻馬得百餘匹。 二人至,即與叔寶合。 太宗泰始元年,以休祐爲荆州,欲以吏部郎張岱爲豫州刺史。 太宗遣冗從僕射柳倫領軍助、四驃騎大將軍山陽王休祐 順勸琰同子勛。 叔寶者,杜坦之子,旣土豪鄉望,內外諸軍事 琰家累在京邑,意欲奉順,而土人前右 **啖素無部曲,門義不過數人,無以自立,** 邊城令宿僧護起義斬天生,傳首京 又遣中兵參軍鄭 會晉安王子勛 休祐入朝,琰 並專之。 軍

邑、太宗嘉之,以爲龍驤將軍,封建興縣侯,食邑三百戶。時綏戎將軍、汝南新蔡二郡太守

虯 周 卽 《矜起義於懸瓠,收兵得千餘人。 爲 日 斬 司 州 矜 刺史,領隨郡太守,孟虯不受命,起兵同子勛。 ,送首詣顗,顗以珍奇爲汝南 袁顗 、新蔡二郡 造信 誘於司馬汝南人常珍奇,「己以金鈴爲信,珍奇 太守。 子勛召孟蚪出尋陽,而以孟蚪子定 太宗追贈矜本官 ,以義陽 內史 ~龐孟

光

行

義

陽

郡

事

數郡 爲 山陽 休祐 太宗 王 杜 叔寶 **知琰逼** 休祐驃騎參軍 步入朝,家內猶分停壽陽,琰資給供贈,事盡豐厚。 求琰上佐, 迫土人, . 龐道 事不獲已, 猶欲羇縻之。 子勛遣使以琰爲輔國將軍、梁郡太守, 隆慮其爲禍, 乃請奉表使尋陽, 以琰兄前中書郎瑗爲司徒右長史,子邈 琰即以叔寶爲長史、梁郡太 後又加 豫州 ,假節督南 豫

段 攻 時 頭 所 勔 輔 僧 進 徐 太守王 用 愛、龍 象 州 軍 之,輔之敗走。 小峴。 年正月,太宗遣輔國將軍劉勔率寧朔將軍呂安國西討,休祐出鎭歷陽,爲諸軍總統 縣令許道蓮 刺 廣元,以 .史薜安都亦據彭城反,募能生禽琰、安都,封千戶縣侯,賜布絹各二千匹。 二月, 驤 將軍姜產之馬步三軍 初,合肥戍主、南汝陰太守薛元寶委郡奔子勛,前太守朱輔之據城歸順,琰遣 回 亦率二百人歸降, 琰以前 爲 龍 驤 岩石軍 將 軍。 多軍裴季爲南汝陰太守,[10]季又歸順,太宗卽 助 淮西人前奉朝請鄭墨率子弟部曲 勔 太宗 討琰。 以爲馬頭太守。三月,上 義軍 主黃回募江 西楚人千餘,斬 又遣寧朔將軍劉懷珍、 及 淮右 郡 子勛 起義於陳 而 授之。琰 所置馬 郡

列

城,四百年,太宗 以爲司州刺史,後虜寇淮西,戰敗見殺,追贈冠軍將軍

兵。 宗又遣太尉司馬垣閎率軍來會,自己步兵校尉龐沈之助裴季戍合肥。初,淮南人周伯符說 慈孫等爲伯符所敗,並投水死。 中兵參軍段僧愛交矟鬭,僧整刺僧愛,殺之,追贈屯騎校尉。 起、前部賊曹參軍甄澹等五人委勔奔順,順因此出軍攻勔。順幢主樊僧整與臺馬軍主驃騎 倫 節度,而 率衆軍並進,去順數里立營。 不同,順不能獨進,乃止。 珍奇所置弋陽太守郭確遣 是月,劉順、柳倫、皇甫道烈、龐天生等馬步八千人,東據宛唐,自己去壽陽三百里。 以皇甫道烈、土豪柳倫,臺之所遣,順本卑微,不宜統督,唯二軍不受命,至是道烈、 旣而動營壘漸立,不可復攻,因相持守。四月,勔錄事參軍王 在道遇雨,且始至,壘塹未立,順欲擊之。時琰所遣諸軍並受 太宗以伯符爲驃騎參軍。 將軍郭慈孫擊伯符於金丘,琰又遣中兵參軍杜叔寶助之。 僧愛勇冠三軍,軍中並懼。 勔 太

在彼糧將竭,我食有餘耳。若使叔寶米至,非唯難可復圖,我亦不能持久。 國 盡,報叔寶送食,叔寶乃發車千五百乘載米餉順,自以五千精兵防送之。「劉順精甲八千,而我衆不能居半,相持旣久,强弱勢殊,苟復推遷,則無以自立,所賴 叔寶本謂臺軍停住壓陽不辦進,順等至,無不瓦解,唯齎一月日糧。 **勔聞之,軍副呂安** 旣與勔相持,軍食 今唯有間道襲

等欲乘勝擊之,安國曰:「彼將自走,不假復擊。」退軍三十里止宿,夜遣騎參候,叔寶果棄米 倍,合戰,便破之,於陣殺仲懷,仲懷所領五百人死盡。」叔寶至,而仲懷及士卒伏尸蔽野,回 叔寶不至,將士並欲還。 車奔走。安國卽復夜往,燒米車,驅牛二千餘頭而還。劉順聞米車見燒,叔寶又走,五月一 後,政三二里間,比吾交手,何憂不至。」卽便前戰,回所領並淮南楚子,天下精兵,衆力旣 等相會。 晚。」叔寶果至,以米車爲函箱陣,叔寶於外爲遊軍,幢主楊仲懷領五百人居前,與安國、回 國及軍主黃回等,間路出順後,於橫塘抄之。 其米車,出彼不意,若能制之,將不戰走矣。」一動以爲然,乃以疲弱守營,簡選千百精手,配安 日夜、衆潰、奔還壽陽、仍走淮西就常珍奇。 動於是方軌而進。 仲懷部曲並欲退就叔寶,幷力擊安國。仲懷曰:「賊至不擊,復欲何待? 安國曰:「卿等旦已一食,今晚米車不容不至。 安國始行,計叔寶尋至,止齎二日熟食,食盡, 若其不至, 夜去不 且統軍在

千,欲破航,幷栅斷小峴埭,回擊大破之,焚其船栅 叔寶斂居民及散卒,嬰城自守。動與諸軍分營城外,黃回立航渡肥水,叔寶遣馬步三

款,猶有惻然。 近者之事,當是劫於凶豎,不能守節。今大軍長驅,已造城下,勢孤援絕,禍敗交至,顧昔情 体祐與琰書曰:「君本文弱,素無武榦,是遠近所悉,且名器清顯, 不應復有分外希覬。 聖上垂天地之仁,開不世之澤,好生惡殺,遐邇所聞。 顧琛、王曇生等皆軍

敗 膾,身膏斧鑊,妻息幷盡,老兄垂白,東市受刑邪。幸自思之。信言不爽,有如皎日。」 而欲自固乎。 进走,披草乞活,尚蒙恩恕,晏處私門。今神鋒所臨,前無橫陳,況窮城弱衆,殘傷之餘, 若開門歸順,自可不失富貴,將佐小大,並保榮爵。 何故苟困士民, 自求齎

唐,計 申,三方蹙弱,勝敗之勢,皎然可覽。 信概夙昭,附戾從違,猶見容養。 平,扶危拯急,實冠終古。 而四方持疑,成此乖逆,資斧所臨,每從偃簡。 庶,[18]咸願一匡。予職在直衞,目所備覩。主上神機天發,指麾克定, 橫流塗炭, 一朝太 杜塞,遂殘毀陵廟,芟刈百僚,縱毒窮凶,靡有紀極。 于時人神回 遑,莫能自保,中外 喪,沒有餘 肆武,究法 失國信於 百代以來,未有弘恩曲宥,乃至於此。 上又遣王道隆齎詔宥琰罪。勔又與琰書曰:「昔景和凶悖,行絕人倫,昏虐險穢,諫諍 由 劉順,退衆閉城,當時未了。 州 責。 極刑,將恐貴門無復祭祀之主,墳壟乏掃灑之望,進謝忠臣,退慚孝子, 扶力略白、幸加研覽。」 以足下明識淵 見,想必不俟終日。 賢兄長史,階升清列,賢子參軍,亦塞 過蒙朝恩,謬充將帥,蚤承風素,情有依然。 王御史昨至,主上敕、驃騎教、賢兄賢子書,今悉遣送。 且朝廷方宣示大義,惟新王道,何容摽虚 如其孤背亭毒,弗忌屠陷者,便當窮兵 國網。 足下以衣冠華胄, 間者進軍宛 辭於士女, 今皇威遠 名實兩 1:

琰本無反心,事由力屈,叔寶等有降意,前後屢遣送誠牋,而衆心持疑,莫能相一,故歸

順之計,每多愆塞,嬰城愈固。

解壽 築長 門,乃率所領 勝進軍向 見 殺 弋陽 陽 圍 逐 始 之 重 壽陽。 合。 圍。 西 其 山蠻 開 城。 常珍奇又自懸瓠遣三 田 初, 益 田 門掩襲動, 定光 之率蠻衆萬餘人攻 益之起義,攻郭確於弋陽,以益之爲輔國將軍,督弋陽西山事。 常 求救於子勛,子勛 珍奇遣周當、垣式 入其 營, 一千人拨定光,屯軍 動逃避得免,式寶得 龐定光 以定 寶率數 光父孟虯 於義陽, 百 1人送仗 柳水。 定光遣從兄文生拒之, 爲司州刺史, 勔 與琰。 衣 帽 益之不戰,望 而 式寶驍 去。 率精兵五 勇絕衆,因 風奔散。 爲益 千救 一之所 義陽 六月,勔 孟 留 亭北 虯 外幷 乘

土,擲 車、三型撃之以石 法 進攻,必先 三寸。 進 復 勔 以 獻 於 塞 計 勔 是乃竪長 動,擲 攻樓,樓 乃作 ,以鐵珠子 者如 車 大 圍,治攻 蝦 頹 悉 雲,城 落,旣傷 蟆 灌 破 之,珠 壞 車 道於 內乃以 載 將 士, 子 東 士, 流滑 南 火箭射 牛皮蒙之,三百 叉使 角,幷塡塹。 ,悉緣隙得入,草於是火 人情 之,草未及 沮 遠。不 東南 人推 燃,後土 如先自毁之。」從 角有 빓 塞 高 一續至, 燃二 塹。 樓, 隊主趙法進計曰。「外若 琰戶曹參 日間 二日, 其言。 草盡。 塹 軍 虞 塹 便 勔 挹 中 欲 用 之造 滿。 草 土 茅苞 不 碻 趙 過

劉胡 遣 初 其 廬 輔 江 國 太守 將 軍 王子 薛 道標渡江煽動羣蠻,規 仲 棄郡 奔尋陽, 廬江 人起義, 自廬江掩襲歷陽, 休祐 遣員 外散騎侍郎 悠之衆 弱, 退保 陸 悠之 譙城。 助 之。CC 司徒

副呂興壽與安國有舊,率所領降。 七月、龐孟虯至弋陽、剛遣呂安國、垣閎、龍驤將軍陳顯達、驃騎參軍孟次陽拒之。 建安王休仁 義陽,義陽已爲王玄謨子曇善起義所據,乃逃於蠻中。 遺參軍沈靈寵馳據廬江,道標後一日方至,悠之自譙城來會,因與道標相持 安國進軍,破孟虯於蓼潭,義軍主陳肫又破之於汝水,孟 淮西人鄭叔舉起義擊常珍 孟虯軍

以爲北豫州刺史。

門 故耳。 者多,如足下流比,進非社稷宗臣,退無顧命寄託,朝廷旣不偏相嫌責,足下亦復無所獨愧。 來奔,具相申述,方承足下迹纏穢亂,心秉忠誠,惘默窮愁,不親戎政。 已 顗 況 具矣。 弱 復足下 天 日屠 祚已舉城歸順,龐孟虯又繼迹奔亡,劉胡困於錢溪,袁顗欲戰不得,推理 卒,北恃足下孤城,以茲定業,恐萬無一理。 且 八月,皇甫道烈、柳倫等二十一人聞孟虯敗,並開門出降。 南 夫 少祖 滅。 方初起,連州十六,擁徒百萬,仲春以來,無戰不北,摧陷殄滅,十無一二。南憑袁 擁 且 |倫等皆是足下腹心牙爪,所以攜手相捨,非有怨恨也,了知事不 數千鳥合,抗天下之兵,傾覆之狀,豈不 一名教,疾沒世無稱者邪。 足下若能封府庫,開四門,宜語文武,示以禍福,先遣咫尺之書,表達誠款,然 所以復有此白者,實惜華州重鎭,鞠爲茂草,兼傷貴 方今國網疎略,示舉宏維,比日相白,想亦 易曉。 假令六廠之人,猶當不爲其事 勔因此又與琰書曰:「柳倫 去冬開天之始,愚迷 可濟,禍害已及 揆勢, 亦安能

後素車白馬,來詣轅門,若令足下髮膚不全,兒姪彫耗者,皇天后土,實聞此言。 至辭不華。

寧復多白。」

即殺之。時琰子邈東在京邑,繫建康,太宗送邈與琰,令說南賊已平之問,自建康出,便防 疑,守備方固。十月,薛道標突圍,與十餘騎走奔淮西,投常珍奇,薛元寶歸降。 說四方已定,勸令時降。叔寶曰:「我乃信汝,恐爲人所誑耳。」叔寶閉絕子勛敗問,有傳者 攻合肥,勔所遣諸軍未至,爲道標所陷,季文及武衞將軍葉慶祖力戰死之。 文,[11]又遣黄回、孟次陽及屯騎校尉段佛榮、武衞將軍王廣之繼之。 **送就道。** 統諸軍攻合肥。 薛道標猶在廬江,劉胡又分兵揚聲向壽陽及合肥。 議者以爲宜聽邈與伯父暖私相見,不爾無以解城內之惑,不從。邈至,叔寶等果 是月,劉胡敗走,尋陽平定,太宗遣叔寶從父弟季文至琰城下,與叔寶語, **勔遣許道蓮 馳赴 合肥,助裴季** 道標率其黨薛元寶等 **動馳遣垣閎總**

降。靈寵乃取諸將破劉胡文書置車中,攻城僞敗,棄車而走,湛之得書大駭,其夜奔逃。十 太守。虜亦遣偽帥張窮奇騎萬匹救之。十二月,虜至汝南,珍奇開門納虜,淮西七縣民並 連營南奔,劉順亦棄虜歸順。ここ 一月,常珍奇乞降,慮不見納,又求救於索虜,太宗卽以珍奇爲司州刺史,領汝南、新蔡二郡 先是,晉熙太守閻湛之據郡同逆,至是沈靈寵自廬江攻之,湛之未知尋陽已敗,固守不

侯,孟次陽攸縣子,王廣之蒲圻縣子,陳顯達彭澤縣子,呂安國鍾武縣子,食邑各三百戶,黃 回葛陽縣男,食邑二百戶。送琰及僞節還京都。 而去。垣式寶尋復反叛,投常珍奇。以平琰功,劉懷珍封艾縣侯,食邑四百戶,垣閎樂鄉縣 下,財物資貨,皆以還之,纖毫無所失。虜騎救琰,至師水,聞城陷,乃破義陽,殺掠數千人 城,然後開門。 :賊降者,太宗並送琰城下,令與城內交言,由是人情沮喪。 時獎有疾,以板自輿,與諸將帥面縛請罪,剛並撫宥,無所誅戮,自將帥以 琰將降,先送休祐內人出

陽被攻圍積時,爲城內所懷附。 年,卒,時年五十九。」琰性和雅靜素,寡嗜欲,諳前世舊事,事兄甚謹,少以名行見稱。在壽 久之,爲王景文鎭南諮議參軍,兼少府。

泰豫元年,除少府,加給事中。後廢帝元徽元 揚州刺史王景文、征西將軍蔡興宗、司空褚淵,並與之友

之內,孝友異情,險於山川,有驗於此也。 一兼猶子,雖禀分參差,情紀難一,而均薄等厚,未之或偏。 史臣曰:夫求忠臣必於孝子之門,蓋以類得之也。昔啓方說主,迹表遺親,鄧攸淳行, 惠開親禮雖篤,弟隙尤著,方寸

- (一) 但一往服領「服領」南史、元龜五一二作「眼額」。
- 〔三〕惠開素有大志 「大志」各本並作「大意」,據南史改。
- = 晉原一郡遂反 「郡」各本並作「部」,據通鑑宋泰始二年改。 按晉原郡屬益州,見州郡志。
- 23 U 遣宋寧太守蕭惠訓別駕費欣業萬兵並進 「宋寧」各本並作「永寧」,據南史改。 按州郡志, 益

州屬郡有「宋寧」無「永寧」。

- 初惠開府錄事參軍到希微負蜀人債將百萬 「到希微」南史、御覽四七七引作「劉希微」。
- · 八] 悉散施道路 「道路」南史作「道俗」。
- 而土人前右軍參軍杜叔寶 「土人」各本並作「土人」,據南史改。
- /\ /\ | 太宗遣冗從僕射柳倫領軍助 按「助」下有脫文。 孫彪宋書考論云:「助下疑脫琰字。」
- 九九 袁顗遣信誘矜司馬汝南人常珍奇 信,遺信猶言遺使也。」按張校是,今改正。 「遺信」各本並作「遺信」。張森楷校勘記云:「遺信當作遺
- 琰以前右軍參軍裴季爲南汝陰太守 「裴季」下文又作「裴季文」,通鑑宋泰始二年作「裴季

之。

列傳第四十七 校勘記

淮西 人前 奉朝請鄭墨率子弟部曲及淮右郡起義於陳郡城 「鄭墨」通鑑宋泰始二年作「鄭黑」。

考異 云:「宋殷琰傳作鄭墨,今從宋本紀、宋略。」

東據宛唐 胡三省通鑑注云:通典宛唐作死虎。 水經肥水注作死雩亭。」

太宗又遣太尉司馬垣閎率軍來會 「垣閎」各本並作「垣 閱」,據垣護之傳改。下文亦有「垣閎」。

中外士庶 「外」各本並作「內」,據远龜四一六改。

二吾 琰戶曹參軍虞挹之造碻車 福車」御覽三三六引作「拋車」,元龜三六八作「礟車」。 按古無礟

字,故借碻字爲之。 碻車卽礟車。

休祐遣員外散騎侍郎陸悠之助之 「陸悠之」沈慶之傳、孔覬傳作「陸攸之」,當卽一人。

任日 助裴 季文 上文作「裴季」,通鑑 作「裴季之」。

劉 順 亦 棄 房歸順 順」 字下各本並有「之」字。 孫彪宋書考論謂 劉順 無之字」。 孫說是,

今删。

宋書卷八十八

列傳第四十八

薛安都 沈文秀 崔道固

薛安都,河東汾陰人也。 世爲强族,同姓有三千家。父廣爲宗豪,高祖定關、河,以爲

上黨太守。

農歸國。 擊芮芮大敗,安都與宗人薛永宗起義,永宗營汾曲,安都襲得弘農。會北地人蓋吳起兵,遂 襲弘農,虜已增戍,城不可克,蓋吳又死,乃退還上洛。 連衡相應。 之,日由是爲僞雍、秦二州都統,州各有刺史,都總統其事。 安都少以勇聞,身長七尺八寸,便弓馬。索虜使助秦州刺史北賀汨擊反胡白龍子,滅 太祖延見之,求北還構扇河、陝,招聚義衆。上許之,給錦百疋,雜繒三百疋。復 **燾自率衆擊永宗,滅其族,進擊蓋吳。** 安都料衆寡不敵,率壯士辛靈度等,棄弘 世祖鎮襄陽、板爲揚武將軍、北弘農 。 元嘉二十一年,索虜主拓跋燾

列 傳

第

四 + 八

薛 安 都

虜 漸 强盛, 安都 乃歸襄陽。 從叔沈亦同歸國,官至綏遠將軍、新野太守

引還。 右軍 十四四 見天門開不。」至是歎曰:「夢天開,乃中興之象邪 縣男,食邑五百戶。 爽向虎牢,安都 元景傳。 將 日 一十七年 軍 ,至朱雀航,横矛瞋目,叱賊將皇甫安民等曰:「賊弑 仍伐西陽五 軍還 五月四 隨王 一。誕版 復隨元景 小人蠻。 日 爲 誕 安都從征關、陝,三至日口 ,率所領 版安 後 軍行 北出,卽據 世祖伐逆,轉參軍事 都 騎為前 参軍。 爲 建武 關城,期俱濟河取蒲 鋒,直 將軍 二十九年, ,隨柳元景向關 入殿庭,財尚有數 ',加寧朔將軍 夢 除始興王濬征北行參軍 仰頭 坂。 視天,正見天門開, 、陝,率步騎居前 (君父) 一,領馬 百 會爽退,安都 7人,一 軍,與 何心事之! 時 奔散。 柳 元景 復 ,所向克捷,事 加 謂左右曰:「 建武 率 世祖踐阼,除 所 俱 以功封 將軍 發 領 隨 南 四 元 汝月 在 鄉 魯

罪, 車, 躍 數 無宜適 馬至 十人,令左右 因 理 從弟道生,亦以軍功爲大司 責 應),卿往 車後日:「小子 .加罰,卿爲朝庭勳臣,宜崇奉法憲,云何放恣,輒欲於都邑殺人。 讓 之日 與 :「卿從弟服章言論 手,甚快。」安都 執稍,欲往殺淑之,行至朱雀航,逢柳元景。 庾 淑之鞭我從弟,今指往刺殺之。」元景慮其不可駐,乃 旣 馬參軍,犯罪,爲秣陵令庾淑之所鞭。 回 ,與寒細 馬, 復追呼之:「別宜與 不 異 ``雖復 人士,庾淑 卿 元景遙問 有 之亦 所論。」令 何 安都 薛公 由 非唯科律所不容 得 下 大怒,乃乘馬 紿 何 馬 知? 處去。」安 入 之 車。 日二小 且 人 身犯 旣 都 從

主上亦無辭以相宥。」因載之俱歸,安都乃止。其年,以憚直発官。

恭晨往偵候,因而襲之,悉禽。賊未敢進。世祖詔安都留三百人守壓陽,渡還採石,遷輔國 歷陽太守程天祚逆擊破之,斬胡與及其軍副。德玄復使其司馬梁嚴屯峴東,安都幢主周文 率步騎據歷陽。 孝建元年,復除左軍將軍。 爽遣將鄭德玄戍大峴,德玄使前鋒楊胡與輕兵向歷陽。〔三〕安都遣宗越及 二月,魯爽反叛,遣安都及冗從僕射胡子反、龍驤將軍宗越

將軍、竟陵內史。

增邑五百戶,幷前千戶。 陳,咸云萬人敵,安都單騎直入,斬之而反,時人皆云關羽之斬顏良,不是過也。進臂爲侯, 入,安都望見爽,便躍馬大呼,直往刺之,應手而倒,左右范雙斬爽首。爽累世梟猛,生習戰 慶之使安都率輕騎追之,四月丙戌,及爽於小峴,爽自與腹心壯騎斷後。譚金先薄之,不能 引軍退還,安都復還壓陽。,臧質久不至,世祖復遣沈慶之濟江督統諸軍。 歷陽太守張幼緒等討爽。 四月,魯爽使弟瑜率三千人出小峴,爽尋以大衆阻大峴。又遣安都步騎八千度江,與 安都軍副建武將軍譚金率數十騎挑戰,斬其偏帥。幼緒恇怯,輒 爽軍食少,引退,

遣將呂興壽率數十騎襲之,賊衆驚亂,斬首及赴水死者甚衆。 時王玄謨距南郡王義宣、臧質於梁山,安都復領騎爲支軍。 義宣遣將劉諶之及質攻玄 賊有水步營在蕪湖,安都

列

東 縱 騎 南 猶 突之,諸將係進。 堅, 安都横擊陷之,賊遂大潰。 是朝,賊馬軍發蕪湖,欲來會戰,望安都騎甚盛,隱山 安都隊主劉元儒於艦中斬諶之首。 不 轉太子左 · 敢出。 賊 衞 陣

榛聞 法系 尙 餘里,安都 回,可 十年,終世 爲 民 方。 患。 水軍向彭城, 知,皆得 大 過河 明 任榛 安都 元年,虜向無鹽,東平太守劉胡出戰失利。二月,遣安都領馬軍北討,東陽太守沈 以去 耀威 祖 大 逃散。 世 抵在任城界,積世逋叛所聚,所在皆棘榛深密,難爲 明年復 而 不 廣鎭近,軍少不宜分行。 反。」時虜已去,坦求 轉。 並受徐州刺史申坦節度。 時天旱,水泉多竭,人馬疲困,不能遠追,安都、法系並白 職 ,改封武昌 縣侯,加散騎常侍。 回軍討任榛,見許。 至東 坊城,遇任榛三騎,討擒其一,餘兩騎得走。任 上戒之曰:「賊若可及,便盡力殄之。 七年,又加征虜將軍,爲太子左衞率 安都當向左城,左城去滑臺二百 用 師,故能 I衣領 久自保藏, 屢 職,坦繫 若度已

兗州 即位,進號安北將軍,給鼓吹一 刺 前 史。 廢 帝 景和 卽 位 一、遷右 元年,代義陽 衞 將軍 王昶 ·,加給事 部。 督徐州 安都不受命,舉兵同晉安王子勛。 中。 豫州之梁郡諸軍 永光 元年,出爲使持節、督兗州諸軍事、前 事、 平北將軍、 初, 徐州 安都從子索兒, 刺 史。 將軍、

隆守下邳城 之、張靈慶、崔僧琁三軍,道固遣子景徵、傅靈越領衆,並應安都。 携安都諸子及家累,席卷北奔。 世亦與安都 將軍 前 泰山道向彭城。 廢帝景和中,爲前軍將軍,直閣,從誅諸公,封武安縣男,食邑三百戶。 うい直閣 通謀。 ,彌之等至下邳,改計歸順, 如故。 時濟陰太守申闡據睢陵城起義,云索見率靈越等攻之。 泰始二年正月,索兒、光世並在省,安都信催令速去, 安都將爲逆,遣密信報之,又遣數百人至瓜步迎接。 青州刺史沈文秀、冀州刺史崔道固並皆同反。 因進軍攻祖隆,僧琁不同,率所領歸安都。 彌之等南出 二人俱 太宗卽位,以爲左 安都使同 時右衛將軍柳光 下邳、靈越自 文秀遣劉彌 自省逃出, 黨 索兒聞 裴祖

爾之有異志,舍雕陵馳赴下邳,彌之等未戰潰散,並爲索兒所執,見殺。

殺之。 垣山寶、王寬、員外散騎侍郎張寘震、蕭順之、龍驤將軍張 城,爲相距之形,旣而奔散,北投索兒。 順,而百口在都。 王又率鎭北參軍趙曇之、呂湛之擊之。 五月,軍次平原,索兒等率馬步五千,列陳距戰,擊大破之。 時太宗以申令孫爲徐州,代安都。 索兒因引軍渡淮,軍糧不給,掠奪百姓穀食。 可進軍見攻,若戰敗被執,家人可得免禍。」索兒乃遣靈越向淮陽,令孫出 索兒軍無資實,所資野掠,旣見攻逼,無以自守,於 令孫進據淮陽,密有反志,遣人告索兒曰:「欲相從 索兒使令孫說闡令降,闡旣降,索兒執闡及令孫,並 太宗遣齊王率前將軍張永、寧朔將軍 季和、黃文玉等諸軍北討。 索兒又虜掠民穀,固守石梁,齊 其年

列

是奔散, 又追破之於葛家白鵠。 索兒走向樂平縣界,為申令孫子孝叔所斬。 安都子道智

大將范雙走向合肥,指南汝陰太守裴季降。

豈獨在我。」耐又問∵「四方阻逆,無戰不禽,主上皆加以曠蕩,即其才用。 乃逃命草間乎。]靈越答曰:「薛公舉兵淮北,威震天下,不能專任智勇, 史程天祚據郡同安都,攻圍彌時,然後歸順。 太宗欲加原宥,靈越辭對如一,終不回改,乃殺之。 日「我傅靈越也。 由,實在於此。 時武衞將軍王廣之領軍隸劉勔,攻殷琰於壽陽,傅靈越奔逃,爲廣之軍人所生禽,厲聲 然事之始末,備皆參豫,人生歸於一死,實無面求活。」剛壯其意,送還京師 汝得賊何不卽殺。」生送詣勵,勔躬自慰勞,詰其叛逆,對曰:「 靈越,淸河人也。 時輔國將軍、山陽內 委付子姪,致敗之 卿何不早歸天闕, 九州唱義,

伏聽湯鑊。」索兒之死也,安都使柳光世守下邳,至是亦率所領歸降。 誠孤往,不期生榮,實存死報。今天命大歸,羣迷改屬,輒率領所部,束骸待誅,違 信要引索虜。三年正月,索虜遣博陵公尉遲苟人、城陽公孔伯恭二萬騎救之。永等引退, 示威於淮外,遣張永、沈攸之以重軍迎之。安都謂旣已歸順,不應遣重兵,懼不免罪,乃遣 隸荒萌,偸生上國,過蒙世祖孝武皇帝過常之恩,犬馬有心,實感恩遇。是以晉安始唱,投 子勛平定,安都遣別駕從事史畢衆愛、下邳太守王煥等奉啓書詣太宗歸款,曰「臣庸 太宗以四方已平,欲 拒之罪,

安都開門納虜,虜即授安都徐州刺史、河東公。 四年三月,召還桑乾。 五年,死於虜中, 時

年六十。

見殺,並爲太宗所哀,追贈儼光祿勳,祖隆寧朔將軍、兗州刺史,耿之羽林監,彌之輔國將 人,舉彭城歸順,事洩,見誅。 初,安都起兵,長史蘭陵儼密欲圖之,見殺。 員外散騎侍郎孫耿之擊索兒戰死,及劉彌之、張靈慶皆戰敗 安都未向桑乾,前軍將軍裴祖隆謀殺尚

軍、靑州刺史,靈慶寧朔將軍、冀州刺史。

虬, [五] 攻順陽, 克之, 略有義成、扶風, 置立守宰。 安都子伯令、環龍,亡命梁、雍二州之間。 三年,率亡命數千人襲廣平,執 雍州刺史巴陵王休若遣南陽太守張敬 太守 劉冥

先是,東安、東莞二郡太守張讜守團城,在彭城東北。 始同安都,末亦歸順, 太宗以爲

東徐州刺史,復爲虜所沒。

兒、新野太守劉攘兵擊破之,並禽。

沈文秀字仲遠,吳興武康人,司空慶之弟子也。父劭之,南中郎行參軍

文秀初爲郡主簿,功曹史,慶之貴後,文秀起家爲東海王禕撫軍行參軍,又度義陽王昶

列傳第四十八 沈文秀

射聲校尉

東中 爲尋陽 ·郎府,東遷、錢唐令,西陽王子尙撫軍參軍,武康令,尙書庫部郎,本邑中正,建康令。坐 王 一鞭殺私奴,発官,加杖一百。 尋復官。 前廢帝卽位,爲建安王休仁安南錄事參軍

衆力,圖之易於反掌,千載一時,萬不可失。」慶之不從。 受其寵任,萬物皆謂與之同心。 文秀旣行,慶之果爲帝所殺。慶之死後,帝遣直閤江方興領兵誅文秀,方興未至,太宗已定 無道,內外憂危,文秀將之鎭,部曲出屯白下,說慶之曰「主上狂暴如此,土崩 景和元年,遷督靑州徐州之東莞東安二郡諸軍事、建威將軍、靑州刺史。〔10〕時帝狂悖 且此人性情無常,猜忌特甚,將來之禍,事又難測。 文秀固請非一,言輒流涕,終不回。 將至,而 今因此 門門

陽城,高陽、勃海二郡太守劉乘民據臨濟城,並起義。文秀司馬房文慶謀應之,爲文秀所 北海、據城以拒文秀。平原、樂安二郡太守王玄默據琅邪、淸河、廣川二郡太守王玄邈 亂 之等回應安都。 軍赴朝廷。 、馳驛駐之。方興旣至,爲文秀所執,尋見釋,遣還京師 文秀遣軍主解彥士攻北海陷之,乘民從弟伯宗合率鄉兵,復克北海,因率所領向青州 時晉安王子勛據尋陽反叛,六師外討,徵兵於文秀,文秀遣劉彌之、張靈慶、崔僧琁三 時徐州刺史薛安都已同子勛,遣使報文秀,以四方齊舉,勸令同逆,文秀卽令爾 爾之等尋歸順,事在安都傳。彌之靑州强姓,門族甚多,諸宗從相合率奔 據

國,安能歸死兒女手中乎。 所治東陽城。 文秀拒之,伯宗戰敗被創,弟天愛扶持將去,伯宗曰「丈夫當死戰場,以身殉 弟可速去,無爲兩亡。」乃見殺,追贈龍驤將軍、長廣太守。

弟文炳 卵獨 月,文秀歸命請罪,即安本任 刑、非惟戮及弟息、亦當夷卿墳壟、旣以謝齊土百姓、亦以勞將士之心。 非木石,猶或顧懷。 朕去歲撥亂,功振普天,於卿 遣尙書度支郎崔元孫慰勞諸義軍,隨僧暠戰敗見殺,追贈寧朔將軍、冀州刺史。上遣文秀 並進軍攻城,每戰輒爲文秀所破,離而復合,如此者十餘。 同逆豎。 何 太宗遣青州刺史明僧暠、東莞東安二郡太守李靈謙率軍伐文秀。 人,而能 韶文秀曰:「皇帝問前督青州徐州之東莞東安二郡諸軍事、建威將軍、青州刺史、三三 今天下已定,四方寧壹,卿獨守窮城,何所歸奉。且卿百口在都,兼有墳 自立。 故指遣文炳具相宣示。 便可速率部曲,同到軍門, 一門,特有殊澤,卿得延命至今,誰之力邪。何故背國負恩,遠 凡諸逆節,三親爲戎首,一 別韶有司,一 泰始二年八月,尋陽平定,太宗 無所問。 玄邈、乘民、僧暠等 故有今詔。」三年二 不加罪,文炳 如其不 爾 墓 國有常 所具。 一,想情

輿白 文秀善於撫御,將士咸爲盡力,每與虜戰,輒摧破之,掩擊營砦,往無不捷。 先是,冀州刺史崔道固亦據歷城同逆,爲土人起義所攻,與文秀俱遣信引 曜率大衆援之、「三文秀已受朝命,乃乘虜無備,縱兵掩擊,殺傷甚 多。 虜乃進軍圍城 太宗進文秀號 虜, 虜遣

列

第四

十八

沈文

秀

州 叉 數 征 北中 千。 爲 。江邑文靜 軍 兵參軍文靜 主高崇仁所破,死者數百人。 四 年,又進文秀號右將軍,封新城縣侯, 至 康萊之不其城,爲虜所斷遏,不得進,因保城自守,又爲虜所攻,屢戰輒剋,太 爲輔 國 將軍、口巴統高密、北海、平昌、長廣、東萊五 虜圍 青州 積久,太宗所遣救兵並不敢進,乃以 食邑五百戶。 廣青州刺史王隆顯於安丘 郡軍事, 從海 道救 文秀弟 青 縣

宗

加

其

東青州

刺史。

四年,不

其城爲虜所陷,文靜見殺。

時白 曜 **交至,問日:「靑州** 月二十四 命還 曜 文秀 英 在 被 衣, 城 日,遂爲 置三載,外無援軍,士卒爲之用命,無離叛者, 西南 爲設酒食, 角樓,裸縛 虜所 刺史沈 陷。 文秀 鏁送桑乾。 城敗之日,解釋戎 文秀 何在 至曜 l~]<u>文</u>秀厲聲曰:「身是。」因執 其 前,執之者令拜,文秀曰:「各二國大臣,無 餘 爲 亂兵 衣,緩服靜坐,命左右取 が所殺 死 者甚衆。 日夜 心戰鬪, 之,牽出聽事 太宗先遣 所持節。 甲胄生蟣虱。 前,剝取 尙 虜旣 書 相 功 拜之禮。」 入,兵刃 論 五 衣服 郎何 年正

如眞

選靑州文武,亦爲虜所殺。

文秀在桑乾凡十九年,齊之永明四年,病死,時年六十一。

此之謂乎。

爲齊、北海二郡太守。民焦恭破古冢,得玉鎧,道固檢得,獻之,執繫恭。 崔道固,清河人也。 世祖世,以幹用見知,歷太子屯騎校尉,左軍將軍。 入爲新安王子鸞 大明三年,出

北中郞諮議參軍,永嘉王子仁左軍司馬。

爲道固所摧。 使宣慰,道固奉詔歸順。先是與沈文秀共引虜,虜旣至,固守距之,因被圍逼。 主傅靈越率衆赴安都。「以既而爲土人起義所攻,屢戰失利,閉門自守。會四方平定,上遣 將 北將軍。 軍。時徐州刺史薛安都同逆,上卽還道固本號爲徐州代之。道固不受命,遣子景微、軍 景和元年,出爲寧朔將軍、冀州刺史,鎭歷城。 其年,爲虜所陷,被送桑乾,死於虜中。 三年,以爲都督冀靑兗幽幷五州諸軍事、前將軍、冀州刺史,加節,又進號平 泰始二年,進號輔國將軍,又進號征虜 虜每進, 輒

也。 安都勤王之略,義闕於藩屏,以地外奔,罪同於三叛。詩云:「誰生厲階,至今爲梗。」其 史臣曰:春秋列國大夫得罪,皆先致其邑而後去,唯邾、莒三臣,書以叛人之目,蓋重地

校勘記

- 索虜使助秦州刺史北賀汨擊反胡白龍子滅之 「汨」從三朝本、毛本、 局本, 北監 本、 殿本作
- 泊一。 北賀汨、據魏書爲幷州刺史娥青。 擊白龍、魏書在延和三年。
- 安都從征關陝 「從」各本並作「後」。 張森楷校勘記云:「後當作從。」按張校是,今改正。
- 德玄使前鋒楊胡與輕兵向歷陽 「楊胡與」本書宗越傳作「楊胡興」,通鑑從宗越傳。
- 24 義宣遣將劉諶之及質攻玄謨 「劉諶之」各本並作「劉湛」、據本書王玄謨傳改。 下幷改。
- 五. 其副 建武將軍譚金三歷賊陳 各本並脫「其副建武將軍」六字,據元龜三五一補
- [大] 轉太子左衞率 「左衞率」南史作「右衞率」。
- 〔4〕以爲左將軍「左將軍」南史作「左軍將軍」,疑是。
- 時濟: 陰太守申 闡據睢陵城起義 「濟陰」本書申恬傳作「濟陽」。
- 八九 執太守劉 冥虬 孫彪宋書考論 云…「按此疑即柳元景傳之劉寬虯。」
- 遷督青州徐州之東莞東安二郡諸軍事建威將軍青州刺史 說 補 錢 大昕廿二史考異云: 當 云督青州徐州之東莞東安二郡,史脫徐州二字,下文詔書可 各本並脱「徐州」二字、據錢氏考異

證。

皇帝問前督靑州徐州之東莞東安二郡諸軍事建威將軍靑州刺史 「問前」各本並作「前問」,據 記

- [三] 凡諸逆節 「節」各本並作「郞」,據元龜二一五改。
- **廣遣將慕輿白曜率大衆援之** 「慕輿白曜」 魏書及南史並作「慕容白曜」。 慕輿氏雖爲慕容氏

之支別,其實一家,疑此當作「慕容白曜」。

- 乃以文秀弟征北中兵參軍文靜爲輔國將軍 「文靜」本書明帝紀、通鑑作「文靖」。
- 二色 從海道救靑州 各本並脱「從」字,據元龜四四四補。通鑑宋泰始四年「海」字上有「自」字。
- 遣子景微軍主傅靈越率衆赴安都 張森楷校勘記云:「景微,薛安都傳作景徵,必有一誤。」

宋書卷八十九

列傳第四十九

袁粲

與愍孫婚耳。」時愍孫在坐,流涕起出。 紡,以供朝夕。、愍孫少好學,有淸才,有欲與從兄顗婚者,伯父洵卽顗父,曰:「顗不堪,政可 之曰愍孫。伯叔並當世榮顯,而愍孫饑寒不足,母琅邪王氏,太尉長史誕之女也,躬事績 **袁粲字景倩,陳郡陽夏人,太尉淑兄子也。父濯,揚州秀才,蚤卒。** 祖母哀其幼孤,名

密以白世祖,世祖使御史中丞王謙之糾奏,並觅官。二年,起爲廷尉,太子中庶子,領右軍 臣並於中興寺八關齋,中食竟,愍孫別與黃門郎張淹更進魚肉食,尚書令何尚之奉法素謹, 世祖伐逆,轉記室參軍。 蚤以操立志行見知。 初爲揚州從事,世祖安北、鎭軍、北中郎行參軍,南中郎主簿。 [1] 及卽位、除尚書吏部郎,太子右衞率,侍中。孝建元年,世祖率羣

列

將軍 徒左長史,冠軍將軍,南東海太守。 素凌之,因此發怒,出爲海陵太守。 上臨宴東宮,愍孫勸顏師伯酒,師伯不飲,愍孫因相裁辱,師伯見寵於上,上常嫌愍孫以寒 中,領長水校尉,遷左衞將軍,加給事中。 軍長史,又爲中庶子,領左軍將軍。 在顏師伯傳。三年,坐納山陰民丁彖文貨,自即舉爲會稽郡孝廉,免官。 軍長史,將軍、太守如故。 元年,徙右衞將軍,加給事中。 景和元年,復入爲侍中,領驍騎將軍。 出 爲 輔 國將軍、西陽王子尚北中郎長史、廣陵太守,行兗州事。 大明元年,復爲侍中,領射聲校尉,封興平縣子,食邑五百戶,事 前廢帝卽位,除御史中丞,不拜。復爲吏部尚書。 四年,出補豫章太守,加秩中二千石。 七年,轉東部尙書,左衞如故。 太宗泰始元年,轉司 尋爲西陽王子尙無 仍爲永嘉王子仁冠 其年,皇太子冠, 五年,復還爲侍 永光

愍孫淸整有風操,自遇甚厚,常著妙德先生傳以續嵇康高士傳以自況,曰:

先生幼夙多疾,性疎嬾,無所營尙,然九流百氏之言,雕龍談天之藝,皆泛識其大歸,而 有妙德先生,陳國人也。氣志淵虛,姿神淸映,性孝履順,栖冲業簡,有舜之遺風。

不以成名。

掩,三逕裁通,雖揚子寂漠,嚴叟沈冥,不是過也。修道遂志,終無得而稱焉。 家貧嘗仕,非其好也,混其聲迹,晦其心用,故深交或迕,俗察罔識。所處席門常

汲,獨 藥,莫不畢具。[1]國主不任其苦,於是到泉所酌水飲之,飲畢便狂。 又嘗謂周旋人曰:「昔有一國,國中一水,號曰狂泉。國人飮此水, 得 :無恙。 國人旣並狂,反謂國主之不狂爲狂,於是聚謀,共執 國主,療其狂疾,火艾針 無不 君臣大小,其狂若一, ·
在,唯國君穿井而

愍孫 幼慕荷奉倩之爲人,白世祖,求改名爲粲,不許。 至是言於太宗,乃改爲粲,字景 衆乃歡

然。

我既不狂、難以獨立、比亦欲試飲此水。」

茅堂講 倩焉 臨崩 遷尙 受,敦逼 道, 帝 辭不 未 困 囹 受。 親 書令,丹陽 |弊昭 吾 桑與褚淵 朝 周易 年,遷領軍將軍,仗士三十人入六門。其年,徙中書令,領太子詹事,增封三百戶,固 備 、尙繁,枉滯猶積,晨兢夕厲,每惻于懷 政 三年,轉尙 至,中使相望,燥終不受。 蘇 一、粲爲 下認 (至) 尹 如 執 頒下州郡,咸 日:「比亢序愆度,回留熏燿 劉 勔 故。 經。 書僕射,尋領吏部。 並 一受顧 坐 叉 前 知 命, 選 東宮事、徙爲右僕射。 令無 武衛 加 壅。」元徽 班 將軍 性至孝,居喪毀甚,祖日及祥變,常發詔 劍二十人,給鼓吹一部。 五年,加中 江柳 元年,丁 人晷,有傷秋 爲江州刺史,柳有罪,降爲守尚書令。 尙 書令可 書令, 七年,領太子詹事,僕射 母 憂,葬竟, 與執 稼,方貽民瘼。 又領丹陽 法 後廢 以下 攝 尹。 令親 - , 就訊. 帝 即位,加 朕 六年,上於華林園 職, 衆 以 衛軍 如 獄 眇 加 故。 兵五 使 灰,未弘 衞 斷客。 將軍 冤訟洗 未拜, 百人。 不不 政

列

傳

第

四

+

九

袁

庭,以此自適。居負南郭,時杖策獨遊,素寡往來,門無雜客。及受遺當權,四方輻湊,閑居 决,或高詠對之,時立一意,則衆莫能改。宅宇平素,器物取給。好飲酒,善吟諷,獨酌園 高臥,一無所接,談客文士,所見不過一兩人。 與齊王、褚淵、劉秉入直,平決萬機,時謂之「四貴」。 粲閑默寡言,不肯當事,主書每往諮 出戰,賊卽平殄。事寧,授中書監,卽本號開府儀同三司,領司徒,以揚州解爲府,固不肯 託,本以死報,今日當與褚護軍同死社稷!」因命左右被馬,辭色哀壯。 掖門,諸將意沮,咸莫能奮。 粲慷慨謂諸將帥曰 「寇賊已逼,而衆情離沮 三年,徙尙書令,衞軍、開府如故,並固辭,服終乃受。加侍中,進爵爲侯,又不受。時粲 一年,桂陽王休範爲逆,粲扶曳入殿,詔加兵自隨,府置佐史。 時兵難危急,賊已至南 於是陳顯達等感激 孤子受先帝顧

刺史王蘊,太后兄子,素好武事,並慮不見容於齊王,皆與燦相結。 德 有 重,天命有歸,疑自以身受顧託,不欲事二姓,密有異圖。丹陽尹劉秉,宋代宗室,前湘州 ,朝命,多不卽從,逼切不得已,然後方就。及詔移石頭,卽便順旨。有周旋人解望氣,謂 、王宜興、彭文之、卜伯興等,並與粲合。 順 帝即位,遷中書監,司徒、侍中如故。時齊王居東府,故使粲鎭石頭。粲素靜退,每 將帥黃回、任候伯、孫曇 時齊王功高

宜 示 昇 異 明 同 元 粲 年, 荆州 曰:「彼若 刺史沈攸之舉兵, 以主 幼 時 艱 與桂陽時 齊王 一自詣 亦 粲, 異, 粲稱 劫 我 疾 入臺, 不見。 便無 粲宗 辭 人通 以 拒。 直 郎袁達 如 此 以 不不 爲

粲 已 自 自 卽 王 伯 事 率 復 不 一敬 等 倉 便 得 洩。 死 照 軍 得 散 時 門 數 則 並 出 出 僧 ', 年 走。 赴 矣。」 得 先是,齊王 百 爲 新 靜 入。 直閣 石 功 亭。 莊. 挺 一時齊王 齊王 頭 + 身 狼 時 粲 謀 暗往 八。 狽 與 本 **桑與秉等列** 以 率 伯 遣 期 入 報 克日矯 、粲子最 部 興 將 任候伯等基夜並 夜 敬 屯朝堂,秉從 八發,其 共 薛 曲 則 淵 向 總 太 禁兵。 石 率所 兵登 覺有 蘇烈、 后令,使韞 日 頭。 秉 領收 作擾不 異 東 父弟領軍 本 王蘊 王天 門, 人, 乘 期 蘊 輕 以 僧 開 聞 伯 殺 生等領兵 知 身 靜 南 秉 舸 之, 所 興 心已奔, 衞 門 分 將軍韞 率宿 爲 自新亭赴 弁誅 兵 , 粲 時 晡後 攻 衞 戍石頭 僧 歎 已暗夜, 府 入直門下省, 伯 靜 兵攻齊王於 日 便 興。 西 直 石 門,粲 京裝,未暗, 了, 云 前 頭 今年 叉遣 斬 薛淵等據門 以助粲, 聞粲敗 之, 與秉欲 軍 事 朝 伯 主戴 敗矣。」 父子 堂, 興 載婦 乃 還赴府 實禦之也。 爲 僧 回 俱 射之,蘊 直閣, 馳還 靜 時 女席卷 率 殞 齊王 向 軍 旣 左 石 來 黄回 就粲 謂 右 使蘊募人, 其 下 頭 又令腹心 後 各 城 助 粲 諸將 並 分散 薛淵 E 由 列 敗, 此 候 皆

事 在宗室 傳

1L 宥,二代 齊 永 明元 弘 年, 義, 詔 前 曰:「昔 載 美談 魏矜 袁紹 袁粲 劉秉,並與先朝同 恩給 丘墳; 晉亮 兩王 獎宋室, 榮 覃 **会** 餘 沈 裔 攸 之於 斯 蓋 景 懷 和 舊 之世 流 仁,原 一,特

列

葬事。」

有乃 官可爲經略, ù, 雖末節 粗合周禮。 不終,而始誠可錄。歲月彌往,宜沾優隆,燦、秉前年改葬,塋兆未修,材 攸之及其諸子喪柩在西,可符荆州以時致送,還反舊墓,在所營

屈曹氏 屬負 載 達天命,而 有,世及之主,無乏於時,□□□ 圖,朝野之望雖隆,然未以大節許也。 史臣曰: ,魏鼎將移,夏侯義不北面。 其道有足懷者。 闢運創基,非機變無以通其務,世及繼體,非忠貞無以守其業。闢運之君,千 昔王經被旌於晉世,粲等亦改葬於聖朝,盛代同符,美矣。]須機變之用短,資忠貞之路長也。故漢室□□ 若悉以二子爲心,則兩代宜不亡矣。袁粲淸標簡貴,任 及其赴危亡、審存滅、豈所謂義重於生乎。

校勘記

南 也。」 中 按孫 郎主 簿 說是一个改正。 「南中郎」各本並作「侍中郎」。 孫彪宋書考論云:「侍字當作南,南中郎亦世祖府

(ヨ) 坐納山陰民丁象文貨 「丁象文」南史作「丁承文」。

比亢序愆度 「亢序」各本並作「元序」、據後廢帝紀改。

万五 袁粲劉秉並與先朝同獎宋室 困弊昭蘇 「困弊」各本並作「瘐弊」,據後廢帝紀改。若上是「痩」字,則下當作「斃」字。 「宋室」各本並作「宗室」,據南史改。按上句先朝謂齊高帝蕭道

成,則下句作宋室於義爲長。

宋書卷九十

邵陵殤王友 隨陽王翽 新興王嵩 始建王禧

皇子。鄭修容生皇子智井。次晉熙王燮,與皇子法良同生。泉美人生邵陵殤王友。次江 名,早天。 王贊同生。 夏王躋,與第四皇子同生。 明帝十二子:陳貴妃生後廢帝。 又泉美人生始建王禧。智井、燮、躋、贊並出繼。[1]法良未封,第四皇子未有 徐良人生武陵王贊。杜修華生隨陽王翽。次新興王嵩,與武陵 謝修儀生皇子法良。 陳昭華生順帝。 徐婕妤生第四

邵陵殤王友字仲賢,明帝第七子也。

豫豫司三州諸軍事、安南將軍、南豫州刺史、歷陽太守。 州文案及臣吏不諱有無之有。順帝卽位,進號左將軍,改督爲都督。 督江州豫州之西陽新蔡晉熙三郡諸軍事、南中郎將、江州刺史,封邵陵王,食邑二千戶。府 後廢帝元徽二年,太尉、江州刺史桂陽王休範反誅,皇室寡弱,友年五歲,出爲使持節、 三年,薨,無子,國除。 昇明二年, 徙都督南

隨陽王翽字仲儀,明帝第十子也。

公,食邑千五百戶。 諸軍事、西中郎將、郢州刺史。未拜,徙督湘州諸軍事、南中郎將、湘州刺史,持節如故。 之鎮,進號前將軍。二年,以南陽荒遠,改封隨陽王,以本號停京師。 元徽四年,年六歲,封南陽王,食邑二千戶。 謀反,賜死。 昇明元年,爲使持節、督郢州司州之義陽 齊受禪,降封舞陰縣 未

新興王嵩字仲岳,明帝第十一子。

元徽四年,年六歲,封新興王,食邑二千戶。 齊受禪,降封定襄縣公,食邑千五百戶。

謀反,賜死。

始建王禧字仲安,明帝第十二子也。

元徽四年,年六歲,封始建王,食邑二千戶。 齊受禪,降封荔浦縣公, 三食邑千五百

戶。謀反,賜死。

史臣曰:太宗負螟之慶,事非己出,枝葉不茂,豈能庇其本根。侯服于周,斯爲幸矣。

校勘記

智井燮躋贊並出繼 各本並脫「躋」字,據南史補。 按此謂江夏王躋,躋事跡附見江夏文獻王

義恭傳。

降封荔浦縣公 「荔浦」三朝本、北監本、毛本、殿本作「荔封」,今從局本。 按州郡志無「荔封」,

列傳第五十 校勘記

ê

列傳第五十一

孝義

無聞視聽,故可以昭被圖篆,百不一焉。今采綴凐落,以備闕文云爾。 己,捐軀舍命,濟主安親,雖乘理闇至,匪由勸賞,而宰世之人,曾微誘激。乃至事隱閭閻, 世之民,權利相引,仕以勢招,榮非行立,乏翺翔之感,棄舍生之分,霜露未改,大痛已忘於 情非外處,然企及之旨,聖哲詒言。至於風漓化薄,禮違道喪,忠不樹國,孝亦愆家,而一 心,名節不變,戎車遽爲其首,斯並軌訓之理未弘,汲引之塗多闕。若夫情發於天,行成乎 。 易曰:「立人之道,日仁與義。」夫仁義者,合君親之至理,實忠孝之所資,雖義發因心,

列

不能 亡,穎號哭 出救之,故得免。 至于蜀平,遂不屈節 死,何忍舉觴聞樂,[]蹈跡逆亂乎。」縱大將騰道福引出,將斬之。 ,遂寧人也。 奔赴,殯送以禮。 縱旣僭號,備禮徵,又不至,乃收顯付獄,脅以兵刃,執志彌堅,終無回改, 少好學,益州刺史毛璩辟爲勸學從事。 縱後設宴延穎,不獲已而至,樂奏,顯流涕起曰:「北 璩爲 譙縱所殺,故佐吏並 道福 母郎 面 穎姑, 跣 事人,亡 逃

獨秉 恩私,宣 壯,振古之遺烈。 遂延 縱乘釁,肆虐巴、庸,害殺前益州刺史毛璩,竊據蜀土,涪、岷士庶,怵迫受職。 曰:〔三「臣聞 更其守。 以 其後刺· 身貞白,抗志不撓,殯送舊君,哀敬盡禮,全操九載,不染爲朝。 旌 風 命,劫以兵威,穎忠誠奮發,辭色方壯,雖桎梏在身,踐危愈信其節, 萬 史至,輒加辟引,歷府參軍,州別駕從事史。 里、志存砥竭、有懷必聞、故率愚憝、舉其所知。 運纏明夷,則艱貞之節顯,時屬棟撓,則獨立之操彰。 若王蠋之抗辭燕軍,同周苛之肆詈楚王, 而名未登於王府,爵猶齒於鄉曹,同斯實 方之於穎,蔑以 太祖 邊氓遠土,所爲 追懼紕妄,伏增悚栗。」顯逐不 元嘉二十四年,刺史陸徽 昔之元興,皇綱 縦錐 加焉。 殘 凶 於邑。 白刃 璩故 誠當 猶 臨 東襲穎 弛紊,譙 重 臣 今之忠 頸, 一義概。 過 見 叨

被朝命、終於家。

不絕聲。 劉瑜,歷陽人也。七歲喪父,事母至孝。年五十二,又喪母,三年不進鹽酪,號泣晝夜 勤身運力,以營葬事。 服除後,二十餘年布衣蔬食,言輒流涕。 常居墓側,未嘗

太祖元嘉初卒。

里爲孝義里,蠲租布三世。追贈天水郡顯親縣左尉。回 爲鄰火所逼,恩及妻桓氏號哭奔救,鄰近赴助,棺櫬得免。 賈恩,會稽諸暨人也。少有志行,爲鄉曲所推重。元嘉三年,母亡,居喪過禮。 恩及桓俱見燒死。 有司奏改其 未葬,

供養, 助,云 叉 (喪父,居喪過禮,殆不勝 郭 微有所受, 力猶不足, 世道,至會稽永興人也。 葬畢,傭賃倍還先直。 若養此兒, 喪。 則所費者大。」乃垂泣瘞之。 家貧無產業,傭力以養繼母。 生而失母,父更娶,世道事父及後母,孝道淳備。年十四, 服除後,哀戚思慕,終身如喪者,以爲追遠之思,無 母亡,負土成墳, 婦生一男,夫妻共議曰:「勤身 親戚咸共賻

列

傳

第

時去心 市貨物,誤得一千錢,當時不覺,分背方悟。請其伴求以此錢追還本主,伴大笑不答, ,故未嘗釋衣餡。 仁厚之風,行於鄉黨,隣村小大,莫有呼其名者。 嘗與人共於山陰 世道

稅 調,改所居獨楓里爲孝行焉。太守孟顗察孝廉,不就。 元嘉四年,遣大使巡行天下,散騎常侍袁腧表其淳行,太祖嘉之,敕郡牓表閭門,蠲其

以己錢充數送還之,錢主驚嘆,以半直與世道,世道委之而去。

服 則虚 至吉歲,求者盈門。 心自 奉終之義,情禮 匠,取散夫價。主人設食,原平自以家貧,父母不辦有肴味,唯飡鹽飯而已。若家或無食, 原平衣不 人 動,未 運力,經時展勤,久乃閑練。又自賣十夫,以供衆費。 中竟日,義不獨飽,要須日暮作畢,受直歸家,於里中買糴,然後舉爨。 父抱篤疾彌年, 子原平字長泰,又禀至行,養親必己力。性閑木功,傭賃以給供養。性謙虚,每爲人作 曾暫替。 葬畢, 詣所買主, 執役無懈, 與諸奴分務, 每讓逸取勞, 主人不忍使, 每遣之, 原平 解帶,口不嘗鹽菜者,跨積寒暑。又未嘗睡臥。父亡,哭踊慟絕,數日方蘇。以爲 所畢,營擴凶功,不欲假人。本雖智巧,而不解作墓,乃訪邑中有營墓者,助 所餘私夫,傭賃養母,有餘聚以自贖。 原平所赴,必自貧始,旣取賤價,又以夫日助之。 **窀穸之事,儉而當禮,性無術學,因** 本性智巧,既學構冢,尤善其事,每 父喪旣終,自起兩間

安縣好,以此奉尊上下耳。」原平乃拜而受之。及母終,毁瘠彌甚,僅乃免 還家,以縣一斤遺原平,原平不受,送而復反者前後數十,瑤之乃自往曰「今歲過 前,示有所噉,在私室,未曾妄嘗,自此迄終,三十餘載。 畝田,不屬原平,每至農月,耕者恒裸袒,原平不欲使人慢其墳墓,乃販質家貲,貴買此田。 小屋,以爲祠堂。 每至節歲烝嘗,於此數日中,哀思,絕飲粥。 高陽許瑤之居在永興,罷建安郡 父服除後,不復食魚肉,於母 喪。 墓前有數十 寒, m 建

於所植竹處溝上立小橋,令足通行,又采筍置籬外。 春月夜有盜其筍者,原平偶起見之,盜者奔走墜溝。原平自以不能廣施,至使此人顚沛,乃 讓,欲買者稍稍減價,要使微賤,然後取直。居宅下濕,遶宅爲溝,以通淤水。宅上種 每出市賣物,人問幾錢,裁言其半,如此積時,邑人皆共識悉,輒加本價與之, 鄰曲慚愧,無復取者。 彼此相 少竹,

三農之月,輒束帶垂泣,躬自耕墾。

此? |原平泣而答曰:「吾家見異先朝,蒙褒贊之賞,不能報恩,私心感慟耳。」 崩,原平號哭致慟,日食麥絆一枚,如此五日。人或問之曰:「誰非王民, 何獨如

原平曰:「普天大旱,百姓俱困,豈可減漑田之水,以通運瓜之船。」乃步從他道往錢唐 叉以 每行來,見人牽埭未過,輒迅檝助之,己自引船,不假旁力。若自船已渡,後人未及, 種瓜爲業。世祖大明七年大旱,瓜瀆不復通船,縣官劉僧秀愍其窮老,下瀆水與

列

小

咸

稽

常停 原 平 獨 住 住 須 、待,以此爲常。 顙請救,然後得免。 吏執以送縣,縣令新到 嘗於縣南郭鳳埭助人引船,遇有相鬭者,爲吏所錄,聞者逃散, 由來不謁官長,自此以後,乃修民敬。 ,未相諳悉,將加嚴罰,

原平解衣就罪,義無一言。 左右 唯

頻煩 物表, 郭 吾 君若以吾義行邪,則無 妻,教曰:「秩年之貺,著自國書,餼貧之典,有聞甲令。 原平世禀孝德,洞業儲靈,深仁絕操,追風曠古,棲貞處約,華耈方嚴。 一人而已。」終不 ,誓死不受。 太守王僧朗察孝廉,不就。 妻孔耋齒孀居,窶迫殘日,欽風撫事,嗟慨滿懷。 人或問曰:「府君嘉君淳行,慜君貧老,故加 ·肯納。 一介之善, 百年妻亦辭不受。 太守蔡興宗臨郡,深加貴 不可濫荷此賜。 若以其貧老邪,耋齒甚多, 況高柴窮老, 可以帳下米, 異,以私米饋原平及山陰朱百 此贍,豈宜 各餉 萊婦屯暮者哉。 必 一辭。」原平日 山陰朱百 白 解。」 屢空比室,非 原平固 年 一門府 道 永 讓 年 興

故 數十年,未嘗見喜慍之色。三子一弟,並有門行。 士;會興宗薨,事不行。 子 爲望計,原平次息爲望孝。 二選並 會稽 寢。 貴重望計及望孝 泰豫 元年, 明 興宗徵還京師,表其殊行,宜舉拔顯選, 年,元徽元年,卒於家。 ,盛族出身,不減秘、著。 仲智會土高門,原平 長子伯林,舉孝廉,次子靈馥,儒林祭酒, 原平少長交物,無忤辭於人,與其居處者 太宗泰始七年,興宗欲舉山陰孔仲智長 邦至行,欲以 相敵。 以勸 風 會太宗別敕用 俗。 舉爲太學博

陽妻莊年九十,莊女蘭七十,並各老病,單孤無所依,世期衣飴之二十餘年,死並殯葬。宗 親嚴弘、鄉人潘伯等十五人,荒年並餓死,露骸不收,世期買棺器殯埋,存育孩幼。山陰令 何曼之表言之。元嘉四年,有司奏牓門曰「義行嚴氏之閭」,復其身徭役,蠲租稅十年。 慮不相存,欲棄而不舉,世期聞之,馳往拯救,分食解衣,以贍其乏,三子並得成長。 嚴世期,會稽山陰人也。 好施慕善,出自天然。同里張邁三人,妻各產子,時 `歲飢儉' 同縣兪

逵時逆取鄰人夫直,葬畢,衆悉以施之,逵一無所受,皆傭力報答焉。太守張崇之三加禮 家徒壁立,冬無被絝,晝則庸賃,夜則伐木燒塼,此誠無有懈倦。」逵夜行遇虎,虎輒下道避 之。朞年中,成七墓,葬十三棺。鄰里嘉其志義,葬日悉出赴助,送終之事,亦儉而周禮。 三人。逵時病困,鄰里以葦席裹之,埋於村側,旣而逵疾得瘳,親屬皆盡,唯逵夫妻獲全。 吳達,吳興烏程人也。經荒飢饉,係以疾疫,父母兄弟嫂及羣從小功之親,男女死者十

列傳第

命,太守王韶之擢補功曹史,逵以門寒,固辭不就,舉爲孝廉。

轉逼 欲舉大事,此兒以死救父,云何可殺。 賊因斫驃,綜抱父於腹下,賊斫綜頭面,凡四創,綜當時悶絕。 賜生命。」賊至,驃亦請賊曰:「兒年少,自能走,今爲老子不走去。 ¬.驃語|綜:「我不能去,汝走可脫,幸勿倶死。」|驃困乏坐地,|綜迎賊叩頭曰:「父年老,乞 潘綜,吳興烏程人也。 孫恩之亂,妖黨攻破村邑,綜與父驃共走避賊。 殺孝子不祥。」賊良久乃止,父子並得免。 有一賊從傍來, 老子不惜死,乞活此兒。」 驃年老行遲,賊 相謂 日「卿

設祖道,贈以四言詩 俗,拔萃著聞者,便足以顯應明數,允將符旨。 守王韶之臨郡,發教曰:「前被符,孝廉之選,必審其人,雖四科難該,文質寡備,必能 行 純至,列墳 線鄉 人秘 〈成行。 書監丘繼祖、廷尉沈赤黔以綜異行,廉補左民令史,除遂昌長,歲滿還家。 咸精誠內淳,休聲外著,可並察孝廉,幷列上州臺,陳其行跡。」及將行, 日 鳥程潘綜守死孝道,全親濟難。 烏程吳逵義 孝義邁 太

東 寶惟金,南木有喬。 發煇曾崖,竦幹重霄。 美哉茲土,世載英髦。 育翮幽林,養

音九皐。其一

唐 后明数,漢宗蒲輪。 我皇降鑑,思樂懷人。 羣臣競薦,舊章惟新。 余亦奚貢,日

義與仁。其二

仁義伊在,惟吳惟潘。 心積純孝,事著艱難。 投死如歸,淑問若蘭。 吳實履仁。心

力偕單。固此苦節,易彼歲寒。 霜雪雖厚,松栢丸丸。其三

人亦有言,無善不彰。二子徽猷,彌久彌芳。 拔叢出類,景行朝陽。 誰謂道遐,弘

之則光。咨爾庶士,無然怠荒。其四

江革奉摯,慶祿是荷。 姜詩入貢,漢朝咨嗟。 勗哉行人,敬爾休嘉。 俾是下國, 照

輝京華。其五

伊 余朽駘,竊服懼盜。 無能禮樂,豈暇聲教。 順彼康夷、懿德是好。 聊綴所懷,以

贈二孝。其六

元嘉四年,有司奏改其里爲純孝里,蠲租布三世。

尉。 家世富足,經荒年 張進之, 永嘉安固人也。 散其財,救贍鄉里,遂以貧罄, 爲郡大族。少有志行,歷郡五官主簿,永寧、安固二縣領校 全濟者甚多。 進之爲太守王味之吏,

列

書 卷 九十 二二五〇

沈沒,進之投水拯救,相與沈淪,危而得免。 味之有罪當見收,逃避投進之家,供奉經時,盡其誠力。以本村淺近,移入池溪,味之墮水 時劫掠充斥,每入村抄暴,至進之門,輒相約

勒,不得侵犯,其信義所感如此。 元嘉初,詔在所蠲其繇役。

買棺斂逸之等六喪,送致還都,葬畢乃歸鄉里。 孫恩之亂,永嘉太守司馬逸之被害,妻子並死,兵寇之際,莫敢收藏。 元嘉中,老病卒。 郡吏愈僉以家財

年,太守劉伯龍依事表言,改其里爲通靈里,蠲租布三世。 出,墓處去淮五里,荷檐遠汲,困而不周。 忽生泉水,鄉隣助之者,並嗟歎神異,縣邑近遠, 則 傭力,夜則號感。 王彭、盱眙直瀆人也。 鄉里並哀之,乃各出夫力助作塼。 少喪母。 元嘉初,父又喪亡,家貧力弱,無以營葬,兄弟二人,畫 彭號天 悉往觀之。 自訴,如此積日,一 **塼須水而天旱,穿井敷十丈,泉不** 葬事旣竟,水便自竭。 旦大霧,霧歇, 塼竈 元嘉九 前

蔣恭,義興臨津人也。元嘉中,晉陵蔣崇平爲劫見禽,云與恭妻弟吳晞張爲侶。 晞張

豊 宜 實爲 伏膺 不能 協。 伍,容有不知,不合加罪。」勒縣遣之,還復民伍。 協 先行不在,本村遇水,妻息五口避水移寄恭家,討錄晞張不獲,收恭及兄協付獄治罪。 並 判,依 拘 殊 聖 款 協列協是戶主,延制 特。 教,猶或不逮,況在野夫,未達誥訓,而能互發天倫之憂,甘受莫測之罪,若斯情義, 舍住晞張家口,而 執 憲文,「も」加以罪戮。 事 蔑 上詳。 爾恭、協,而能行之,茲乃終古之所希,盛世之嘉事。 州議之曰:「禮讓者以義爲先,自厚者以利爲上,末世俗薄,靡不自私。 不知劫情。 所由,有罪之日,關協 且晞張封筒遠行,他界爲劫, 恭列晞張妻息是婦之親,親今有罪,恭身甘分,求遣兄 而已,求遣弟恭。兄弟二人,爭求受罪,郡縣 乃除恭義成令,協義招令。〔公〕 造釁自外,贓不還家,所寓村 二子乘舟, 無以過此。

千斛,助官 之求,思 穀轉貴 年亢旱,禾稼不 徐耕,晉陵延陵 ,糴索無 同 1賑貸。 野草,氣類之感,能不 所。 登。 此境連年不熟,今歲尤甚,晉陵境特爲偏枯。〔九〕此郡 氓黎飢 人也。自令史除平原令。元嘉二十一年,大旱民飢,耕詣縣陳辭曰「今 方涉春夏,日月悠長,不 餒,採掇存命,聖上哀矜,已 ·傷心。 民糴 得少米,資供 有微救,永 無 垂 、朝夕, 濟理。 存 拯。 志欲自竭, 不惟 但饉罄來 凡瑣 雖弊, 文文 久,困殆者衆,米 義存 猶有富室, 承 憂身外。鹿鳴 分飡, 今以

列

傳

三五五

端。 陂之家,處處而是,並皆保熟,所失蓋微。 之家,各有財寶。 實願掘水揚塵,崇益山海。」縣爲言上。 大明八年,東土飢旱,東海嚴成、東莞王道蓋各以穀五百斛助官賑卹。 謂此等並宜助官,得過儉月,所損至輕,所濟甚重。 陳積之穀,皆有巨萬,旱之所弊,實鍾貧民,溫富 當時議者以耕比漢卜式,詔書褒美,酬以縣令。 今敢自勵,為勸造之

初,揚州辟爲文學從事,不就。 境之內,尋求枯骨,刺血以灌之,如此者十餘年不獲,乃縗絰,終身不娶,饋遺無所受。 得還。單身勤苦、霜行草宿、營辦棺椁、造立冢墓、葬送母兄,儉而有禮。 孫法宗,吳興人也。父遇亂被害,尸骸不收,母兄並餓死,法宗年小流进,至年十六,方 以父喪不測,於部 世

死,唯餘法先,病又危篤, 喪尸經月不收。叔孫悉備棺器, 親爲殯埋。 父母死不殯,又同里范苗父子並亡,又同里危敬宗家口六人俱得病,二人喪沒,親隣畏遠, 范叔孫,吳郡錢唐人也。少而仁厚,周窮濟急。[10]同里范法先父母兄弟七人,同時疫 又同里施淵 夫疾病,

莫敢營視。 叔孫並殯葬、躬卹病者、並皆得全。 鄉曲貴其義行,莫有呼其名者。 世祖孝建

初,除竟陵王國中軍將軍,不就。

義興吳國夫,亦有義讓之美。 人有竊其稻者,乃引還,爲設酒食,以米送之。

卜天與,吳興餘杭人也。父名祖,有勇幹,徐赤特爲餘杭令,祖依隨之。 赤特死。二二高

祖聞 其有幹力,召補隊主,從征伐,封關中侯,歷二縣令。

罷。 以白 衣領 遷 天 (與善射,弓力兼倍,容貌嚴正,笑不解顏。 領輦後第 東掖 防閣 (一隊) 隊。四元嘉二十七年,臧質救懸瓠,劉 撫卹士卒,甚得衆心。 二十九年,以爲廣威將軍,領左細仗,兼帶 太祖以其舊將子,使敎皇子射。 興祖守白石,並率所領隨之,虜退 居累年,

營祿。

與天 賊。」 出 手 與 元凶 射 同 徐罕曰:「殿下入, 出 賊劭於東堂、幾中。 入弑,事變倉卒,舊將羅訓、徐罕皆望風屈附,天與不暇被甲,執刀持弓,疾呼左右 拒戰,並死。 世 汝欲何爲。」天與駡曰:「殿下常來,云 祖 即位,詔曰:「日者逆豎犯蹕,釁變卒起,廣威 逆徒擊之,臂斷倒 地,乃見殺。 其隊將 何卽時方作此語。只汝是 張泓之、朱道欽、陳滿 將軍關中侯

列

與提戈赴難,挺身奮節,斬殪凶黨,而旋受虐刃。 ì 宜加 甄 贈, 以旌忠節。 可贈龍驤將軍、盆州刺史, 勇冠當時,義侔古烈, 諡曰壯侯。」車駕臨哭。 興言追悼,傷痛于 泓之等各贈

郡守,給天與家長稟。

子伯宗,殿中將軍。 太宗泰始初,領幢,擊南賊於赭圻,戰沒。

伯宗弟伯興,官至前將軍、南平昌太守,直閤,領細仗主。 順帝昇明元年,與袁粲同謀,

伏誅。

留礙,衆並歎服。 已。可且賜布千匹,以厲衆校。」大明末,爲弋陽太守。 慶之攻廣陵城,天生推車塞塹,率數百人先登西北角,徑至城上。 曰:「我向已不渡,今者必墜此阬中。」丈夫跳此不渡,亦何須活。」乃復跳之,往反十餘,曾 **|** 生 墜 防。 拔,乃還。詔曰:「天生始受戎任,甫造寇壘,而投輪越塹,率果先騰,驍壯之氣,嘉歎 天與弟天生,少爲隊將,十人同火。屋後有一大阬,廣二丈餘,十人共跳之皆渡,唯天 天生乃取實中苦竹,剡其端使利,交橫布阬內,更呼等類共跳,並畏懼不敢。 以兄死節,爲世祖所留心,稍至西陽王子尚撫軍參軍,加龍驤將軍。 太宗泰始初,與殷琰同逆,邊城令宿 賊爲重栅斷攻道,苦戰 天生 隸 沈 無 無

僧護

起義討斬之。

病,家無僮役,竭力致養,甘旨必從,宗黨嘉其孝行。 家貧無以殯送,自己昭先賣衣物以營殯葬。舅子三人並幼,贍護皆得成長。昭先父母皆老 專獨 無有懈息,如是七載。尙書沈演之嘉其操行,肇之事由此得釋。昭先舅夫妻並疫病死亡, 料訴,無日在家。餉饋肇之,莫非珍新,家產旣盡,賣宅以充之。肇之諸子倦怠,昭先 許昭先,義興人也。叔父肇之,坐事繫獄,七年不判。子姪二十許人,昭先家最貧薄, 雍州刺史劉眞道板爲征虜參軍,昭先

會稽姚吟事親至孝,孝建初,揚州辟文學從事,不就。元嘉初,西陽董陽五世同財,爲鄕邑所美。

以親老不就。本邑補主簿,昭先以叔未仕,又固辭。

病報之,信未至,齊民謂人曰:「比者肉痛心煩,有若割截,居常遑駭,必有異故。」信尋至,便 歸,四百餘里,一日而至。 余齊民,晉陵晉陵人也。 至門,方詳父死,號踊慟絕,良久乃蘇。 少有孝行,爲邑書吏。父殖,大明二年,在家病亡,家人以父 問母:「父所遺言。」母曰

列傳第五

淳以禮。

,治本惟孝,靈祥歸應,其道先彰。

改其里爲孝義里,蠲租布,賜其母穀百斛。

唯在 隸,節行可甄,特原罪。」州加辟命,幷賜許帛二十匹。 小郎屬君,竟未妻娶,家道不立,君已有二兒,死復何恨。」岱依事表上,世祖詔曰:「棘、薩毗 甘,但令兄兔,薩 爲諮詳,聽其 不建,罪應 法,人身付 長兄,兄雖 孫棘,彭城彭城 至此,狂愚犯法,實是薩 獄 相代。」棘顏色甚悅,答云:「得爾,旦則 未及結竟, 可垂愍,有何心處世。」太守張岱疑其不實,以棘、薩各置一 有何恨。」棘妻許又寄語屬棘:「君當門戶,豈可委罪 人也。 棘詣 世祖大明五年、發三五丁,弟薩應充行,坐違期不至,依制, |郡辭:「不忍令當一門之苦,乞以身代薩。」薩 身,自應依法受戮。兄弟少孤,薩三歲失父,一 爲不死。」又語薩,亦欣然曰 亦 鄎。 處,語棘云:「已 且大家臨亡,以 又辭列:「門戶 「死自分 生恃賴,

先是,新蔡徐元妻許,年二十一,喪夫,子甄年三歲。父攬愍其年少,以更適同縣張買、

許自誓不行,父逼載送買,許自經氣絕,家人奔赴,良久乃蘇。 買知不可奪,夜送還攬。 滸

歸徐氏,養元父季。 元嘉 中,年八十餘,卒。

庚浦埭逢慶思,[三手刃殺之,自繫烏程 太宗泰始二年,長城奚慶思殺 同縣錢仲期,口四仲期子延慶屬役在都,聞父死,馳還,於 上縣獄 吳興太守郗顒表不加罪,許之。

何 子平,廬江灊人也。 會祖楷,晉侍中。 祖友,會稽王道子驃騎諮議參軍。 父子先,建

安太守。

白粲。」 र्गा 粟 麥。 子平世居會稽,少有志行,見稱於鄉曲。 毎 有 人或問 贈鮮肴者,若不可寄致其家,則不肯受。 曰 ::「所利無幾,何足爲煩。」子平曰:「尊老在 事母至孝。 揚州辟從事史,月俸得白米,輒貨 東,不辦常得生米,何心 獨饗

綱,謂曰:「尊上 黃籍,籍年 母 本 側 旣 庶,籍注 至,便應扶侍私庭,何容以實年未滿, 年實未 失實,年未及養,而籍年已滿,便去職 八十, 親故所知。 州 中差有 微 苟冒榮利。 禄, 當啓 歸家。 相 且歸養之願, 留。」子平日 時鎭軍將軍 「公家 顧覬之爲 又切微情。」 E 州 取 阛 信 E

列

以給供養。

之又勸令以母 老求縣,子平曰:「實未及養,何假以希祿。」 覬之益重之。 旣歸家,竭身運力,

賓。 時年六十。 居喪毀甚,困瘠踰久,及至免喪,支體殆不相屬。 申,天地 進鹽菜。 號絕擗踊,不闋俄頃,叫慕之音,常如袒括之日。 妻子不犯一毫。人或疑其儉薄,子平曰:「希祿本在養親,不在爲己。」問者慚而退。 官,哀毁踰 奮,故廢己受職,事寧,自解。 學義堅明,處之以默,安貧守善,不求榮進,好退之士,彌以貴之。 元嘉三十年,元凶弑逆,安東將軍隨王誕入討,以爲行參軍。 一罪人耳,屋何宜覆。」蔡興宗爲會稽太守,甚加旌賞。 所居屋敗,不藏雨日,兄子伯與採伐茅竹,自己欲爲葺治,子平不肯,曰「我情事未 禮,每至哭踊,頓絕方蘇。 又除奉朝請,不就。 值大明末,東土飢荒,繼以師旅, 冬不衣絮,暑避清凉,日以數合米爲粥,不 幼持操檢, 末除吳郡海虞令,縣祿唯以養母 敦厲名行, 泰始六年,為營冢椁。 子平以凶逆滅理,普天同 八年不得營葬, 順帝昇明元年,卒。 雖處闇室, 一身,而 如接大 母喪去 晝夜 子平

史臣曰: 漢世士務治身,故忠孝成俗,至乎乘軒服冕,非此莫由。 晉、宋以來,風衰義

缺,刻身厲行,事薄膏腴。若夫孝立閨庭,忠被史策,多發溝畎之中,非出衣簪之下。 以此

而言聲教,不亦卿大夫之恥乎。

校勘記

- 何忍舉觴聞樂 各本並作「何忍聞舉樂」,據南史、御覽四二一引宋書訂正。
- 刺史陸徽上表曰 陸徽 各本 並作「陸徵」,據南史改。 按陸徽見良吏傳 元嘉二十三年爲益

州刺史,二十九年卒官。

- **爵猶齒於鄉曹** 曹。 「鄕曹」各本並作「鄕曹」,據元龜六八八改。 按龔穎歷府參軍,州別駕從事史,
- 追 故稱 贈天 鄉 水郡 顯親縣左尉 穎官不至九卿,不得稱卿曹。 郡」各本並作「部」,據南史、元龜二一〇改。
- 〔五〕郭世道 南史作「郭世通」。
- [六]親戚咸共賻助 「咸」各本及南史並作「或」,據通志改。
- 〔七〕豈宜拘執憲文 「拘」各本並作「惣」,據元龜八五一改。
- 協 義招 令 「義招」各本並作「義怡」,據南史改。 按州郡志, 無「義怡縣」,有義招縣,屬廣州義

安郡。

列傳第五十一 校勘記

- へたし 晉陵境特爲偏枯 「枯」各本並作「祐」,據远龜四八五、八〇三改。
- [01] 周窮濟急 「周」各本並作「固」,據南史、御覽四七七引改。 元龜八〇三作「拯」,亦通。
- 徐赤特爲餘杭令祖依隨之赤特死 「赤特」各本並作「赤將」,據武帝紀、通鑑晉義熙六年改。
- 以白衣領東掖防閤隊 「防闇」各本作「防關」,殿本作「防閣」,今改「防閤」。「東掖」,即東掖門。
- [1] 家貧無以殯送 各本並脫「殯」字,據南史補。
- [18] 長城奚慶思殺同縣錢仲期 「奚慶思」南史作「吳慶恩」。
- 二吾 於庚浦埭逢慶思 「庚浦埭」南史作「庾浦埭」。「慶思」南史作「慶恩」。
- 兄子伯與採伐茅竹 「伯與」南史作「伯興」。 建康實錄亦作「伯與」。

宋書卷九十二

列傳第五十二

良吏

猶有未供,於是深賦厚斂,天下騷動。 謌謠舞蹈,觸處成羣,蓋|宋世之極盛也。 民有所係,吏無苟得。家給人足,卽事雖難,轉死溝渠,於時可免。凡百戶之鄕,有市之邑, 供徭,止於歲賦,晨出莫歸,自事而已。 師,經略同、一虎,費由府實,役不及民。自此區宇宴安,方內無事,三十年間,氓庶蕃息,奉上 之飾,故能戎車歲駕,邦甸不擾。 費,日耗千金,播茲寬簡,雖所未暇,而絀華屛欲,以儉抑身, 左右無幸謁之私, 閨房無文綺 高祖起自匹庶,知民事艱難,及登庸作宰,留心吏職,而王略外舉,未遑內務。 太祖幼而寬仁,入纂大業,及難興陝方,六戎薄伐,命將 自茲至于孝建,兵連不息,以區區之江東,地方不至 守宰之職,以六朞爲斷,雖沒世不徙,未及曩時,而 暨元嘉二十七年,北狄南侵,戎役大起,傾資掃蓄, 奉師之 動

列傳第五

十 二

良吏

其欲 竈不得黔,席未暇煖,蒲、密之化,事未易階。 陋前規,更造正光、玉燭 不制嘉名,太祖因之,亦有合殿之稱。及世祖承統,制度奢廣,犬馬餘菽粟,土木衣綈繡,追 ,單民命未快其心。 今採其風迹粗著者,以爲良吏篇云 、紫極諸殿,雕欒綺節,珠窗網戶,嬖女幸臣,賜傾府藏,竭四海不供 太宗繼阼,彌篤浮侈,恩不卹下,以至橫流。 莅民之官,遷變歲屬, 豈徒吏不及古,民僞於昔,蓋由爲上所擾,致

王鎭之字伯重,琅邪臨沂人,徵士弘之兄也。曾祖廙,晉驃騎將軍。祖耆之,中書郎。

父隨之,上虞令。

殊績。 時貴盛,鎭之爲所排抑,以母老求補安成太守。 飢荒,遺鎭之銜命賑卹,而會稽內史王偸不奉符旨,鎭之依事糾奏。 鎭之初爲琅邪王衞軍行參軍,出補剡、上虞令,並有能名。 遷衞軍參軍,本國郎中令, 加寧朔將軍。 及玄敗,玄將苻宏寇亂郡境, 桓玄輔晉,以爲大將軍錄事參軍。時三吳 內史謝輯請爲山陰令,復有 **偷子綏**,玄之外甥,當 鎭之拒戰彌

陵,加鎭 利,白衣領 葬畢,[I] 爲子標之求安復令,隨子之官。服闋,爲征西道規司馬、南平太守。 年,子弟五人,並臨陣見殺。 之建威將軍,統檀道濟、到彥之等討道覆,以不經將帥,固辭,不見聽。 職,尋復本官。 以討道覆功,封華容縣五等男,徵廷尉。 母憂去職,在官淸潔,妻子無以自給,乃棄家致喪還上虞舊墓 晉穆帝何皇后山陵,領 徐道覆逼江 旣而前軍失

將作大匠

遷御

.史中丞,秉正不撓,百僚憚之。

遷宋臺 營,去官之日,不異始至。 本州大中正。 「王鎭之少著淸績,必將繼美吳隱之。 出 祠 爲使持節 部尚 永初三年,卒官,時年六十六。 書。 、都督交廣二州諸軍 高祖 踐作 高 ,鎭之以脚患自 祖 初建相 事、建威將軍、平越中郎將、廣州刺史。 [國府] 嶺南之弊, ,以爲諮議 陳, 弟弘之,在隱逸傳。 出 非此 爲 輔國 参軍 不康 將軍 ,領錄 也。」 事。 琅邪太守,遷宣訓衞尉 在鎭不受俸 善於吏職、嚴 禄, 高祖謂人曰 蕭 而 然 不 領領

之當至,行 州 府 杜慧度 爲日南 分遣二子斷遏水陸津要,暖收衆斬遜,州境獲寧。 、九德 ,交阯朱戴人也。 交阯 太守。 本屬京兆。 初,九眞太守李遜父子勇壯有 曾祖元,爲寧浦太守,遂居交阯。 權 除龍驤將軍。 力, 威制 交 土, 父瑗字道言,仕 遯之在州十餘 聞 刺 史滕 遯

列

傳

M,造使通好,暖斬之。 義熙六年,年八十四,卒,追贈右將軍,本官如故。 捷,故胡達走還林邑。 時遯之去已遠,瑗與第三子玄之悉力固守,多設權策,累戰,大破之。追討於九眞、日南,連 年,與林邑累相攻伐。 遯之將北還,林邑王范胡達攻破日南、九德、 乃以瑗爲龍驤將軍、交州刺史。義旗進號冠軍將軍。 九眞三郡,遂圍 盧循竊據廣 |州城。

軍阮 交戰,禽循長史孫建之。循雖敗,餘黨猶有三千人,皆習練兵事,李遜子李弈、李脫等奔竄 寇,不宜曠職,共推慧度行州府事,辭不就。七年,除使持節、督交州諸軍事、廣武將軍、交 弟交阯太守慧期、九眞太守章民並督率水步軍,慧度自登高艦,合戰,放火箭雉尾炬,步軍 石碕,同盤結悝、獠,各有部曲。循知弈等與杜氏有怨,遣使招之,弈等引諸悝帥衆五六千 州刺史。詔書未至,其年春,盧循襲破合浦,徑向交州。慧度乃率文武六千人距循於石碕, 人,受循節度。六月庚子,循晨造南津,命三軍入城乃食。慧度悉出宗族私財,以充勸賞。 、兩岸 靜、中兵參軍羅農夫、李脫等,傳首京邑。 慧度,暖第五子也。 射之,循衆艦俱然,一時散潰,循中箭赴水死。斬循及父嘏,幷循二子,親屬錄事參 初爲州主簿,流民督護,遷九眞太守。暖卒,府州綱佐以咬土接 封慧度龍編縣侯,食邑千戶。

高 林邑乞降,輸生口、大象、金銀、古貝等,乃釋之。 祖 踐作, 進號 輔國將軍。 其年,率文武萬人南討林邑,所殺 遣長史江悠奉表獻捷。 過半,前後被抄略,悉得

私 祿 慧 賑 給 度 ٠ 0 布衣 爲政 一蔬食,儉約質素,能彈琴,頗好莊 纖密,有 如治家,由是威 惠沾洽,姦盜不起,乃至城門不夜閉,道 心老。 禁斷淫祀,崇修學校, 歲荒民饑, 不 拾 遺 則 1 以

帝景平元年,卒,時年五十,追贈左將軍。

弘文 杖節 眞 鷹 京 刺 太守。 史, 揚 朝 將軍,流 母 三世 以 弘文 廷甚哀之。 旣 慧度長子員外散騎侍郎 常常 及繼 年老,見 就徵。 欲 民督護,配兵三千,北 父 投 人為 刺· 弘文輿疾 軀 會得 帝 化史, 庭 重 一疾,牵 亦以寬和得 以 就路, 報 以 弘文為振 所 就 荷。 不 係大軍 路, 忍分別 衆, 況 親舊 親被 威將軍 襲舒龍 行至 見 相 徵 其患篤,勸表 · 刺 命 與 編 廣 (俱行。 而 州,關 史。 侯。 可 宴然者乎, 太祖 初,高祖北征關、洛, 到 洛 廣 待 元嘉 已 病癒 幸 州 遂卒。 四 弘 乃 年,以 如 歸 其 文 、 顚沛, 日 臨 統府 廷 死 慧度板 尉 吾 王徽 遣弟弘 此 板 世荷 乃命 弘 文行 弘文爲 爲 皇恩 献詣 也。 交州 カ

徐 豁字萬 同 東莞 姑 幕 人 也, 中散大夫廣兄子。 父邈 晉 太子 左 衞 卒 · ^ []]

太宰、 豁 司 晉安 徒, 並 帝 隆 非 安 軍 職 末 ·, 爲 則 琅 太 邪 學 王 博 不 士 應加敬。」玄諷中丞免豁官。 0 桓 玄 輔 政, 爲 中 外 都 督 豁 玄敗, 議 色 以 爲 致 秘 敬 書 唯 郎, 內 尚書倉 武官。

列

部郞 丞。 永初初,爲徐羨之鎭軍 右軍 何無忌功曹,仍爲鎭南參軍,又祠部,永世令,「於」建武司馬, 司馬,尚書左丞,山陰令。 歷二、丞三邑,精練 中軍 明理,爲一 參軍, 尚書左 世 所推

少相 使得 致甚 旣遏接蠻、俚,去就益易。 其 甚。 鑿坑採砂,皆二三丈,功役旣苦,不顧崩壓,一歲之中,每有死者。 隨 子丁 丁課米,公私棄利 T 輸南 存 多 困 :隨,永絕農業,千有餘口,皆資他食,豈唯一夫不耕,或受其饑 曰:「郡大田,武吏年滿十六,便課米六十斛,十五以下至十三,皆課米三十斛, 叉稱 立。 少,悉皆輸米。 初,爲始興太守。 稱半兩。 兩受入,易生姦巧,山俚愚怯,不辨自申,官所課甚輕,民以所輸爲劇。 尋臺邸用米,不異於銀,謂宜准銀課米,即事爲便。」其三曰:「中宿縣**俚**民 今若減其米課,雖有交損,考之將來,理有深益。」其二曰:「郡領銀民三百餘 尋此縣自不出銀,又個民皆巢居鳥語,不閑貨易之宜,每至買銀,爲損 且十三歲兒,未堪田作,或是單迥,無相兼通,年及應輸,便自 或乃斷截支體,產子不養,戶口歲減,實此 三年,遣大使巡行四方,幷使郡縣各言損益, 官司 而 之由。 Ę 7檢切, 豁因此 所以歲 謂宜 猶致逋違, 有 更量 表 今若聽計 不 陳三事。 課銀,一 一戶內 課限, 1逃逸, 稔 便 老

被。 在 近嶺南荒弊,郡境尤甚,拯卹有方,濟厥饑饉,雖古之良守,蔑以尙焉。 郡著績,太祖嘉之,下詔曰:「始興太守豁, 潔已退食,恪居在官,政事修 宜蒙褒賁,以旌 理, 惠澤沾

服,申其才志。 將、廣 清績,可賜絹二百匹,穀千斛。」五年,以爲持節、督廣交二州諸軍事、寧遠將軍、平越中郎 州 刺史。 未拜,卒,時年五十一。太祖又下詔曰:「豁廉淸勤恪, 不幸喪殞,朕甚悼之。可賜錢十萬,布百匹,以營葬事。」 著稱所司, 故擢授南

軍 主簿,除尚書都官郎,出補建康令,清平無私,爲太祖所善,遷司徒左 陸徽字休猷,吳郡吳人也。 郡辟命主簿,仍除衞軍、車騎二府參軍,揚州主簿,王弘衞 西缘

確然 冰 嗣,年五 闕豪露,敢罄 而 風 隨 賞流,清原 S. 廣州刺 守 與 牒 元嘉 志,不 貪 南服 十三,字少豫,理業沖夷,秉操純白,行稱私庭,能著官政。 一一四 流 史。 爭激,霜 ,位極僚首,九綜州綱,三端府職,頻掌蕃機,屢績符守。 が斯挹。 求聞 愚陋 年,爲始興太守。 清名亞王鎭之,爲士民所愛詠。上表薦士曰:「臣聞陵雪褒穎,貞柯必振,尊 學 達,實足 是以衣囊揮譽於西京,折轅延高於 情與晚節 其所知。 以澄革汙 彌茂。 如得提名禮闡,抗迹朝省,摶嶺表之淸風,負冰宇之潔望,則 明年,仍除使持節、交廣二州諸軍事、綏遠將軍、平越中郎 吏,洗鏡貪氓。 歷宰金山,家 無寶鏤之飾, 臣謬 東帝。〔七〕伏見 **忝司牧**,任 連組 |專萬 雖 年 珠 氏 廣州別駕從事史朱萬 · 暨 知 海, 里,雖 非 世 室靡 命, 一祿、宦 情 廉 璫 祗 愼 珥 尙 無通資 愈高, 擢,才 之珍。

列

傳

希垂聽覽。」 恩融一臣,而施光萬物。 敢緣天澤雲行,時德雨施,每甄外州,榮加遠國。是以獻其瞽言,

故。」賜錢十萬,米二百斛。 諡曰簡子。 奉公盡誠,克己無倦。襃榮未申,不幸夙殞,言念在懷,以爲傷恨。可贈輔國將軍,本官如 軍、盆州刺史,云隱卿有方,威惠兼著,寇盜靜息,民物殷阜,蜀土安說,至今稱之。二十九 爲亂於益州,兵寇之餘,政荒民擾。二十三年,乃追徽爲持節、督益寧二州諸軍事、寧朔將 年,卒,時年六十二。身亡之日,家無餘財,太祖甚痛惜之。詔曰:「徽厲志廉潔,歷任恪勤, 二十一年,徵以爲南平王鑠冠軍司馬、長沙內史,行湘州府事。母憂去職。 張尋、趙廣

子叡,正員外郎。弟展,臧質車騎長史、尋陽太守,質敗,從誅。

初爲 諸府參軍,除員外散騎侍郎。 長之年十五喪父,有孝性,哀感傍人。 阮長之字茂景,陳留尉氏人也。祖思曠,金紫光祿大夫。父普,驃騎諮議參軍 母老,求補襄垣令,督郵無禮, 服除,蔬食者猶積載。 鞭之, 閑居篤學,未嘗有惰容。 去職。 尋補廬陵王

義眞車騎行正參軍,平越長史,東莞太守。入爲尚書殿中郎,出爲武昌太守。

時王弘爲江

州,雅相知重,引爲車騎從事中郎。入爲太子中舍人,中書侍郎,以母老固辭朝直,補彭城 王義康平北諮議參軍。 元嘉九年,遷臨川內史,以南土卑濕,母年老,非所宜,辭不就。 年,復除臨海太守。至郡少時而母亡,葬畢,不勝憂,十四年,卒,時年五十九。

直,夜往鄰省,誤著履出閣,依事自列門下,門下以闍夜人不知,不受列,長之固遣送之,曰: 前一日解印綬。自己初發京師,親故或以器物贈別,得便緘錄,後歸,悉以還之。在中書省 年秩祿皆入前人。[1]始以元嘉末改此科,計月分祿。長之去武昌郡,代人未至,以芒種 生不侮闇室。」前後所莅官,皆有風政,爲後人所思,宋世言善治者,咸稱之。 子師門,原鄉令。 時郡縣田祿,以芒種爲斷, [弘]此前去官者,則一年秩祿皆入後人,[10]此後去官者,則

江秉之字玄叔,濟陽考城人也。祖道,晉太常。父纂,給事中。

少帝卽位,入爲尚書都官郎,出爲永世、鳥程令,以善政著名東土。 祖督徐州,轉主簿,仍爲世子中軍參軍。宋受禪,隨例爲員外散騎侍郎,補太子詹事丞。 秉之少孤,弟妹七人,並皆幼稚,撫育姻娶,罄其心力。初爲劉穆之丹陽前軍府參軍。 徵建康令,爲治嚴察,京

所得祿秩,悉散之親故,妻子常飢寒。人有勸其營田者,秉之正色曰:「食祿之家,豈可與農 理,自己而未能簡事。以在縣有能,遷補新安太守。元嘉十二年,轉在臨海,並以簡約見稱。 庭常數百人,秉之御繁以簡,常得無事。宋世唯顧覬之亦以省務著績,其餘雖復刑政脩 邑肅然。 人 ·競利。」在郡作書案一枚,及去官,留以付庫。十七年,卒,時年六十。 殷景仁為領軍,請爲司馬。復出爲山陰令,民戶三萬,政事煩擾,訟訴殷積,階

子徽,尚書都官郎,吳令。元凶殺徐湛之,徽以黨與見誅。子謐,昇明末爲尚書吏部郎。

山桑令何道,自少淸廉,白首彌厲。 久而 五十匹,穀五百斛,浦、熙國、道各賜絹三十匹,穀二百斛 郡太守李元德,清勤均平,姦盜止息。彭城內史魏恭子,廉恪修愼,在公忘私,安約守儉, 彌固。 元嘉初,太祖遣大使巡行四方,兼散騎常侍孔默之、王歆之等上言:「宣威將軍、陳南頓 前宋縣令成浦,治政寬濟,遺詠在民。 應加褒賚,以勸于後。」乃進元德號寧朔將軍,恭子賜絹 前鮦陽令李熙國,在事有方,民思其政。

王歆之字叔道,河東人也。 曾祖愆期,有名晉世,官至南蠻校尉。 祖尋之,光祿大夫。

父肇之,豫章公相。

| 飲之被遇於太祖,歷顯官左民尚書,光祿大夫,卒官。

肅、綏 歷 ,自奉職 元嘉九年, [穆初附,招攜荒遠,郊境之外,仰澤懷風,爵賞之授,績能是顯,宜升階秩,以崇獎勸。] 邦畿 ,于茲五年,信惠並宣,威化兼著,外清姦暴**,** 豫州刺史長沙王義欣上言:「所統威遠 將軍、 內輯民黎,役赋均平, 北譙梁二郡太守關中侯申季 閭 [井齊

淮

)號寧朔將軍

惟儉,故超授顯邦,以甄廉績。 郭 可哀悼。 啓玄往 其後晉壽太守郭啓玄亦有淸節,卒官。 |銜命虜庭,秉意不屈,受任白水,盡勤靡懈,公奉私餼,纖毫弗納,布衣 可賜其家穀 Ŧi. 百斛 而 介誠苦節,終始匪貳,身死之日,妻子凍餒, 元嘉二十八年, 詔曰:「故綏遠將軍、晉壽太守 志操殊俗, 蔬食,飭躬 良

武康、錢塘令,並著能名,宋世言長吏者,以三人爲首。 善發姦伏,境內以爲 時 有 北地傅僧祐、潁川陳珉、高平張祐,並以吏才見知。 神 明。 祐祖 父湛, 晉孝武世, 以才 學爲中書侍郎, 僧祐事在臧燾傳。 光祿勳。 祐 珉爲吳令, 歷 一臨安、

元 嘉 中 高 平太守潘詞,有淸節。 子亮爲昌慮令,亦著廉名,大明中,爲徐州刺 史劉道

隆所

世

祖

世

一、吳郡

陸

法眞歷官有淸節,嘗爲劉秀之安北

錄事參軍。

泰山

羊 希

與

安

北

諮

議參

持

身至

清

雅

有志節

軍 孫 詵 書 列 傳 第 足足 五. 下 同 僚似有陸錄事者,此生東南名地,又張玄外孫,

二三七

年高官下,秉操不衰,計當日夕相與申意。」太宗初,爲南海太守,卒官。

渡瓜步江,投之中流。 署,得姦巧甚多。 侍中,在門下,盡其心力。五年,卒官,追贈太常。初,悅爲侍中,檢校御府、太官、太醫諸 也。」遂不果。悅泰始中,爲黃門郎,御史中丞。上以其廉介,賜良田五頃。遷尚書吏部郎, 司徒左長史。靖之爲劉穆之所厚,就穆之求侍中,如此非一。穆之曰:「卿若不求,久自得 太宗世,琅邪王悦,亦莅官清正見知。悦字少明,晉右將軍羲之曾孫也。父靖之,官至 及悅死,衆咸謂諸署詋詛之,上乃收典掌者十餘人,桎梏云送淮陰,密令

降及晚代,情僞繁起,民滅昔時,務多前世,立績垂風,艱易百倍。若以上古之化,治此世之 民,今吏之良,撫前代之俗,則武城弦歌,將有未暇,淮陽臥治,如或可勉。未必今才陋古, 闊,郡縣治民,無所橫擾,勸賞威刑,事多專斷,尺一詔書,希經邦邑,龔、黃之化,易以有成。 史臣曰:夫善政之於民,猶良工之於埴也,用功寡而成器多。漢世戶口殷盛,刑務簡

蓋化有淳薄也。

乃棄家致喪還上虞舊墓葬畢 「墓」各本並作「基」、據南史、 元龜六七九改。 又各本並脫「葬」

字,據南史補。

[三] 聞刺史滕遯之當至 「滕」各本並作「騰」、據南史改。

李遜子李弈李脫等奔竄石碕 「李遜子」各本並作「李子遜」,據南史改。 按南史作「李遜子孫

李弈、李移、李脱等」。張森楷校勘記云:「案下云循知弈等與杜氏有怨,則當是上杜瑗所誅李遜

子也。

父邈晉太子左衞率 「太子左衞率」晉書、南史作「太子前衞率」。

 \cap *3*5. 豁議 「豁」各本並作「諮」。 殿本考證云:「諮當作豁,以字形相近而譌。」今改正。

「八」又祠部永世令 孫彪宋書考論云:「祠部下當有郞字」。

. . -L 是以衣囊揮譽於 西京折轅延高於東帝 建康 實錄作「是以袁盘揮譽於西京、韓延播德於東夏」。

乃追 徽 為持節督益寧二州諸軍事寧朔將 軍益 州刺 史 「徽」各本並作「徴」、據元龜六九二改。

У... 以芒種 爲 斷 各本並脫「以」字,據南史、通典職官典、建康實錄、元龜六七九補

(10) 此前 去官者則一 年秩 禄皆入後 人 後 人」各本並作「前 人」,據 南史、建康 實錄 改正。

此後 去官 I者則 年 秩 禄皆入前 人 前 人」各本並作「後人」、據南史、建康 實錄改正。

列傳第五十二 校勘記

「前一日」各本並作「後一日」,據南史、建康實錄改。牛震運宋書糾謬

[11] 以芒種前一日解印綬 云:「良吏阮長之傳,代人未至,以芒種後一日解印綬,按此正言長之解綬之早,俾秩祿歸於後

人,以見長之之廉也。當依南史作前一日解印綬。」

[二] 其餘雖復刑政脩理 「脩」各本並作「循」,據南史改。

宋書卷九十三

列傳第五十三

隱逸

隱,而非賢人之隱也。賢人之隱,義深於自晦,荷藤之隱,事止於違人。 惟晦道,非日藏身。至於巢父之名,卽是見稱之號,號曰裘公,由有可傳之迹,此蓋荷蓧之 耳潁濱,皦皦然顯出俗之志乎。遯世避世,卽賢人也。夫何適非世,而有避世之因,固 身遠害,非必穴處巖栖,雖藏往得二,鄰亞宗極,而舉世莫窺,萬物不覩。若此人者,豈肯洗 語「作者七人」,表以逸民之稱。又曰:「子路遇荷蓧丈人,孔子曰:隱者也。」又曰:「賢者避 言,迹不外見,道不可知之謂也。若夫千載寂寥,聖人不出,則大賢自晦,降夷凡品,止於全 地,其次避言。」又曰:「虞仲,夷逸,隱居放言。」品目參差,稱謂非一,請試言之。夫隱之爲 燙曰:「天地閉,賢人隱。」又曰:「遯世無悶。」又曰:「高尙其事。」又曰:「幽人貞吉。」論 論迹旣殊,原心亦 知義

列傳第五十三

逸

陰之氏 異也。 郡袁淑集古來無名高士,以爲眞隱傳,格以斯談,去眞遠矣。 以此爲言,如或可辨。若乃高尙之與作者,三避之與幽人,及逸民隱居,皆獨往之稱,雖復漢 之同於賢,未知所異。」應之曰:「隱身之於晦道,名同而義殊,賢人之於賢者,事窮 逸篇,虛置賢隱之位,其餘夷心俗表者,蓋逸而非隱云。 隱,用致隱者之目。 身與運閉,無可知之情,雞黍宿賓,示高世之美。運閉故隱,爲隱之跡不見,違人故 不傳,河上之名不顯,莫不激貪厲俗,秉自異之姿,猶負揭日月, 身隱故稱隱者,道隱故曰賢人。或曰:「隱者之異乎隱,旣聞其說,賢者 賢人在世,事不可誣,今爲隱 鳴建鼓而趨 於亞聖。 也。」陳

戴顒字仲岩,譙郡蛭人也。父逵,兄勃,並隱遁有 高

所傳之聲,不忍復奏,各造新弄,勃五部,顯十五部。 傳之,凡諸音律,皆能揮手。 王級常攜賓客造之,勃等方進豆粥,級曰:「聞卿善琴,試欲一聽。」不答,**級 顒年十六,遭父憂,幾於毀滅,因此長抱羸患。以父不仕,復修其業。** 會稽剡縣多名山,故世居剡下。 顒又制 長弄一部,並 **颙及兄勃,並受琴於父,**父沒 似恨而 父善琴書,顒並 傳於世。 去。 中書令

桐廬縣又多名山,兄弟復共游之,因留居止。勃疾患,醫藥不給,顒謂勃曰:「顒隨兄得

勃卒,乃止 閑,非有心於默語。 少時繁密,有若自然。 桐廬僻遠,難以養疾,乃出居吳下。 兄今疾篤,無可營療,顒當干祿以自濟耳。」乃告時求海虞令,事 乃述莊周大旨,著消搖論, 吳下士人共爲築室,聚石引水,植林開澗, 注 禮記中庸篇。 三吳將守及郡內衣冠要 垂行而

其

同

游

野澤,堪行便往,不爲矯介,衆論以此多之。

徴散 元嘉 操,久而 韋 騎常侍,並 玄,秉操幽遁,守志不渝,宜加旌引, 二年,詔曰:「新除通直散騎侍郞戴顒、太子舍人宗炳,並志託丘園,自求衡蓽,恬靜之 高 祖 不 命爲太尉行參軍,琅邪王司馬屬,並不就。 顒 就 可國子博士,炳可通直散騎侍郎。」東宮初建,又徵太子中庶子。 以弘 止退。 宋國初建,今日「前太尉參軍戴顒、辟 並可散騎侍郎,在通直。」不起。 十五年, 太祖

※絃、廣 戴公山也。」 顒 憩于 衡 此 陽 ··六 {止 王 澗 以其好音,長給 義季 息之流 義季鎮京口,長史張邵與顒姻通,迎來止黃鵠山。 亟從之遊, 顒服其野服, 不改常度。 皆與 世 正 異。 聲 太祖 伎一部。 每欲 見之, 題合何嘗、 嘗謂黃門侍郎 白鵠 爲義季 二聲, 鼓琴, 張敷 山北有竹林精舍,林澗甚美, 以爲 国 : 並新 調,號爲 「吾東巡之日。當讌 聲變曲,其三 清 曠 調遊遊

成, 面恨瘦,工 自 漢 世 始 人 有 不 佛 能 像,形 治 乃迎顒看之。 制 未 工 一、達特 善其事 顒曰:「非面瘦, ,顯亦參焉。 乃臂胛肥耳。」 宋世 子 鑄 丈六銅像 旣錯減 臂胛,瘦患卽 於瓦官寺,旣

除,無不歎服焉

十八年,卒,時年六十四。 無子。 景陽山成,顒已亡矣,上歎曰「恨不得使戴顒觀之。

宗炳字少文,南陽湼陽人也。 祖承,宜都太守。父繇之,湘鄉令。 母同郡師氏、聰辯有

學義,教授諸子。

稼穡。 湖立宅,閑居無事。高祖召爲太尉參軍,不就。二兄蚤卒,孤累甚多,家貧無以相贍,頗營 嘗不彌日也。乃下入廬山,就釋慧遠考尋文義。兄臧爲南平太守,逼與俱還,乃於江陵三 年。」高祖善其對。妙善琴書,精於言理,每游山水,往輒忘歸。征西長史王敬弘每從之,未 領荆州,問繳府諮議參軍申永曰:「今日何施而可。」永曰:「除其宿釁,倍其惠澤,貫敍門次, 顯擢才能,如此而已。」高祖納之,辟炳爲主簿,不起。問其故,答曰:「棲丘飮谷,三十餘 炳居喪過禮,爲鄉閭所稱。 高祖數致餼賚,其後子弟從祿,乃悉不復受。 刺史殷仲堪、桓玄並辟主簿,舉秀才,不就。 高祖誅劉毅,

虚佇。南陽宗炳、雁門周續之,並植操幽棲,無悶巾褐,可下辟召,以禮屈之。」於是並辟太 高 祖開府辟召,下書曰:「吾忝大寵,思延賢彦,而冤置潛處,考槃未臻,側席丘園,良增

列 傅 第 五 十 三 隱 逸

子,並不應。妻羅氏,亦有高情,與炳協趣。羅氏沒,炳哀之過甚,旣而輟哭尋理,悲情頓 尉掾,皆不起。 謂沙門釋慧堅曰:「死生之分,未易可達,三復至敎,方能遣哀。」衡陽王義季在荆州,親 宋受禪、徵爲太子舍人;元嘉初,又徵通直郎,東宮建,徵爲太子中舍人,庶

至炳室,與之歡讌,命爲諮議參軍,不起。

太祖遣樂師楊觀就炳受之。 陵,嘆曰:「老疾俱至,名山恐難偏覩,唯當澄懷觀道,臥以游之。」凡所游履,皆圖之於室,謂 人曰:「撫琴動操,欲令衆山皆響。」古有金石弄,爲諸桓所重,桓氏亡,其聲遂絕,唯炳傳焉。 好山水,愛遠遊,西陟荆、巫,南登衡岳,因而結宇衡山,欲懷尚平之志。〔〕〕有疾還江

之,會病卒。 炳外弟師覺授亦有素業,以琴書自娛。 臨川王義慶辟爲祭酒,主簿,並不就,乃表薦

元嘉二十年,炳卒,時年六十九。 衡陽王義季與司徒江夏王義恭書曰:「宗居士不救所

病,其清履肥素,終始可嘉,爲之惻愴,不能已已。」

子朔,南譙王義宣車騎參軍。 次綺,江夏王義恭司空主簿。 次昭,郢州治中。 次說,正

員郞。

周續之字道祖,雁門廣武人也。其先過江居豫章建昌縣。續之年八歲喪母,哀戚過於

受業。 成人,奉兄如事父。豫章太守范甯於郡立學,招集生徒,遠方至者甚衆,續之年十二,詣甯 居學數年,通五經幷緯候,名冠同門,號曰「顏子」。旣而閑居讀老、易,入廬山事沙

門釋慧遠。 時彭城劉遺民遁迹廬山,陶淵明亦不應徵命,謂之尋陽三隱。 以爲身不可遣,

餘累宜絕,遂終身不娶妻,布衣蔬食。

節峻,頗從之游。 劉毅鎭姑孰,命爲撫軍參軍,〔三〕徵太學博士,並不就。 常以嵇康高士傳得出處之美,因爲之注。 高祖之北討,世子居守,迎續之 江州刺史每相招請,續之不尚

館于安樂寺,延入講禮,月餘,復還山。 江州刺史劉柳薦之高祖曰:

近,雖汾陽之舉,輟駕於時艱,明揚之旨,潛感於穹谷矣。 運,商洛匡漢,英業乃昌。 臣聞恢燿和肆,必在氣城之寶,翼亮崇本,宜紆高世之逸。 伏惟明公道邁振古,應天繼期,游外暢於冥內,體遠形于應 是以渭濱佐周,聖德廣

著桃李。 與饑寒俱落,情之所慕,巖澤與琴書共遠。 竊見處士雁門周續之,淸眞貞素,思學鉤深,弱冠獨往,心無近事,性之所遣,榮華 若升之宰府,必鼎味斯和,濯纓儒官,亦王猷遐緝。 加以仁心內發,義懷外亮,留愛崑卉,圖 臧文不知, 失在降賢, 誠

偃得人,功由升士。願照其丹款,不以人廢言。

徒。 六義及禮論、公羊傳,皆傳於世。無子。兄子景遠有續之風,太宗泰始中,爲晉安內史,未 奧,稱爲該通。續之素患風痹,不復堪講,乃移病鍾山。景平元年卒,時年四十七。通毛詩 偏吝,眞高士也。」尋復南還。 乘輿降幸,幷見諸生,問續之禮記「傲不可長」、「與我九齡」、「射於矍圃」三義,辨析精 俄而辟爲太尉掾,不就。 高祖北伐,還鎭彭城,遣使迎之,禮賜甚厚。每稱之曰「心無 高祖踐阼,復召之,乃盡室俱下。上爲開館東郭外,招集生

王弘之字方平,琅邪臨沂人,宣訓衞尉鎭之弟也。

解職同行,荆州 別,必在有情,下官與殷風馬不接,無緣扈從。」謙貴其言。 晉,桓謙以爲衞軍參軍。時琅邪殷仲文還姑孰,祖送傾朝,謙要弘之同行,答曰:「凡祖離送 爲琅邪王中軍參軍,遷司徒主簿。家貧,而性好山水,求爲烏程令,至尋以病歸。 少孤貧,爲外祖徵士何准所撫育。 刺史桓 偉請爲南蠻長史。 從叔獻之及太原王恭,並貴重之。晉安帝隆安中, 義熙初,何無忌又請爲右軍 母隨兄鎭之之安成郡,日弘弘之 司馬。 高祖命爲徐州 桓玄輔

列

明司契,載德惟新,垂鑑仄微,表揚隱介,默語仰風,荒遐傾首。 治中從事史,除員外散騎常侍,並不就。 希林可著作郎。」即徵弘之爲庶子,不就。太祖卽位,敬弘爲左僕射,又陳「弘之高行表於 未蒙表飾,宜加旌聘,賁于丘園,以彰止遜之美,以祛動求之累。臣愚謂弘之可太子庶子, 之,恬漠丘園,放心居逸。前衞將軍參軍武昌郭希林,素履純潔,嗣徽前武。 初筮,苦節彰於暮年,今內外晏然,當修太平之化,宜招空谷,以敦沖退之美。」元嘉四年,徵 家在會稽上處。從兄敬弘爲吏部尚書,奏曰:「聖 前員外散騎常侍琅邪 並 擊壤聖朝,

爲通直散騎常侍,又不就。敬弘嘗解貂裘與之,卽着以采藥。

古,常若布衣,每意昔聞,虛想巖穴,若遣一介,〔<〕有以相存,眞可謂千載盛美也。」 就閑、纂成先業;浙河之外,棲遲山澤,如斯而已。旣遠同議、唐,亦激貪厲競。殿下愛素好 求,弗獲從志。至若王弘之拂衣歸耕,踰歷三紀,孔淳之隱約窮岫,自始迄今,阮萬齡辭事 義眞牋曰:「會境旣豐山水,是以江左嘉遁,並多居之。但季世慕榮,幽棲者寡,或復才爲時 賣不。」弘之曰:「亦自不得,得亦不賣。」日夕載魚入上虞郭,經親故門,各以一兩頭置門內 而去。始寧沃川有佳山水,印弘之又依巖築室。謝靈運、顏延之並相欽重、靈運與廬陵王 性好釣,上虞江有一處名三石頭,弘之常垂綸於此。經過者不識之,或問一「漁師得魚

弘之四年卒,時年六十三。顏延之欲爲作誄,書與弘之子曇生曰「君家高世之節,有

就。 識 歸重,豫染豪翰,所應載述。 況僕託慕末風,竊以敍德爲事,但恨短筆不足書美。」誄竟不

初,四方同逆,戰敗奔會稽,歸降被宥,終於中散大夫。 **曇生好文義,以謙和見稱。** 歷顯位, 吏部尚書, 太常卿。 大明末,爲吳興太守。

被発。 不就。 三素望。 萬齡少知名,自通直郎爲孟昶建威長史。 阮萬齡,陳留尉氏人也。 **尋除左民尙書,復起應命,遷太常,出爲湘州** 復爲散騎常侍、金紫光祿大夫。元嘉二十五年卒,時年七十二。 萬齡家在會稽剡縣,頗有素情,永初末,自侍中解職東歸,徵爲 祖思曠,左光祿大夫。父寧,黃門侍郎 時袁豹、江夷相係爲昶 刺史,在州 無政績。 司 馬,時 秘書監 還爲東陽太守,又

人謂昶

府有

加 給 事

中,

<u>淳之少有高尚,愛好墳籍,爲太原王恭所稱。</u> 孔淳之字彦深、魯郡魯人也。 祖惔,尚書祠部郎。 居會稽剡縣,性好山水,每有所游,必窮 父粲,秘書監徵,不就。

列

傳

尉參軍,並不就。

外,三十年矣,今乃傾蓋于茲,不覺老之將至也。」及淳之還反,不告以姓。除著作佐郎,太 其幽峻,或旬日忘歸。 嘗游山,遇沙門釋法崇,因留共止,遂停三載。 法崇嘆曰:「緬想人

卷書。元嘉初,復徵爲散騎侍郎,乃逃于上虞縣界,家人莫知所之。弟默之爲廣州刺史,出 默之儒學,注穀梁春秋。 都與別。 女適淳之子尚。會稽太守謝方明苦要入郡,終不肯往。茅室蓬戶,庭草蕪逕,唯牀上有數 居喪至孝,廬于墓側。服闋,與徵士戴顒、王弘之及王敬弘等共爲人外之游。 司徒王弘要淳之集冶城,卽日命駕東歸,遂不顧也。元嘉七年,卒,時年五十九。 敬弘以

默之子熙先,事在范曄傳。

劉疑之字志安,小名長年,南郡枝江人也。父期公,衡陽太守,兄盛公,高尚不仕。

行。 妻亦能不慕榮華,與凝之共安儉苦。 州三禮辟西曹主簿,舉秀才,不就。 凝之慕老萊、嚴子陵爲人,推家財與弟及兄子,立屋於野外,非其力不食,州里重其德 妻梁州刺史郭銓女也,遣送豐麗,疑之悉散之親 夫妻共乘薄笨車,出市買易,周用之外,輒以施

人。爲村里所誣,一年三輸公調,[亞]求輒與之。有人嘗認其所著屐,笑曰:「僕著之已敗,

令家中覔新者備君也。」[10]此人後田中得所失展,送還之,不肯復取。

頓首稱僕,不修民禮,人或譏焉。凝之曰:「昔老萊向楚王稱僕,嚴陵亦抗禮光武,未聞巢、 元嘉初,徵爲祕書郎,不就。臨川王義慶、衡陽王義季鎭江陵,並遣使存問,疑之答書

許稱臣堯、舜。」時戴顒與衡陽王義季書,亦稱僕。

之,采藥服食,妻子皆從其志。 元嘉二十五年,卒,時年五十九。 之,俄頃立盡。性好山水,一旦攜妻子泛江湖,隱居衡山之陽。登高嶺,絕人迹,爲小屋居 荆州年饑,義季慮疑之餧斃,餉錢十萬。凝之大喜,將錢至市門,觀有饑色者,悉分與

襲所字孟道,武陵漢壽人也。從祖玄之,父黎民,並不應徵辟。

仙人也。」衡陽王義季臨荆州,發敎以所及劉凝之、師覺授不應徵召,辟其三子。 耐又徵太 朝請,臨川王義慶平西參軍,皆不就。風姿端雅,容止可觀,中書郎范述見而嘆曰:「此荆楚 子舍人,不起。 所年十四,鄉黨舉爲州迎西曹,不行。 謝晦臨州,命爲主簿,彭城王義康舉秀才,除奉 時或賦詩,言不及世事。 元嘉十七年,卒,時年四十二。

除著作佐郎南陽翟法賜,補員外散騎侍郎。 中表,莫得見也。州辟主簿,舉秀才,右參軍,自己著作佐郎,員外散騎侍郎,並不就。 人至石室尋求,因復遠徙,違避徵聘,遁跡幽深。 翟法 如當逼以王憲,束以嚴科,馳山獵草,以期禽獲,慮致顚殞,有傷盛化。」乃止。 少守家業,立屋於廬山頂,喪親後,便不復還家。不食五穀,以獸皮結草爲衣,雖鄉親 賜,尋陽柴桑人也。 曾祖湯,湯子莊,莊子燆,並高尙不仕,逃避徵辟。 法賜隱跡廬山,于今四世,栖身幽巖, 尋陽太守鄧文子表曰:「奉詔書徵郡民新 矯生法賜。 後卒於 人罕見 後

陶潛字淵明,或云淵明字元亮,尋陽柴桑人也。 曾祖侃,晉大司馬。 巖石之間,不知年月。

潛少有高趣,嘗著五柳先生傳以自況,曰:

好讀書,不求甚解,每有會意,欣然忘食。性嗜酒,而家貧不能恒得。 先生不知何許人,不詳姓字,宅邊有五柳樹,因以爲號焉。閑靜少言,不慕榮利。 親舊知其如此,

或置 褐穿結,[三]簞瓢屢空,晏如也。 酒招之,造飲輒盡,期在必醉,旣醉而退,曾不吝情去留。 嘗著文章自娛,頗示己志,忘懷得失,以此自終。 環堵蕭然,不蔽風日,桓

其自序如此,時人謂之實錄。

澤令。 歸去來,其詞曰 至,縣東白應束帶見之,潛嘆曰:「我不能爲五斗米折腰向鄕里小人。」卽日解印綬去職。 疾,復爲鎭軍、建威參軍,謂親朋曰:「聊欲弦歌,以爲三逕之資,可乎。」執事者聞之,以爲彭 親老家貧,起爲州祭酒,不堪吏職,少日,自解歸。 公田悉令吏種秫稻,妻子固請種就,乃使二頃五十畝種秫,五十畝種秔。 州召主簿,不就。 躬耕自資,遂抱羸 郡遣督郵 賦

問 諫,知來者之可追。實迷塗其未遠,覺今是而昨非。 征夫以前路,恨晨光之希微。日五 歸去來兮,園田荒蕪,口司胡不歸。 旣自以心爲形役,奚惆悵而獨悲。 舟超遙以輕颺,CIED風飄飄而吹衣。 悟已往之不

景翳翳其將入,撫孤松以盤桓。 成趣,門雖設而常關。 酒停尊。日日引壶觴而自酌,盻庭柯以怡顏。 乃瞻衡字,載欣載奔。 策扶老以流愒,時矯首而遐觀。 **僮僕歡迎,稚子候門。** 倚南窗而寄傲,審容膝之易安。 三徑就荒,松菊猶存。 雲無心以出岫,鳥樹飛而知還。 攜幼入室,有 園 日涉而

以窮壑,亦崎嶇而經丘。 琴書以消憂。 歸 去來兮,請息交而絕遊。 農人告余以上春,自己將有事于西疇。 木欣欣以向榮,泉涓涓而始流。 世與我以相遺,日也復駕言兮焉求。 或命巾車,或棹扁舟。日已既窈窕 善萬物之得時,咸吾生之行 說親戚之情話,樂

歸盡,樂夫天命復奚疑。 鄕 不可期。 已矣乎,寓形宇內復幾時。奚不委心任去留,胡爲遑遑欲何之。 懷良辰以孤往,或植杖而耘耔。 登東皐以舒嘯,臨淸流而賦詩。聊乘化以 富貴非吾願,帝

俄頃弘至,亦無忤也。先是,顏延之爲劉柳後軍功曹,在尋陽,與潛情款。後爲始安郡,經 張,無絃,每有酒適,輒撫弄以寄其意。貴賤造之者,有酒輒設,潛若先醉,便語客「我醉欲 過,日日造潛,每往必酣飲致醉。臨去,留二萬錢與潛,潛悉送酒家,稍就取酒。 眠,卿可去。」其眞率如此。郡將候潛,值其酒熟,取頭上葛巾漉酒,畢,還復著之。 日無酒,出宅邊菊叢中坐久,值弘送酒至,即便就酌,醉而後歸。潛不解音聲,而畜素琴一 人龐通之齎酒具於半道栗里要之,潛有脚疾,使一門生二兒轝籃輿,旣至,欣然便共飮酌, 義熙末,徵著作佐郎,不就。江州刺史王弘欲識之,不能致也。 潛嘗往廬山,弘令潛故 嘗九月九

潛弱年薄宦,不潔去就之迹,自以曾祖晉世宰輔,恥復屈身後代,自高祖王業漸隆,不

復肯仕。 所著文章,皆題其年月,義熙以前,則書晉氏年號,自永初以來唯云甲子而已。 與

子書以言其志,幷爲訓戒曰:

矣。 患,僶俛辭世,使汝幼而飢寒耳。常處孺仲賢妻之言,敗絮自擁,何慚兒子。 五十,而窮苦荼毒,以家貧弊,至三東西遊走。性剛才拙,與物多忤,自量爲己, 天。」四友之人,親受音旨,發斯談者,豈非窮達不可妄求,壽夭永無外請故邪。 但恨隣靡二仲,室無萊婦,抱茲苦心,良獨罔罔。 地賦命,有往必終,四回自古賢聖,誰能獨免。 子夏言曰:「死生有 命,富貴在 此旣一事 吾年過 必貽俗

緬 爾 有喜。 求在昔,眇然如何。 少 年來好書,偶愛閑靜,開卷有得,便欣然忘食。 見樹木交蔭, 時鳥變聲, 亦復歡 嘗言五六月北窗下臥,遇凉風暫至,自謂是羲皇上人。意淺識陋,日月遂往,

沒齒。 **尙爾,況共父之人哉。** 小 兄之義。 ,家貧無役,柴水之勞,何時可免,念之在心,若何可言。然雖不同生,當思四海皆弟 疾患以來,漸就衰損,親舊不遺,每以藥石見救,自恐大分將有限也。恨汝輩稚 濟北氾稚春,晉時操行人也,七世同財,家人無怨色。 鮑叔、敬仲,分財無猜,歸生、伍舉,班荆道舊,遂能以敗爲成,因喪立功,他人 潁川韓元長,漢末名士,身處卿佐,八十而終,兄弟同居,至于 詩云:「高山仰止,景行行

列

止。」汝其愼哉!吾復何言。

又爲命子詩以貽之曰:

思。 汙。 潛元嘉四年卒,時年六十三。 待于我。旣見其生,實欲其可。人亦有言,斯情無假。 千之罪,無後其急。 考,淡焉虛止。 寄迹夙運,冥茲慍喜。 亹丞相,允迪前蹤。渾渾長源,蔚蔚洪柯。羣川載導,衆條載羅。時有默語,運固隆 漢,眷予愍侯。 族以昌。紛紜 至,禍亦易來。 寵不惑。孰謂斯心,而可近得。肅矣我祖,愼終如始。直方二臺,惠和千里。於皇仁 溫恭朝夕,念茲在茲。 在我中晉,業融長沙。 悠悠我祖,爱自陶唐。 戰國,漠漠衰周。鳳隱于林,幽人在丘。逸虬撓雲,奔鯨駭流。天集有 夙興夜寐,願爾斯才。 於赫愍侯,運當攀龍。 我誠念哉,呱聞 尚想孔伋,庶其企而。 厲夜生子,遽而求火。 邈爲虞賓,歷世垂光。 桓桓長沙,伊勳伊德。天子疇我,專征南國。功遂辭歸,臨 爾泣。 嗟余寡陋,瞻望靡及。 撫劍夙邁,顯茲武功。參誓山河,啓土開封。亹 爾之不才,亦已焉哉。 卜云嘉日,占爾良時。 御龍勤夏,豕韋翼商。穆穆司徒,厥 日居月諸,漸免于孩。 顧慚華鬢,負景隻立。三 名爾 凡百 日儼,字爾求 有心,奚 福不虛

少長 至。 而眞澹過之。州辟主簿,舉秀才,不就。公私餼遺,一無所受。 元嘉初,大使陸子眞觀采風俗,三詣彧之,每辭疾不見也。告人曰:「我布衣草萊之人, 《壟畝,何枉軒冕之客。」子眞還,表薦之,徵員外散騎侍郎,又不就。元嘉八年,卒,時年 宗彧之字叔粲,南陽湼陽人,炳從父弟也。蚤孤,事兄恭謹,家貧好學,雖文義不逮炳, 高祖受禪,徵著作佐郎,不

之迎出縣南廢頭里,爲立小宅,臨溪,有山水之玩。時復還石山精廬,與諸孤兄子共釜庾之 沈道虔,吳興武康人也。少仁愛,好老、易,居縣北石山下。孫恩亂後飢荒,縣令庾肅

資,困不改節。 有人竊其園萊者,還見之,乃自逃隱,待竊者取足去後乃出。人拔其屋後筍,令人止 受琴於戴達,王敬弘深敬之。 郡州府凡十二命,皆不就。

門內而還。常以捃拾自資,同捃者爭穟,道虔諫之不止,悉以其所得與之,爭者愧恧,後每 爭,輒云:「勿令居士知。」冬月無複衣,戴顒聞而迎之,爲作衣服,幷與錢一萬。 之,曰:「惜此筍欲令成林,更有佳者相與。」乃令人買大筍送與之,盜者慚不取,道虔使置其 既還,分身

孤兄子。 像之日,輒舉家感慟焉。道虔年老,菜食,恒無經日之資,而琴書爲樂,孜孜不倦。 孔欣之厚相資給,受業者咸得有成。 上衣及錢,悉供諸兄弟子無衣者。 徵員外散騎侍郎,不就。累世事佛,推父祖舊宅爲寺。 鄉里年少,相率受學。 太祖聞之,遣使存問,賜錢三萬,米二百斛,悉以嫁娶 道虔常無食,無以立學徒。武康令 至四月八日, 毎請像。 太祖敕 請

子慧鋒,修父業,辟從事,皆不就。

郡縣令隨時資給。 元嘉二十六年,卒,時年八十二。

軍參軍,自己並不就。元嘉初,東部尚書王敬弘舉王弘之爲太子庶子,希林爲著作佐郎。 又徵員外散騎侍郎,並不就。十年,卒,時年四十七。 郭希林,武昌武昌人也。曾祖翻,晉世高尚不仕。希林少守家業,徵州主簿,秀才,衞 泰始中,郢州刺史蔡興宗辟爲主簿,不就。 後

子蒙,亦隱居不仕。

雷次宗字仲倫,豫章南昌人也。少入廬山,事沙門釋慧遠,篤志好學,尤明三禮、毛詩,

隱退不交世務。本州辟從事,員外散騎侍郎徵,並不就。 與子姪書以言所守,曰:

洗氣 汝曹歸耕壟畔,山居谷飲,人理 朋凋索,續以釁逆違天,備嘗荼蓼,疇昔誠願,頓盡一朝,心慮荒散,情意衰損,故遂與 性,成夫亹亹之業,樂以忘憂,不知朝日之晏矣。 弱冠,遂託業廬山,逮事釋和尙。于時師友淵源,務訓弘道,外慕等夷,內懷悱發,於是 吾少嬰羸患,事鍾養疾,爲性好閑,志棲物表,故雖在童稚之年,已懷遠迹之意。 `神明,玩心墳 夫生之修短,咸有定分,定分之外,不可以智力求,但當於所稟之中,順而勿率耳。 典,勉志勤躬,夜以繼日。 **一**久絕。 **爱有山水之好,悟言之歡,實足以通理輔** 自游道餐風,二十餘載,淵匠旣傾,良

此矣。 自今以往,家事大小,一勿見關,子平之言,可以 託,棲誠來生之津梁,專氣莫年之攝養,玩歲日於良辰,偸餘樂於將除,在心所期,盡於 岳 [之舉,近謝居室瑣瑣之勤。 日月不處,忽復十年,犬馬之齒,已踰知命。 汝等年各成長,冠娶已畢,修惜衡泌,吾復 及今耄未至惛,衰不及頓,尚可厲志於所期,縱心於所 爲 崦嵫將迫,前塗幾何,實遠想尚子五 何憂。 法 但願守全所志,以保令終耳。

JII 庾蔚之並以儒學、監總諸生。 元嘉十五年,徵次宗至京師,開館於鷄籠山,聚徒教授,置生百餘人。 時國子學未立,上留心蓺術,使丹陽尹何尚之立玄學,太子 會稽朱膺之、潁

傳

禮,始終若一。伏惟天慈弘被,亦垂矜愍。」 恭書道次宗亡,義恭答曰:「雷次宗不救所疾,甚可痛念。 其幽棲窮藪,自賓聖朝,克己復 門,乃使自華林東門入延賢堂就業。 又徵詣京邑,爲築室於鍾山西巖下,謂之招隱舘,使爲皇太子諸王講喪服經。次宗不入公 雷次宗,篤尙希古,經行明修,自絕招命,守志隱約。宜加升引,以旌退素。可散騎侍郎。」後 又除給事中,不就。 率更令何承天立史學,司徒參軍謝元立文學,凡四學並建。 久之,還<u>廬山,公卿以下,並設祖道。 二十五年,詔曰:「前新除給事中</u> 二十五年,卒於鍾山,時年六十三。 車駕數幸次宗學館,資給甚厚。 太祖與江夏王義

子肅之,頗傳其業,官至豫章郡丞。

頭,自己輒爲行人所取,明旦亦復如此,人稍怪之,積久方知是朱隱士所賣,須者隨其所堪多 百年少有高情,親亡服闋,携妻孔氏入會稽南山,以伐樵採箬爲業。 每以樵箬置道

朱百年,會稽山陰人也。祖愷之,晉右衞將軍。父濤,揚州主簿。

少,留錢取樵箬而去。 有時出山陰爲妻買繒綵三五尺,好飲酒,遇醉或失之。頗能言理,時爲詩詠,往往有高勝之 或遇寒雪,樵箬不售,無以自資,輒自搒船送妻還孔氏,天晴復迎之。

宿,衣悉裌布,飲酒醉眠,覬以臥具覆之,百年不覺也。旣覺,引臥具去體,謂覬曰:「綿定奇 相得輒酣,對飲盡歡。 言。 郡命功曹,州辟從事,舉秀才,並不就。 百年家素貧,母以冬月亡, 隱迹避人,唯與同縣孔覬友善。日四覬亦嗜酒, 衣並無絮, 自此不衣綿帛。 嘗寒時 就覬

吟,亦有高趣,爲衣冠所重。 除太子舍人,不就。 顏竣爲東揚州,發敎餉百年穀五百斛,不受。 義陽王昶臨州,辟爲文學從事,不起。 竣餉吟米二百斛, 時山陰又有寒 吟亦 人姚

。」因流涕悲慟,覬亦爲之傷感。

遣婢詣郡門奉辭固讓,時人美之,以比梁鴻妻。 百年孝建元年卒山中,四三時年八十七。蔡興宗爲會稽太守,餉百年妻米百斛,百年妻 辭之。

王素字休業,琅邪臨沂人也。高祖翹之,晉光祿大夫。

|素修完舊居,素不答,乃輕身往東陽,隱居不仕,頗營田園之資,得以自立。 愛好文義,不以 俗累懷。 素 少有 志行,家貧母老。 世 祖 卽 |位,欲搜揚隱退,下詔曰:「濟世成務,咸達隱微,軌俗興讓,必表淸節。朕 初爲廬陵國侍郎,母憂去職。 服闋,廬陵王紹爲江州,親舊勸

太宗泰始六年,又召爲太子中舍人,並不就。素旣屢被徵辟,聲譽甚高。 宜 昧 長,聽之使人不厭,而其形甚醜,素乃爲蚿賦以自況。 加加 旦 求善,思惇薄風,琅邪王素、會稽朱百年,並廉約貞遠,與物無競,自足臯畝,志在不移。 褒引,以光 難進。 並可太子舍人。」大明中,太宰江夏王義恭開府辟召,辟素爲倉曹屬, 七年,卒,時年五十四。 山中有蚊蟲、聲清

伯 時 韶字 玉居剡縣瀑布山三十餘載,揚州辟議曹從事,不就。 又有宋平劉睦之、汝南州韶、吳郡褚伯玉,亦隱身求 伯和 ,黃門侍郎文孫也。 築室湖熟之方山,徵員外散騎侍郎,征北行參軍,不 志。 睦之居交州,除武平太守,

之申 就。 以文 盡其能。 義、除武 棄絕人事,守志閑居。 主 義見稱,康之與 關 難 康 昌 顧 之字伯愉,河東楊人。世居京口,寓屬南平昌。少而篤學,姿狀豐偉。 竟陵王義宣自京口 或 ,遠有情理。又爲毛詩義 中 軍 將軍 之友善。 ,蠲除租 弟雙之爲臧質車騎參軍,與質俱下,至赭圻病卒,瘞於水濱。 遷鎭江陵,要康之同行,距 特進 稅。 顏 江夏王義恭、廣陵王 延之見而 經籍疑滯,多 知 之。 所論釋。 晉陵顧 不 誕臨 應命。 南 悅之難 嘗就 徐 元嘉中, 州 沙門支僧納 、辟爲 王弼 易義四 太祖 從 事 學算,行心妙 、西曹、並不 聞康之有學 十餘 下邳趙釋 條,康 康

直 棲 旭 之其春得疾困篤,小差,牽以迎喪,因得虚勞病,寢頓二十餘年。 志 郎,又辭以 卽 位 **希古,操不可渝,宜加徵聘,以潔風** ,遣大使陸子眞巡行天下,使反,薦康之「業履 疾。 順帝昇明元年,卒,時年六十三。 軌」。不見省。 恒貞,操勗清固 太宗泰始初,與平原明 時有閒 行 日, 信 閭 輒臥論文義。世 黨 僧紹俱徵為 ,譽延邦邑, 通

門八 矚。 時來之運,豈 襲,高城萬雉,莫不蓄壤開泉,髣髴林澤。 挂冠東都,夫何難之有哉。 史臣曰:夫獨往之人,皆稟偏介之性,不能摧 其放 情江海,取逸丘 樊,蓋不 得已而 故知 然故 志 松 屈道, 山桂渚,非止素玩 也。 借譽期通。 且. 巖壑閑遠, 若使值見信之主,逢 水石清華, 碧澗淸潭,翻 雖 成麗 復崇

校勘記

欲懷 山 臺孝 擔 薪, 威 尚平之志 ·傳,慨然慕之,想其爲人。」文選李善注引英雄記:「尚子平 賣以 供 食飲。」謝 「尚平」即後漢書逸民傳之向子平。 靈運 山居賦云:「慚尚子之晚研。」本注 嵇 叔夜 與山 云「尚平 有 巨 道]源絕交書:「吾毎 術、為縣 未 能 功 曹, 去 累, 休 讀 歸 6份子平、 故 日 自入 晚

列

研。」文選謝靈運初去郡詩:「畢娶類尙子,薄游似邴生。」李善注引嵇康高士傳:「尙長字子平, 河內人。 隱避不仕,爲子嫁娶畢,刺家事斷之,勿復相關,當如我死矣。」皆作「尙」,不作「向」。

- [三] 太祖遣樂師楊觀就炳受之 「楊觀」南史作「楊歡」。
- [] 〕 命爲撫軍參軍 各本並脫「參軍」二字,據南史補。
- 〔四〕 留愛崑卉 殿本考證云:「崑當作昆,昆蟲、花卉也。」
- 五 求爲鳥程令 「烏程」南史、御覽四八七引宋書作「烏傷」。
- [六] 母隨兄鎭之之安成郡 「母」各本並作「毎」,據南史改。
- -始寧沃川 有佳山水 「沃川」各本並作「汰川」,據南史、 建康實錄改。 按沃川卽沃洲,在始寧

縣境。

- [八] 若遣一介 「介」南史作「个」。禮大學:「若有一个臣。」
- 九 凵 年三輸公調 三朝本作「三輸」、北監本、毛本、殿本、局本作「二輸」。 張元濟校勘記云:「若是

二輸,當云再輸。三輸不誤。」

令家中覔新者備君也 「令」各本並作「今」,據通志改。「備」南史作「償」。 李慈銘宋書札記云

[11] 右參軍 右字下或有脫文。

備卽俗賠字。」

裋褐穿結 利 裋 褐。」 漢書貢禹傳: 三朝本、北監本作「裋褐」、三本、殿本、局本作「短褐」。按史記秦始皇本紀:「夫寒者 「裋褐不完。」顏師古注云:「裋者謂僮豎所著布長襦也。 褐っ 毛布之

衣也。」

〔三〕園田荒蕪、文選四五、晉書、南史作「園田將蕪」。

舟超遙以 輕颺 「超遙」局本、文選、晉書、南史作「遙遙」。

三吾 恨晨光之希微 「希」晉書同。文選、南史作「熹」。 李善注云:「聲類日」熹亦熙字也。 熙光

明也。」

有酒停尊

「停尊」文選、晉書、南史作「盈罇」。

按算罇,古今字。

[1七] 世與我以相遺 「遺」南史作「違」。

二九 或命巾車 農人告余以上春 或棹扁舟 「上春」文選、南史作「春及」、晉書作「暮春」。 「或命巾車」文選江文通擬陶徵君詩注引作

「或巾柴車」。黃侃以爲「或巾

柴車」是。「扁舟」,文選、晉書作「孤舟」。

[10] 有往必終 「往」元龜八一六作「生」。

[三] 以家貧弊 各本並脫「以」字,據元龜八一六補。

衛軍 參軍 各本並作「衞參軍」。 孫彪宋書考論云:「衞下當有軍字。」按孫說是,今補。

列傳第五十三 校勘記

毎以樵箬置道頭 各本並脫「毎」字、據御覽五〇四引補。

唯與同縣孔覬友善 「孔覬」各本並作「孔凱」,南史、元龜七五二又誤作「孔顗」。孫影朱書考論

云:「孔凱疑卽孔覬。」按孫說是,今改正。下並同改。

至 百年孝建元年卒山中 孫彪宋書考論云:「顏峻爲東揚州,在大明元年, 百年尚存,蓋卽是年

卒,史誤作孝建。」

云 嘗就沙門支僧納學算 各本並脫「算」字、據南史、御覽五〇四引補。

宋書卷九十四

列傳第五十四

恩倖

法。 相陵駕,都正俗士,斟酌時宜,品目少多,隨事俯仰,劉毅所云「下品無高門,上品無賤族」者 喪亂,魏武始基,軍中倉卒,權立九品,蓋以論人才優劣,非爲世族高卑。 執戟殿下。 朝,咸有職業,雖七葉珥貂,見崇西漢,而侍中身奉奏事,又分掌御服,東方朔爲黃門侍郎, 役也,太公起爲周師,傅說去爲殷相。非論公侯之世,鼎食之資,明揚幽仄,唯才是與。逮于 二漢,茲道未革,胡廣累世農夫,伯始致位公相, 黃憲牛醫之子, 叔度名重京師。 且任子居 自魏至晉,莫之能改,州都郡正,以才品人,而舉世人才,升降蓋寡。 夫君子小人,類物之通稱。[1] 蹈道則爲君子,違之則爲小人。屠釣,卑事也,版築,賤 郡縣掾史,行並出豪家,負戈宿衞,皆由勢族,非若晚代,分爲二塗者也。 徒以馮藉世資,用 因此相沿,遂為成 漢末

列傳

第五

易親 笑之下,南金北毳,來悉方艚,素縑丹魄,至皆兼兩,西京許、史,蓋不足云,晉朝王、庾 其身卑位薄,以爲權不得重。 勢傾天下,未之或悟。挾朋樹黨,政以賄成,鈇鉞創痏,構於筵笫之曲,〔三〕服冕乘軒,出乎言 事歸近習。 之色。 賞罰之要,是謂國權,出內王命,由其掌握,於是方塗結軌,輻湊同奔。人主謂 孝建、泰始,主威獨運,官置百司,權不外假,而刑政糾雜,理難偏通,耳目所寄, 曾不知鼠憑社貴, 狐藉虎威,外無逼主之嫌,內有專用之功,

書有恩澤侯表,又有佞倖傳,今採其名,列以爲恩倖篇云。 異,興樹禍隙,帝弟宗王,相繼屠劋。 民忘床德,雖非一塗,寶祚夙傾,實由於此。 嗚呼! {漢

及太宗晚運,慮經盛衰,權幸之徒,慴憚宗戚,欲使幼主孤立,永竊國權,構造同

未或能比。

善書,法興好學。 戴法 興,會稽山陰人也。 山陰有陳載者,至家富,有錢三千萬,鄉人咸云:「戴碩子三兒,敵陳載三 家貧,父碩子,販紵爲業。 法興二兄延壽、延興並修立, 延壽

千萬錢。」

昌縣男,明寶湘鄉縣男,閑高昌縣男,食邑各三百戶。閑時已卒,追加爵封。 將軍、南魯郡太守,解舍人,侍太子於東宮。大明二年,三典籤並以南下預密謀,封法興吳 位,並爲南臺侍御史,同兼中書通事舍人。法興等專管內務,權重當時。孝建元年,加建武 爲江州,仍補南中郎典籤。上於巴口建義,法興與典籤戴明寶、蔡閑俱轉參軍 **覓了了令史,得法興等五人,以法興爲記室令史。義康敗,仍爲世祖征虜、撫軍記室掾。** 法興少賣葛於山陰市,後爲吏傳署,入爲尚書倉部令史。 大將軍彭城王義康於尚書中 法興轉員外散 督護。 上卽 上

騎侍郎,給事中,太子旅賁中郎將,太守如故。

興、尙之參懷,內外諸雜事,多委明寶。上性嚴暴,睚眦之間,動至罪戮,尙之每臨事解釋, 出侍東宮,而意任隆密。魯郡巢尙之,人士之末,元嘉中,侍始興王濬讀書,亦涉獵文史,爲 出行,敬盛服騎馬於車左右,馳驟去來,上大怒,賜敬死,繫明寶尙方,尋被原釋,委任如初。 湊,門外成市,家產並累千金。明寶驕縱尤甚,長子敬爲揚州從事,與上爭買御物。六宮嘗 多得全免,殿省甚賴之。而法興、明寶大通人事,多納貨賄,凡所薦達,言無不行,天下輻 上所知,孝建初,補東海國侍郎,仍兼中書通事舍人。「云」凡選授遷轉誅賞大處分,上皆與法 世祖親覽朝政,不任大臣,而腹心耳目,不得無所委寄。法興頗知古今,素見親待,雖

第五

家賜 察聽 幸閹 興棺,焚之,四籍沒財 吸 成,欲有所爲,法興 興 有 悉決法興之手,尚書中事無大小,專斷之,顏師伯、義恭守空名而已。廢帝年已漸 習往 作 兩 、尚之執權 死,時年五 天子,官是一人,戴法 風 世 一家,深恐此坐席非復官許。」帝遂發怒,兔法 人華願兒 來, 崩 ,而道路之言,謂法 門客恒有數百,內外士庶,莫不畏服之。 が前 日久,威行內外,義恭積相畏服,至是懾憚尤甚。 有盛寵,賜與金帛無算,法興常加裁減,願兒甚恨之。 十二。 廢帝卽位,法興遷越騎校尉。 每相禁制,每謂帝曰:「官所爲如此,欲作營陽耶。」帝意稍不能平。 物。 法興臨死,封閉庫藏,使家人謹錄鑰牡。 興是一人。 法興能爲文章,頗行 興爲眞 (天子, 官在深宮中,人物不相接,法興 帝爲贋天子。行願兒因 時太宰江夏王義恭錄尚書事,任 於世 興官、 法興是孝武 遣還田 廢帝未親萬機, 里, 左右, 死一 此告帝曰。「外間云宮中 仍復 宿 帝常使願兒出入市里》 與太宰、 復 徙 久在 叉殺其二子, 付 遠 宮闡 凡 同總己,而法 顏、 郡 詔勑 長,凶志轉 柳 4 尋 施爲 所愛 截 將 叉 於 他

道路 留心庶事,卿等宜竭誠盡力,以副所期。」尚之時爲新安王子鸞撫軍中兵參軍、淮陵太守。乃 負恩,專作 之言,異 死後,帝敕 威 同 福 紛糾, 巢尙之曰:「吾纂承洪基,君臨萬國 ,冒憲黷貨,號令自由,積釁累愆,遂至於此。 非唯 人情駭愕,亦玄象違度,委付之旨,良失本懷。 一,推 心勳舊,著於遐邇。 卿等忠 勤在 事 吾今自 不謂戴 吾乃 親 法 具 覽萬 興恃遇 悉 但

解舍人,轉爲撫軍諮議參軍,太守如故。

稷,預誓河山。 司奏以法興孫靈珍襲封。 人之封,封爵可停。」 太宗泰始二年,詔曰:「故越騎校尉吳昌縣開國男戴法興,昔從孝武,誠懃左右,入定社 及出侍東儲,竭盡心力,嬰害凶悖,殷甚愍之。可追復削注,還其封爵。」有 又韶曰:「法興小人,專權豪恣,雖虐主所害,義由國討,不宜復貪

男,食邑四百戶,固辭不受。轉黃門侍郎,出爲<u>新安太守,</u>病卒。 拜,改除前軍將軍,太守如故。侍太子於東宮。晉安王子勛平後,以軍守管內,封邵陵縣 太宗初,復以尚之兼中書通事舍人、南淸河太守。二年,遷中書侍郎,太守如故。 未

爵、繫尙方、尋被宥。復爲安陸太守,加寧朔將軍,游擊、驍騎將軍,武陵內史,宣城太守,順 威將軍、晉陵太守,進爵爲侯,增邑四百戶。泰始三年,坐參掌戎事,多納賄貨,削增封官 宗初,天下反叛,軍務煩擾,以明寶舊人,屢經戎事,復委任之,以爲前軍將軍。事平,遷宣 廢帝卽阼,權任悉歸法興,而明寶輕矣,以爲宣威將軍、南東莞太守。景和末,增邑百戶。太 戴明寶,南東海丹徒人也。 亦歷員外散騎侍郎,給事中。世祖世,帶南淸河太守。 Ì

列傳第五

帝驃騎司馬。 昇明初,年老,拜太中大夫,病卒。

都、奉表於砌、旣而上舉義兵、劭責元嗣、元嗣答曰:「始下,未有反謀。」劭不信,備加考掠, 値 不服,遂死。 |元凶弑立,遺元嗣南還,報上以徐湛之等反。上時在

巴口,元嗣具言弑狀。上遣元嗣下 武陵國典書令董元嗣,與法興、明寶等俱爲世祖南中郎典籤。元嘉三十年,奉使還都, 世祖事克,追贈員外散騎侍郎,使文士蘇寶生爲之誄焉。

比當除之。」左右因倡「諾」。卽日宣旨殺焉。 時人比之孫晧殺岑昏。 拍。」又相戲曰:「勿反顧,付奚度。」 其酷暴如此。 就刑戮。時建康縣考囚,或用方材壓額及踝脛,民間謠曰:「寧得建康壓額, 而苛虐無道,動加捶撲,暑雨寒雪,不聽暫休,人不堪命,或有自經死者。 大明中,又有奚顯度者,南東海郯人也。〔5〕官至員外散騎侍郎。世祖常使主領人功。 前廢帝嘗戲云:「顯度刻虐,爲百姓所疾, 人役聞配顯度,如 不能受奚度

徐爰字長玉,南琅邪開陽人也。 本名暖,後以與傅亮父同名,改爲爱。

侍左右。 初 爲晉琅邪王大司馬府中典軍,從北征。 太祖初,又見親任,歷治吏勞,逐至殿中侍御史。 微密有意理,爲高祖所知。 元嘉十二年,轉南臺侍御史,始 少帝在東宮,入

興王 |濬後軍行參軍。[10]復侍太子於東宮,遷員外散騎侍郎。 二十九年,重遣王玄謨等北伐,配爰五百人,隨軍向碻磝,衡中旨,臨時宣示 太祖每出軍行師, 常懸授兵

卽大位,軍府造次,不曉朝章,爰素諳其事,旣至,莫不喜說,以兼太常丞,撰立儀注。 世 祖至新亭,大將軍江夏王義恭南奔,爰時在殿內,誑砌追義恭,因得南走。 時世 祖將

孝建三年,索虜寇邊,詔問羣臣防禦之策,爰議曰:

初,補尙書水部郎,轉爲殿中郎,兼右丞。

鎭告警,大督電赴,塢壁邀斷,州郡犄角,儻有自送,可 蠆,以表 不相及。 未積,是以齊斧徘徊,朔氣稽掃。今皇運洪休,靈威遐懾,蠢爾遺燼,懼在誅剪,思肆蜂 擬候,伺覘間隙,不勞大舉,終莫永寧。 詔旨「虜犯邊塞,水陸遼遠,孤城危棘,復不可置」。臣以戎虜猖狂,狡焉滋廣,列卒 有餘,雖不敢深入濟、沛,或能草竊邊塞。 且當使緣邊諸戍,練卒嚴城,凡諸督統,聚糧蓄田,籌計資力, 然連

施千里,

「三費固巨萬,

而中興造創,

資儲 羽林鞭長,太倉遙阻, 救援之日 使匹馬不 反 足相 抗擬。 勢

輟耕,清 可 俱竭,宜 詔 旨胡 野 而 秋登 立 騎倏忽,抄暴無漸,出 何方,可以 · 莫擬,私無生業,公成虛罄,遠引根本,二三非宜。 相 贍 _? 臣以 耕見虜,野粒資寇,比 爲方鎭所資, 實宜 及 且 少年,軍 田 且守,若使堅壁 實無擬,江東根本, 救之之術,唯在盡 而 春墾

二三〇八

力防衛 (),來必拒戰,去則邀躡,據險保隘,易爲首尾。 **胡馬旣退,則民豐廪實,比及三**

載,可以長驅。

多衆。 衆,則消費糧栗,敵至倉卒,又無以相應」。臣以爲推鋒前討,大須資力,據本應末,不俟 詔旨「賊之所向,本無前謀,兵之所進,亦無定所。 比歲戎戍,倉庫多虛,先事聚 今寇無傾國豕突,列城勢足脣齒,養卒得勇,所任得才,臨事而懼,應機無失,豈

已,則民失農桑,農桑不收,則王戍不立,爲立之方,擊之爲要。 詔旨「戎狄貪婪,唯利是規,不挫凶圖,姦志歲結」。臣以爲不擊則必侵掠,侵掠不 煩空聚兵衆,以待未然。

能制其侵抄。 方」。臣以爲威虜之方,在於積粟塞下。 詔旨「若令邊地歲驚,公私失業,經費困於遙輸,遠圖決無遂事,寢弊贊略,逆應有 今當使小戍制其始寇,大鎭赴其入境,一被毒手,便自吹韲鳥逝矣。 若使邊民失業,列鎭寡儲,非唯無以遠圖,亦不

之、南臺御史蘇寶生踵成之。 尋即 眞,遷左丞。 先是元嘉中,使著作郎何承天草創國史,世祖初,又使奉朝請 六年,又以爱領著作郎,使終其業。 爰雖因前作,而專爲一家 山謙

之書。上表日

臣聞虞史炳圖,原光被之美,夏載昭策,先隨山之勤。 天飛雖王德所至,終陟固有

鴻規。 資 **芟夷,而不序於始傳,涉、聖、卓、紹,煙起雲騰,非所誅滅,而顯冠乎首述,豈不以事先** 命國志,晉以宣啓陽秋,明黃初非更姓之本,泰始爲造物之末,又近代之令準,式遠之 行之盛則,振古之弘軌。 田躍,神宗始於俾乂,上日兆於納揆。其在殷頌,長發玄王,受命作周,實唯雍伯,考 典謨緬邈,自己紀傳成準,善惡具書,成敗畢記。 降逮二漢,亦同茲義,基帝創乎豐郊,紹祚本於昆邑。 然餘分紫色,滔天泯夏,親所 魏以武

歸之前錄,功偕著之後撰。

鯢,天人佇屬。晉祿數終,上帝臨宋,便應奄膺紘宇,對越神工,而恭服勤於三分,讓德 自詳之晉錄。及犯命干紀,受戮霸朝,雖揖禪之前,皆著之宋策。 起元義熙、爲王業之始、載序宣力、爲功臣之斷。其爲玄篡竊,同於新莽,雖靈武克殄, 邁於不嗣,其爲巍巍蕩蕩,赫赫明明,歷觀逖聞,莫或斯等。 伏惟皇宋承金行之澆季,鍾經綸之屯極,擁玄光以鳳翔,秉神符而龍舉,剝定鯨 宜依衡書改文、登舟變號 國典體大,方垂不

休若、 年。 於是內外博議,太宰江夏王義恭等三十五人同爱議,宜以義熙元年爲斷。 詔曰:「項籍、聖公、編錄二漢,前史已有成例。桓玄傳宜在宋典,餘如爰議。」 尚書金部郎檀道鸞二人謂宜以元興三年爲始。太學博士虞龢謂宜以開國爲宋公元 散騎常侍巴陵王

朽,請外詳議,伏須遵承

列傳第五十四 恩倖

不?爱答:「居喪讀喪禮,習業何嫌。」少日,始安王子眞博士又咨爱,爰曰:「小功廢業,三年 者,旣不敢立異議,所言亦不見從。世祖崩,公除後,晉安王子勛侍讀博士咨煖宜習業與 微旨。頗涉書傳,尤悉朝儀。元嘉初便入侍左右,預參顧問,旣長於附會,又飾以典文,故 兼左丞,著作兼如故。世祖崩,營景寧陵,爰以本官兼將作大匠。爰便僻善事人,能得人主 喪何容讀書。」其專斷乖謬皆如此。 爲太祖所任遇。 七年,爱遷游擊將軍。其年,世祖南巡,權以本官兼尙書左丞,車駕還宮,罷。 大明世,委寄尤重,朝廷大禮儀注,非爱議不行,雖復當時碩學所解過人 明年。又

尉,兼尚書左丞。明年,除太中大夫,著作並如故。 黃門侍郎,領射聲校尉,著作如故。封吳平縣子,食邑五百戶。 寵待隆密,羣臣莫二。帝每 出行,常與沈慶之、山陰公主同輦,爰亦預焉。太宗卽位,例削封,以黃門侍郎改領長水校 前廢帝凶暴無道,殿省舊人,多見罪黜,唯爱巧於將迎,始終無迕。 誅羣公後,以爱爲

爱秉權日久,上昔在藩,素所不說。及<u>景和世</u>,屈辱卑約,爰禮敬甚簡,益銜之。

三年,詔曰:

逢,遂官參時望,門伍豪族,遷位轉榮,莫非超荷。而諂側輕險,與性自俱,利口讒妄, 夫事君無禮,教道弗容,訕上衒己,人倫所棄。太中大夫徐爱拔迹厮猥,推斥饕 傳第五十四 恩俸

列

悖險,深相贊協,苟取偸存,罔顧節義,任算設數,取合人主,怠嶇姦矯,所志必從,故歷 唯極諂諛,附會承旨,專恣厥性,致使治政苛縱,興造乖法,損德害民,皆由 故得漸蒙驅策,出入兩宮。 事七朝,白首全貴。 自少及長,奉公在事,釐豪蔑聞,初無愧滿,常有闚進。 自以體含德厚,識鑑機先,迷塗遂深,問知革悟。 太初僞立,盡心佞事,義師已震,方得南奔。 先朝嘗以芻輩之中,粗有學解, 及孝武居統, 此豎。 景和

恃股仁弘,必永容貸。昨因觴宴,肆意譏毁,謂制詔所爲,皆資傍說,又宰輔無斷,朝要 外,進競不已,勤言託意,觸遇斯發。小人之情,雖所先照,猶許其當改,未忍加法。遂 物,乘寬自縱。乃合投畀豺虎,以淸王猷,但朽頓將盡,不足窮法,可特原罪,徙付 非才,恃老與舊,慢戾斯甚。比邊難未靜,安衆以惠,戎略是務,政網從簡,故得使此小 著於形迹,陽愚杜口,罔所陳聞,惰事緩文,庶申詭略。當今朝列賢彥,國 心弗純,累蠹時政。 股撥亂反正,

勳濟天下,靈祇助順,

羣逆必夷,況

爱恩養,

而無輸效, 以其自告之辰,用賜歸老之職,榮禮優崇,寧非饕過。 遂內挾異心, 無佞邪,而秉 不謂潛怨斥

爱旣行,又詔曰:「八議緩罪,舊在一條,五刑所抵,耆必加貸。徐爱前後釁迹,理無可申,廢 棄海埵,實允國憲。 但蚤蒙朕識,曲矜愚朽,旣經大宥,思沾殊渥。 可特除廣州統內郡。」有

宗崩,還京都,以爰爲南濟陰太守,復除中散大夫。元徽三年,卒,時年八十二。 來流寓,無或 発者。 司奏以爲宋隆太守。除命旣下,爰已至交州,值刺史張牧病卒,土人李長仁爲亂,口司悉誅北 長仁素聞爱名,以智計誑誘,故得無患。 久之聽還,仍除南康郡丞。

右錢藍生亦在其例。 與太宗有舊,方盛等乃使登之結佃夫,佃夫大說。 共廢立。 省,爲帝所疑,大禍將至,惶懼計無所出。 于文祖,令文祖報佃夫。 左右,補內監。永光中,太宗又請爲世子師,甚見信待。 阮佃夫,會稽諸暨人也。元嘉中,出身爲臺小史。 時直閣將軍柳光世亦與帝左右蘭陵繆方盛、丹陽周登之有密謀,未知所奉。 事畢未被遣,密使藍生候帝,慮事泄,藍生不欲自出,帝動止輒以告淳 佃夫與王道隆、李道兒及帝左右琅邪淳于文祖謀 先是帝立皇后,普暫徹諸王奄人,太宗左 景和末,太宗被拘於殿內,住在 太宗初出閣,選爲主衣。 世祖 登之 召還 一秘書

寂之、細鎧主南彭城姜產之,產之又語所領細鎧將臨淮王敬則,幼又告中書舍人戴明寶,並 並侍側,太宗猶在祕書省,不被召,益憂懼。 景和元年十一月二十九日晡時,帝出幸華林園,建安王休仁、山陽王休祐、山陰公主 佃夫以告外監典事東陽朱幼,又告主衣吳興壽

閤,是柳 靈符 應 、吳郡兪道龍 明寶 光世 時帝欲南巡, 、幼欲取其日向曉, 鄕 人, 、丹陽宋逵之、陽平田 光世 腹 一要之, 心直 僧整即受命。 **閤將軍宗越等其夕並** 佃夫等勸 嗣,並聚於慶省。 取開鼓後。 姜產之又要隊 一聽出 幼豫約勒內外,使錢藍生密報建安王 外裝 佃夫慮力 副陽平聶慶及所領壯 束, 唯有 少不 隊主 濟,更欲招合,壽 樊僧整 士會稽 防 華林 寂 富

甚疾 于文 子,兪道龍茶陵縣子,宋逵之 陵縣侯, 侯,淳于 之封應城縣侯,食邑千戶。 之日 殞之。事定,宣令宿衞曰:「湘 從,帝素不說寂之,見輒 謂休祐 祖 ...「謀廣或泄,不煩多人。」 時巫覡云:「後堂有鬼。」其夕,帝於竹林堂前, |文祖 繆方盛 食邑各四百戶 陽城縣侯,食邑各五 曰:「事作矣。」相隨 、周登之、富靈符、聶慶、 0 切齒。 富靈符惠懷 姜產之汝南 零陵 東王受太后令,除狂 寂之旣 奔景陽 百戶。 縣子,食邑各三百戶 縣子, 與佃夫成謀,又 田嗣 縣侯, Щ 李道 聶慶建陽 帝見寂之至,引弓射之,不中,乃走, 、王敬則、兪道龍、宋逵之又繼進。 兒 佃夫 新 主。今已平定。」太宗 渝 建城縣侯,食邑八百戶。 縣侯、[四 繆方盛劉 與巫共射之。 縣子, /慮禍 至,抽 田嗣 刀前 將樂縣子, 建安王休仁等山陰主 即位, 入,姜產之隨其後,淳 陽縣侯, 論 王敬則 王道 功行賞, 休仁 隆 周登之曲 寂之追 吳平縣 聞行 重 安縣 壽寂 並 罄 加

佃夫 列 、遷南 傅 第 臺侍御史。 Ŧī. 十 四 恩、 薛索兒渡淮爲寇,山陽太守程天祚又反, 倖 佃夫與諸軍討之,破索

子於東宮。 初,爲山陽王休祐驃騎參軍。薛安都子道標攻合肥,次陽擊破之,以功封攸縣子,食邑三百 與輔國將軍兼驍騎將軍孟次陽與二衞參員直。次陽字崇基,平昌安丘人也。泰始 泰始四年,以破薛索兒功,增封二百戶,幷前千戶。以本官兼游擊將軍,假寧朔 遷龍驤將軍、司徒參軍,率所領南助赭圻,轉太子步兵校尉、南魯郡太守,侍太

戶。

歷右軍、驃騎參軍、江西六年,出爲輔師將軍、兗州刺史,戍淮陰,立北兗州,自此始也。

員外郎。朝士貴賤,莫不自結,而矜傲無所降意,入其室者,唯吳興沈勃、吳郡張澹數人 也。泰始初,軍功旣多,爵秩無序,佃夫僕從附隸,皆受不次之位,捉車人虎賁中郎,傍馬者 此者數十種。個夫嘗作數十人饌,以待賓客,故造次便辦,類皆如此,雖晉世王、石,不能過 出行,中路相逢,要休同反,就席,便命施設,一時珍羞,莫不畢備。凡諸火劑,並皆始熟,如 焉。於宅內開瀆,東出十許里,塘岸整絜,汎輕舟,奏女樂。中書舍人劉休嘗詣之,值佃夫 妓女數十,藝貌冠絕當時,金玉錦繡之飾,宮掖不逮也。 每製一衣,造一物,京邑莫不法效 應合朔,尚書奏遷元會,佃夫曰:「元正慶會,國之大禮,何不遷合朔日邪。」其不稽古如此。 進號 大通貨賄,凡事非重賂不行。人有餉絹二百匹,嫌少,不答書。宅舍園池,諸王邸第莫及。 冠軍將軍。 時個夫、王道隆、楊運長並執權柄、亞於人主。巢、戴大明之世方之蔑如也。嘗值正旦 元徽四年,卒。

位, 豫 軍,公公太守 衞 州 將 佃 刺 軍袁粲 泰豫 夫權任轉重,兼中 ·史、歷陽太守,猶管內任。 元年,除寧朔將軍、淮南太守,遷驍騎將 如故。 以下皆不同,而佃夫稱敕施行,聚等不敢執。 明年,改領驍騎將軍。 ·書通事舍人, 以平建平王景素功,增邑五 加給 其年,遷使持節、督南豫州諸軍事 事 中、、 軍,尋加淮陵太守。 輔 國將 軍 元徽三年,遷黃門侍郎,領右衞將 , 一百戶。 餘如故。 太宗晏駕, 欲用 張澹爲 冠軍將軍、南 後廢帝即 武 陵郡,

宗於 與幼 佃 廢 出 帝 夫 郊 光 欲 等 ,立安成王。 野 時 禄 ,或入市廛,內外莫不懼憂。 稱太后令喚隊仗還,閉城門,分 廢帝猖狂,好出游走,始出宮,猶整羽儀,引隊仗,俄而棄部伍,單騎與數人相隨,或 已成謀, 外部,賜死 會帝不成向江乘,故其 五年春,帝欲往江 。佃夫、幼罪 止 身, 乘射雉。 佃夫密與直閣將軍申伯宗、步兵校尉朱幼、于天寶謀共 事 其餘無所問。 人守石頭、東府,遣 亦 行。 帝每 于天寶 北 佃 出,常留隊仗在樂遊 因 夫 八時年五 以 人執帝 其謀 告帝, + 廢之,自爲揚 0 帝乃收佃夫、幼、伯 州 刺 史輔 政

太守, 幼 封安浦 泰始 初 縣侯,食邑二百戶 爲 外監 配配 張 永諸 軍征 討 有濟辦之能, 遂官涉三品,[1七]為奉朝請、 南高平

賜死。

百戶。 于天寶,其先胡人,預竹林堂功。元徽中,自陳功勞,求加封爵,乃封爲鄂縣子,食邑二 發個夫之謀,以爲清河太守,右軍將軍。 昇明元年,出爲山陽太守。 齊王以其反覆,

吏, 斫邏將。 七年, 爲有司所奏, 徙送越州, 行至豫章, 謀欲逃叛, 乃殺之。 泰山太守。多納貨賄,請謁無窮,有一不從,切齒駡詈,常云:「利刀在手,何憂不辨。」鞭尉 壽寂之,泰始初,以軍功增邑二百戶。 爲羽林監,遷太子屯騎校尉,尋加寧朔將軍、南

太守。三年北伐,與虜戰,軍敗見殺。追贈左軍將軍,太守如故。 姜產之,泰始初,以軍功增邑二百戶。爲晉平王休祐驃騎中兵參軍,龍驤將軍、南濟陰

郎,淮陵太守。泰始二年,兼中書通事舍人,轉給事中。四年,病卒。 李道兒,臨淮人。本爲湘東王師,稍至湘東國學官令。太宗卽位,稍進至員外散騎侍

王道隆,吳興烏程 人。兄道迄,涉學善書,形貌又美,吳興太守王韶之謂人曰:「有子弟

如王 道迄,無所少。」始興王濬以爲世子師。 以書補中書令史。

鎭彭 乘馬 寧可 賊已至航南,道隆忽召鎭軍將軍劉勔於石頭, CICD 勔至, 命開航, 道隆怒曰: 「賊至但當急擊, 委,過於佃夫,和謹自保,不妄毀傷人,執權旣久,家產豐積,豪麗雖不及佃夫,而精整過之。 始二年,兼中書通事舍人。以破晉陵功,增邑百戶,幷前六百戶。五年, 書通事舍人。後廢帝卽位,自太子翊軍校尉遷右軍將軍,太守、兼舍人如故。道隆爲太宗所 開航自弱邪。」剛不敢復言。 ·連聳跼不肯前,遂爲賊兵及,見殺。事平,車駕臨哭,贈輔國將軍、<u>益州刺史。子法貞</u> 元徽二年,太尉桂陽王休範奄至新亭,佃夫留守殿內,而道隆領羽林精兵向朱雀門。時 城,以補典籤,署內監。 道隆亦知書,爲主書書吏,漸至主書。 及卽位,爲南臺侍御史,稍至員外散騎侍郎,南蘭陵太守。 催動進戰,動度航便敗,賊乘勝逕進,道隆棄衆走向臺,所 世祖使傳命,失旨,遣出,不聽復入六門。 出侍東宮, 復兼中

楊運長,宣城懷安人。初爲宣城郡吏,太守范曄解吏名。 素善射,太宗初爲皇子,出 嗣。

齊受禪,國除。

運 長爲射 師。 性謹慤,爲太宗所委信。 及卽位、親遇甚厚、與佃夫、道隆、李道兒等並執權

舍人,加龍 要,稍至員外散騎侍郎,南平昌太守。 · 驤將軍,轉給事中。以平桂陽王休範功,封南城縣子,食邑八百戶。 元徽三年, 泰始七年,出侍東宮。 後廢帝卽位,與佃夫俱兼通事

自安成王車騎中兵參軍,遷後軍將軍,兼舍人如故。

遣驃騎司馬崔文仲討誅之。 厚善 順帝卽位,出運長爲寧朔將軍、宣城太守,尋去郡還家。 ,動止施爲,必與二人量議。 運長質木廉正,治身甚清,不事園宅,不受餉遺,而凡鄙無識知,唯與寒人潘智、徐文盛 文盛爲奉朝請,預平桂陽王 一休範, 沈攸之反,運長有異志,齊王 封廣晉縣男,食邑四百

先狎,因疏以成狎者也。而任隔疎情,殊塗一致,權歸近狎,異世 光武之謹厚,猶豐、沛多顯,白水先華,況世祖之泥滯鄙近,太宗之拘攣愛習,欲不紛惑牀 史臣曰:竭忠盡節,仕子恒圖;隨方致用,明君盛典。舊非本舊,因新以成舊者也;狎非 同規。 雖復漢高之簡易,

第,豈可得哉。

- 類物之通稱 各本並脫「通」字,據文選五〇、通鑑宋孝武帝大明二年補。
- [二] 郡縣掾史 「史」交選作「吏」。
- C || 】 構於筵第之曲 「筵第」文選、藝文類聚三二作「牀第」。
- 晉朝王庾 「庾」文選、藝文類聚三二作「石」。文選注:「石崇貪而好利,富擬王者。」按王、庾謂

王導、庾亮;若言王、石,則謂王愷、石崇。

- [A] 山陰有陳載者 「陳載」南史作「陳戴」。
- 仍兼中書通事舍人 「兼」各本作「並」,據南史、元鑑二〇〇改。
- [七]帝爲贋天子「贋天子」各本作「應天子」。據南史改。通鑑考異引宋略作「鴈天子」,魏書島夷 劉裕傳作「贗天子」,按鴈、贗、贋實一字。字書、贗、僞物也。
- [八] 截法興棺焚之 南史作「截法興棺兩和」。
- [f] 南東海郯人也 「郯」各本並作「剡」,據南史改。
- (0)始興王濬後軍行參軍 各本並脫「行參軍」三字、據南史補。
- 典謨緬邈 然連旍千里 | 謨」各本並作「謀」,今改正。 「旃」各本並作「於」。張元濟校勘記云:「於疑當作旃。」按張校是,今改正。
- 列傳第五十四 校勘記

土人李長仁爲亂 「李長仁」各本並作「孝長仁」,據明帝紀改。

李道兒新渝縣侯 「新渝」各本並作「新塗」、據南史改。按州郡志有新渝、無「新塗」。

歷右軍驃騎參軍 比。 此下云次陽出爲輔師將軍、兗州刺史、進號冠軍將軍,是驃騎之號必有誤。」孫彪宋書考論 「參軍」各本作「將軍」。張森楷校勘記云:「驃騎將軍位從公,非雜號將軍之

云:「將軍當爲參軍譌。」按孫說是,今改正。

二六 領右衛的 將軍 「右衞」各本並作「右軍」,據南史改。

[1七] 遂官涉三品 「三品」各本作「二品」、據南史改。按朱幼封縣侯、官第三品、其餘奉朝請、南高平

太守、皆不至三品、官無有涉二品者、南史作三品是。

道隆忽召鎭軍將軍劉勔於石頭 孫彪宋書考論云:「忽當作急。」

宋書卷九十五

列傳第五十五

索虜

索頭虜姓託跋氏,其先漢將李陵後也。 陵降匈奴, 有數百千種,各立名號, 索頭亦其

也。

郡。 劉 北有沙漠、南據陰山、衆數十萬。其後爲苻堅所破、 移五縣民於新興,以其地處之。」琨又表封盧爲代郡公。愍帝初,又進盧爲代王,增食常山 圍,日索頭單于綺馳遣軍助騰。 現求樓煩等五縣,現不能制,且欲倚盧爲援,乃上言:「盧兄駞有救騰之功,舊勳宜錄,請 其後盧國內大亂,盧死,子又幼弱,部落分散。 晉初,索頭種有部落數萬家在雲中。 懷帝永嘉三年,馳弟盧率部落自雲中入雁門,就幷州刺史 惠帝末,幷州刺史東嬴公司馬騰於晉陽 盧孫什翼鞬勇壯,衆復附之,號上洛公, 執還長安,後聽北歸。 **鞬死**,子開字涉 爲匈奴所

列

珪代立。[三

萬。 開次子齊王嗣字木末,執淸河王,對之號哭,曰:「人生所重者父,云何反逆。」逼令自殺。 巫誡 皆虛設棺柩,立冢槨,生時車馬器用皆燒之以送亡者。 六百里,深遠饒樹木,霜雪未嘗釋,蓋欲以暖氣却寒也。 曹。 月,剋之,遂王有中州,自稱曰魏,號年天賜。元年,治代郡桑乾縣之平城。 人莫得知,唯愛妾名萬人知其處。 夜伺 或乘 開當 開頗有學問,曉天文。其俗以四月祠天,六月末率大衆至陰山,謂之却霜。 先是,鮮卑慕容垂僭號中山,晉孝武太元二十一年,垂死,開率十萬騎圍中山。 開獨處,殺之。 小輦,手自執劍擊檐輦人腦,一人死,一人代,每一行,死者數十。 有暴禍,唯誅淸河殺萬民,乃可以免。 開臨死,曰:「淸河、萬人之言,乃汝等也。」是歲,安帝義熙五年。 萬人與開子淸河王私通,慮事覺, 開乃滅淸河一郡,常手自殺 開暴虐好殺,民不堪命。 死則潛埋,無墳壟處所,至於葬送, 欲殺 立學官,置尙 開,令萬人爲內 人,欲令其數滿 夜恒變易寢處, 陰山去平城 先是,有神 明年 書 嗣 四

命已至河,未濟,嗣聞高祖崩問,追執範等,絕和親。 事在朱超石等傳。 十三年,高祖西伐長安,嗣先娶姚興女,乃遣十萬騎屯結河北以救之, 於是遺使求和, 自是使命歲通。 高祖 太祖卽位,方遣範等歸 遣殿中將軍沈範、索季孫報使,反 大為 高 祖 所破, 代立,諡開道武皇帝

刺史蒼梧公公孫表、尚書滑稽,同頭步騎二萬餘人,於滑臺西南東燕縣界石濟南 永初三年十月,嗣自率衆至方城,遣鄭兵將軍揚州刺史山陽公達奚斤、吳兵將軍 渡,輜 一廣州

牢,遣司馬翟廣率參軍龐諮、上黨太守劉談之等步騎三千拒之。軍次卷縣土樓,虜徙營滑 弱 累自隨 滑臺戍主、寧遠將軍、東郡太守王景度馳告冠軍將軍、司州刺史毛德祖 戍 虎

臺城東二里,造攻具,日往脅城。 德祖以滑臺成人少,使翟廣募軍中壯士,遣寧遠將軍劉芳

五百人,建武將軍竇霸領二百五十人,並以水軍相繼發,咸受翟廣節度 之率領,助景度守。芳之將八十餘人,突得入城。德祖又遣討虜將軍、弘農太守竇應明領

襲憐 千乘襲倉垣,兵吏悉踰城散走,陳留太守嚴悛爲虜所獲,至屬即用王玉爲陳留太守,給兵 旭 遣 長社令王法政率五百人據邵陵,將軍劉憐領二百騎至雍丘以防之。四一楚之於白馬縣 初,亡命司馬楚之等常藏竄陳留郡界,虜旣南渡,馳相要結,驅扇疆場,大爲民患。 爲憐所破。 會臺送軍資至,憐往迎之,而酸棗民王玉知憐南,馳以告虜,虜將滑稽領 德

索兒等。 節 不降,爲虜 十一月,廣悉力攻滑臺城,城東北崩壞,王景度出奔,景度司馬陽瓚堅守不動,衆潰,抗 應明 所殺。 自 石 濟 竇應 赴滑臺,聞城已沒,遂進屯尹卯,竇霸馳就翟廣。 明擊 虜 輜重於石濟,破之,殺賊 五百餘 人,斬其戍主[連 虜旣剋滑臺, 幷力向 內頭、張

守倉

列

傳

廣等,力不敵 子 云 引退,轉鬭而前,二日一夜,裁行十許里。 廣步軍續至,廣等矢盡力竭,大

敗,廣 虜乘勝遂至虎牢,德祖出步騎欲擊之, 虜退屯土樓,又退還滑臺。 、霸、談之等各單身进還 長安、 魏昌、 藍田

遣、姚珍、杜坦 於碻磝東下,至泗瀆口,去尹卯 千人逼竇晃、楊毅,晃等逆擊,禽之, 與幷力,四面 復還虎牢。 振 縣民居在 威 泌將軍 ·督護張季五百人屯牛蘭,又遣將領馬隊,與洛陽令楊毅合二百騎,緣河 十二月,虜置守於洛川 、河陰令竇晃五百人戍小壘,緱氏令王瑜四百人據監倉,鞏令臣琛五百人固小平 虎牢下,德祖皆使入 豫州刺史劉粹遣治中高道瑾領步騎五 攻壘、晃等力少衆散、晃、毅皆被重創。 梁靈宰等水步諸軍續進。 小壘, 城。 百許里。 德祖遣翟廣馳往擊之,虜退走。 廣別遣黑稍公率三千人至河陽,欲南渡取 生獲二百人。 **兗州刺史徐琰委軍鎭走,於是泰山諸郡並失守** 徐州刺 史王仲德率軍次湖陸。 百據項,又遣司 其後鄭兵將軍五千騎掩襲晃等,黑矟渡 虜將安平公鵝青二軍七千人南渡,[+] 馬徐瓊繼之,臺遣將輔伯 廣安立守防,修治城塢, 黑矟公遣長 金墉。 上下, 隨機赴 德祖 史 遣 將

檀道濟率水軍北救,車騎將軍廬陵王義眞遣龍驤將軍沈叔狸三千人就豫州刺史劉粹,量宜 里結營,分步騎自成臯開向虎牢外郭 鄭 兵與公孫表及宋兵將軍 、交州刺史交阯侯普幾萬五千騎,(<) 復向虎牢,於城東南 西門,德祖逆擊,殺傷百餘人,虜退還保營。 鎭北 將 軍 五

赴援。 少帝景平元年正月,鄭兵分軍向洛,攻小壘,小壘守將竇晃拒戰,陷沒, 河南太守王

涓之棄金墉出奔。

范道基 於 城 內穴地,「私」入七丈,二道,出城外,又分作六道,出虜陣後。 ,斬首數百級,焚燒攻具。 虜雖退散,隨復更合。 自 率二百人爲前驅,參軍郭王符、劉規等以二百人爲後係,出賊圍外,掩襲其後, 虜 分 軍向洛,德祖每戰輒破之。嗣自率大衆至鄴。 鄭兵旣剋金墉, 募敢死之士四百人, 復還虎牢, 德祖 虜 陣

擾亂 參軍 騎。 將 誓,居民不 陽 晡退還安水結營,去城二十里,大治攻具,日日分步騎常來逼城。 四进,殺傷數十人,梟阿伏斤首。 司 馬 城 軍 車宗領 賈元 三月, 淮 虜又遣楚兵將軍徐州刺史安平公涉歸幡能健、越兵將軍青州刺史臨菑侯薛道千、陳兵 聞 州 虜將至, 斂衆固守。 龍 刺 入城者,使移就 三萬騎前追脅。 史壽張子張模東擊靑州,四分所向城邑皆奔走。 等領 五百 入出 百人,於楊 城掩擊,虜衆披退。 山阻,燒除禾稼,令虜至無所資。 水口 城內文武一千五百人,而半是羌蠻流雜,人情駭懼。 龍驤將軍、濟南太守垣苗率二府郡文武奔就變。 兩岸設伏。 虜又進營水南,去城西北四里 間二日,虜步騎悉至,繞城四圍,列陣十餘里,至 **虜將阿伏斤領三百人晨渡水,兩岸伏發,虜騎** 冠軍將軍、青州刺史竺夔鎭 **虜衆向靑州,前後濟河凡六萬** 夔夜使殿中將軍竺宗之、 >> 與與將 竺夔夜遣 士 蘁 東

列

沈叔 還, 騎 城 五. 進 白 南 合圍, 7(三). 寒泉 ·, 幷發 狸 嗣 王 已 自 一玄謨 亦宜 築壘 頓 鄴 德 民 肥 遣 祖 1 兵 領千人、三一助元德守、與元德俱散敗。 口 且 大敗,失甲士千餘人,退還固 以戍城。 朝議 叉 益 追。」粹以 虎牢 不宜 以三 - ,增圍急攻,鄭兵於虎牢率步騎三千,攻潁川太守李元德於許昌 德祖 一便退。 虜攻 項城 出軍擊公孫表,大戰,從朝至 虎 去 時李元德率散卒二百人至項 | 虜不遠,非輕軍 牢, 未復 南 城。 治,若便 所抗,使劉粹召高道瑾還壽陽。 嗣 叉 攝軍捨 **虜即用潁川人庾龍** 於鄴遣萬餘人從白沙口過 晡,殺虜數百。 劉粹使助 項城,則淮 西諸郡 高道瑾戍守,四司請 爲潁 會鄭 Щ ",無 所 兵軍從許昌 河,於濮 太守,領騎 若沈 憑 叔 狸 陽

虜 爓, 道, 發, 青州 以 令通 依 火不 虜乃 種攻城,變募人力,於城上係大磨石堆之,又出於子塹中,用 檀 牆 竺夔遣 道 得 外 射 披 濟 燃, 塹, 虜 散 至 **虜兵** 人 復 虜 彭 虜逐 鑿 騎 出 城 矢横 裏塹, 城 數 以 塡 作 百 青 外 下,士 馳 東 塹, 內去 來 司二州並急,而所領不多,不足分赴,青州道近,竺夔 西 南 圍 引高 卒多傷,斂衆還 | 城二 牆 塹 牆 · 虜於 樓 一

文
作 內 四 納 城 所, 子 北 射 塹, 蝦 固 三百餘 入。虜塡 蟆 遣三百餘 牆 車 死戰。 二十乘, 步鑿 = 塹 長圍 人 虜下 盡 出 置 一,夔 平,唯 地 長 馬 道, 大麻絙張骨骨,攻車近城 步 遣參軍闆 圍 進 欲 餘 内。 短短 子 燒 夔先鑿 塹 虜 兵接, 一,蝦 攻具。 茂等 蟆 城 領 城 一兵弱, 車 善 時 北 上 所 射 弓 口 作 不 弩俱 風 五 及。 十 轉 救 地

宥

其

奔

敗

之罪

了, 朝

議

並許

之。

從地道中多人力挽令折。 守移時。 然被攻日久,城轉毀壞,戰士多死傷,餘衆困乏, 虜復 於 城南 掘長 圍,進攻逾急。 變能 旦暮且陷, 詩重, 垣苗· 檀道 濟、 有膽幹, 王仲德 故能堅 無行

赴之。

餘家, 城,去高平二百餘里,懼廣至,移郭外居民,幷諸營署,悉入小城 廣悅勃大肥率三千餘騎,[三]破高平郡所統高平、方與、任城 劉 殺其男子,驅虜女弱。 粹遣李元德襲許昌,庾龍奔进,將宋晃追躡,斬龍首。 · 兗州刺史鄭順之戍湖陸,以兵卒不敢出。 金鄉、 元德因留綏撫、口四并上租 亢 父 等 五 冠軍將軍申宣戍彭 |縣,殺略二千

圖 又遣幷州刺史伊樓拔助鄭兵攻虎牢,塡塞兩塹,德祖隨方抗拒,頗殺虜,而將士稍

零落。

移 季,東莞人也。 鎭 長廣之不其城。「日之變以固守功,「日」進號前將軍,封建陵縣男, 四 月壬申,廣聞道濟將至,焚燒器械,棄靑州走。 官至金紫光祿大夫。 竺夔上言東陽城被攻毀壞,不可守, 食邑四百戶。 夔 字 祖

及。 日 渡河 道濟於 嗣率大衆 北 歸。 泰 山 至虎牢,停三日,自督攻城,不能下,回軍向洛陽,留三千人益鄭兵。 **廣安平公等諸軍從靑州退還,逕趨滑臺,檀道濟、王仲德步軍乏糧,** 分遣 仲德向尹卯,道濟停軍湖陸。 仲德未至尹卯、聞廣已遠、還就道濟、共 停洛數 追虜不

列

傳

祖昔在: 裝治 德祖 之連謀,每答表書,回回輒多所治定。 毁,德祖唯保一城,江北畫夜相拒,將士眼皆生創,死者太半。 水 勁兵戰死殆盡,而虜增兵轉多。虜撞外城,德祖於內更築三重,仍舊爲四,賊撞三城已 北,與廣將公孫表有舊,表有權略,德祖患之,乃與交通音問,密遣人說鄭兵,云表與 房安平公諸軍就滑臺, 西就鄭兵, 共攻虎牢。 劉粹據項城、沈叔狸屯高橋。 表以書示鄭兵、鄭兵倍疑之、言於嗣、誅表。 虎牢被圍二百日,四三無日 德祖恩德素結,衆無離心。德 **虜衆盛**, 不戰,

檀道

濟諸救軍並不敢進。

之節 諸將佐 淪沒, 之臣 將潰 撓筆,未加准繩,豈宜尸祿,昧安殊寵,乞蒙屛固,以申國法。」不許。 肆,陵暴 馬 一,抱忠 ,勒衆軍生致之,故得不死。 渴乏飢 二十一日,虜作地道偸城內井,井深四十丈,山勢峻峭,不可得防。至其月二十三日 聖懷 將 及 河南,司 土 郡守在城內者,皆見囚執,唯上黨太守劉談之、參軍范道基將二百人突圍南還。城 傾覆 垂悼,遠近嗟傷。 欲 疫,體皆乾燥,被創者不復出血。廣因急攻,遂剋虎牢,自德祖及翟廣、竇霸, 扶德祖出奔,德祖 一,將士 州 刺 殲 史臣德祖竭 辱、王略 陛下 虧挫,上墜先規,下貽國 曰:「我與此城幷命,義不使此城亡而身在也。」嗣 誠盡 司空徐羨之、尚書傅亮、領軍將軍謝晦表曰:「去年逆虜縱 殷憂諒闇,委政 一力,抗對强寇,孤城獨守,將涉朞年,救師淹緩,舉城 自下,臣等謀猷淺藏,託付無成,遂令致節 恥。 稽之朝典,無所辭責。 重其固守 雖有司 凡

列傳第五十五 索虜

故。 縣 郡 諸 秦 鎭 前 祖 中 西 男 鋒,斬 参 州 軍 兵 軍 北 爲 之將佐。 太祖 軍 刺 事 將 德 食邑四 輔 軍 史, 軍 祖 祭 賊寧朔將軍趙玄石於栢谷,破弘農太守 南安 或 姚 元 陽 滎陽陽武人也。三三晉末 將 將 將 嘉 强。 太守 百戶 太 軍 軍 軍 六年, 復爲 谷, ·如故。 如 鎭惡 0 了三將軍 河東 故。 高 將 死 叉除督 剋立 祖太尉參軍 太守,代幷州 軍 於 時佛佛虜爲寇, 又除 如 虜 大功,蓋德祖 故。 司雍幷三 如 中 督 故, ', 司州之河東 時 復徙馮翊 o 叉 自鄉 年六十五。 加京兆 高 刺 州 祖 史劉遵考戍蒲 豫 復 之力也。 里南歸。 北伐,以 太守。 州 以德祖 太守。 平陽 之潁 世 河 尹雅於梨城 長安 祖 高 爲王鎭惡征虜司馬,尋復 爲王鎭惡龍驤 川兗州之陳留 初 北雍州 高 大 爲 祖 坂。 祖 (明元 不定,以爲龍驤將軍 冠軍參軍、輔國將軍 東還,以德祖督司州之河東平陽 踐 之京光豫州之潁川兗州之陳 長安不守,合部曲 作,進號 年,以德祖弟子熙祚第二息 ~,又破 諸軍事、 司 馬, 冠軍 賊 大帥姚難於涇 加 • 建 司 論 ·、 扶 武 道 爲桂陽 州 『還彭城,除 前 將軍 刺 風 規 後功,封 史, 太守 爲 公義 0 水 荆 爲 將 斬 州 翻之 眞 留 世 炿 鎭 觀 軍 德 陽 子 郡 安 其 九 亞 如

之逼 以 慰 存亡。」 虜旣 厲 誠 剋 固 虎牢, 尙 守,投 書令 留兵居守, 傅亮 命 均 議 節 費家在 在 餘衆 危 無撓, 彭城、宜即 悉北 古之忠 歸。 少帝 以入臺絹一百匹,粟三百 烈, 無 :[三][故寧遠 以 加之。 可 追 司馬、濮陽太守陽瓚, 贈 斛 給 賜 事 給 中 -,
幷 文 存 土 卹] 顏延之 遺孤

紹

德

祖

封

爲誄焉。 龍驤將軍兗州刺史徐琰、東郡太守王景度並坐失守、〔回〕鉗髠居作,琰五歲,

縣,殘害二千餘家,盡殺其男丁,驅略婦女一萬二千口。 軍幷招集亡命,攻逼許昌城,以土人劉遠爲滎陽太守。 女牆散潰,元德復奔還項城。 虜又圍汝陽,太守王公度將十餘騎突圍奔項城。 時宣威將軍、潁川太守李元德戍許昌,仍除滎陽太守,督二郡軍事。 其年十一月,廣遣 李元德欲出戰,兵仗少,至夜,悉排 劉粹遣將姚聳夫率軍助守項城,又 **虜叉破** 邵

定西走,爲吐谷渾慕璝所禽。 素有勇名,諸將咸謂昌不可親,燾曰:「天命有在,亦何所懼。」親遇如初。 長安,燾又自攻不剋,乃分軍戍大城而還。 伐斤西伐長安,自己生禽赫連昌于安定,自己對昌爲公,以妹妻之。昌弟赫連定在隴上,吐伐 健有筋力,勇於戰鬭,忍虐好殺,夷、宋畏之。攻城臨敵,皆親貫甲胄。元嘉 六,不爲嗣 遣司馬徐瓊五百人繼之。 斤乘勝以騎三萬討定,定設伏於隴山彈筝谷破之,斬吐伐斤,盡坑其衆。 嗣 死,諡曰明元皇帝,子燾字佛貍代立。母杜氏,冀州人,入其宮內,生燾。 所知,遇之如僕隸。 **虜掘破許昌城,又毁壞鍾離城,**[三]以立疆界而還 嗣初立慕容氏女爲后,又娶姚興女,並無子,故燾得立。 **燾常使昌侍左右,常共單馬逐鹿,深入山澗。** 定率衆東還,後剋 復攻長安,剋之, 五年,使大將吐 **萧年十五**

壯

餘 里 一,漢 赫 連氏 世 徙 有名衞 讁 民 居之,土 臣者、公種落在 地 良 沃 苻堅 朔方塞外, 一時,衞 臣 部落千 入塞寄田,春 餘 卢 0 朔方以西, 來 秋 去。 堅雲中護軍 西至上 郡 賈雅 東 西 掠

高 佛 其 祖 佛 田 驍 者 入長安, ·', 獲 猛 有謀算,遠近雜種皆附之。 生 口馬 佛佛震懾 牛羊,堅悉以還之, 不敢動。 高祖 衞 姚 東還, 興與 臣 感恩,逐 相抗 即入寇北 ,興覆軍 一稱臣 地。 入居 ·喪衆, 安西 塞 內,其後 將軍 前後 ·義眞 非一 漸 之歸也 , 强 關 盛。 中 爲之傷殘。 衞 佛佛遣子 臣 死,子

破之青泥,俘囚諸將帥,遂有關中 , 自稱 尊號, 號年日 眞興元年。 京兆 人韋玄 隱居養志,

玄應命。 有 高 名 姚 佛佛大怒、曰:「姚 興備 禮徵,不起,高祖辟爲相國掾,宋臺通直郎,又並不就。 興及劉公相徵召,並 不起,我有 命卽至,當以我 佛佛召爲 **冰類,不可理其** 太子庶子,

故 耶。 殺之。 元嘉二年,佛佛死,昌立,至是爲燾所兼。 **燾西定隴右,東滅黃龍,海東諸國**

並遣朝貢。

安北 劉德 矜懷 速 備 辨, 將 武 太 軍王 祖 勁 今民和年豐,方隅無事,宜時經理,以固疆場。 月內悉發。」先遣殿中將軍田奇銜命告燾「河南舊是宋土,中爲彼所侵, 第一萬,以相 踐 仲德、兗州 阼,便有志北略。 掎 刺史竺靈秀舟師入河,驍騎將軍段宏精騎八千,直指虎牢,豫州 為,後將軍長沙王義欣 七年三月、韶曰:「河南、中國多故、湮沒非所、遺黎茶炭、每用 可權假節,率見 可簡甲卒五萬,給右將軍 力三萬、監征討諸 到彦之,統 **今當修復** 軍 刺 便 史

列

一不關 河 北。」
燾大怒,謂高曰:「我生頭髮未燥,便聞河南是我家地,此豈可得河南。

進軍,今權當斂戍相避,須冬行地爭,河冰合,自更取之。」

後將軍長沙王義欣出鎭彭城,總統羣帥,告司、兗二州曰:

夫王者之兵,以義德相濟,非徒疆理土地,恢廣經略,將以大庇蒼生,保全黎庶。

是以蒙踐霜雪,踰歷險難,匡國寧民,肅淸四表。

· 虎良民,復蹈非所,周、鄭遺黎,重隔王化。 煥哉惟文,太和烟熅,流澤洋溢。中葉諒闇,委政冢宰,黠虜乘釁,侵侮上國。遂令同、 舉,響軼龍堆,聲浮雲、朔,陵天振地,拔山蕩海。於是華域肅淸,謳歌允集,王綱帝典, 昔我高祖武皇帝, 誕膺明命, 爰造區夏, 內夷篡逆, 外寧寇亂, 靈武紛紜, 雷動風

育禽者去其豺狼,故智士研其慮,勇夫厲其節,嘉謀動蒼天,精氣 被藝襲文,增修業統,作規于後,勤施洽於三方,惠和雍於北狄。 皇踐阼,重光開朗,明哲柔遠,以隆中興,遐夷慕義,雲騰波涌。方將蹈德履信, 貫辰緯。 夫養魚者除其猵獺,

:天,素甲奪日,虎步中原,龍 師以順動,何征而不克,況乎遵養耆昧,綏復境土而已哉。 莫府忝任,稟承廟算,翦爪明衣,誓不顧命,提吳、楚之勁卒,總八州之銳士,紅旗 超河渚。 興雲散雨,慰大旱之思,弔民伐罪,積後己之

必

民,三司若能 擇 其 威 聚,假息旦夕,豈復能超蹈長河,以當堂堂之陳哉。 提挈萬 利 迷 加後 蔽 野,支解體分,羽翼摧挫。 昔|淮 心不悛,竄首巢穴,長圍旣周,臨衝四至,雖欲壺漿厥篚,其可得乎。 里, 服。 泗 卒嬰鈇鉞。 是以秦、趙羇旅,披榛委誠,施敍 審決安危,翻然革面,率其支黨,歸投軍門者,當表言天臺, 初開,狡徒縱逸,王旅入關,羣豎飆扇,襄邑之戰,素旗授首,半城之役,伏 皆目前之誠驗, 加以搆難西虜,結怨黃龍,控弦熸滅,首尾逼畏,蜂屯蟻 往世之所知 乘軒, 剖符 夫順 也。 州郡。 聖上 從貴速,歸德惡晚,賞 明 慕容、姚泓 發愛恤,以道懷 隨才 幸加三思,詳 ,恃强 敍 裹 先 附 , 二州士 用 作禍, 如

投 泓 并 概,繼蹤古烈 南 泓 | 塹死 渡 州 河 彦之進軍,廣悉斂河南一戍歸河北。CMO]太祖 立 豫州 。〔三〕沖字子順 ,彦之敗退,洛陽 沖與 之潁川 ", 以 弟 爲傷 弘 俱 **兗州之陳留二郡諸軍** 逃叛 天水冀 惋,不能 、滑臺、虎牢 南 歸 已已。 八人也。 0 至是追 諸城 先爲 贈前 並爲 事、奮威將軍 姚興吏部郎, 將軍。 廣所沒,尹沖及司馬滎陽 以前 太祖與江夏王義恭書曰:「尹沖誠節志 、同州 征虜司馬、南廣平太守尹沖爲督 與興子 刺 史,戍虎牢。 廣平公剛結黨, 太守崔模抗節不降, 十一月,虜 欲傾 興 大衆 太子 司 雍

上以滑臺戰守彌時,遂至陷沒,乃作詩曰:

列

傅

第

五

莊投袂 勢謝 懷 感激 歸 逆 虜 起,終然 ,志氣若雲浮。 塗單,於焉 亂 疆 場,邊將嬰寇仇。 報强 見 幽 讎。 願 囚。 想凌 去病 烈烈制邑守, 扶搖,弭 辭高館, 堅城効貞節,攻戰無暫休。 卒獲舒 旆 舍命蹈 拂 中 州。 國 前修。 憂。 爪 牙 戎 事諒 忠臣表年暮, 申威靈,帷幄騁良籌。 覆瀋 未殄,民患焉 不可拾,離機難復收。 貞柯 得瘳。 見嚴秋。 華裔混 撫 楚 劍

虜 鎭 東 其 將 後 軍 燾 又遣 武昌王宜勒庫莫提移書益、梁二州 使通好,并求婚姻,太祖 毎依違之。 う宣言 往伐仇池,侵其附屬, 十七年,燾號太平眞君 而移 元年。 書 十九年, 越

州

日

殊

風,率土浹王猷。

惆悵

懼遷逝,北

顧涕

交流

是 侵我牢、洛,致師徒喪敗,舉軍囚俘。 歷 彼 武之略,遠定三秦,西及葱嶺 堂,垂耀先代。 爲 朝 年 紀 不 野 我 欲 ,備聞威德。 大魏之興,德配 違 數窮 先故 運改,宋氏受終,仍晉之舊,遠通聘享。 逮我烈祖,重之聖明,應運龍飛,廓淸燕 之大信也。 往者劉、石、苻、姚,遞據三郡,司馬琅邪,保守揚、越,綿 二儀,與造化並立。 而彼 ,東平遼碣,海隅服從,北暨鍾山,萬 方 君臣,苞藏禍心,屢爲邊寇。 我朝庭仁弘,不窮人之非,不遂人之過,與彼交 夏、殷以前, 故我朝庭 、趙。Cliel聖朝承王業之資,奮神 功業尚矣,周、秦以來,赫 解甲,息心 國納貢,威 去庚午年,密結赫連, 綿 東南 風 所 連連、綿 之略, 扇,想 赫 堂

列傳第五十五 索虜

羞, 屬。 |牢、洛爲三, 刨 和 世 前 朝 難當 庭 弟 好 嘉之,授以 難當 無改。 將 其 忠節 之爲 (妻子) 昔南秦王楊玄識達天運,於大化未及之前 愈固 ·, 及 甚,其可再乎。 專征之任。 其同 上 請 義,告 納 女,連婚宸 不圖 敗 是若 彼 關 朝計 下。 可 極,任 忍, :疆場 聖 朝 孰不可 之小 憮然 土 貢 疵,不 珍, 忍。」是以 顧 謂 自 ?,度越 羣 相 此 內 臣 關 **一赫連** 那 分 移 日 で彼 命吾等磬聲之臣, 漢南 竊),遠歸· 興 之違 白 師 忠歉。 雉 旅 信 背 亡我 豋 和 玄 俎 旣 助 與 御

難當

報復

外散 史建 難當 節 州 東襲 娥 司 後 諸 都督 騎 司 梁 德 自 使持 延 軍 常侍 荆 出 公 事 那 洛豫州 漢。 庫 節 小 自 安 山 駱谷 刺 冠 拔 西 南 、侍中、都督雍秦 史故 使持 將 軍 阳 出 及 將 • 浴 軍 河 急直 直 晉 節 開 軍 河 內諸軍 梁州 衝 譙 侍 府 引 建安 中 儀 王 出 截 都督 同 刺 斜谷,阨白馬之險。 司 漢水 事 史順 馬 三司淮陰公皮豹子、三三員外散騎 、鎭南 令南 一州諸軍 荆 文 o 陽公 思 梁 冠軍 秦 大將軍 南 自遣 寧遠將 雍三州 劉 一將軍 事 安 買德、平遠 信 、開府儀同三司、淮南 南 西將軍 臣, 軍 諸 蠻 荆州 散騎常侍 軍 招 校尉 事領 集 海 、建興公吐奚愛弱 刺 舊 荆 軍 史襄陽 護 戶 州 、安南 永安侯若干 南蠻 0 刺 使持節 史建平公宗聚、 公 校 常 將 魯軌 尉 侍 王 軍 直 、雍州 侍 平 征南大 內亦千 南 中都 勤 南 趨 將 它大翰 刺 荆 將 率 軍 督 史、 出自子午, 州 使持 軍 雍 南 南 爲 開 南 秦王 梁 益 平公 其後 節員 府 益 使 州 持 楊 儀 刺 四

事、征 摧。 十道並進,連營五千,步騎百萬,隱隱桓桓。 繼。[計]使持節、侍中、都督梁益寧三州諸軍事、領護西戎校尉、 之勁卒哉 三司、揚 邵陵、踐土,區區齊、晉,尙能克勝强楚,以致一匡,況大魏以沙漠之突騎,兼咸、夏 南將軍、徐克二州刺史、東安公刁雍東趣廣陵,南至京口。 州 刺 史晉琅邪王司馬楚之南趣壽春。 史、東海公故晉元顯子司馬天助直 以此屠城,何城不潰,以此奮擊,何堅不 使持節、侍中、都督揚豫克徐四州諸 鎭 使持節 西大將軍、 、侍中、都督青 開府 趣濟南 儀 同

此 別愛後自馳檄相譬書。如此若攝兵還反,復南秦之國,則諸軍同罷,好穆如初。 於敗亡之大失也。 將雲集霧聚,仇池之師,歲嘔山谷之中,何能自固。彼之所謂肆忿於目前之小得,以至 義言,很愎遂往,敗國亡身,必成噬齊之悔。望所列上彼朝,惠以報告。 舉動。 若衆軍就臨,將令南海北汎,江湖南溢,高岸墊爲浦澤,深谷積爲丘陵,晉餘黎民, 旣而愛惜前好,猶復沈吟,多殺生生,在之一亡十,至人一人者之所不爲。吾等 昔信陵君濟窮鳩之危,義士歸之,故我朝廷欲救難當投命之誠,爲 若距我

徐州答移曰:

知 以楊難當投命告敗,比之窮鳩,欲動衆以相存拯。 救危恤難,有國者之所用心。

埸。 曲、我有二直也。司馬楚、文思亡命竄伏、魯軌、刁雍實爲蠆尾、 平之末,國祚中微,彼乘我內難,侵我同、 億,是以七年治兵,義在經略,三帥涉河,秋豪 池奉晉十世,事宋三葉,九伐所加,何傷於彼。 又非所受。黃龍國主受我正朔,且渠茂虔父子歸款,彼皆殘滅俘馘,豈有先言。況仇 不犯,但崇此信誓,不負約言耳。 宜是顧畏首尾,兩屬求全。果是純臣,服事於魏,何宜與 雖 十載之中,再造逆亂,號年建義,猖狂妄作,爲臣不忠,宜加誅討。 然,移書之言,亦已過矣。何者。楊氏先世以來,受晉爵號,修職守藩,爲我西服 元顯無子,焉得天助,謬稱假託,何足以云。 彼伺我軍,仍相掩襲,俘我甲士,翦我邊民,是彼 又譏竊興師旅,不相關移,若如 人和親,而聽臣下縱逸。 而擁其逋逃,開 又知難當 稱臣 來言, |被國 昔景 其疆 有

人不遠,幸無過談。 僕聞 !師曲爲老,義作亂雄,言貴稱情,不在夸大。 移書本詣梁、益,而謬來鄙府,大

相附,所以休息疲勞,式固長久,成其祿福,古今不易之典也。 百姓富昌,軍國異容,宜定制度,爲萬世之法。夫陰陽有往復,四時有代序,授子任賢,安全 天下,平暴除逆,掃清不順,武功旣昭,而文敎未闡,非所以崇太平之治也。今者域內安逸, 一十年,燾以國授其太子,下書曰:「朕承祖宗重光之緒,思闡洪基,恢隆萬世。自經營 諸股功臣,懃勞日久,皆當致

職。 行。」於是王公以下上書太子皆稱臣,首尾與表同,唯用白紙爲異。是歲,廣伐芮芮虜,大敗 擇人授任而黜陟之。故孔子曰:『後生可畏,焉知來者之不如今。』主者明爲科制,宣勑施 仕 而還,死者十六七。不聽死家發哀,犯者誅之。 歸第,雍容高爵,頤神養壽,朝請隨時,饗宴朕前,論道陳謀而已,不須復親有司苦劇之 其令皇太子嗣理萬機、總統百揆,更舉賢良,以被列職,皆取後進明能,廣啓選才之路,

二十三年,虜安南平南府又移書兗州,以南國僑置州,不依城土,多濫北境名號,又欲

遊獵具區。兗州答移曰:

洛,至于淸濟。 氏、北臨河、濟、西盡咸、浒、弔民伐罪、流澤五都。 魏爾時祗德悔禍,思用和輯,交通使 裂,石、容、苻、姚,遞乘非據,或棲息趙、魏,或保聚洲、岐。我皇宋屬當歸曆,受終晉 算,保有成功,回斾之日,重失同、兗。 命,以祈天衷,來移所謂分疆畫境,其志久定者也。俄而不恒其信,虞我國憂,侵牢及 仁義之道,興自諸華。在昔有晉,混一區宇,九譯承風,遐戎嚮附。永嘉失御,天綱圮 夫皇極肇建,實膺神明之符,生民初載,實稟沖和之氣。故司牧之功,宣於上代, 往歲入河,且欲綏理舊城,是以頓兵南澨,秋豪無犯。軍師不能奉遵廟

來移云「不因土立州,招引亡命」。夫古有分土,而無分民,德之休明,四方綴負。

虐,老弱 昔周道方隆, 無遺。 靈臺初構,民之附化,八十萬家。 詳觀今古,略聽輿誦,未有窮凶 彼不思弘善政,而恐人之棄己,縱威 以 延 期,安忍而 懷衆者也。 若必 宜因 土 肆

立 州、則彼立徐、揚、豈 |有其地?

先是, 虜中謠言:「滅虜者吳也。」 燾甚惡之。 稱「馳獵 復 義 辰,天人協慶,鸞旗省方, 非所吝。 加欲「游獵 舉兵反虜,諸戎夷普並響應,有衆十餘萬。 往年貴主獻書云:「强者爲雄。」斯則棄德任力,逆行倒施,有一於此,何以能振 積 年,野無飛伏。」此邦解網舍前,矜蜫育縠,七澤八藪,禽獸豐 三代肆覲,其 具區,觀化南國」。 典 東巡稽嶺。 錐 今治道方融,遠人必至,開館飾 若欲邀恩,宜赴茲會,懷德貴 入漢,厥儀猶全,饋餼之秩 二十三年,北地瀘水 邸,則有 ,四四年存豐厚。 人蓋吳,年二十九,於 蚤, 司 碩 無或後 存。 ,虞候蒐算, 期。 來歲元 叉

杏城 天台

吳上 表 歸 順,日

於秦 風 臣 以 鼓,率 土,非仰 庸鄙,杖義因 自 靈 |祚南遷,禍纒神土,二京失統, 土 協宋 響 同 、威聲旣 機、乘寇 靈,俯允羣願,焉能若斯者哉。 虜天亡之期,藉二州思奮之憤,故創迹天台, 張,士卒効勇,師不崇朝,羣狡震裂,殄逆鱗於函關,掃凶迹 豹狼 縱毒,蒼元蹈犬噬之悲,舊都哀茶蓼之痛 **爱暨咸、雍,義**

蘇 鎮,闔境顒顒,仰望皇澤。 伏願陛下給一旅之衆,北臨河、陝,賜臣威儀,兼給戎械,進 **葽,世連土宇,擁率部落,控弦五萬,東屯潼塞,任質軍** 可以厭捍凶寇,覆其巢窟,退可以宣國威武,鎭御舊京。 練甲高平,進師游、隴。北漠護軍結駟連騎,提戈載驅。 之德。 今平城遺虐,連兵大壇,「四一東西狼顧,威形莫接,長安孤危,河、洛不戍,平陽二 謹遣使人趙綰馳 表丹 誠 門。 使中都有鳴鸞之響,荒餘懷來 胡蘭洛生等部曲數千,擬 私署安西將軍常山白 、撃傷 廣平

燾遣軍屢敗,乃自率大衆攻之。 吳又上表曰:

毒 四 天未忘難,禍亂仍起,獫狁侏張, 生 海。 一民,虐流兆庶,士女能言,莫不歎憤。 臣聞天無貳日、地無貳主。 先皇慈懷 內發,愍及戎荒,翦偽羌於長安,雪黎民之荼炭,政敎旣被,民始寧蘇 昔中都失統,九域分崩,羣凶丘列於天邑,飛鴞鴟目於 侵暴中國, 使長安爲豺狼之墟, 鄴、洛爲蜂蛇 傾首東望,仰希拯接,咸同旱苗之待 天澤,赤 之藪,縱

千里雲集,冀廓除榛莽,以待王 臣連營,接刃交鋒,無日不戰,獲賊過半,伏屍蔽野。 臣 仰恩天時,以義伐暴,輒東西結連,南北 師, 義夫始臻,莫不 樹黨,五州 瓦解。 **伏願特遣偏師,賜垂拯接。** 同盟,迭相 房主二 一月四 三要契。 日 傾 資 仰馮 倒 威靈, 庫,與

子

之望慈親

威旣震,足使姦虜潰亡,遺民小大,咸蒙生造。

太祖 梟逆虜,以立勳績。 詔曰 · 「北地蓋吳,起衆秦川,華戎響附,奮其義勇,頻煩克捷, 屢遣表疏, 宜加爵號,褒獎乃誠,可以爲使持節、都督關隴諸軍事、安西將軍、雍州 遠效忠款,志

刺史、北地郡公。使雍、梁遣軍界上,以相援接。」

二十一紐與吳,使隨宜假授。屠各反叛,吳自攻之,爲流矢所中,死。 **原攻吳大小數十戰,不能剋。** 太祖遣使送瘫、秦二州所統郡及金紫以下諸將印合一百 吳弟吾生率餘衆入木

面山,皆尋破散。

千餘口,牛六千餘頭。 城 徒 使 祭酒 其 |恬 歸 其 擊破之。 誠誠。 王琦 年,太原民顏白鹿私行入荒,爲虜所錄,相州刺史欲殺之,白鹿詐云「青州刺史杜驥 齎書隨白鹿南歸。 相 杜驥遣其寧朔府司馬夏侯祖歡、中兵參軍吉淵馳往赴援,虜破略太原,得四 州 刺史送白鹿至桑乾,燾喜曰:「我外家也。」使其司徒崔浩作書與驥, 尋又寇院、靑、冀三州、遂及淸東、殺略甚衆。 遣從弟高梁王以重軍延驥,入太原界,攻冀州刺史申恬於歷 使

太祖思弘經略,詔羣臣曰:

終 有 慚 吾 德 少覽篇 而 品 籍 頻頗 宇未一,師饉代有, 愛 文義,遊玄翫 采,未能 永言斯瘼,彌干其慮。 息卷。 自纓紼世務,情兼家國,徒存 加疲疾稍增 ,志隨時往,屬 日是,

列

傳

思之功, 感慨之來,遂成短韻 與 事 而 廢。 殘虐遊魂,齊民塗炭,乃眷北顧,無忘弘拯。 卿等體國情深,亦當義篤其懷 也。 詩日 思總羣謀,掃淸逋逆,

晉朝,取愧鄒魯士。 安局步,騏驥志千里。梁傅畜義心,伊相抱深恥。賞契將誰寄,要之二三子。無令齊 言悼斯民,納隍良在己。 不覩南雲陰,但見胡風起。 季父鑒禍先,辛生識機始。 逝將振宏羅,一麾同文軌。 亂極治必形, 崇替非無徵,興廢要有以。自昔淪中畿,儵焉 塗泰由積否。 時乎豈再來?河淸難久俟。 方欲滌遺氛,矧乃穢邊鄙。 盈百 駘駟

時 疆場之民,多相侵盜。二十五年,虜寧南將軍、豫州刺史北井侯若庫辰樹蘭移書豫

州日

南叛,以類推之,日月彌甚。姦宄之人,數得侵盜之利,雖加重法,不可禁止。僕常申 此之界局,與彼通連,兩民之居,烟火相接,來往不絕,情僞繁興。是以南姦北入,北姦 死亡之餘,雉菟逃竄,南入宋界,聚合逆黨,頻爲寇掠,殺害良民,略取資財,大爲民患。 能令上化下布,而下情上達也。比者以來,邊民擾動,互有反逆,無復爲害,自取誅夷。 僕以不德,荷國榮寵,受任邊州,經理民物,宣播政化,鷹揚萬里,雖盡節奉命,未

令境局,料其姦源,而彼國牧守,縱不禁御,是以遂至滋蔓,寇擾**疆**場。

譬猶蚤虱疥癬,

雖爲小痾,令人終歲不安。

邦也。 宋二境,宜使人迹不過。 聞,至老死不相往來,不亦善乎。 斷,無復相侵,如是可以保之長久,垂之永世。故上表臺閣,馳書明曉,自今以後,魏、 當今上國和通,南北好合,唯邊境民庶,要約不明。 自非聘使行人,無得南北。 又能此亡彼歸,彼亡此致,則自我國家所望於仁者之 邊境之民,烟火相望,雞狗之聲相 自古列國,封疆有畔,各自禁

右將軍、豫州刺史南平王 樂答移曰:

告嘉貺,實獲厥心。 以爲言,將違躬厚之義。 不惟疆域之限。 輒便苞納,待之若舊,資其糧仗,縱爲寇賊。 略,豈唯竊犯王黎,乃害及行使。 知以邊氓擾動,多有叛逆,欲杜絕姦宄,兩息民患,又欲迭送奔亡,禁其來往。 來示所云,彼並行之,雖豐辭盈觀,卽事違實,興嫌長亂,實彼之由,反 但彼和好以來,矢言每缺,侵軼之弊,屢違義舉,任情背畔,專肆暴 頃誅討蠻髦,事止畿服,或有狐奔鼠簋,逃首北境,而 往歲擅興戎旅,禍 加孩耄,罔顧善隣之約, 申

先謹 封守,斥遣諸亡,驚蹄逸鏃,不妄入境,則邊城之下,外戶不閉。 疆埸之民,有自來矣,且相期有素,本不介懷。若於本欲消姦弭暴,永存匪石,宜 王制嚴明,豈當獨

列

負 申勑 來 守 宰,務敦義讓。 若亡命 奔越,侵盜 往誠 未布,能不愧怍,當重約示,以副 一彼民,斯固刑之所取,無勞遠及。 至 自荷閫外,思闡皇猷,每 懷。

遵之去郡,南平王鱳時鎭壽陽,遣右軍行參軍陳憲行郡事。回三憲嬰城固守,燾盡銳以攻之, 准 肉 憲自登郭城督戰。 起樓臨城,飛矢雨集,衝車攻破南城,憲於內更築扞城,立栅以補之。 虜 **虜掠抄淮西六郡,殺戮甚多。攻圍懸瓠城,城內戰士不滿千人。先是,汝南、新蔡二郡太守徐** 入境,宣威將軍陳南頓二郡太守鄭琨、綏遠將軍汝陽潁川二郡太守郭道隱並棄城奔走。四日 (薄攻城)死者甚衆,憲將士死傷亦過半。 !、泗,迺敕邊戍:「小寇至,則堅守拒之,大衆來,則拔民戶歸壽陽。」諸戍偵候不明,虜奄來 十七年,燾自率步騎十萬寇汝南。 初,

憲欲爲邊寇,聲云獵於梁川。 **憲唯恐壽陽有救兵,不以彭城爲慮** 太祖慮其侵犯

張暢 臧肇之、集曹行 遭 軍程天祚督戰,四門至譙城,更簡閱人馬,得精騎千一百匹,直向汝陽。 舉別駕劉延孫爲元帥,延孫辭不肯行,舉參軍劉泰之自代。四世祖 隊主吳香鑪乘驛敕世祖, 燾遣 ,暢等並贊成之。 從弟永昌王庫仁眞步騎萬餘、「醫」將所略六郡口,北屯汝陽。時世祖鎭彭城,太祖 . 參軍尹定、武陵國左常侍杜幼文五 乃分爲五軍,以泰之爲元帥,與安北騎兵行參軍垣謙 **遣千騎,齎三日糧襲之。** 人,各領其一。 世祖發百里內馬,得千五百 謙之領泰之軍副殿 以問司馬王玄謨、長史 虜不意奇兵從北來, 之、田 一曹行 匹。 中將 衆議

內 大 八營在 有 數區 汝陽北,去城三里許。 氈屋,屋中皆 有 帳, 器仗甚 泰之等至,廣都不覺,馳入襲之,殺三千餘 精, 食具皆是金銀,帳 內諸 大主帥 悉殺 人, 燒其 之。 諸亡 輜 重 口悉

得 城內有虜一幢,馬步可五百,登城望知泰之無後繼,又有別帥鉅鹿公餘嵩自虎牢 東 宋走、大呼云:「官軍痛與手。」 屬衆一 時奔散,因追之,行已經日,人馬疲 後, 至,因 引還汝南 引出

擊泰之,泰之軍未食,旦戰已疲勞,結陣未及定,垣謙之先退,因是驚亂, 趨溵水,水深岸高,人馬悉走水爭渡,泰之獨不去,曰:「喪敗如此,何面復還。」下馬坐地,爲 棄仗 ,奔走,行迷道

卅 虜所殺。 祖降安北之號爲鎮軍將軍,玄謨、延孫免官,暢免所領沛郡,謙之伏誅,定、幼文付尙方。 肇之溺水死,天祚爲虜所執,謙之、定、幼文及將士免者九百餘人,馬至者四百匹。

年 將 **墮人計中。」即燒攻具,欲走。 會泰之死問續至,乃停壽陽。 遣劉** 燾 初 聞 汝陽敗,又傳彭城有係軍,大懼,謂其衆曰「但聞淮南遣軍,乃復有奇兵出。 康祖救懸瓠, 燾亦遣 今

漸 任 城 進, 公 功 拒 委罪 康祖,與戰破之,斬任城。 大將,多所斬戮,倍道 盡 力捍禦, 全城摧寇,忠敢之効,宜 一奔走。 **ຼ** 康攻城四十二日不拔,死者甚多,任城又死,康 太祖嘉憲固守,詔曰「「右軍行參軍、行汝南新蔡 加 顯耀 可龍驤將軍、汝南新蔡二郡太 祖教

叉 以 布 萬 匹委憲分賜 汝南 城 內文武 吏民戰守勤勞者

郡

軍

事

陳憲

燾 雖 不 剋 懸 瓠 <u>一</u>加 虜掠 甚多),南師屢無功,爲熹所輕侮。 與太祖

列 傳 第 五 + 五. 索

功 民,厚加 皆用 彼 爲 前 奉養。 方州,虞我之隙,以自慰慶。 使間諜、該略姦人、竊聞朱脩之、申謨、近復得胡崇之、敗軍之將、國有常刑、 禽我卑將衞拔,非其身,各便鏁腰苦役以辱之。 得我普鍾蔡一豎子,何所損益,無異得我舉國之 觀此所行,足知彼之大

趣,辨校以來,非一朝一夕也。

引誘 至,終 南使彼居之。 我民戶邪。 以 環 我 釧 頃 不相縱。 邊民,募往者復除七年,是賞姦人也。 ,是曹正欲譎誑 關中蓋吳反逆、扇動隴右氐、羌、彼復使人就而誘勸之、丈夫遺以弓矢、婦人遺 彼今若欲保全社稷,存劉氏血食者,當割江以北輸之,攝守南度,如 不然,可善敕方鎭、刺史、守宰,嚴供張之具,來秋當往 頃者往 |索真珠璫,略不相與,今所馘截髑髏, 取賂,豈有遠相順從。 爲大丈夫之法,何不自來取之,而 我今來至此土,所得 可當幾許珠璫也。 多少,孰與彼 取揚州,大勢已 此 前 以貨該 釋江 後得

之。 方已定,不復 我今北 彼往 以 此 征 一,先除 日 而觀,彼豈能 北 相 通芮芮,西結赫連、蒙遜、 釋 有足之寇。 。 獨立。 彼若不從命, 來秋當復往取。 芮芮吳提已死,其子遠害眞襲其凶迹,以今年二 吐谷渾,東連馮弘、高麗。 以彼無足,故不先致討。 凡 此數 國, 月復死。 我皆滅

我往之日,彼作何方計,爲塹城自守,爲築垣以自鄣也。 彼土小雨,水便迫掖,彼

其人目所盡 此,尚殺之,烏得與我校邪。 能 水中射我也。 何時與彼交戰,晝則遣騎圍繞,夜則離彼百里宿去,彼人民好,降我者驅來,不好 見,委曲善問之。彼前使裴方明取仇池,旣得,疾其勇功,不能容。 我顯然往取揚州,不若彼翳行竊步也。回过彼來偵諜,我已禽之放還, 彼非敵也。 彼常願欲共我一過交戰,我亦不癡,復不是持 有臣 如如

營,我亦不近城圍彼,止築隄引水,灌城取之。彼揚州城南北門有兩江水,此二水引 營伎,我亦知彼情,離彼百里止宿,雖彼軍三里安邏,使首尾相次,彼募人以來,「四〇裁 者盡刺殺之。 五十里,天自明去,此募人頭何得不輸我也。彼謂我攻城日,當掘塹圍守, 近有穀米,我都噉盡,彼軍復欲食噉何物,能過十日邪?彼吳人正有斫 欲出來斫

用,自可如人意也。

也。 取彼亦不須我兵刃,回己此有能祝婆羅門,使鬼縛彼送來也 知彼公時舊臣,都已殺盡,彼臣若在,年幾雖老,猶有智策,今已殺盡,豈不天資我

來,爭天下者,非唯我二人而已。今聞彼自來,設能至中山及桑乾川,隨意而行,來亦不迎, 厭,CeoJ誘我邊民,其有往者,復之七年。 去亦不送。若厭其區宇者,可來平城居,我往揚州住,且可博其土地。億人謂換易爲博。[刑]彼年 此後復求通和,聞太祖有北伐意,又與書曰:「彼此和好,居民連接,爲日已久,而彼無 去春南巡,因省我民,即使驅還。自天地啓闢已

列

二三四八

已五 可 以相與,今送獵白鹿馬十二匹幷氈藥等物。 一十,未嘗出戶,雖自力而來,如三歲嬰兒,復何知我鮮卑常馬背中領上生活。 彼來馬力不足,可乘之。 道里來遠,或不服 更無餘物

其年,大舉北討,下詔曰:

水土,藥自可療。」

亡太半,連歲相持,于今未解。又猜虐互發,親黨誅殘,根本危敝,自相殘殄。 棘,跂望綏拯,潛相糾結,以候王師。 幷陳芮芮此春因其來掠,掩襲巢窟,種落畜牧,所 使適至,所說並符,遠輸誠款,誓爲犄角。遐邇注情,旣宜赴獎,且水雨豐澍,舟檝流 **虜近雖摧挫,獸心靡革,驅逼遺氓,復規竊暴。 比得河朔秦雍華戎表疏,** 歸訴困 芮芮間

通,經略之會,實在茲日

等侯臧質勒東宮禁兵,統驍騎將軍安復縣開國侯王方回、建武將軍安蠻司馬新康 國男劉康祖、右軍參軍事梁坦步騎十萬,逕造許、洛。使持節、督豫司雍秦并五州諸軍 刺史霄城侯蕭斌,推三齊之鋒,爲之統帥。持節、都督徐兗靑冀幽五州豫州之梁郡諸 前 鎭 驅 入河。 可 軍將軍、徐虎二州刺史武陵王駿,總四州之衆,水陸並驅。 遣寧朔將軍王玄謨率太子步兵校尉沈慶之、鎭軍諮議參軍申坦等,戈船一萬, 使持節、督青冀幽三州徐州之東安東莞二郡諸軍事、輔國將軍、青冀二州 太子 左衛率始興縣五 縣開

軍杜坦、寧遠將軍竟陵太守南城縣開國侯劉德願,至三籍荆雍之勁,攬羣師之銳,宜由 郡太守劉弘宗、「馬」連旗深入,震盪汧、隴。護軍將軍、封陽縣開國侯蕭思話,部龍驤將 遠將軍、西戎校尉、梁南北秦三州刺史秀之,統輔國將軍楊文德、宣威將軍巴西梓潼 董一,使持節、侍中、都督揚南徐二州諸軍事、太尉、領司徒、錄尚書、太子太傅、國子祭 軍節度。 酒江夏王義恭,德望兼崇,風略遐被,卽可三府文武,幷被以中儀精卒,出次徐方,爲衆 事、右將軍、豫州刺史、領安蠻校尉南平王鑠悉荆、河之師,方軌繼進。 別府司空府使所督諸鎭,各遣虎旅,數道爭先。督梁南北秦三州諸軍事、綏 東西齊舉,宜有

獻 軍用不充,揚、南徐、虎、江四州富有之民,家資滿五十萬,僧尼滿二十萬者,並四分換 集盱眙。又募天下弩手,不問所從,若有馬步衆藝武力之士應科者,皆加厚賞。 令以上相府舍者,不在發例,其餘悉倩暫行征。符到十日装束,緣江五郡集廣陵,緣准三郡 兄弟仕州居職從事、及仕北徐克爲皇弟皇子從事、庶姓主簿、諸皇弟皇子府參軍督護國三 ?[蓋]過此率計,[表]事息卽還。 私財至數十萬者。又以兵力不足,尚書左僕射何尚之參議發南兗州三五民丁,父祖伯叔 武關,稜威震彥。〔晉〕指授之宜,委司空義宣議量 是歲軍旅大起,王公妃主及朝士牧守,各獻金帛等物,以助國用,下及富室小民,亦有 有司叉奏

德憑 餘頭 萬斛,虜田五穀三百頃,鐵三萬斤,大小鐵器九千餘口,餘器仗雜物稱此。 ·城拒戰,元吉破之,買德棄城走,獲奴婢一百四十口,馬二百餘匹,驢騾二百,牛羊各千 ,

氈七百領,

麁細車三百五十乘,

地倉四十二所,

粟五十餘萬斛,

城內居民私儲又二十 歷 城 建 武 府司馬申元吉率馬步□餘人向碻磝,取泗瀆口。 房 高 敬 戍 主 、 濟 州 刺 史 王 買

倒之。 留城 |恭斥候不明, 卒與相遇, 乃捨||推顧南山, 東至山而虜圍合, 文恭戰敗, 僅以身免。 玄敬亦與 山,鄒山戍主、宣威將軍、魯陽平二郡太守崔耶利敗沒。燾登鄒山,見秦始皇刻石,使人排 願,從弟高梁王阿斗遲自青州道,[晉]燾自碻破,並南出。諸鎭悉斂民保城。其十一月至鄒 燒苞橋,夜於林中擊鼓。 祖遣參軍馬文恭至蕭城,江夏王義恭遣軍主嵇玄敬至留城,並爲覘候。蕭城虜偃旗旌,文 屬相值,幢主華欽繼其後,房望玄敬後有軍,引去,趨苞橋。至,欲渡淸西,至弘沛縣民 玄謨攻滑臺不剋,燾自率大衆渡河,玄謨敗走。燾從弟永昌王庫仁眞發關西兵趨汝、 遣楚王樹洛眞、南康侯杜道儁進軍清西,至意立至蕭城,步尼公進軍清東,至留城。世 虜謂官軍大至,爭渡苞水,水深,溺死殆半。

蘇之臺,搜長洲之苑,舟檝雖盛,寡於良駟,想能惠以逸足,令及此行。」老壽反命,未出境, 求馬、曰「自頃歲成民阜,朝野無虞,春末當東巡吳、會,以盡游豫。 燾遣 員 外散騎侍郎王老壽乘驛就太祖乞黃甘,太祖餉甘十簿、甘蔗千挺。 幷就 臨滄海、探禹穴、陟姑

虜兵深入,乃錄還。

戍,而尉武 命來此,不可輒去。 **虜又破尉武戍**, 東北 1有小 是日虜攻之,矢盡力屈,遂沒。 壘,因據之。 執戍主左軍長兼行參軍王羅漢。 或曰:「賊盛不足自固,南依 **虜法,獲生將,付其三郎大帥,連鎖鎖頸** 先是プ 卑林,寇至易以免。」 南平王鑠以三百人配羅漢出 羅漢 以受

羅漢夜斷三郎頭,抱鎖亡走,得入盱眙 城

永昌王破劉康祖於尉武,引衆向壽陽,自青岡屯孫叔敖冢,脅壽陽城, 又焚掠馬頭 鍾

雕。南平王鑠保城固守。

慶守北固,尚書緒湛之先行京陵,仍守西津,徐州從事史蕭尚之守練壁,征北參軍管法祖守 横江,少府劉興祖守白下,建威將軍、黃門侍郎蕭元邕守裨洲,羽林左監孟宗嗣守新洲上, 護山、徐州從事武仲河守博落、尚書左丞劉伯龍守採石、尋遷建武將軍、淮南太守、仍總守 防禦之備。 莫不殘害。 率大衆南向,中書郎魯秀出廣陵,高梁王阿斗埿出山陽,永昌王於壽陽出橫江。 建武將軍泰容守新洲下,征北中兵參軍事向柳守貴洲,司馬到元度守蒜山,諮議參軍沈曇 **燾自彭城南出,十二月,於盱眙渡淮,破胡崇之等軍。** 初,領軍將軍劉遵考率軍向彭城,至小澗,虜已斷道,召還,與左軍將軍尹弘守 壽至瓜步,壞民屋宇,及伐蒹葦,於滁口造箄筏,聲欲渡江。 留尚書韓元興數千人守盱眙,自 太祖大具水軍、爲 凡所經過,

列傳

第

劉淵之並以裝治失旨,付建康。乘輿數幸石頭及莫府山,觀望形勢。 傷。 封八千戶開國縣公,賞布絹各萬匹,金銀各百斤,斬其子及弟、偽相、大軍主,封四百戶 江,旗甲星燭。皇太子出戍石頭城,前將軍徐湛之守石頭倉城,都水使者樂詢 縣侯,布絹各五千疋,自此以下各有差。 又募人賷冶葛酒置空村中, [kū]欲以毒虜, 遊邏上接于湖,下至蔡洲,陳艦列營,周亘江畔,自採石至于暨陽,六七百里,船艦 購能斬佛狸伐頭者, 、尙書水部郎 竟不能 開 或

非唯欲爲功名,實是貪結姻援,若能酬酢,自今不復相犯秋毫。」又求嫁女與世祖。二十八 噉之,幷大進酃酒,左右有耳語者,疑食中有毒,燾不答,以手指天,而以孫兒示奇曰:「至此 「六夷如此必走。」正月二日,果退。 年正月朔,燾會於山上,幷及土人。 會竟,掠民戶,燒邑屋而去。 三十斗。遣使餉太祖駱駝名馬,求和請婚。 燾鐅 瓜步山爲盤道,於其頂設氈屋。 **燾不飲河南水,以駱駝負河北水自隨,**一 上遣奉朝請田奇餉以珍羞異味。 房初緣江舉烽火,尹弘日 **燾得黃甘**,即 駱駝 負

給盱眙,賊逼,分留山陽。又有數萬人攻具,當往滑臺,亦留付郡。 虜以海陵多陂澤,不敢往。 初,太祖聞虜寇逆,焚燒廣陵城府船乘,使廣陵、南沛二郡太守劉懷之率人民一時渡 山陽太守蕭僧珍亦斂居民及流奔百姓,悉入城。 城內垂萬家,戰士五千 臺送糧仗

停,引 餘人。 徐、虎、豫、靑、冀六州,殺略不可稱計,而其士馬死傷過半,國人並尤之。 有白米陂,去郡數里,僧珍逆下諸處水,注令滿,須賊至,決以灌之。 自廣陵還。因攻盱眙,盡銳攻城,三十日不能剋, 乃燒攻具退走。 **虜旣至,不敢** 燾凡破南克、

殺之。 所住 愛,燕王謂國人曰:「博眞非正,不宜立,直懃嫡孫,應立耳。」乃殺博眞及宗愛,而立濬爲主 知,大加搜檢。 號年爲正平。 所危,矯殺之而自立,號年承平。 王,名可博眞。 弈肝,[於三與晃對掌國事,晃疾之, 愬其貪暴, 燾鞭之二百, 遺鎭枹罕。 屠蘇爲疾雷擊,屠蘇倒,見壓殆死,左右皆號泣,晉王不悲,燾怒賜死。〔六〕次曰秦王烏 是歲,燾病死,諡爲太武皇帝。初,燾有六子,長子晃字天眞,爲太子。 以烏弈肝有武用,以爲太子。會燾死,使嬖人宗愛立博眞爲後,宗愛、博眞恐爲弈肝 次曰楚王,名樹洛眞。「於巴燾至汝南瓜步,晃私遣取諸營,鹵獲甚衆。 晃懼,謀殺燾,燾乃詐死,使其近習召晃迎喪,於道執之,及國,罩以鐵籠, 博眞懦弱,不爲國人所附,晃子濬字烏雷直懃,素爲燾所 次日燕王。云三次日吳 次日晉王。 **燾歸聞**

青州刺史劉興祖建議伐河北,曰:「河南阻飢,野無所掠,脫意外固守,非旬月可拔,稽留 大衆,轉輸方勞。 先是,虜寧南將軍魯爽兄弟率衆歸順。二十九年,太祖更遣張永、王玄謨及爽等北伐, 伐罪弔民,事存急速,今偽帥始死,兼逼暑時,國內猜擾,不暇遠赴,關內

列

撫柔 用。 促裝束,伏聽敕旨。」上意止存河南,不納。 憚於深遠,勳之等慷慨之誠,誓必死效。 史備大行,因事指麾,隨宜加授。畏威欣寵,人百其懷,濟河之日,請大統版假。 率歷城之衆,可有二千,駱驛俱進。 易。〔徐〕向義之徒,必應響赴,若中州震動,黃河以南,自當消潰。 今更發三千兵,假別駕崔勳之振威將軍,領所發隊,幷二州望族,從蓋柳津直衝 之衆,裁足自守。 、初附。 若前 驅 定州刺史取大嶺,冀州刺史向井陘,幷州刺史屯雁門,幽州刺史塞軍都,相州 乘勝,張永及河南衆軍,便宜一時濟河,使聲實兼舉。 愚謂宜長驅中山,據其關要。 較略二軍,可七千許人,旣入其心腹,調租 若能成功、清一可待、若不克捷、不爲大傷。 玄謨攻碻傲,不克退還。 冀州已北,民人尚豐,兼麥已向熟, 臣城守之外,可有二千人, 愚計謬允, 宜並建司牧, 發車,以充軍 中山。 常忿將 資因爲 並催 申坦 率 刺

州,為刺史顏師伯所破,退走。 元景、王玄謨、顏竣、謝莊、檀和之、褚湛之以爲不宜許。CKO時遂通之。 世祖卽位,索虜求互市,江夏王義恭、竟陵王誕、建平王宏、何尙之、 大明二年,虜寇青 何偃以爲宜許, 柳

前 廢帝永光元年,濬死,諡文成皇帝。子弘之字第豆胤代立。

逆, 四方反,徐州刺史薛安都、青州刺史沈文秀、冀州刺史歷城鎭主崔道固等,亦各舉兵。 景和 中,北討徐州刺史義陽王昶,昶單騎奔虜。 太宗泰始初,江州刺史晉安王子勛爲

廣謀欲納昶,下書曰

歸款 秀、冀州刺史歷城鎮主崔道固等,皆彼之要藩,懼及禍難,擁衆獨據,各無定主。 陸 兵安忍,篡位自立,旣無闔閭靜亂之功,而有 起 海 天象,俯察人謀,六軍變伐之期,率土同軌之日 之徵旣兆,危亡之應已著。僞江州刺史晉安王復稱大號, 軍 臨海 事 自 以平,晉定吳會,萬方以壹。今宋室衰微,凶難府起,國有殺君之逆,邦罹崩 、征北 蕭 闕庭,脫錫以顯爵,班同 易 王劉子綏子頊大擅威令,不相祗伏。 牆,釁流合境。 稱「利用行師」,書云「龔行天罰」,必觀時而後施,因機而後舉。 將軍、儀同三司、徐州刺史義陽王昶,踵微子之蹤,蹈項伯之迹,知機體運。 偽使持節、散騎常侍、都督徐南北兗青冀 親舊。 徐州 無知悖禮之變,怠棄三正,慢易天常,覆敗 刺史彭城鎮主 自立 一 隅, 薛安都、青州 幽七州豫州之梁郡諸 荆郢二州 故夏伐有扈,四 刺 離之難。 史 刺 沈文 史安 仰觀

伏玄、〔к+〕侍中尚書左僕射安西大將軍平北公直懃美晨、〔кこ散騎常侍殿 軍 山陽公呂羅漢,領隴右之衆五萬,沿漢而東,直指襄陽。 工其讎逆,振其艱患哉。今可分命諸軍,以行 朕承休烈,屬當泰運,思播靈武,廓寧九服,豈可得臨萬乘之機,遘時來之遇,**而** 九伐。 使持節征 使持節 東大將軍安定王直 征南大將軍勃海王 中尚書平北將 一熟伐

家存救之義。主者明宣所部,咸使聞知,稱朕意焉。 將軍西陽王直懃蓋戶千,領幽、冀之衆七萬,濱海而南,直指東陽。 揚沾德義之風,Ctill江、漢被來蘇之惠。 邊疆將吏,不得因宋衰亂,有所侵損,以傷我國 衆十萬,出濟、克,直造彭城,與諸軍剋期同到,會于秣陵。納昶反國,定其社稷,使荆、 太尉征東大將軍直熟駕頭拔、羽直征東將軍北平公拔敦及義陽王劉昶、「中」領定、相之 領江、雍之衆八萬,出洛陽,直至壽陽。使持節征南大將軍宜陽王直懃新成、守己侍中 兆王直懃子推、[f0]侍中司徒安南大將軍新建王獨孤侯尼須、散騎常侍西平公韓道人, 直懃天賜、〔ॡ〕侍中尚書令安東大將軍始平王直懃渴言侯、散騎常侍殿中尚書令安西 使持節征南將軍京

永、攸之敗退,虜攻青、冀二州,並剋,執沈文秀、崔道固。

又下書、 旣而晉安王子勛事平,太宗遣張永、沈攸之北討,薛安都大懼,遣使引虜。 虜遣萬騎救之,

月三十日壬寅昧爽以前,諸犯死罪以下,繫囚見徒,一切原遣。 唯子殺父母,孫殺祖父 藪,或爲囚徒,先被執繫,元元之命,甚可哀愍。 其曲赦淮北三州之民,自天安二年正 順,歸誠獻款。 罰有罪,篡戮發於蕭牆,毒害嬰於羣庶。徐州刺史薛安都、司州刺史常珍奇,深體逆 朕承天序,臨御兆民,思闡皇風,以隆治道。 而||則吳僭傲,跨時一方,天降其殃,以 遭難已久,飢饉荐臻,或以糊口之功,私力竊盜,或不識王命,藏竄 Щ

母 弟殺兄,妻殺夫,奴殺主,不從赦例。 若亡命山澤,百日不首,復其初罪。

糶 之路、鎭統之主、懃加慰納、遵用輕典,以莅新化。 今陽春之初,東作方興,三州之民,各安其業,以就農桑。 若綏導失中, 有饑窮不自存, 令民逃亡, 通 加罪無 其市

縱。

其普宣下,咸使聞知股意焉。

州刺 莫索公、貞陽鎭主鵝落生、襄陽王桓天生等,引山蠻馬步二萬餘人,攻圍義陽縣義陽戍。 史王贍遣從弟司空行參軍思遠、撫軍行參軍王叔瑜擊大破之,虜退走。 此 後虜復 和親,信餉歲至,朝庭亦厚相報答。 泰豫元年,虜狹石鎭主白虎公、安陽鎭主 司

京師, 檀,又 頗 氣 畜 寒凉 有學者。 牧, 自 號 以 與 馬 京房破慕容,據有中國,「HED」而芮芮虜有其故地,蓋漢世匈奴之北庭也。 中國亢禮,西域 氈 檀檀,亦匈 牛齕 帳 去北海 爲 枯 居,隨所 啦 雪, 千餘里 奴別 遷徙。 自然 諸 種。 一,與丁 國 肥 焉耆、鄯善、龜茲、姑墨 自 健。 其 西 零 土地 「路通京師、三萬餘里。 相接。 或 深 政 疎簡,不識文書,刻木 山則當夏積雪,平地則 常南擊索虜,世 東道諸 **僭稱大號**, 爲 國,並役屬之。 仇讎,故朝 以記事,其 極望數千 部衆 庭 後 連 每 無 一,野 覊 漸 城郭, 縻之。 知書契,至今 芮芮 無 歲時遺 、青草。 逐水 號大 使詣 地 草

其

東

有

槃槃國

、趙昌

或

渡流沙萬里,又有粟特國

,太祖世,並奉

表

貢

獻。

粟

特

大明中

遣使獻生師子、火浣布、汗血馬,道中遇寇,失之。

閉重嶮 不敢南 以後 鏑日至,芻牧年傷,禾麥歲犯,小則囚虜吏民,大則俘執長守, 無上算,漢收下策。 勇,檀石之驍强,不能及也。 兗、冀之間 據,偏城孤將,銜寃就**廣,**遂蹙境延寇,僅保**淸** 國 夫,故能 太祖忿之,開定司、党,而兵無勝略,棄師隕衆,委甲橫原,捐州亘水,至司荆、吳銳卒,逸氣 爲之殞涕,自是關 爭 () 風雅 衡矣。 史臣曰: 久矣, 匈奴之與中國並也。 而 臨。 成服 自固。 雕喪,五胡遞襲,翦覆諸華。 蕭 高祖 至于晉始,姦黠漸著,密邇畿封,窺候疆場,俘民略畜者,無歲月而闕焉。 然矣。 華 甸,志雄羣虜。 于時戎車外動,王命相屬,裳冕委蛇,軺軒繼路,舊老懷思古之情,行人或 宏圖盛略,欲以苞括宇宙爲念,逮于懸旗淸洛,飲馬長涇,北狄 、河響動,表裏寧壹。 而自木末 魏代分離,種落遷散,數十年間,外郡無風塵之警,邊城早開晚閉,胡馬 遂西吞河右,東舉龍碣,總括戎荒,地兼萬里。 以來,並有賢才狡算,妙識 至於狸伐纂偽,彌煽凶威,英圖 宮車甫晏,戎心外駭,覆我牢、滑,翦我伊、瀍, 及涉珪以鐵馬長驅,席卷趙、魏,負其衆力,遂與上 自漢氏以前、綿跨年世、紛梗外區、驚震中宇。 東。 自是兵摧勢弱,邊隙稍廣, 兵權,深通戰術, 羽書繼塗, 武略,事駕前古 奔命 屬難 雖裂土分區,不 凌厲 相屬,青、徐、 **壯騎陵突**,鳴 雖冒頓之鷙 衂銳挫鋒, 氣冠百 是以 元 未 康 周

可乎。 也。 **旍旗卷舒,僅而後克。後主守文,刑德不樹,一舉而棄司、克,再舉而喪徐方,華服蕭條,鞠** 外略,頓兵堅城,棄甲河上,是我有再敗,敵有三勝也。 南習水鬭,江湖固舟檝之鄉,代馬胡駒,出自冀北,楩柟豫章,植乎中土,蓋天地所以分區域 爲茂草,豈直天時,抑由人事。夫地勢有便習,用兵有短長,胡負駿足,而平原悉車騎之地, 軼戍,于歲連屬。 逮泰始搆紛,邊將外叛,致夷引寇,亡我四州。 邑荷檐, 及魏、晉,而華氓戎落,衆力兼倍。 至,增巢已傾。 足稱哀。六州蕩然,無復餘蔓殘搆,至於乳灩赴時,銜泥靡託,一枝之間,連窠十數,春雨裁 所控告。 未足也。 村井空荒,無復鳴雞吠犬。時歲惟暮春,桑麥始茂,故老遺氓,還號舊落,桓山之響,未 若謂氈裘之民,可以決勝於荆、越,必不可矣,而曰樓船之夫,可以爭鋒於燕、冀,豈或 虞詡 士女喧惶。天子內鎭羣心,外御羣寇,役竭民徭,費殫府實,舉天下以攘之,而 强者爲轉屍,弱者爲繋虜,自江、淮至于淸、濟,戶口數十萬, 旣而虜縱歸師,殲累邦邑,剪我准州,俘我江縣,喋喋黔首,跼高天,蹐厚地 所謂「走不逐飛」,蓋以我徒而彼騎也。因此而推勝負,殆可以一言蔽之。 雖事舛吳宮,而殲亡匪異,甚矣哉,覆敗之至於此也。 至乃連騎百萬,南向而斥神華,胡旆映江,穹帳遵渚,京 。自此以後,通互市, 高祖劬勞日昃,思一區宇, 自発湖澤者, 太祖懲禍未深,復興 納和 親,而 百不一 力猶 侵疆 而 無

校勘記

- **幷州** 刺史東嬴公司馬騰於晉陽爲匈奴所圍 各本並脱「東」字,據晉書帝紀訂補。
- \subseteq 其後 為苻堅所破執還長安後聽北歸鞬死子開字涉珪代立 按據魏書序紀, 什翼鞬為苻堅將苻

洛所破後, 又魏書太祖紀,太祖道武皇帝諱珪,此云名開字涉珪,開珪音相近,蓋爲異譯。 旋爲其庶長子寔君所殺,未嘗執送長安。

拓跋涉珪爲什翼鞬之孫,亦非什翼鞬子。

₹魏 *書

揚州刺史山陽公達奚斤吳兵將軍廣 州刺 史蒼梧公公孫表尚 書滑稽 「鄭兵」

作「晉兵」。「蒼梧公」魏書作「固安子」。

八三 山

遣鄭兵將軍

- 將軍劉憐領二百騎至雍丘 一以防之
- 24 陳 留太守嚴凌為 虜所 獲 嚴慢」各本 各本並脱「軍」字,據通鑑宋武帝永初三年補。 並作「嚴慢」、據魏書改。 通鑑作「嚴稜」。
- **幷力向廣等力不** 敵 張森楷校勘記云:「當疊廣等二字。」

五

- 4 虜將 安平公鵝青二軍七千人南渡 「鵝靑」魏書作「娥靑」。
- 鄭兵 與公孫表及宋兵 將軍交州刺史交阯侯普幾萬五千 騎 「普幾」 即魏書之「周幾」。 魏書官

氏志 一一獻帝以次兄爲普氏 ,後改爲周氏。」

- 八九山 德祖 廣又遣楚兵將軍徐州刺史安平公涉歸幡能健至 於城 內穴地 「地」各本並作「城」,據元龜五九九、通鑑宋少帝景平元年改
- 東擊青州 通鑑考異云:「索虜傳,涉歸幡能健

按後魏書無涉歸等姓名,蓋皆胡中舊名,即叔孫建等也。」孫彪宋書考論云:「涉歸幡能健, 即叔

孫 建也。 檀道濟傳作乙旃眷,皆語音轉譯,無定字。」按魏書官氏志:「獻帝又命叔父之胤曰 乙旃

氏,後改爲叔孫氏。」涉歸幡蓋乙旃之異譯。

車騎參軍王玄謨領千人 「參軍」各本並作「將軍」。 孫彪宋書考論云 「玄謨時不得爲車騎將

軍。 蓋參軍之誤。」按孫說是,今改正

若沈叔狸已進 「進」各本並作「追」,據通鑑改。

劉粹使助高道瑾戍守 「使」各本並作「便」,據通鑑改。 又各本並脱「守」字、據通鑑

「留」各本並作「苗」。孫彪朱書考論云:「苗當作留。」按孫說是,今改正。

元德因留綏撫

廣悅勃大肥率三千餘騎 悦勃大肥卽閭大肥,魏書有傳。

移鎭長廣之不其城 「不其」各本並作「不期」,殿本考證云:「當作不其。」今改正。

夔以固守功 三朝本、北監本、殿本作「下以固守以功」、三本、局本作「夔固守以功」。 殿本考證

云:「當作『夔以固守功』五字。」今據殿本考證訂正。

虎牢被圍二百日 各本並脫「虎牢」二字、據元龜三九九、通鑑補。

德祖 **通** 作「德祖唯保 唯保一城 三朝本作「一保一城」,北監本、毛本、殿本、局本作「共保一城」,元龜三九九、 城。 今據元龜、通鑑訂正。

列 傳 第 五. + 五. 校 勘 記

- [10] 每答表書 「答」各本並作「益」,據通鑑改。
- 德祖滎陽陽武人也 「陽武」各本並作「南武陽」,據晉書毛寶傳改。 洪頤煊諸史考異云:「南武

陽當是陽武之譌。」

- 又除督司州之河東平陽河北雍州之京兆豫州之潁川兗州之陳留九郡軍事榮陽太守 數之祗六郡,疑「九」爲「六」字之譌。 按九郡
- [le] 少帝日 「少帝」下蓋脫「韶」字。
- 龍驤 主、寧遠將軍、東郡太守王景度 將軍兗州刺史徐琰東郡太守王景度並坐失守 ,則作東陽太守者誤,今改正 「東郡」各本並作「東陽」。按上文有滑臺戍
- 呈 徽 又毁壞鍾離城 鳳陽、魏兵時尚未能到 鍾離城」通鑑宋景平元年作「鍾城」。 此,似以 作「鍾城」爲是。 胡三省注云:「在泰山界。」按鍾離在今安
- 〇三六〕使大將吐伐斤西伐長安 此吐伐斤卽達奚斤之異譯。
- 任已 定,中山王三字疑誤文。 生禽赫連昌于安定 各本並作「生禽赫連昌中山王安定」十字。 又按王當作于,中山二字行。」按孫說是,今訂正。 孫彪宋書考論云。「按斤時軍安
- 赫連氏有名衛臣者 孫彪宋書考論云:「赫連氏上當有『初』字。」按衛臣魏書作衞辰, 蓋音譯無

定字。

- [1元] 以道懷二州士民 孫彪宋書考論云:「懷下蓋脫遠字。」
- **虜悉斂河南一** 戍歸 河北 孫彪宋書考論 云:一 當作諸。」
- 尹沖元 及司馬滎陽太守崔模抗節不降投塹死 通鑑考異云:「宋書云模抗節不降, 投塹死。 按}

魏書,模仕魏、爲武城男,宋書誤也。」

虜鎭 東將軍武昌王宜勒庫莫提移書益梁二州 「宜勒」當是「直勤」之譌。 據魏書,時武昌王提

逮我烈祖 爲平原鎭 都 重之聖明應運龍飛廓淸燕趙 大 將。 按此烈祖謂道武帝拓跋珪。 魏書禮志:「高祖太和 十五

年四月,經始明堂,改營太廟。

於昭成拓跋什翼犍,然廟號爲太祖。道武建業之勳,高於平文,廟號爲烈祖。 祖 拓跋珪有 創基之功,世祖拓跋驁 有開拓之德,宜爲祖宗,百世不遷。 而遠祖平文拓跋鬱律,功未 比功校德,以爲未允。 多

韶曰:『祖有功,宗有德,自非功德厚者,不得擅祖宗之名。……

列

太祖,正位七室之首。 股今奉尊道武爲太祖』」云云。 魏收魏書於禮志載其事 據是則北魏道武帝廟 而 於本紀略之。 號初爲烈祖 或謂「烈祖」當作「太祖 ,孝文帝太和 十五 年後,始改稱 非是。

使持節侍中都督雍秦二州諸軍事安西將 軍建興 公吐 奚 愛 酮 吐奚愛弼卽古弼。 通鑑考異 云

古彌, 宋索虜傳作吐奚愛弼,氏胡傳作吐奚弼, 蓋其舊姓。 今從後魏書。」按魏書官氏志 |吐

列傳第五十五 校奚氏後改爲古氏。」

勘

記

- 至 使持節侍中都督雍梁益四州諸軍事安西將軍開府儀同三司淮陰公皮豹子 四 州 數之祇三州。
- 孫彪宋書考論云:「雍上當有秦字。」「開府」上各本並衍「啓」字,今删
- 散騎常侍安南將軍雍州刺史南平公娥後延出自駱谷 娥後延,即娥青子娥延
- 勤」各本並作「直勒」,今改正。下文亦作「直熟」,皆魏主子弟之稱。 使持節都督洛豫州及河內諸軍事鎭南大將軍開府儀同三司淮南王直勤它大翰爲 勘記第十條、卷七二文九王傳校勘記第三條。 參見本書卷六五杜驥傳校 其後繼 直
- 〔三〕在之一亡十 句疑有誤。
- [H元] 吾等別愛後自馳檄相譬書 句疑有誤。
- 饋餼之秩 「秩」各本並作「秋」,據通鑑宋文帝元嘉二十二年改。
- 連兵大壇 「大壇」,下文又云「芮芮一號大檀」。 蓋譯音無定字。
- 綏遠將軍汝陽潁川二郡太守郭道隱並棄城奔走 「汝陽」各本並作「汝南」,據本書文帝紀改。
- 據改。 遣右軍行參軍陳憲行郡事 時南平王鑠爲右將軍、豫州刺史,陳憲蓋爲其參佐。 「右軍」各本並作「左軍」,按下文文帝詔稱「右軍行參軍陳憲」,今
- 舉參軍劉泰之自代 **燾遣從弟永昌王庫仁眞步騎萬餘** 通鑑考異云:「劉泰之、後魏紀作劉坦之、今從宋書。」 孫彪宋書考論云:「據魏書,永昌王仁,燾從子,非弟也。」

謙之領泰之軍副殿中將軍程天祚督戰 「軍副」各本並作「軍嗣」。 孫虨宋書考論云: 「按文義,

嗣 字疑副字之誤,連上爲句,泰之則軍主也。 列 傳 軍副屢見。」按孫說是,今改正。

[中国] 不若彼翳 行竊步也 「不若」二字各本並作「否」一字,據通鑑 訂

[限] 彼募人以來 各本並脫「彼」、「以來」三字,據通鑑補。

[四] 取彼亦不須我兵刃 各本並脫「不」字,據通鑑補。

[AO] 而彼無厭 「彼」字下:<a href="mailto:self-align: choose; align: choose

呈 儋人謂換易爲博 此七字,各本並作正文。 孫彪宋書考論云:「『傖人謂換易爲博』句,非魏主

中語,蓋史臣注文。 沈書往往有小注,而傳 寫誤爲大字。」按孫說是,今改爲注文。

至三 統輔 魏書島夷劉裕傳改。 國將軍楊文德宣威將軍巴西梓潼二郡太守劉 按百官志,有宣威將軍,無宣 武 弘宗 將 「宣威將軍」各本並作「宣武將軍」,據

呈き 部龍 驤 將軍杜坦寧遠將軍竟陵太守南城縣開 國 侯劉 德願 「杜」各本並譌「枝」 據通鑑

稜威 震 諺 殿本考證 云:「彥字不見字書,疑是殄字之誤。」

金吾 揚南徐兗江四州富有之民家資滿五十萬僧尼滿二十萬者並 萬」,「二十萬」各本作「二千萬」,並據通典食貨典、通鑑訂正。「換」通典、通鑑作「借」,義同 四分换 「五十萬」各本作「五千

知傳第五十五 校勘記 (五六)過此率計 「計」各本並作「討」,據通典食貨典改。

- 金艺 從弟 高 梁王 阿斗 **埿自青州道** 高梁王阿斗埿魏書作高凉 王 那。
- 金 遣楚王 樹洛眞南 康 侯杜道儁進 軍 淸 西 楚王 樹洛 眞 魏書 作 楚王 建。
- 趨苞橋 至欲渡清西 「苞橋」水經泗水注 作「泡橋 <u>-</u> ه 泗水 下 納 泡 水, 有淸水之稱, 卽 所謂清泗。

故 泗水 入淮之口 稱清口。「清西」弘治本、北監本、毛本、殿本、局本作「清河」、百衲 本作「清西」,

今從百衲本。

- 会合 又募人賷冶葛酒置空村中 「冶葛酒」通鑑作「野葛酒」。胡三省注云:「野葛有毒, 食之殺人。」
- 会ご **燾怒賜死** 按北史魏太武五王傳,晉王伏羅,太平眞君八年病死,非爲燾 所 殺
- 会 次日秦王烏弈肝 北史魏太武五王傳,東平王翰,初封秦王。 烏弈肝卽翰之鮮卑名。
- [KM] 次日燕王 北史魏太武五王傳,臨淮王譚,初封燕王。
- (大型) 次曰吳王名可博眞次曰楚王名樹洛眞 之鮮卑名。 廣陽王建,初封楚王,樹洛眞卽建之鮮卑名。 北史魏太武五王傳,南安王余,初封吳王, 據北史,建實爲兄,余實爲弟, 可博真卽余 宋書兄
- 弟倒置,蓋鄰國傳聞之誤。
- 至 資因爲易 通鑑宋文帝元嘉二十九年作「因資爲易」。胡三省注云「謂因敵 取資、於事爲易。」
- 柳元景王玄謨顏竣謝莊檀和之褚湛之以爲不宜許 「顏竣」各本並作「顧竣」,今改正
- 使持節征東大將軍安定王直懃伐伏玄 伐伏玄卽魏書之安定王休。

E

平北公,封名不同。

公 使持節征 南 大將軍勃海王直懃天賜 即魏書之汝陰王天賜,封名不同。

(104) 使持節 征 南 將軍 京 兆王 一直懃子推 各本 並脱! 「推」字,據魏書補。

대기 使持節 征 南 大將 軍 宜陽 王直 一熟新 成 卽 魏書之陽平王新成,封名不同。

근달 羽直 征 東 將 軍北 平公拔敦及 義陽 王劉 昶 拔敦 卽 魏書之長 孫敦

급 使荆揚 沿德: 義之風 「揚」各本並作「陽」。 張元濟校勘記 云:「陽當作揚。」按張校是,今改正。

二二 自索虜 破 慕容據 有中 國 慕容」下各本並衍 「蠻馬二萬餘人攻圍義陽」 十字, 倸 上文重出, 今

删去。

[字五] 捐州 三水 · 張森楷校勘記云:「州當作舟。」

宋書卷九十六

列傳第五十六

鮮卑吐谷渾

應怒,遺信謂渾曰:「先公處分,與兄異部,牧馬何不相遠,而致鬭爭相傷。」渾曰:「馬是畜 別爲慕容氏。渾庶長,廆正嫡。父在時,分七百戶與渾,□渾與廆二部俱牧馬,馬鬭相傷, 喜拜曰:「處可寒。」虜言「處可寒」,宋言爾官家也。卽使所從二千騎共遮馬令回,不盈三百 是卑庶,理無並大,今以馬致別,殆天所啓。諸君試擁馬令東,馬若還東,我當相隨去。」樓 追揮令還。〔三〕渾曰:「我乃祖以來,樹德遼右,又卜筮之言,先公有二子,福胙並流子孫。我 於是擁馬西行,日移一頓,頓八十里。經數頓,應悔悟,深自咎責,遺舊父老及長史乙那樓 生,食草飮水,春氣發動,所以致鬭。鬭在於馬,而怒及人邪。乖別甚易,今當去汝萬里。」 阿柴虜吐谷渾,遼東鮮卑也。父弈洛韓,有二子,長曰吐谷渾,少曰若洛廆。[1]若洛廆

列傳第五十六

鮮卑

吐谷

渾

步,欻然悲鳴突走,聲若頹山。如是者十餘輩,一向一遠。樓力屈,又跪曰:「可寒,此非復 玄孫間始當顯耳。」於是遂西附陰山。 人事。」渾謂其部落曰:「我兄弟子孫,並應昌盛,應當傳子及會孫玄孫,其間可百餘年,我 遭晉亂,遂得上隴。 後廆追思渾,作阿干之歌。

甘松,西至河南,南界昴城、龍涸。 渾旣上隴,出罕开、西零。 西零,今之西平郡,罕开,今枹罕縣。 自枹罕以東千餘里,暨 自洮水西南,極白蘭,數千里中,逐水草,廬帳居,以肉酪

呼兄爲「阿干」。廆子孫竊號,以此歌爲輦後大曲

爲糧。西北諸雜種謂之爲阿柴虜。

白蘭。 制。 年三十五。 城羌會姜聰所刺,劍猶在體,呼子葉延,語其大將絕拔渥曰:四「吾氣絕,棺斂訖,便遠去保 今以葉延付汝,汝竭股肱之力以輔之,孺子得立,吾無恨矣。」抽劍而死。 渾年七十二死,有子六十人,長吐延嗣。 白蘭 有子十二人。 地旣嶮遠,又土俗懦弱,易爲控御。葉延小,意乃欲授與餘人,恐倉卒終不能相 吐延身長七尺八寸,勇力過人,性刻暴,爲昴 嗣位十三年,

涕。 「誠知無益,然葉延罔極之心,不勝其痛耳。」性至孝,母病,三日不能食,葉延亦不食。 其母曰:「讎賊諸將已屠膾之,汝年小,何煩朝朝自苦如此。」葉延嗚咽 葉延 少而勇果,年十歲,縛草爲人,號曰姜聰,每旦輒射之,射中則喜,不 不 ·自勝 中則號叫泣 母曰 頗視

姓爲吐谷渾氏。嗣立二十三年,年三十三。至有子四人。 書傳,自謂會祖弈洛韓始封昌黎公,曰:「吾爲公孫之子。案禮,公孫之子,得氏王父字。」命

鳥紇提立。紇提立八年,年三十五。視羆子樹洛干立,自稱車騎將軍,義熙初也 事,遂立子視連爲世子,委之事,號曰「莫賀郎」。「莫賀」,宋言父也。碎奚遂以憂死。 二。有子二人,長曰視羆,次烏紇提。[云] 視羆嗣立十一年,年四十二。 二十五年,年四十二。有子六人。子視連以父憂卒,不遊娛,不酣宴。 長子碎奚立。碎奚性純謹,三弟專權,碎奚不能制,諸大將共誅之。碎奚憂哀不復攝 子樹洛干等並小,弟 在位十五年,年四十 在位

誠可 臣私門不幸,亡兄見背。臣以懦弱,負荷後任,然天恩所報,本在臣門,若更反覆,懼停信 祖元嘉三年,又詔加除命。未至而阿犲死,弟慕璝立。〔+〕六年,表曰:「大宋應運,四海宅 至龍涸、平康。 心,臣亡兄阿犲慕義天朝,款情素著。 '嘉,宜授策爵,以甄 輒拜受寵任,奉遵上旨,伏願詳處,更授章策。」七年,詔曰:「吐谷渾慕璝兄弟慕義,至 龍任。 少帝景平中,阿豺遣使上表獻方物。詔曰:「吐谷渾阿豺介在遐表,慕義可 今酬其來款,可督塞表諸軍事、安西將軍、沙州刺史、澆河公。」未及拜受,太 忠款。 可督塞表諸軍事、征西將軍、沙州刺史、隴西公。」 去年七月五日,謁者董湛至,宣傳明詔,顯授榮爵,而

墳距 有其 號安 州刺史、領護羌校尉,進爵隴西王。弟慕延爲平東將軍,慕璝兄樹洛干子拾寅爲平北將軍, 阿豺子煒代鎭軍將軍。 熾磐立,遣使詣晉朝歸順,以爲使持節、都督河西諸軍事、平西將軍,公如故。 五戶,一百五十四人。 二萬人捷。 擊,大破之,生擒定。燾遣使求,慕璝以定與之。九年,慕璝遣司馬趙敍奉貢獻,幷言 地。 西大將軍。 先是晉末,金城東允街縣胡人乞伏乾歸擁部衆據洮河、罕升,自號隴西公。 是歲,赫連定於長安爲索虜拓跋燾所攻,擁秦戶口十餘萬西次罕开,欲向凉州, 太祖加其使持節、散騎常侍、都督西秦河沙三州諸軍事、征西大將軍、西秦河一 熾磐死,子茂蔓立。[<] 慕璝前後屢遣軍擊, 茂蔓率部落東奔隴右, 韶慕璝南國將士,昔沒在佛佛者,並悉致。慕璝遣送朱昕之等五十 高祖卽位,進 乾歸死,子

世子。 遺 **虜拓跋燾遣軍擊慕延,大破之,慕延率部落西奔白蘭,攻破于闐國。** 年,以拾虔弟拾寅爲平西將軍,慕延庶長子繁暱爲撫軍將軍,慕延嫡子璵爲左將軍、河南王 州 便上表云:「若不自固者,欲率部曲入龍涸越嶲門。」幷求牽車,獻烏丸帽、女國金酒器、胡 諸軍事、鎭西大將軍、領護羌校尉、西秦河二州刺史、隴西王。十六年,改封 慕璝死,弟慕延立,「亞」遣使奉表。十五年,除慕延使持節、散騎常侍、都督西秦河沙三 十九年,追贈阿豺本號安西、秦沙三州諸軍事、沙州刺史、領護羌校尉、隴西王。 慮虜復至,二十七年, 河南王。 其

王 金釧等物。 太祖 賜以牽車,若虜至不自立,聽入越巂。 **虜竟不至也**

拾寅 號 領護羌校尉 征 遣 西 使獻 大 延 /將軍 死,拾寅 善舞馬,四角羊。 西秦河二 o 五年,拾寅奉表獻方物, 自立。 州刺史、河南王。 二十九年,以拾寅爲使持節、督西秦河沙三州諸軍事、安西將軍、 皇太子、王公以下上舞馬歌者二十七首。 拾寅東破索廣,加開府儀同三司。 以弟拾皮爲平西將軍、金城公。 太宗泰始三年,進 前廢帝又進號車 世祖 大明 五.

池, 甘谷嶺 白蘭土出黃金、銅、鐵。 其 或 西有黄沙,南北一百二十里,東西七十里,不生草木,沙州因此爲號。 北有雀鼠同穴,或在山嶺 其國雖隨水草,大抵治慕賀川。[10] ,或在平地,雀色白,鼠色黄, 地生黃紫花草,便有雀鼠 屈眞川有鹽

騎

大

將

軍

袞職。 {秋。 商譯往來, 晉、宋垂典,不修古則, 雖復苞篚 日一吐谷渾逐草依泉,擅强塞表,毛衣肉食,取資佃畜,而錦組 故 禮 .歲臻,事惟賈道,金罽氈毦,非用斯急,送迓煩擾,獲不 同 北 面 遂爵班 自昔哲王,雖存柔遠,要荒 上等,秩擬台光。 辮髮稱賀,非尚簪冕, 回 隔, 禮文弗被,大不 網紈, ·如亡。 言語不 過子 見珍殊俗,徒 若令肅慎年 通 ,義著 寧

谷涯

朝,越裳歲饗,固不容以異見書,取高前策。 聖人謂之荒服,此言蓋有以也。

校勘記

- (1) 父弈洛韓有二子長曰吐谷渾少曰若洛廆 「弈洛韓」御覽一二一引十六國春秋前燕錄、
- 通典作「涉歸」。「若洛廆」前燕錄作「弈洛瓌」。
- (三) 分七百戶與渾 晉書吐谷渾傳作一千七百家。
- 遣舊父老及長史乙那樓追渾令還 「乙那樓」晉書作「那樓馮」。按魏書官氏志,一那蔞氏後改

乙那樓蓋一那蔞之異譯。 宋書但稱其姓,晉書則著其名曰馮。 下云「樓喜拜日」、沈

約蓋誤以乙那爲姓,樓爲其名。

爲蔞氏。

- , . 29 語其大將絕拔渥 日 「絕拔渥」魏書作「紇拔渥」,晉書作「紇拔泥」。
- 五 嗣立二十三年年三十三「年三十三」各本並作「年四十三」,據晉書改。 按上云年十歲,父死,

此云嗣立二十三年,則當作年三十三。

- 有子二人長曰視羆次烏紇提 晉書同。 魏書吐谷渾傳以視羆爲視連之弟。
- ハギリ 未至 兄阿犲慕義天朝」,則沈書稱慕瓚爲阿犲之弟,或有所據。 而 阿豺死弟慕璝立 據魏書吐谷渾傳, 慕蹟爲阿犲兄子,非其弟。宋書載慕蹟表云「臣亡

記

典作「莪蔓」。本注云:「莪音戎。」

ハたし 弟慕延立 「慕延」十六國春秋作「末利延」,魏書作「慕利延」。

大抵治慕賀川 「慕賀川」各本並作「慕賀州」,南齊書作「慕駕川」。魏書吐谷渾傳原卷亡,北

「川」字之譌,今改正。

史吐谷渾傳作「伏羅川」。 通典邊防典亦作「伏羅川」。「伏羅川」即「慕賀川」之異譯。「州」則爲

宋書卷九十七

列傳第五十七

夷蠻

南夷、西南夷、大抵在交州之南及西南、居大海中洲上,相去或三五千里,遠者二三萬

里,乘舶舉帆,道里不可詳知。外國諸夷雖言里數,非定實也。

生三千人赴討,攻區粟城不剋,引還。 州不睦,求蒙恕宥。八年,又遣樓船百餘寇九德,入四會浦口,交州刺史阮彌之遣隊主相道 南、九德諸郡,交州刺史杜弘文建牙聚衆欲討之,聞有代,乃止。七年,陽邁遣使自陳與交 南夷林邑國,高祖永初二年,林邑王范陽邁遣使貢獻,卽加除授。 林邑欲伐交州,借兵於扶南王, 扶南不從。 太祖元嘉初,侵暴日 十年,陽

列傳第五

邁 遺使上表獻方物,求領交州,詔答以道遠,不許。十二、十五、十六、十八年,頻遣貢獻,而

寇盜不已,所貢亦陋薄。

身率下 刺史檀 朱梧 恩旨 之、九眞太守傅蔚祖戰死,並贈給事中。 海 剋之,斬扶龍大首,獲金銀雜物不可勝計。乘勝追討,卽剋林邑,陽邁父子並挺身奔逃,所 受和之節 獲 晶 求還所略日南民戶,奉獻國珍。太祖詔和之:「陽邁果有款誠,許其歸順。」其年二月,軍至 將軍 珍異,皆是未名之寶。上嘉將帥之功,詔曰:「林邑介恃遐險,久稽王誅。 栗城,陽邁遣大帥范扶龍大戍區栗,又遣水步軍徑至。景憲破其外救,盡銳攻城,五月, 戍 太祖 ,陽邁執仲基、精奴等二十八人,遣弘民反命,外言歸款,猜防愈嚴。景憲等乃進軍向 ·,故能立勳海外,震服殊俗。 和之忠果到列,思略經濟,禀命攻討,萬里推鋒,法命肅齊,文武畢力,潔己奉公,以 可持節、督交州廣州之鬱林寧浦二郡諸軍事、建威將軍、交州刺史。」龍驤司馬童林 ,遣府戶曹參軍日南太守姜仲基、前部賊曹參軍蟜弘民隨傳詔畢願、高精奴等宣揚 度。 龍驤司馬蕭景憲協贊軍首,勤捷顯著,總勒前驅,剋殄巢穴,必能威服荒 念其違傲,二十三年,使龍驤將軍、交州刺史檀和之伐之,遣太尉府振武將軍宗慤 和之遣府司馬蕭景憲爲前鋒,慤仍領景憲軍副。 宜加褒飾,參管近侍,可黃門侍郎,領越騎校尉、行建 陽邁聞將見討, 遣使上表, 龍驤將軍、交州 夷,撫懷

世祖孝建二年,林邑又遣長史范龍跋奉使貢獻,除龍跋揚武將軍。大明二年,

范神成又遣長史范流奉表獻金銀器及香布諸物。 太宗泰豫元年,又遣使獻方物。

禁錮。 不行,復爲右衞,加散騎常侍。三年,出爲南兗州刺史,坐酣飮黷貨,迎獄中女子入內,免官 軍 邑四百戶。 司 ,統豫州戍事,因出南奔。 "馬、輔國將軍、彭城太守。 初,檀和之被徵至豫章,值豫章民胡誕世等反,因討平之,幷論林邑功,封雲杜縣子,食 其年卒,追贈左將軍,諡曰襄子。 和之,高平金鄉人,檀憑子也。 元凶弑立,以爲西中郎將、雍州刺史。□□世祖入討,加輔國將 世祖卽位,以爲右衞將軍。 太祖元嘉二十七年,自太子左衞率爲世祖鎮軍 孝建二年,除輔國將軍、豫州刺史,

提太守費沈、龍驤將軍武期率衆南伐、幷通朱崖道、並無功、輒殺檀而反、沈下獄死。 檀 歸順,拜龍驤將軍。四年,檀表乞官軍征討未附,乃以檀爲高興太守,將軍如故。 廣州諸山並俚、獠,種類繁熾,前後屢爲侵暴,歷世患苦之。世祖大明中,合浦大帥陳 遣前朱

扶南國,太祖元嘉十一、十二、十五年,國王持黎跋摩遣使奉獻。

列

西南夷訶羅陁國,元嘉七年,遣使奉表曰:

平坦。 受樂,猶如淨月。 慈悲,子育萬物,平等忍辱,怨親無二,濟乏周窮,無所藏積,靡不照達,如日之明,無不 資,莫能銷 爲守衞。 三乘競進,敷演正法,雲布雨潤。 伏承聖主,信重三寶,興立塔寺,周滿國界。 臺殿 都人士女,麗服光飾,市廛豐富,珍賄無量,王法清整,無相侵奪。學徒遊集, 穢,陰陽調和,災厲不行。誰有斯美,大宋揚都,聖王無倫,臨覆上國。 羅列,狀若衆山,莊嚴微妙,猶如天宮。 宰輔賢良,羣臣貞潔,盡忠奉主,心無異想。 四海流通,萬國交會,長江眇漫,清淨深廣,有生咸 城郭莊嚴,清淨無穢,四衢交通,廣博 。聖王出時,四兵具足,導從無數,以 有大

知我 侮,亦令大王名聲普聞,扶危救弱,正是今日。 伏願聖王,遠垂覆護,幷市易往反,不爲禁閉。 願垂恩逮,等彼僕臣。 情旣果,雖死猶生。 名毗級,一名婆田,令到天子足下。 此心久矣,非適今也。 伏惟皇帝,是我真主。 仰惟大國,藩守曠遠,我卽邊方藩守之一。 臣國先時人衆殷盛,不爲諸國所見陵迫, 山海阻遠,無緣自達,今故遣使,表此丹誠。所遣二人,一 臣是訶羅陁國王名曰堅鎧, 堅鎧微蔑,誰能知者,是故今遣二人,表此微心,此 今遣二人,是臣同心,有所宣啓,誠實可 若見哀念,願時遣還,令此諸國 今敬稽首聖王足下,惟願大王 上國臣民,普蒙慈澤, 今轉衰弱, 鄰國競侵。 不見輕

信。 願勑廣州時遣舶還,不令所在有所陵奪。 願自今以後,賜年年奉使。 **今奉微物**,

願垂哀納。

吅 羅單國治闍婆洲。 元嘉七年,遣使獻金剛指鐶、赤鸚鵡鳥、天竺國白疊古貝、葉波國

古貝等物。十年,阿羅單國王毗沙跋摩奉表曰:

救世,爲 治化,人民良善,慶無不利,處雪山陰,雪水流注,百川洋溢,八味淸淨,周匝 宮,宮殿高 遺 之業,德合天 大海,一切衆)形舍利,造諸塔像,莊嚴國土,如須彌山,村邑聚落,次第羅匝,城郭館宇,如忉利天 常勝天子陛下:諸佛世尊,常樂安隱,三達六通,爲世間道,是名如來,應供正覺, 我尊主常勝天子。 .廣,樓閣莊嚴,四兵具足,能伏怨敵,國土豐樂,無諸患難。 心,仁廕四 生,咸得受用。 .海,聖智周備,化無不順,雖人是天,護世降生,功德寶藏,大悲 是故 於諸國土,殊勝第一,是名震旦,大宋揚都,承嗣 至 一誠五體敬禮。 阿羅單國王毗沙跋摩稽首問訊。 奉承先王,正法 屈曲,順 常勝大王 趣

其後爲子所篡奪。十三年,又上表曰:

身光明 大吉天子足下:離淫怒癡,哀愍羣 照 如水中月,如日初出,眉間白豪,〔三〕普照十方,其白如雪,亦如月 生,想好具足,天龍神等,恭敬供養,世 光,清淨如 尊威德,

列傳第五十七 夷蠻

清淨 華 如 如 種 衣, 殿 梵王,世 丁,顏 陛 慈慈 隱 色照 猶 !道,供養恭敬,如奉世尊,以頂著地 快)L 如 界之主,一切人天,恭敬作禮。 深廣,正 樂。 天服,於一切國,爲最殊勝吉。 曜,威儀殊勝,諸天龍神之所恭敬,以正法寶,梵行衆僧,莊嚴 城閣高峻,如乾他山,衆多勇士,守護此城,樓閣莊嚴, 法治化,共養三寶,名稱遠至,一切並聞。 一,曲 揚州 呵羅單跋摩 躬問 城 無憂天主,愍念羣生,安樂民人,律儀 訊 以頂禮足,猶如現前,以體布地, 民人樂見,如 道巷平正,著 國土, 月初生,譬 人民熾 種

復。 毗 命 訶 蒙大 級 伏 此 今遣毗級 忝 願 承 人 家 忠 先業,嘉慶無量,忽爲惡子所見爭奪,遂失本國。 大家 厚賜 志,其恩難報。 聽毗級 問訊 悉 悪 大家,意欲 買諸鎧 子奪去, 啓大家 此是大家國,今爲 一仗袍襖及馬,願 自往,歸誠宣訴 使知 今奉薄獻,願 爲 惡子所奪,而 ,復畏大 料 理 毗 海, 級 使得 垂 風波 見驅擯, 今唯一心歸誠天子,以自存 納 時還。 受。 不達。 意 前 今命! 頗 遣 念惋, 闍 得存, 邪 規 仙 逐羅 亦 欲 雪 由

典章, 甄 此 , 可 後 叉 並 顯茲策授。 進使。 加 除 授。 二十六年,太祖 乃遣 爾其欽奉凝命, 使策 命之日 詔 日 一惟 **永固厥職** 訶羅 爾 慕 單 義款化 可不愼歟。」二十九年, ,效誠荒遐, \equiv 一國,頻 恩之所洽, 越 退海 又遣長史媻和 款 殊遠 化 納 必甄 貢 遠 沙 用用 彌獻 誠 宜 敷

方物。

貢獻。 方 禮 戜 物。 度 王 ,式保厥終,可 曰:惟爾 太宗以其 以那媻智 國,元嘉二十六年, 仰 長史竺 政 爲 不愼歟。」二十八年,復貢獻。 邊城,率貢來庭,皇澤凱被,無 振 威將軍。 須 羅達、前長史振威將軍竺那媻智 國王舍利媻羅跋摩遣使獻方物四十一種,太祖策命之爲 大明三年,獻 赤白 「鸚鵡。 世 幽 祖 不 孝建 洽。 大明八年、 並 宜班 三年,又遣長史竺那媻智奉 爲龍驤 典策,授茲嘉命 太宗泰始二年, 將軍。 爾 叉遣 其 一一一一 表 祗 使 順 獻

憲典, 日 惟爾仰化懷 **燮達國,元嘉二十六年,** 永終休福, 誠 可不愼歟。」二十六年、二十八年,復遣使獻 馳慕聲教,皇 國王舍利不陵伽跋摩遣使獻方物。 風 遐 暨, 荒服 來 款, 是用 加 方物。 茲顯 策, 太祖策命之爲婆達 式 甄 義 順 爾 其祗 國王 順

闍婆婆達 國,三元嘉 十二年, 國王師黎婆達陁 阿羅跋摩 遣 使 奉 表 日:

布, 輪,度脫 如 日 國 衆 照 大主大 明,無 生,教化已周,入于湼槃, 量 吉天子足下 一淨僧,猶如列宿。 - : 敬禮 舍利流布,起无量塔,衆寶莊 切種智安隱,天 國界廣大,民人衆多,宮殿城郭,如 人師 降 伏 四 嚴,如 魔 成等正 須 忉 彌 利 覺, Щ 天宮。 轉 經 法 尊法 流

列

若蒙聽許,當年遣信,若有所須,惟命是獻,伏願信受,不生異想。今遣使主佛大陁婆、 茲水,普飲一切,我雖在遠,亦霑靈潤,是以雖隔巨海,常遙臣屬,願照至誠,垂哀納受。 副使葛抵奉宣微誠,稽首敬禮大吉天子足下,陁婆所啓,願見信受,諸有所請,唯願賜 大宋揚州大國大吉天子,安處其中,紹繼先聖,王有四海,閻浮提內,莫不來服。悉以 今奉微物,以表微心。

師子國,元嘉五年,至國王刹利摩訶南奉表曰:

聽。

寶^道濟天下,欣人爲善,慶若在己,欲與天子共弘正法,以度難化。 年,陸行千日,畏威懷德,無遠不至。我先王以來,唯以修德爲正,不嚴而治,奉事三 白衣送牙臺像以爲信誓,信還,願垂音吿。 照齊乎日月,四海之外,無往不伏,方國諸王,莫不遣信奉獻,以表歸德之誠,或泛海三 謹白大宋明主,雖山海殊隔,而音信時通。伏承皇帝道德高遠,覆載同於天地,明 故託四道人遣二

至十二年,又復遣使奉獻。

天竺迦毗黎國,元嘉五年,國王月愛遣使奉表曰:

莫不歸化。 富 平坦,人民充滿,歡娛安樂。 軌道不及,無上法船,濟諸沈溺,羣僚百官,受樂無怨,諸天擁護,萬神侍衞,天魔降伏, 如海。 伏聞彼國,據江傍海,山川周固,衆妙悉備,莊嚴清淨,猶如化城,宮殿莊嚴,街巷 國中衆生,奉順正法,大王仁聖,化之以道,慈施羣生,無所遺惜。 王身端嚴,如日初出,仁澤普潤,猶如大雲,聖賢承業,如日月天,於彼眞 聖王出遊,四海隨從,聖明仁愛,不害衆生,萬邦歸仰, 帝修淨戒 或

相承,未嘗斷絕,國中人民,率皆修善,諸國來集,共遵道法,諸寺舍子,皆七寶形像,衆 妙供具,如先王法。 臣之所住,名迦毗河,東際于海,其城四邊,悉紫紺石,首羅天護,令國安隱。 臣自修檢,不犯道禁,臣名月愛,棄世王 種。 國王

丹,最爲殊勝。

達, 加哀 不絕,此反使還,願賜一使,具宣聖命,備勑所宜。 物,悉當奉送,此之境土,便是王國,王之法令,治國善道,悉當承用。 屬,五體 使主名尼陁達,此人由來良善忠信,是故今遣奉使表誠。 愍。 惟願大王聖體 歸誠大王足下。 一和善,羣臣百官,悉自安隱。 山海遐隔,無由朝觀,宗仰之至,遣使下承。 今以此國羣臣吏民,山川珍寶,一切歸 款至之誠,望不空反,所白如是,願 大王若有所須,珍奇異 願二國信使往來 使主父名天魔悉

竺扶大、竺阿彌 奉獻金剛指環 、摩勒金環諸寶物 並爲建威 浴將軍 、赤白鸚鵡各一頭。 太宗泰始二年,又遣使貢獻,以其使主

羅 那 隣陁遺長史竺留陁及多獻金銀寶器。 元嘉 十八年,蘇摩黎國王那隣那羅跋摩遣使獻方物。 後廢帝元徽元年,婆黎國遣使貢獻。 世祖孝建二年,斤陁利國王釋婆 凡此諸國

皆事

一佛道

請自 材竹銅綵,糜損無極,無關神祇,有累人事。建中越制,宜加裁檢,不爲之防,流遁未息。[+] 代,形像塔寺,所在千數,進可以繫心,「云退足以招勸。 官。」詔 爲至,更以奢競爲重。舊字頹弛,曾莫之修,而各務造新,以相姱尙。 訓義深遠,別爲一家之學焉。元嘉十二年,丹陽尹蕭摹之奏曰:「佛化被于中國,已歷四 本 今以後,有欲鑄銅像者,悉詣臺自聞,興造塔寺精舍,皆先詣在所二千石通辭,郡依 佛道自後漢明帝,法始東流,自此以來,其敎稍廣,自帝王至于民庶,莫不歸心,經誥充 州 可。 須許 又沙 報,然後就功。 . 汰沙門,罷道者 其有 數百 人。 輒造寺舍者,皆依不承用詔書律,銅宅林苑,悉 而自頃以來,情敬浮末,不以精誠 甲第顯宅,於茲殆盡, 沒入 事

足扶 濟鴻教,而專成逋藪。 世 祖 大明二年,有曇標道人與羌人高閣謀反,上因是下詔曰「佛法訛替,沙門混雜,未 加姦心頻發,凶狀屢聞,敗亂風俗,人神交怨。可付所在,精加

沙 後有 違 犯,嚴加誅坐。」 於是設諸條禁,自非戒行精苦,並使還俗。 而諸寺尼出入宮

掖,交關妃后,此制竟不能行。

哉。 也。 詔 神 偃 遐 故 使 聳 拜,[公]目連桑門, 事 雖 可 倨 有 故 遠 臣 職 **尊戚,失隨方之眇迹,迷** 儒 先 咸 等參議 法 奏曰:「 是 前 練 而 一晉世 康創 廢 枝派、名墨條分、至於崇親嚴上、厥繇靡爽。 一畿輦之內,舍弗臣之氓,陛席之間,延抗禮 生瑩識,恒俗稱難,宗旨緬謝,微言淪 帝 以以 臣聞 議,元興載述,而事 初 庾冰始創 復 爲 :邃宇崇居,非期宏峻,拳跪槃伏,非止敬恭,將以 舊 遇長 沙門接 (議,欲使沙門敬王者,後桓玄復述其義,並不果行。 則禮,寧有屈膝 見,比當盡 製化之淵義。 屈偏黨,道 虔禮敬之容,依 四辈, 夫佛法 挫餘 隔, 而 分。 以謙儉自牧, 簡 拘文磁道,在末 之客,懼 禮 今鴻 其本俗, 唯浮圖 二親,[五] 稽顙耆臘 源 非 遙洗, 爲教,遏自龍堆,反 則朝徽有 所 忠虔爲道, 以澄 | 奉流 彌易。 施 張 仰鏡,九 序, 風 四維 不輕 範, 遂 大明六年,世祖 乘 m **作**,締 乃 詳示 方無遂矣。 直 比 仙 陵 經 體萬 丘, 賮寶 提 越 制 景 傳,訓 典 八字。 遭人 則者 乘者 度 百

新安諸寺 乃毁 世 祖 一廢 ', 所 竉 新 姬 安 以 殷 寺, 長 貴 世 妃 驅斥僧徒, 垂 薨 範 ,爲之立寺, 弘宣 盛化。 尋又 毁中 貴妃子子鸞封新安王, 頃遇昏虐,法像殘毀, 興 、天寶 、諸寺。 太宗定亂, 故以新安 師徒奔进, 下令曰 爲 甚以 寺 號。 矜懷 先 帝 前 建 廢 妙訓 帝 中 殺子 興 及 淵

謨,有扶名敎。 可招集舊僧,普各還本,並使材官,隨宜修復。」

聰悟,年十五,便能講經。及長有異解,立頓悟義,時人推服之。元嘉十一年,卒於廬山。 宋世名僧有道生。 道生,彭城人也。父爲廣戚令。[10]生出家爲沙門法大弟子。幼而

沙門慧琳爲之誄。

慧琳者,秦郡秦縣人,姓劉氏。少出家,住冶城寺,有才章,兼外內之學,爲廬陵王義眞

所知。嘗著均善論,其詞曰:

豪以致 哉。」黑曰:「空其自性之有,不害因假之體也。今構羣材以成大廈,問專寢之實,積一 **室在於性理,所難據於事用,吾以爲悞矣。」白曰:「所言實相,空者其如是乎。」黑曰:** 曰:「然。 室物爲一。

老氏有無兩行,空有爲異。安得同乎。」

自曰:「釋氏空物,物信空邪。」黑 來生之化,雖尙虛心,未能虛事,不逮西域之深也。於是白學訪其所以不逮云爾。 隱旨,教罔遺筌,聰叡迪哲,何負於殊論哉。有黑學道士陋之,謂不照幽冥之途,弗及 白曰:「釋氏所論之空,與老氏所言之空,無同異乎。」黑曰:「異。釋氏卽物爲空, 有白學先生,以爲中國聖人,經綸百世,其德弘矣,智周萬變,天人之理盡矣,道無 合抱,無檀木之體,有生莫俄頃之留,泰山蔑累息之固,興滅無常,因緣無主,所 空又空,不翅於空矣。」白曰:「三儀靈長於宇宙,萬品盈生於天地,孰是空

情,陳若偏篤其競辰之慮。貝錦以繁采發輝,和羹以鹽梅致旨,齊矦追爽鳩之樂,燕王 泥洹以長歸,乘法身以遐覽,神變無不周,靈澤靡不覃,先覺翻翔於上世,後悟騰翥而 累、虛心爲道、而據事剖析者,更由指掌之間乎。」黑曰「周、孔爲教,正及一世,不見來 也。」白曰:「今析豪空樹,無□垂蔭之茂,離材虛室,不損輪奐之美,明無常增其愒蔭之 不紹,坎井之局,何以識大方之家乎。」白曰:「固能大其言矣,今効神光無徑寸之明,驗 足盈其明,設一慈之救,羣生不足勝其化,敍地獄則民懼其罪,敷天堂則物歡其福,指 視聽之外,冥然不知,良可悲矣。釋迦關無窮之業,拔重關之險,陶方寸之慮,宇宙不 傳之談,堅白唐肆之論,蓋盈於中國矣,非理之奧,故不舉以爲敎本耳。子固以遺情遺 無延年之術,恐和合之辯,危脆之敎,正足戀其嗜好之欲,無以傾其愛竸之惑也。」黑 今虚其真實,離其浮偽,愛欲之惑,不得不去。 愛去而道場不登者,吾不知所 學,誠未見其淵深。」黑曰:「斯理若近,求之實遠。 靈變罔纖介之異,勤誠者不覩善救之貌,篤學者弗剋陵虛之實,徒稱無量之壽,孰見期 生無窮之緣,積善不過子孫之慶,累惡不過餘殃之罰,報効止於榮祿,誅責極於窮賤, 曰:「斯固理絕於諸華,墳素莫之及也。」白曰:「山高累卑之辭,川樹積小之詠,舟壑火 「然。」白曰:「浮變之理,交於目前,視聽者之所同了邪?解之以登道場,重之以輕異 夫情之所重者虛,事之可重者實。 以相曉

也。 謹守性分而已。」黑曰:「三遊本於仁義,盜跖資於五善,聖跡之敝,豈有內外。 法以展陵競之情,悲矣。夫道其安寄乎。是以周、孔敦俗,弗關視聽之外,老、莊陶風, 羣生之急,致營造之計,成私樹之權,務勸化之業,結師黨之勢,苦節以要厲精之譽,護 哉。乃丹青眩媚綵之目,土木夸好壯之心,興糜費之道,單九服之財,樹無用之事,割 閩、燧,其可見乎。 所謂積漸者,日損之謂也。 當先遺其所輕,然後忘其所重,使利欲 道在無欲,而以有欲要之,北行求郢,西征索越,方長迷於幽都,永謬滯於昧谷。遼遼 其當生之滯。物情不能頓至,故積漸以誘之。奪此俄頃,要彼無窮,若弗勤春稼,秋穡 之氓,永開利競之俗,澄神反道,其可得乎。」黑曰:「不然。若不示以來生之欲,何以權 罪,不由 日去,淳白自生耳。豈得以少要多,以粗易妙,俯仰之間,非利不動,利之所蕩,其有極 何期。端坐井底,而息意庶慮者,長淪於九泉之下矣。」白曰:「異哉!何所務之乖也。 之妙,肇好奇之心,近欲未弭,遠利又興,雖言菩薩無欲,羣生固以有欲矣。 甫救交敝 頤之叟, 之家,符章之僞,水祝之誣,不可勝論。子安於彼,駭於此,玩於濁水,違於淸淵耳。」白 且 一要天堂以就善,曷若服義而蹈道,懼地獄以敕身,孰與從理以端心。禮拜以求免 .祗肅之意,施一以徼百倍,弗乘無吝之情。 美泥洹之樂,生耽逸之慮,贊法身 **咨嗟金剛之固,安覿不朽之質。 苟於事不符,宜尋立言之指,遺其所寄之說** 且黄、老

之轍也。」 者未必失,但知六度與五教並行,信順與慈悲齊立耳。殊塗而同歸者,不得守其發輪 得已,杜幽闇者,冥符於烻、孔閉其兌。 興於有欲,而滅於悟理,淡說行於天解,而息於貪僞。是以示來生者,蔽虧於道、釋不 旨。請嘗言之。夫道之以仁義者,服理以從化,帥之以勸戒者,循利而遷善。故甘辭 固不極於人事矣。周、凡疑而不辨,釋迦辨而不實,將宜廢其顯晦之跡,存其所要之 幽旨不亮,末流爲累耳。」黑曰:「子之論善殆同矣,便事盡於生乎。」白曰:「幽冥之理, 物去殺,尚施周人,息心遺榮華之願,大士布兼濟之念,仁義玄一者,何以尙之。 惜乎 成俗,不正 曰:「有跡不能不敞,有術不能無偽,此乃聖人所以桎梏也。 釋氏之敎,專救夷俗,便無取於諸華邪。」白曰:「曷爲其然。 |其敝,反以爲高耳。 至若淫妄之徒,世自近鄙,源流蔑然,固不足論。」黑曰: 由斯論之,言之者未必遠,知之者未必得,不知 爲則開端,宜懷屬緒,愛 今所惜在作法於貪, 遂以

論 皆與議焉。 文論,傳於世 行於世。 舊僧謂其貶黜釋氏,欲加擯斥。太祖見論賞之,元嘉中,遂參權要,朝廷大事, 賓客輻湊,門車常有數十兩,四方贈賂相係,勢傾一時。注譯經及莊子逍遙篇、

又有慧嚴、慧議道人,並住東安寺,學行精整,爲道俗所推。時鬭場寺多禪僧,京師爲 列 傳 第 五 + 七 夷 鑻

之語曰:「鬭場禪師窟,東安談義林。」

於京都多出新經,勝鬘經尤見重內學。 來,忽然不見。天下無此寺名,乃改中興日天安寺。 世祖大明四年,於中興寺設齋。有一異僧,衆莫之識,問其名,答言名明慧,從天安寺 大明中,外國沙門摩訶衍苦節有精理,

州諸軍事、征東大將軍、高句驪王、樂浪公,纂戎東服,庸績繼軌,厥惠旣彰,款誠亦著,踰遼 年,璉遣長史馬婁等詣闕獻方物,遣使慰勞之,曰:「皇帝問使持節、散騎常侍、都督營平二 邵子等,宣旨慰勞。其茂康惠政,永隆厥功,式昭往命,稱朕意焉。」 越海,納貢本朝。朕以不德,忝承鴻緒,永懷先蹤,思覃遺澤。今遣謁者朱邵伯、副謁者王 東大將軍。 東將軍、百濟王映,並執義海外,遠修貢職。惟新告始,宜荷國休,璉可征東大將軍,映可鎭 曰:「使持節、都督營州諸軍事、征東將軍、高句驪王、樂浪公璉,使持節、督百濟諸軍事 獻赭白馬。 東夷高句驪國,今治漢之遼東郡。 持節、都督、王、公如故。」三年,加璉散騎常侍,增督平州諸軍事。 以璉爲使持節、都督營州諸軍事、征東將軍、高句驪王、樂浪公。高祖踐阼,詔 高句驪王高璉,晉安帝義熙九年,遣長史高翼奉表 少帝景平二 八鎮

自立爲主,自號燕王,以其治黃龍城,故謂之黃龍國。 先是,鮮卑慕容寶治中山,爲索虜所破,東走黃龍。 跋死,子弘立。三三屢爲 義熙初,寶弟熙爲其下馮跋 索虜 所殺り 所攻,

不能 跋 使弘南,乃遣將孫漱、高仇等襲殺之。 走,奔高 下。 **璉以白駒等專殺,遣使執送之,上以遠國,不欲違其意,白駒等下獄** 驪北豐城,表求迎接。 太祖世,每歲遣使獻方物。 太祖遣使王白駒、趙次興迎之,幷令高 元嘉十二年,賜加除授。 白駒等率所領七千餘人掩討漱等,生禽漱,殺高仇等 十五年,復爲索虜所攻,弘敗 驪料理資遣, ,見原。 璉不欲

同三司,持節、常侍、都督、王、公如故。」太宗泰始、後廢帝元徽中,貢獻不絕 誠係本朝,志剪殘險,通譯沙表,克宜王猷。 節、散騎常侍、督平營二州諸軍事、征東大將軍、高句驪 史董騰奉表慰 璉每歲遣使。 國哀再周,幷獻方物。 十六年,太祖欲北討,詔璉送馬,璉獻馬八百匹。 大明三年,又獻肅愼氏楛矢石砮。 宜加· 褒進, 王、樂浪公璉,世事忠義,作藩海 以 旌 純節 世祖孝 可 車騎大將軍、開府儀 七年, 建 二年,璉遣 詔曰:「使持

百濟國 了,本與高驪俱在遼東之東千餘里,其後高驪略有遼東,百濟略有遼西。

治,謂之晉平郡晉平 縣

義熙十二年,以百 濟王餘映爲使持節、都督百濟諸軍事、鎭東將軍、百濟王。曰司高祖踐

列

王餘紀 餘流 軍將軍右賢王餘紀等十一人,忠勤宜在顯進,伏願 獻方物。 聿修先業,慕義旣彰,厥懷赤款,浮桴曬水,獻賝執贄,故嗣位方任,以藩東服,勉勗 使貢獻。 國 使求除授、詔許。 馮野夫西河太守,表求易林、武占、腰弩,太祖並與之。 墜前蹤。 「皇帝問使持 將 進 軍 、麋貴並爲寧朔將軍。 號 餘都、餘乂並 爲冠 鎭東大將軍 七年,百濟王餘毗復修貢職,以映爵號授之。 今遭無謁者閭丘恩子、無副謁者丁敬子等宣旨慰勞稱朕意。」其後每歲遣使奉表, 軍將軍。 節、都督百濟諸軍事 二年,慶遣使上表曰:「臣國累華,偏受殊恩,文武良輔, 爲輔國 以行征虜將軍左賢王餘昆、行征虜將軍餘暈並爲征 少帝景平二年,映遣長史張威詣闕貢獻。 [將軍。 以行建武將軍于西、餘婁並爲建武將軍。 、鎭東大將軍 以行龍驤將軍 、百濟王。 沐衿、餘爵並爲龍驤將軍。 垂愍,並聽賜除。」仍以行冠軍將軍 毗死,子慶代立。 二十七年,毗上書獻方物,私假臺使 累葉忠順, 元嘉二年, 越海効誠, 太宗泰始七年,又遣 世 虜 世蒙朝爵。 祖大明元年 將軍。 以行寧朔 太祖 遠王 所莅,無 韶之曰: 以行 纂戎 行冠 一右賢 將 ·, 遣 輔 軍

可賜 除授。」太祖元嘉二年,讚又遣司馬曹達奉表獻方物。讚死,弟珍立,遣使貢獻。 倭 國 在 高驪 東南大海中,世修貢職。 高祖永初二年,詔曰:「倭讚萬里修貢,遠誠宜甄 自稱

那加 新嗣邊業,宜授爵號,可安東將軍、倭國王。」興死,弟武立,自稱使持節、都督倭百濟新羅任 使貢獻。 十年,倭國王濟遣使奉獻,復以爲安東將軍、倭國王。二十八年,加使持節、都督倭新羅 安東將軍、倭國王。 使持節、都督倭百濟新羅任那秦韓慕韓六國諸軍事、安東大將軍、倭國王。 表求除正,詔除 羅秦韓慕韓六國諸軍事,安東將軍如故。幷除所上二十三人軍、郡。 世祖大明六年,詔曰:「倭王世子興,奕世載忠,作藩外海,稟化寧境,恭修貢職 珍又求除正倭隋等十三人平西、征虜、冠軍、輔國將軍號, 濟死,世子興遣 詔並 聽。 任

那加羅秦韓慕韓七國諸軍事、安東大將軍、倭國王

假開府儀同三司,其餘咸各假授,自即以勸忠節。」詔除武使持節、都督倭新羅任那加羅秦韓 **賁,文武效功,白刃交前,亦所不顧。若以帝德覆載,摧此强敵,克靖方難,無替前功。** 畿,累葉朝宗,不愆于歲。 臣雖下愚,忝胤先緒,驅率所統,歸崇天極,道逕<u>百濟,口</u>一隻治船 功,不獲一簣。居在諒闇,不動兵甲,是以偃息未捷。至今欲練甲治兵,申父兄之志,義士虎 不。臣亡考濟實忿寇讎,壅塞天路,控弦百萬,義聲感激,方欲大舉,奄喪父兄,使垂成之 舫,而句驪無道,圖欲見吞,掠抄邊隸,虔劉不已,每致稽滯,以失良風。雖曰進路,或通或 順帝昇明二年,遣使上表曰:「封國偏遠,作藩于外,自昔祖禰,躬擐甲胄,跋涉山川,不 東征毛人五十五國,西服衆夷六十六國,渡平海北九十五國,王道融泰,廓土遐 竊自

列

慕韓六國諸軍事、安東大將軍、倭王。

構谿、長谿、酉谿、舞谿,〇三謂之五谿蠻。 百千人,州郡力弱,則起爲盜賊,種類稍多,戶口不可知也。 民賦役嚴苦,貧者不復堪命,多逃亡入蠻。 世祖初,罷南蠻併大府,而寧蠻如故。 荆、雍州蠻、槃瓠之後也。分建種落,布在諸郡縣。荆州置南蠻,雍州置寧蠻校尉以領 而宜都、天門、巴東、建平、江北諸郡蠻,所居皆深 **蠻民順附者,一戶輸穀數斛,其餘無雜調 蠻無徭役,强者又不供官稅,結黨連羣,動有數** 所在多深險、居武陵者有雄谿 而 宋

百姓。 絕。 年,南郡臨沮當陽蠻反,縛臨沮令傅僧驥。 之等五十人,七年,宜都蠻田 山重阻,人跡罕至焉。前世以來,屢爲民患。 天門樓中令宗矯之徭賦過重,江江蠻不堪命。 先是,雍州刺史劉道產善撫諸蠻,前後不附官者,莫不順服,皆引出平土,多緣沔爲居。 少帝景平二年,宜都蠻帥石寧等一百二十三人詣闕上獻。 荆 州刺史衡陽王義季遣行參軍曹孫念討破之,獲生 生等一百一十三人,並詣闕獻見。 荆州刺 十八年,蠻田 史南譙王義宣遣中兵參軍王諶討破 口五百餘 向求等為寇,破 太祖元嘉六年,建平蠻張雍 其後沔中蠻大動,行旅 人,発矯之官。 凄中, 虜略 二十四四 之。 殆

義諸柴,江沙蠻悉力距戰。 也。 州刺史隨王誕遣使說之曰:「頃威懷所被,覃自遐遠,順化者寵祿,逆命者無遺,此亦爾所知 討之,失利,殺傷三百餘人,曇韶又遣二千人係之,蠻乃散走。 所向皆平殄,事在慶之傳。 二十八年正月, 及道產亡,蠻叉反叛。及世祖出爲雍州,羣蠻斷道,擊大破之。臺遣軍主沈慶之連年討蠻, 國,奴子亦求內附,隨王誕又遣軍討沔北諸蠻,襲濁山、如口、蜀松三柴,剋之,又圍升錢、柏 帥魯奴子擴龍山,屢爲邊患。 聖朝今普天肆眚,許以自新,便宜各還舊居,安堵復業,改過革心,於是乎始。」先是,蠻 軍以具裝馬夾射,大破之,斬首二百級,獲生蠻千口,牛馬八 魯軌在長社,奴子歸之,軌言於虜主,以爲四 龍山雉 水蠻寇抄湼陽縣,南陽太守朱曇韶遣軍 是歲,滍水諸蠻因險爲寇,雍 山王。 **軌子爽歸**

存一,太宗、順帝世尤甚,雖遣攻伐,終不能禁,荆州爲之虛敝 走淸江。 世祖大明中,建平蠻向光侯寇暴峽川,巴東太守王濟、荆州刺史朱脩之遣軍討之,光侯 清江去巴東千餘里。時巴東、建平、宜都、天門四郡蠻爲寇,諸郡民戶流散,百不

大明中,桂陽蠻反,殺荔令晏珍之,臨賀蠻反,殺開建令邢伯兒,自己振武將軍蕭沖之討

之,獲少費多,抵罪。

千里。

水,謂之五 豫 州 |水蠻,所在並深岨,種落熾盛,歷世爲 盜 廩君後 也。 盤瓠及廩君事,並具前史。 西陽有巴水、蘄水、希水、赤亭水、西歸 賊。 北接潍、汝、南極江、漢、地方數

黑石 戍 護,(三0]世 刺史王玄 之,號梁王。 慶之率江、荆、雍、豫諸 路公私 徒黨三人,其一人名智,黑石 元 **\嘉二十八年,西陽蠻殺南川令劉臺,幷其家口。二十九年,** 謨 祖 船舫,悉引入湖。 使於 遣 蠻 殿 文小 壽陽 中 羅 將 斬之。 等討禽續之,自己為蠻世財 州軍討之。 軍 郭元封慰勞諸蠻,使縛送亡命,蠻乃執智黑石、安陽二人送詣 有亡命司馬黑石 號曰「太公」,以爲謀主,一人名安陽,號 世祖 大 明四 在蠻 年, 所篡,小羅等相率斬世財父子六人。 **鱼**中, 又遣慶之討西陽蠻, 共爲寇盜。 太祖 新葵蠻二千餘人破 大剋獲 遣太子步 誰王; 而 反。 兵校尉 一 人 大雷 豫 名 司 沈 玄 馬

等 尉 邪 以 義 起 、冠軍將軍。 財 陽 之爲 義 太宗 攻 城縣王, 郭州 宋安 初 卽 位 太守、光興 剋之。 成邪財死,子婆思襲爵,爲輔國將軍、 食邑三千戶, 四方反叛,及南賊敗於鵲尾,西陽蠻田益之、田義之、成邪財、田 以益之爲 爲龍 驤 益之徵爲虎賁 級將軍 輔 國 將 、光城太守。 軍 一,都統 中郎 四 將, 封 Щ 益 武騎常侍。 軍 將 事 之邊城縣 軍 一三叉 如 故 王,食邑四百一 以蠻戶立宋安、光城二 順帝 晉熙蠻梅式 生亦起義,斬 昇明 初, 叉轉 <u></u> 射聲校 戶,成 一光興 一郡,

實。 路,而商貨所資,或出逐部,汎海陵波,因風遠至。又重峻參差,氏衆非一,殊名詭號, 孩年耋齒,執訊所遺,將卒申好殺之憤,干戈窮酸慘之用,雖云積怨,爲報亦甚。 态行誅討,自<u>江漢以北,廬江以南,搜山盪谷,窮兵罄武,繫頸囚俘,蓋以數百萬計</u>。 毒,略財據土,歲月滋深。自元嘉將半,寇慝彌廣,遂盤結數州,搖亂邦邑。 舟舶繼路,商使交屬。 類殊,山琛水寶,由茲自出,通犀翠羽之珍,蛇珠火布之異,千名萬品,並世主之所虛心,故 氏南移,河、雕夐隔,戎夷梗路,外域天斷。 若夫<u>大秦、天竺,</u>逈出 「流血于野,傷和致災。」斯固仁者之言矣。 夫四夷孔熾,患深自古,蠻、僰殊雜,種衆特繁,依深傍岨,充積畿甸,咫尺華氓,易興狡 史臣曰:漢世西譯遐通,兼途累萬,跨頭痛之山,越繩度之險,生行死徑,身往魂歸。 太祖以南琛不至,遠命師旅,泉浦之捷,威震滄溟,未名之寶,入充府 西溟,二漢銜役, 於是命將 張奐所云 特艱 出師 至於 種別

斯

校勘記

- 以爲西中郎將雍州刺史 「雍」各本並作「雅」。 張森楷校勘記、孫彪宋書考論並云「雅州當作雍
- 州」。按張、孫二校是,今改正。

「天竺表有云

『如日初出』,

如日初出眉 間白豪 「出眉」二字各本並脫,「白豪」二字各本並作「自蒙」。 孫彪宋書考論云:

此闕處疑亦是『出』字。又按梁書狼牙修國奉表有云,『眉間

白豪,其

白如雪。 『自蒙』卽『白豪』之誤,闕處更當有一『眉』字。」按孫說是,今改正。

- 闍婆婆達國 文帝紀作「闍婆娑達國」。 南史作「闍婆達國」。
- ᅋ 國 Ξ 師黎婆達陁阿羅跋摩遣使奉表曰 「師黎婆達陁阿 羅 跋 摩 南史作 「師黎婆達呵陁羅跋

摩」。

- 五 元嘉 五年 按文帝紀元嘉七年七月,有師子國遣使獻方物之記載,元嘉五年無。
- CKD 進可以繫心「繫」各本並作「擊」,據元龜六八九改。
- 流 遁未 息 「遁」各本並作「道」,據通鑑宋文帝元嘉十二年改。
- [c] 遭人斯拜 「人」上各本並有「道」字,據高僧傳删。
- 〔九〕而簡禮二親 「禮」各本並作「體」,據通鑑改。
- **父為廣戚令** 「廣戚」各本並作「廣武」、據南史、高僧傳改。

- 跋死子弘立 馮弘爲馮跋之弟,見晉書載記,子當作弟,蓋沈約承鄰國傳聞 而
- 以百濟王餘映爲使持節都督百濟諸軍事鎭東將軍百濟王 「餘映」 南史同。 通典邊防典作扶

餘興、本注晪音陀典反。

- 道逕百濟 「逕」各本並作「遙」、據南史、通典邊防典改。
- 其餘咸各假授 各本並脫「各」字、據南史、通典邊防典補。
- 至 居武陵者有雄谿樠谿辰谿酉谿舞谿 「舞谿」南史作「武谿」。
- 天門漊中令宗矯之俻賦過重 「宗矯之」南史、通典邊防典作「宋矯之」。
- 又圍升錢柏義諸柴 「升錢」一一件「斗錢」,古升斗字,形極相似,易致譌。
- 殺開建令邢伯兒 「開建」各本並作「關建」,據州郡志改。 按湘州臨慶郡有開建縣。
- 蠻文小羅等討禽續之 「文小羅」南史作「文山羅」。
- 蠻乃執智黑石安陽二人送詣玄謨 「智黑石安陽二人」南史作「智安陽二人」,疑當從南史。 Ŀ

陽二人」爲是,若從朱書,則是三人,非二人。且司馬黑石時爲其主,史列黑石之名,亦不當在智 云司馬黑石徒黨三人,一人名智,一人名安陽,一人名續之。此祇言二人,則從兩史作「智、安

之後,疑「黑石」二字是衍文。

太宗初卽位 列 傳 第 五 + 七 「太宗」各本並作「世宗」,按宋無「世宗」,南史作明帝,則宋書當云太宗,今改正 校 勘 記

都統四山軍事 「事」各本並作「人」,據南史改。

云:「自序篇見晉安王子勛典籤沈光祖,此衍明字。」

| 斬晉熙太守閻湛之晉安王子勛典籤沈光祖 「沈光祖」各本並作「沈光明祖」。

孫彪宋書考論

二四〇二

宋書卷九十八

列傳第五十八

以 胡

軍、左賢王。 子,名戊搜。〔三晉惠帝元康六年,避齊萬年之亂,率部落四千家,還保百頃,自號輔國將軍 帥。 一十餘里,羊腸蟠道,三十六回。山上豐水泉,煮土成鹽。駒後有名千萬者,魏拜爲百頃氐 千萬子孫名飛龍,漸强盛,晉武假征西將軍,口還居略陽。 與堅頭分部曲,「『難敵號左賢王,屯下辯,堅頭號右賢王,屯河池。元帝太興四年,劉 騰子駒,勇健多計略,始徙仇池。 略陽淸水氏楊氏,秦、漢以來,世居隴右,爲豪族。 關中人士奔流者多依之,戊搜延納撫接,欲去者則衞護資遣之。愍帝以爲驃騎將 時南陽王保在上邽,又以戊搜子難敵爲征南將軍。建興五年,戊搜卒,難敵襲 仇池地方百頃,因以百頃為號,四面斗絕,高平地方 漢獻帝建安中,有楊騰者,爲部落大 無子,養外甥令狐氏子爲

列

第

五.

十八八

氐 胡

曜 伐難敵 ,與堅頭俱奔晉壽,臣於李雄,曜退,復還仇池

羌校尉 太守。 軍。 升 和三年, 爲 國 率 關 以 軍 子安 左 平三 武 使持節 纂爲平羌校尉、秦州 中,空百頃之地 成帝 右誅式王及宋奴,四復自立。征西將軍桓溫表國爲鎭北將軍、秦州刺史、平羌校尉, 三年,毅族兄初襲殺毅,幷有其衆,自立爲仇池公,臣於石虎。 都 、武都 年,以俊爲平西將軍、平羌校尉、仇池公。 爲 十年,改封初天水公。十一年,毅小弟宋奴使姑子梁式王因侍直手刃殺初, 太守。 以初爲使持節、征南將軍 咸和九年,難敵卒,子毅立,自號使持節、龍驤將軍、左賢王、下辯公。 振威將軍、武都太守。十二年,國從父楊俊復殺國 、冠軍將軍、右賢王、河池公。 太守、仇池公。 五 年, 纂後為楊安所殺 世卒,統廢世子纂自立。 刺史、仇池公。 海西公太和三年,遷征 、雍州刺史、平羌校尉、仇池公。 咸安元年,苻堅遣 咸康元年, 遣使稱蕃於晉, 以毅爲征南, 纂一名德,聚黨 四年,俊卒,子世立,復以爲 西將軍、秦州刺史,以世弟統爲寧東將 |楊安、苻雅等討纂克之,徙其民於 自立,安奔苻生,俊遣 殺統,遺使詣簡 初子國爲鎭東將軍、武都 後遣使稱蕃於穆帝。 冠軍 文帝 以堅頭子槃 槃征 將軍、平 使歸順。 自陳,復 初子國 東將

女妻佛奴子定,以定爲尚書、領軍將軍。 宋奴 之死 也,二子佛奴 佛狗 奔逃關 孝武帝太元八年,苻堅敗於淮南,關 中,苻堅以佛奴爲右將軍,佛狗爲撫夷護軍。 中擾亂, 定盡 後以

梁州 作,進 軍,難當爲冠 州 退。〔六〕以盛爲都督 不置 軍、秦州刺史、平羌校尉、仇池公。 州刺史,定已自署征 **虜乞佛乾歸,定軍敗見殺。** 尉、刺史如 自號假之。 招合夷 力奉堅。 刺 即縣。 史。 刺 元 遣子難當 盛 、史桓希 、晉,得千 興三年,桓玄輔晉,進盛平北將軍、涼州刺史、西戎校尉。 車騎大將軍,加侍中。 盛又遣將苻宣行梁州刺史代撫。九年,梁州刺史索邈鎭南城,宣乃還。[七]高祖 堅死,乃將家 故。 求割天水之西縣、武都之上祿爲仇池郡,見許。 安帝隆安三年,遣使稱蕃,奉獻方物。 軍 [為質 ,敗走,漢中空虛,盛遣兄子平南將軍撫守漢中。 將軍,撫爲安南將軍。 其年,進平天水略陽郡,遂有秦州之地, 餘 魔右諸 家,自號龍驤將軍 西將軍。 興遣 奔隴右,徙治歷城,城在西縣界,去仇池百二十里。 將王敏攻城, 軍事、征西大 無子,佛狗子盛先爲監國, 叉進 永初三年,改封武都王,以長子玄爲武都王世子,加號前)持節、都督隴右諸軍事、輔國大將軍 諡定爲武王。分諸四山氐、羌爲二十部護軍,各爲鎭戍 、平羌校尉、仇池公,稱蕃於晉孝武帝, 盛嗣位三十年,太祖元嘉二年六月卒,時年六十二, 八將軍 因梁州別駕呂瑩, 、開府儀同三司。時益州刺史毛璩討桓玄所置 安帝以盛爲輔國將軍、平羌校尉、仇池 守仇池, 白號隴 十五年,又以定 求救於盛, 西王。至至十九年, 襲位, 三年,又假盛使持節、北秦 義熙元年, 、開府儀 自號使持節 盛遣軍次濜口, 爲 置倉儲於百頃 姚 孝武帝卽以其 輔國將軍 興伐盛 同三司,校 、征西將 攻隴 秦 敏 將 踐 西

私 日 惠 文

秦州 略,玄不能容,三年,因其子殺人,幷誅之。 刺 汝 法善事 史、武都王。 刺 弟 玄 史、武 難當 宋帝。」故玄奉焉。 字黃眉 廢玄子保宗一 都王。〔八〕乃改義熙之號,奉元嘉正朔。 ,自號使持節、都督隴右諸軍事、征西大將軍、開府儀同三司、平羌校尉、秦州 雖爲蕃臣,猶奉義熙之號。 名羌奴而自立,號使持節、都督雍涼諸軍事、 追贈盛驃騎大將軍,餘如故。 善待 太祖即以玄爲使持節、征 士,爲流、舊所懷。 初, 六年六月,玄卒,私諡日 盛謂玄曰 「吾年已老,當 安南將軍撫有文武 西將軍 、平羌校尉、北 孝 昭王 爲晉臣, 智

宗謀 穆之自 刺 校 尉 法 史 不 尉之號。 、武都王。 劉 理 ,獲晉壽太守范延朗。 太守張範 襲難當 一、太祖 道濟 云 名 失蜀 事泄 飛龍,恢之自云名康之, 難當拜保宗為鎮南將 遣刺史蕭思話代任。 太祖 土人情,以兵力資飛龍,使入蜀爲寇, 法護遣參 ·, 收繫之。 以爲冠軍將軍 軍魯安期、沈 其年十一月,法護委鎭奔洋川,難當遂有漢中之地。 先是,四方流民有許穆之、郝恢之二人投難當 、秦州刺史、武都王。 軍,鎭宕昌 難當因 云是晉室近戚。 法慧等 思話未 ,以次子順爲鎭 拒之,並各奔退。 至,法 康之尋爲 九年,進號 護將 道濟擊斬之。 東將軍 下,② 人 難當 征 所殺。 舉兵 秦州刺 西將軍, 又遣 時 〈襲梁州 梁州刺 十年, 秦州刺史、 建忠 並 史,守上邽。 加持節、都督、 改 難當 將軍 史甄 破白馬 姓爲司馬。 以氐苻粟 平羌校 趙進 以 法 益 護 攻 獲 保 刑 州

持爲梁州刺史,又以其凶悍殺之,以司馬趙溫代爲梁州。十年正月,思話使司馬蕭承之先

驅進討,所向剋捷,遂平梁州,事在思話傳。 四月,難當遣使奉表謝罪,曰:

殺,行李蔽擁,日月莫照。法護恇擾,望風奔逃,臣卽回軍,秋毫無犯,權留少守,以俟 未諒,大謗已臻。梁州刺史甄法護誣臣遣司馬飛龍擾亂西蜀,諸所譖引,言非一事,長 遣參軍姚道賢齎書詣梁州刺史蕭思話, 以狂聖道隔,猶存克念之誠,況君親莫二,不期自感者哉。每思自竭,奉遵光訓,丹誠 會通。其後數旬,官軍尋至,守兵單弱,懼不自免,續遣輕兵,共相迎接。值秦流民,懷 塗萬里,無路自明,風塵之聲,日有滋甚。 土及本,行將旣旋,不容禁制,由臣約防無素,以致斯闕。 臣聞生成之德,含氣同係,而榮悴殊塗,遭遇異兆,至於恩降自然,誠無答謝。夫 尋續又造詣臺歸罪。 道賢至西城,爲守兵所 與其逆生,寧就淸滅,文武同憤,制不自由。

· 亮聽命有司,幷奉送所授第十一符策,伏待天旨。 至乃聲聞朝庭,勞煩師旅,負辱之深,罪當誅責。遠隔遐荒,告謝無地,謹遣兼長史齊 妄,毁敗成功,如此之形,灼然易見,仰恃聖明,必垂鑒察。但臣微心不達,迹違忠順, 臣本歷代守蕃,世荷殊寵,王化始基,順天委命,要名期義,不在今日,豈可假託妖

太祖 以其邊裔,下詔曰:「楊難當表如此,悔謝前愆,可特恕宥,幷特還章節。」

史,守下辯。十三年三月,難當自立爲大秦王,號年日建義,立妻爲王后,世子爲太子,置百 官、具擬天朝、然猶奉朝庭、貢獻不絕。十七年、其國大旱、多災異、降大秦王復爲武都王。 征 西大將軍、開府儀同三司、平羌校尉、南秦王,遣襲上邽,難當子順失守退,以爲雍州刺 十二年 ,難當釋保宗,遺鎭童亭,[10]保宗奔,[11]索虜主拓跋燾以爲都督隴西諸軍事、

虜 武 月,方明等至漢中,長驅而進。眞道到武興,攻僞建忠將軍苻隆,剋之。安西參軍韋俊、建 嬰城固守、江三難當攻之十餘日,不剋,乃還。十九年正月,太祖遣龍驤將軍裴方明、太子左 楊亮拒 積弩將軍劉康祖、後軍參軍梁坦甲士三千人,又發荆、雍二州兵討難當,受劉眞道節度。五 刺史劉眞道擊斬沖。自己十一月,難當剋葭萌,獲晉壽太守申坦,遂圍涪城,巴西太守劉道錫 遣第二子虎爲鎭南將軍、益州刺史,守陰平。 列 子 中。 撫軍 將軍姜道盛別向下辯,眞道又遣司馬夏侯穆季西取白水,難當 陣拒戰,方明擊破之,斬弘祖,殺二千餘人,義德遁去。天水任愈之率部曲 + 八年十月,傾國南寇,規有蜀土,慮漢中軍出,遣建忠將軍苻沖出東洛以防之。梁州 大將軍和 之,並望風奔走。 安西參軍魯尚期追難當出寒峽,自己生禽建節將軍楊保熾、安昌侯楊虎頭。 據修城,方明又遣軍率愈之攻和,大破之。 閏月,方明至蘭臯,難當鎮北將軍苻義德、建節將軍苻弘祖萬餘人 聞父走,逃還,至下辯。 於是難當將妻子奔索虜,死于 子雍州刺史順、建忠將軍 方明使子肅之要之, 歸順。 初,難當 難當世

生禽虎,傳送京師,斬于建康市。 仇池平。

將軍 吐奚酮、平北將軍拓跋齊等二萬人邀崇之。二十年二月,崇之至濁水,去仇池八十里, 以 輔 國 司馬胡崇之爲龍驤將軍、秦州刺史、 平羌校尉,守仇池。 索虜拓跋燾遣安西大

遇齊等,戰敗沒,餘衆奔還漢中。

仇池 起遁 州 俘萬里,朝無暫土,樹難自肅,休烈昭著, 殷甚嘉焉。 典,施賞務速,無或踰 欣嘉。便可遣使慰勞,宣示朝旨,幷勑梁州刺史申坦隨宜應援。」又詔曰:「顯錄勳効,蓋惟 征西大將軍、秦河涼三州牧、平羌校尉、仇池公,遣露板馳告朝廷。 緒,膺受寵榮。 誠感家 刺 走,達追擊斬齊,自己因據白崖,分平諸戍。 史,封武都王。」任朏祖父岐,伯父祚,父綜,並仕楊氏,爲諮議從事中郎。 公表虜縱逸,寇竊仇池,將士挫傷,民萌塗炭,眷言西顧,矜慨在懷。 三月,前鎭 國,糾率義徒,奄殄凶醜,鋒旗所向,殲潰無遺,氛祲澄清,蕃境寧 可使持節、散騎常侍、都督北秦雍二州諸軍事、征西大將軍、平羌校尉、北秦 東司馬苻達、征西從事中郎任朏等舉義,立保宗弟文德爲主。 時。 楊文德志氣果到,文武兼全,乘機潛奮,殊功仍集,告捷歸誠, 文德自號使持節、都督秦河涼三州諸軍事 楊氏世祖西勞,方忠累葉,自己宜紹先 太祖詔曰「近者校尉 一,念功惟事 楊文德世篤忠順 朏有志幹,文 拓跋齊聞兵 小良有 或

德

以爲左司

平武 荆 大 中 德 破 西 歸 州 悉平。 之,衆並奔散。 刺 入,搖動汧、隴。 之于京師,以失守,発官,削爵土。二十七年,王師北討,起文德爲輔 文德 史南 旣 郡王義宣反,文德 又遣文德伐啖提氐,不剋,梁州刺史劉 受朝命,進戍茄蘆城。二十五年,爲索虜所攻,奔于漢中。 高遁走奔羌,文德追之至黎卬嶺,高單身投羌仇 文德宗人楊高率陰平、平武羣氐,據唐魯橋以距文德,文德水陸俱攻, 不同見殺,世 祖追贈征虜將軍 秀之執送荆州,使文德從祖 一、秦州 刺 史。 阿弱家 時世祖 國 (,追斬之,陰平、 將 鎭襄陽 兄頭戍茄蘆 軍 丁,率軍 執 白漢

此 旣 宗 臣愚見,蕃捍漢川,使無虜患,頭實有力,四千戶荒州, 尺,急之則 頃 頭 元 之 和 破 相 推 不 由 聞 Œ 家 ,年小才弱,不能綏 承 孝 元和 統 建 爲 幷致信餉。 臣伏 宜 國 二年,以保宗子元和 反,缓之則 號位,部落未有定主,雍州刺 授 母妻子 尋 王 頭元 一爵 一,若以其年小未堪 弟幷墜沒虜中,不顧孝道,陳 卽遣 怨 嘉以來,實有忠誠 御所部 中軍行參軍呂智宗齎書幷信等, 觀 頭 爲征虜將軍 頭頭 使 人言語,不敢便望仇 母妻子弟並爲索虜 大任 於國 史王玄謨上表曰:[17]「被勑 T, 以 頭 ,則應別 「棄親 爲 力 遺 輔 邊捍, 有 愛, 或 所執, 池 所 殆不足吝。 將軍。 委。 公,所希 誠 竭 亦自 在 忠盡 頭 頃 可嘉。 至 元和旣楊氏正統, 來公 遣 政 一誠奉 誠, 使隨智宗。 元和小弱, 若未可專委, 在 私 令臣 氐、羌負 西 未爲朝 順, 紛紜 秦州 遣使與 無所 假 華、戎交 廷 遠, 及 節 所識 顧 頭 楊 叉 羣氐欲相 懷 而 語智宗 元 已。 與虜咫 構 和、楊 若 朝 ·',皆 以 如 廷

治

近

興。

復 數年之後,必堪嗣業,用之不難。 許。 其後立元和爲武都王,治白水,不能自立,復走奔索虜。 若才用不稱,則應歸頭。 若茄蘆不守,漢川亦無立

弟文度 宣史 加散 廢帝 如故。」 烈之美,並足 文弘 軍 邊邑,忠果旣亮,才 ·,刺 嗣 册 騎 伐 元和 元 史、校尉 遠守西疆,世 三年,加 常侍 仇 復 徽 督 自立。 池、江江破戍兵於蘭阜。 從弟僧嗣, 四 北秦 一年,加督北秦州諸軍事、平羌校尉、北秦州 · 嘉歎, 悉 以文弘督北秦州諸軍事、平羌校尉 持節、都督北秦雍二州諸軍事,進號征 州 泰豫元年,以爲龍 如 故。 諸 篤忠款,宜加旌 勁兼彰。 宜膺 復自立,還戍茄蘆, 軍 事 文弘 、寧朔 龍 輔 驤將 以 或 將軍、平羌校尉、北秦州 順帝昇 將 酬 顯,以甄義概。 驤將軍、略陽太守,封武都王,又改龍驤爲寧 勳緒 軍 軍 、略陽 楊 明元 文 以爲寧朔將軍、仇池太守。 弘 文度 太守。」其年,虜破 年, 肅 可 協 韶曰:「茂賞有章,實昭 、北秦州刺史,襲封 使持節 成規,躬提桴 可冠軍將軍、北秦州刺 刺 西將軍、校尉 刺 上,將軍 、都督 史、武都王文度門乘 茄蘆 鼓,申 北秦 ·如故。 ,刺史如 雍 武都王 文度 太宗泰始二年,詔曰 稜 三州 國 百 文度遣弟龍 見 史、武都王, 頃 度,疇庸 諸 故。 殺, 席席 將軍如故。 軍 朔 輝 追 僧嗣 卷 事 將 寵 蘭皐, 征 斯 贈本官, 驤 軍 卒,從 炳, 太守 西 世 將 將 後 樂 退 載 軍 功

皆雄 之

倉

豪

日 大且 大 渠蒙遜,張掖臨松盧水胡人也。 ,故且渠以位爲氏,而以大冠之。 匈奴有左且渠、右且渠之官,蒙遜之先爲此職,羌 世居盧水爲酋豪。蒙遜高祖暉仲歸 , 曾祖 遮 ,

酒 散。 叛光 配箱 業 伐枹罕虜乞佛乾歸,爲乾歸 守,將軍如故。 城, 圍 不剋,乃引 泉 張 爲 將部 掖 一,殺 健有 直,又以蒙遜叔父羅仇爲西平太守。[110]安帝隆安三年春,呂光遣子鎭東將軍 太守。 主。 時蒙遜兄男成將兵西守晉昌,聞蒙遜反, 蒙遜代父領部曲,有勇略,多計數,爲諸胡所推服。 , 剋之,業因 臨松護軍,屯金山。 曲 業自 勇名。 水灌 走投晉昌太守 尋又以 1號龍 城,窘急乞降,執之以歸。 四年五月,蒙遜與男成謀殺業,男成不許,蒙遜反譖男成於業, 祖祁 據張 蒙遜領張掖太守。 驤大 復延,封狄地王。日己父法弘襲爵,苻氏以爲中田 、將軍 掖 唐瑤, 所敗,光委罪羅仇,殺之。 一、涼州 蒙遜率部曲投業,業以蒙遜為鎭西將軍 五月、光揮纂擊破蒙遜、蒙遜將六七人、 蒙遜追德 牧、建康公,以男成爲輔國 三年四月,業使蒙遜將萬 至 時王德 沙頭, 引軍還,殺酒泉太守疊滕,回回推建康 叛業, 大破之, 四月, 自稱 呂光自王於凉州,使蒙遜自領營人 河州 虜其妻子部落 蒙遜求還葬羅仇, .將軍。 人攻光弟子純於 刺 史,業使蒙遜 臨池 逃山 [護軍 男成 及晉昌太守 中,自己家戶悉亡 太守、三三王 而 還。 因 西 業殺男成 西討 聚萬 轉 纂 太守段 率 西安太 德 德 王德 餘 經 羅 旬 焚 爲 人 仇

蒙遜 乃謂 其部曲曰:「段公無道,枉殺輔 國。 吾爲輔國報讎。」遂舉兵攻張掖, 殺段業

車騎大將軍、回建號永安元年。

子元 年。 是月,敦煌太守李暠亦起兵, 與蒙遜相抗。 其冬,暠遣唐瑤及鷹揚將軍宋繇攻酒泉,獲太守大且渠益生, 自號冠軍大將軍、西胡校尉、沙州刺史、太守如故。 稱 庚

從

叔

也。

齊難迎隆,隆說難伐蒙遜,蒙遜懼,遣弟爲質,獻寶貨於難,乃止,以武衞將軍王尚行涼州刺 破。十月,傉檀復攻隆,三年三月,隆以蒙遜、傉檀交逼,遣弟超詣姚興求迎。七月,興遣將 以爲 史而還。 《鎮西將軍、沙州刺史、西海侯。二年二月,蒙遜與西平虜禿髮傉檀共攻凉州,爲隆所 呂光死,子纂立,元年,爲從弟隆所篡。 姚興攻凉州,隆稱臣請降,蒙遜亦遣使詣 興、興

大都督、大將軍、河西王,改稱玄始元年,立子正德爲世子。 人焦朗入姑臧,自號驃騎大將軍,臣于李暠。八年,蒙遜攻焦朗,殺之。三三據姑臧,自號 興假傉檀涼州刺史,代王尚屯姑臧。二年九月,蒙遜襲李暠,至安彌,去城六十里,暠乃 引軍出戰,大敗,退還,閉城自守,蒙遜亦歸。 義熙元年正月,李暠改稱大將軍、大都督、凉州牧、護羌校尉、凉公,五月,移據酒泉。 六年,蒙遜攻破傉檀,傉檀走屯樂都。 武

年 五 月,李暠死,子歆立。六月,歆伐蒙遜,至建康,蒙遜拒之, 飲退走, 追到西支

澗、江京一蒙遜 大敗,死者四千餘人,乃收餘衆,增築建康城,置兵戍而還。

督高昌敦煌 十四四 年,蒙遜遣使詣晉,奉表稱蕃,以蒙遜爲涼州 晉昌酒泉西海玉門堪泉七郡諸軍事、護羌校尉、征西大將軍 刺 史。 高祖踐作, 、酒泉公。 以飲爲使持節、都

敵兄弟三人,進攻酒泉,剋之。 承、廣武 攻恂,不下。 永初 將軍 元年七月,蒙遜東略浩舋,李歆 張 三年正月,蒙遜自往築長堤引水灌 弘 學城降、「計」怕自殺,李氏由是遂亡。 歆弟敦煌 太守恂 乘虚攻 一城,數十日,又不下。 據郡,自稱大將軍。 張掖、蒙遜回軍 於是鄯善王比龍 西歸,飲退走,追至臨澤,斬 十月,蒙遜遣世 三月,恂武 入朝, 西域三十六 衞 將軍宋 子正 德

國皆稱臣貢獻。

高 祖 以蒙遜爲使持節、散騎常侍、都督涼州諸軍事、鎭軍大將軍、開府儀同三司、涼州

刺史、張掖公。

十二月,晉昌 八月,芮芮來抄,蒙遜遣 太守唐契反,復遣正德攻契。 正德 距之,正德輕騎進戰 景平元年三月,克之,契奔伊 「軍敗 見殺。 乃 以次子 興國 吾 爲 世

尉、凉州牧,河西王,開府、持節如故。

是歲,進蒙遜侍

中、都督

涼

秦

河沙

四州諸軍

事、驃騎大將軍、領護匈奴中郎將、

西夷校

太祖元嘉元年,枹罕虜乞佛熾槃出貂渠谷攻河西白草嶺,臨松郡皆沒,執蒙遜從弟成

都、從子日蹄、頗羅等而去。日日

十五卷。蒙遜又就司徒王弘求搜神記,弘寫與之。 三年,改驃騎爲車騎。世子興國遣使奉表,請周易及子集諸書,太祖並賜之,合四百七

之,殺茂蔓,執興國而還。四月,定避拓跋燾,欲渡河西擊蒙遜。五月,率部曲至治城峽口, 月,茂蔓聞定敗,將家戶及興國東征,欲移居上邽。八年正月至南安,定率衆禦茂蔓,大破 國爲冠軍將軍、河西王世子。其年夏四月,西虜赫連定爲索虜拓跋燾所破,奔上邽。十一 贖興國,送穀三十萬斛,竟不遣。蒙遜乃立興國母弟菩提爲世子,朝廷未知也。七年,以興 六年,蒙遜征枹罕,時乞佛熾槃死矣,子茂蔓大破蒙遜,生禽興國,殺三千餘人。

渡河,濟未半,爲吐谷渾慕璝所邀,見獲,興國被創數日死。

服,享惟永之丕祚,功名昭著,剋固貞節。 考終由正,而請名之路無階,懿跡雖弘,而述敍之 年,茂虔上表曰:「臣聞功以濟物爲高,非竹帛無以述德,名以當實爲美,非諡號無以休終。 先臣蒙遜 九年,以菩提爲冠軍將軍、河西王世子。十年四月,蒙遜卒,時年六十六。私諡曰武宣 西復涼城,澤儋崐裔,芟夷羣暴,淸灑區夏。 暨運鍾有道,備大宋之宗臣,爵班九 年幼,蒙遜第三子茂虔時爲酒泉太守、「云〕衆議推茂虔爲主,襲蒙遜位號。十一

傳

第 五 +

E

軍、領護匈奴中郎將、西夷校尉、涼州刺史、河西王。」 乃心彌彰,宜蒙寵授,紹茲蕃業。可持節、散騎常侍、都督涼秦河沙四州諸軍事、征西大將 方仗忠果,翼宣遠略,奄至薨隕,悽悼于懷。 便遣使弔祭,幷加顯諡。 護匈奴中郎將、西夷校尉、凉州牧河西王蒙遜,才兼文武,勳濟西服,爰自萬里,款誠夙著, 終無恨。」詔曰:「使持節、侍中、都督秦河沙凉四州諸軍事、車騎大將軍、開府儀同三司、領 勳光天府,標牓稱迹,實兼斯義。 美有缺。 臣子痛感,咸用不安。 謹案諡法,剋定禍亂曰武,善聞周達曰宣。 輒上諡爲武宣王。 若允天聽,垂之史筆, 嗣子茂虔,纂戎前軌。 則幽顯荷樂,始 先臣廓清河外,

茂虔又求晉、趙起居注諸雜書數十件,太祖賜之。 <u> 周髀一卷,皇帝王歷三合紀一卷,趙瞅傳幷甲寅元歷一卷,孔子讚一卷,合一百五十四卷。</u> 卷,漢皇德傳二十五卷,亡典七卷,魏駁九卷,謝艾集八卷,古今字二卷,乘丘先生三卷,〔10〕 國總略二十卷,俗問十一卷,十三州志十卷,文檢六卷,四科傳四卷,燉煌實錄十卷,涼書十 河西人趙殿善歷算。十四年,茂虔奉表獻方物,幷獻周生子十三卷,時務論十二卷,三

無諱先爲征西將軍、沙州刺史、都督建康以西諸軍事、酒泉太守,第六弟武興縣侯儀德爲征 東將軍、秦州刺史、都督丹嶺以西諸軍事、張掖太守。同司憲旣獲茂虔,遣軍擊儀德,棄城奔 十六年閏八月,拓跋燾攻凉州,茂虔兄子萬年爲虜內應,茂虔見執。茂虔弟安彌縣侯

七年正 之。 懼 餓 無 還據酒泉。 率萬 奔伊吾,是年攻高昌,高昌城主闞爽告急。〔三〕八月,無諱留從子豐周守鄯善, 不 諱 死,天周殺妻以食戰士,食盡,城乃陷,執天周至平城,殺之。于時虜兵甚盛,無諱 出 。於是 戰,大敗,執唐兒殺之,復據敦煌。 未至,而芮芮遣軍救高昌,殺唐契,部曲奔無諱。 餘家棄敦煌,西就安周,未至而鄯善王比龍將四千餘家走,因據鄯善。 自立,欲引衆西行。十一月,遣弟安周五千人伐鄯善,堅守不下。十九年四月,無諱自 月, 十八年五月,唐兒反,無諱留從弟天周守酒泉,復與儀德討唐兒。 無諱使唐兒守敦煌,自與儀德伐酒泉,三月,剋之。 無諱、儀德擁家戶西就從弟敦煌太守唐兒。燾使將守武威、酒泉、張掖 七月,拓跋燾遣軍圍酒泉。 九月,無諱遣將衛袞夜襲高昌,日見爽 攻張掖 十月,城中饑,萬餘口皆 臨松, 初,唐契自晉昌 得四 自將家 唐兒將萬餘 而 萬餘 還 衆饑 戶赴 户,

事 民庶,係 遂 奔芮芮,無諱復據高昌 、征 至 不守。 遣常侍氾儁奉表使京師,獻方物。 大 ì 將 闕 淪陷寇逆,累世著誠,以爲矜悼。 軍 庭,踐修 領 護 貢 匈 奴 職,宜加朝命,以褒篤勳。 中郎 將、西夷校尉、涼州 太祖詔曰:「往年狡虜縱逸,侵害凉土,西河王茂虔 次弟無諱克紹遺業,保據方隅,外結鄰國,內輯 刺史、河西王。」 可持節、散騎常侍、都督凉河沙三州諸軍

無諱卒,弟安周 立。 二十一年,詔曰「故征西大將軍、河西王無諱弟安周,才略沈到,

河西王。」世祖大明三年,安周奉獻方物。 世篤忠欵,統承遺業,民衆歸懷。 授,垂軌先烈。 可使持節、散騎常侍、都督凉河沙三州諸軍事、領西域戊已校尉、凉州刺史、 雖亡士喪師,孤立異所,而能招率殘寡,攘寇自今,宜加榮

不滅者岩綖,梁土獲义,以迄于今。由此而言,功烈可謂盛矣。 野,委骸川澤。旣而裴、劉二將,藉其威聲,故使濁水靡旗,蘭皐失嶮,氐族轉徙奔亡,遺燼 雲徹席卷,致屆南城,逐北追奔,全勝萬里,敵人皆裹骨輿屍,越至險而自竄,其餘皆膏身山 天子聽朝不怡,有懷辛、李之將,而齊之宣皇,率偏旅數百,定命先驅,推鋒直指,勢踰風電, 出黃金、乘晉壽之捷,構圍涪之釁,規吞黑水,志傾井絡,紀、郢之勢方危,樊、鄧之心屢駭。 而財力雄富,頗尙禮文。楊氏兵精地險,境接華漢,伺隙邊關,首鼠疆場,遂西入白馬,東 史臣曰:氏藉世業之資,胡因倔起之衆,結根百頃,跨有河西,雖戎夷猾夏,自擅荒服,

校勘記

晉武假征西將軍 「征西將軍」魏書氐傳、通典邊防典作「平西將軍」。

- 名戊搜 「戊搜」、魏書氐傳、通典邊防典作「茂搜
- 與堅 頭 分部: 曲 據魏書氏傳 堅頭 難敵弟。
- 宀 24 初子國 率左 右誅式王及宋奴 各本 並脫「初」字、據魏書氐傳補
- Ħ. 自 號 隴 西王 各本 並脫「隴」字,據魏書氐傳、晉書前秦載記 補
- ش 興遣將 王 敏攻城因 梁州別駕呂瑩求救於盛盛遣軍次儘 口 魰 退 據晉書姚興載記:

「晉義

盛 年 平北 遺軍 臨盡口 將軍、梁州督護苻宜入漢中,興梁州別駕呂瑩、漢中徐逸、 南梁州 刺史王敏退守武興。」通鑑晉安帝義熙三年:「氐王楊盛以 席難起兵應宣, 平北 求救於楊盛 將軍 ·
苻宣

爲 梁州 督 護,將兵入漢中,秦梁州 別駕呂瑩等起兵應之。 刺史王敏攻之,瑩等求援於盛。 盛遺

軍 盡 口 ,敏退屯武興。」可證宋書氏傳此段文有脫 譌。

- 宣乃還 {通 鑑 亦作「苻宜」。 北監本、毛本作「宣」,三朝本、殿本、局本作「寧」。 作「宜」是,今訂 正 按上文作「苻宣」, 晉書姚興 (載記)
- 太祖 耕 蛛 》隱 刨 廬 以 玄爲 日後 云 使持 此段並 節 征 西將軍平羌校尉北秦州刺史武都王 述元嘉中事,明 帝當作太 祖。」按龔說是,今改正。 「太祖」 各本並作「明帝」。
- 八九山 法 護將 下 「將」字下 各 本 並 行「軍」字、據 (通 鑑宋元嘉 + 车 删
- 列 難 傳 當 釋保宗遺鎭 第 五 + 八 童 亭 校 勘 記 童 一亭」魏書氐傳、 通鑑作 「董亭」。 水經渭水注: 四四 「涇谷水又東北歷董亭 九

ጉ 楊難當使兄子保宗鎭董亭,即此亭也。」

保宗奔 「奔」字下疑脫「索虜」二字。

梁州刺史劉眞道擊斬沖

「劉眞道」各本並作「劉道眞」,據本書劉懷肅傳眞道附傳乙正。

下出

巴西太守劉道錫嬰城固守 並改 「劉道錫」各本並作「劉道銀」,據建康實錄、通鑑宋元嘉十八年改。

按劉道錫見本書卷六五劉道產傳。

安西參軍魯尙期追難當出寒峽 「寒峽」水經漾水注作「塞峽」。

二吾 達追擊斬齊 通鑑考異云:「後魏河間公齊傳云:『文德求援於宋,宋遣房亮之、苻昭、啖龍等帥

公 楊氏世祖西勞方忠累葉 張森楷校勘記云:「疑當作『楊氏世祖西方,勞忠累葉。』」

衆助文德,斬龍,禽亮之,氏遂平,以功拜內都大官,卒。』然則宋書誤也。」

(41) 雍州刺史王玄謨上表曰 各本並脫「玄」字、據通鑑宋孝武帝孝建二年補

文度遣弟龍驤將軍文弘伐仇池 「文弘」魏書本紀作「楊黽」、氏傳作「楊鼠」。 蓋魏獻文帝名弘

魏史臣避諱改之。

封狄地王 晉書載記作「北地王」。

又以蒙遜叔父羅仇爲西平太守 「叔父」晉書載記作「伯父」。

- 蒙遜將六七人逃山中 各本並脱「蒙遜」二字,據通鑑晉安帝隆安元年補
- 〇三〕殺酒泉太守疊滕「疊滕」晉書載記、通鑑作「壘澄」。
- 業以蒙遜爲 鎭 西 [將軍臨池太守 「臨池太守」 晉書載記、通鑑晉安帝隆安二年作「臨池侯」。
- 自稱車 騎大將軍 **從題一二四引十六國春秋北涼錄作「大將軍** 涼州牧」。 晉書載記作 「使持

節 、大都督、大將軍、涼州牧、張掖公」。 並無「車騎大將軍」之稱。

- 蒙遜攻焦朗 殺之 錢大昕廿二史考異云:「晉書云攻朝,克而宥之。 與此傳不同。」
- 云 追到 西支澗 「澗」各本並作「間」,據魏書盧水胡沮渠蒙遜傳、晉書載記改正。「西支」魏書、晉
- 書作「解支」,錢大昕廿二史考異云:「解當作鮮,鮮西聲相近也。」
- 恂武 執蒙遜從弟成都從子日蹄頗羅等而 衞 將軍宋承廣武將軍張弘舉城降 去 各本並脫「張」字,據晉書涼武昭王傳補。 日蹄」通鑑宋文帝元嘉二年作「白 蹄
- 蒙遜第三子茂虔時爲酒泉太守 「茂虔」 {御 {寶 一二四引十六國春秋北涼錄、 晉書載記同朱書。
- 魏 書 通鑑作牧健。 錢大昕廿二史考異云:「茂虔、北史作牧犍。 茂牧聲相近, 犍與 虔同
- 南 乘 軍 丘 先 師 楊 生三 偉 撰 卷 「乘 章宗源考證云:「案朱書大且渠蒙遜傳『乘丘先生』,卽 丘」完龜三三二作「桑丘」。 {隋 書經 籍志雜家:「梁 有桑丘先生書二卷, 此『桑丘先生』也。 晉征 生

下當有書字。」

列

[1]] 第六弟武興縣侯儀德爲征東將軍秦州刺史都督丹嶺以西諸軍事張掖太守 「儀德」魏書、通鑑

作「宜得」。

高昌城主闞爽告急 「闞」各本並作「闕」,據北史改。北史西域傳:「太武時,有闞爽者,自爲高

昌太守。」其後闞伯周爲高昌王。

無諱遣將衞尞夜襲高昌

「衞寮」魏書作「衞興奴」。

列傳第五十九

区

云劭生。 元凶劭字休遠,文帝長子也。 自前代以來,未有人君卽位後皇后生太子,唯殷帝乙旣踐阼,正妃生制,至是又有 帝即位後生砌、時上猶在諒闇、故秘之。三年閏正月、方

劭焉。 宮, 年,砌拜京陵,大將軍彭城王義康、 口,長七尺四寸。 納黃門侍郎殷淳女爲妃。 年六歲,拜爲皇太子,中庶子二率入直永福省。更築宮,制度嚴麗。年十二,出居東 體元居正,上甚喜說 親覽宮事,延接賓客,意之所欲,上必從之。東宮置兵,與羽林等。 十三,加元服。好讀史傳,尤愛弓馬,及長,美須眉,大眼方 竟陵王誕、尚書桂陽侯義融並從,司空江夏王義恭自江

列 傳 第 五 + 九 凶

都來會京口

十七

統水軍,善於撫御。 二十七年,上將北伐,劭與蕭思話固諫,不從。索虜至瓜步,京邑震駭,劭出鎭石頭,總 上登石頭城, 有憂色, 砌曰:「不斬江湛、徐湛之,無以謝天下。」上曰:

「北伐自我意,不關二人也。」

並預 耳,都不復憶。後天興道上通辭乞位,追存往爲者,不忍食言,呼視見其形容粗健,堪充驅 砌答曰:「南第昔屬天興,求將驅使,臣答曰:『伍那可得,若能擊賊者,可入隊。』當時蓋戲言 下人養他人奴爲兒,而汝用爲隊主,抽拔何乃速。汝間用主、副,並是奴邪?欲嫁置何處, 言之。上後知天興領隊,遣閹人奚承祖詰讓劭曰:「臨賀公主南第先有一下人欲嫁,又聞此 興沈懷遠爲濬府佐,見待異常,乃嫁鸚鵡與懷遠爲妾,不以啓上,慮後事泄,因臨賀公主微 天陳請,必不泄露。」砌等敬事,號曰天師。後遂爲巫蠱,以玉人爲上形像,埋於含章殿 始興王濬素佞事砌,與劭並多過失,慮上知,使道育祈請,欲令過不上聞。道育輒云:「自上 通靈有異術。」主乃白上,託云善蠶,求召入,見許。道育旣入,自言服食,主及劭並信惑之。 言通 巫蠱事。 靈,能役使鬼物。夫爲劫,坐沒入奚官。劭姊東陽公主應閤婢王鸚鵡白公主云:「道育 初,東陽主有奴陳天興,鸚鵡養以爲子,而與之淫通。 上時務在本業,勸課耕桑,使宮內皆蠶,欲以諷勵天下。 劭以天興補隊主。東陽主薨,鸚鵡應出嫁,劭慮言語難密,與濬謀之。時吳 鸚鵡、天興及寧州所獻黃門慶 有女巫嚴道育,本吳興 八,自 國

冀得 者,循 耳。 「其人」,以太尉江夏王義恭爲「佞人」,東陽主第在西掖門外,故云「南第」,王卽鸚鵡姓,躬 命,CII或是大慶之漸。」凡劭、濬相 宜犍之。 有定所。」濬答書曰:「奉令,伏深惶怖,啓此事多日,今始來問,當是有感發之者,未測源由 使,脫爾使監禮兼隊副。 啓聞者,令道育上天白天神也。 計臨賀故當不應翻覆言語,自生寒熱也。此姥由來挾兩端,難可孤保,正爾自問臨賀, 審實也。 未有處。」時鸚鵡已嫁懷遠矣。例懼,馳書告濟,幷使報臨賀主:「上若問嫁處,當言未 殿下已見汪未。宜依此具令嚴自躬上啓聞。彼人若爲不已。日正可促其餘 其若見問,當作依違答之。天興先署佞人府位,不審監上當無此簿領耳。急 比用人雖取勞舊,亦參用有氣幹者。 與書疏類如此,所言皆爲名號,謂上爲「彼人」,或以爲 謹條牒人名上呈。下人欲嫁

濬書數百紙,皆呪 唯 事,分遣 爲尼,逃 二人,天興旣死,慮將見及,乃具以其事白上。 鵡旣適懷遠,慮與天興私通事泄,請劭殺之。 中 匿 使 東宮,濟往京口,又載以自隨,或 入 詛 東諸郡 巫蠱之言,得所埋上形像於宮內。 搜討,遂不獲。 上詰責励、濬、劭、濬惶懼無辭,唯陳謝 出 山民張 上驚惋,即遣收鸚鵡,封籍其家,得劭、 **劭密使人害天興。慶國** 道育叛亡,討捕 **昨**家 不得,上大怒,窮治 間宣傳往來, 而已。

義 恭 自盱 胎還朝,上 以巫蠱告之,曰:「常見典籍有此,謂之書傳空言,不意遂所

列

傳

第

親覩。 劭 雖所行失道,未必便亡社稷,南面之日,非復我及汝事。 汝兒子多,將來遇此不

幸爾。」

衆,東宮實甲萬人。車駕出行,砌入守,使將白直隊自隨。 氐,自十一月霖雨連雪,太陽罕曜。三十年正月,大風飛霰且雷。 先是二十八年,彗星起畢、昴,入太微,掃帝座端門,滅翼、軫。 上憂有竊發,輒加劭兵 二十九年,熒惑逆行守

婢,須至檢覈,廢劭,賜濬死,以語濬母潘淑妃,淑妃具以告濬。濬馳報劭,劭因是異謀,每 隨征 夜輒饗將士,或親自行酒,密與腹心隊主陳叔兒、詹叔兒、齋帥張超之、任建之謀之。 張旿家有一尼,服食,出入征北內,似是嚴道育。」上初不信,試使掩錄,得其二婢,云:「道育 . 北還都。」上謂劭、濬已當斥遣道育,而猶與往來,惆悵惋駭。 其年二月,濟自京口入朝,當鎭江陵,復載道育還東宮,欲將西上。有告上云:「京口民 乃使京口以船送道育二

告以大事,自起拜斌等,因流涕,衆並驚愕,語在淑傳。明旦未開鼓,劭以朱服加戎服上,乘 畫輪車,與蕭斌同載,衞從如常入朝之儀,守門開,從萬春門入。舊制,東宮隊不得入城,劭 中庶子、右軍長史蕭斌,夜呼斌及左衞率袁淑、中舍人殷仲素、左積弩將軍王正見,並入宮, |之等集素所畜養兵士二千餘人,皆使被甲,召內外幢隊主副,豫加部勒,云有所討。 宿召前 道育婢將至,其月二十一日夜,詐上詔云:「魯秀謀反,汝可平明守闕,率衆入。」因使超

嘏 與門 鬔 逆,幷殺湛之。 刃 又殺太祖 震懼 殺 徑 吏部尚書江湛 上合殿。 衞云:「受敕,有所收討。」令後隊速來,張超之等數十人馳入雲龍、東中 不 ·時出,旣至,問曰:「欲共見廢,何不蚤啓。」未及答, 親信左右數十人。急召始興王濬,率衆屯中堂。 上其夜與尙書僕射徐湛之屛人語,至旦燭 劭進至合殿中閣,太祖已崩,出坐東堂,蕭斌執刀侍直 太祖 左細杖主卜天與攻劭於東堂,見殺。 猶未滅,直衞 叉召太尉江夏王義恭、尚書令何 又使人從東閤入殺 即於前斬之。 兵尙寢。 呼中 華 一門及 書舍人顧嘏 造人於崇禮 超之手行弑 齊閣 潘淑妃

前殿 與 道 科 頭 百僚 今罪 育所定。 劭 依 是 即爲位,爲書曰:「徐湛之、江湛弑逆無狀,吾勒兵入殿,已無所及,號惋崩衄,肝心破 大 侍 日 至者裁數十人,劭便遽 丁卯。」初使蕭斌作詔,斌辭以不文,乃使侍中王僧綽爲之。使改元爲太初,劭素 人斯得,元凶克殄,可大赦天下。改元嘉三十年爲太初元年。 行 以以 中 營道 皇帝 斌曰:「舊踰年改元。」劭 蕭斌爲散騎常侍、尚書僕射、領軍 大 侯 斂, 義綦為征 劭辭疾不敢出。 虜將軍 即位。 以問 、晉陵南 即位畢,稱疾還入永福省,然後遷大行皇帝升 先給諸王及諸處兵仗,悉收還武庫。 僧綽,僧綽曰:「晉惠帝即位,便改號。」劭喜 下邳二郡太守,鎮京城,尚書殷 將軍,何尚之爲司空,前 文武並 右 衛率檀 冲 爲 賜位二等。 殺 徐湛之、 侍 中、中 之戍 太極 而從

列

逆聞 参軍 江湛 萬。 持。 隊。 博訪 以侍 諸葛 親黨 遣 人文子、 人謂魯秀曰:「徐湛之常欲相危, 新除始興 公卿、詢求治道、薄賦 中王僧綽爲吏部尚書,司 詡 、右衞 徐興祖、 司馬江文綱。 內史荀赤松、新除尚書左丞臧凝之、山陰令傅僧祐、吳令江徽、前 詹叔兒、 、輕繇,損諸遊費。 陳叔兒、 以殷仲素 徒左長史何偃爲侍中。 我已爲卿除之矣。」 任建之等,並將校以下龍驤將軍帶郡,各賜 爲黃門侍郎,王正 田苑山澤,有可弛者,假與 成服日, 使秀與 見爲左軍 屯騎校尉龐 劢 登 將軍,張超之 一殿 臨 貧民 靈, 秀之 號 對掌 及 慟 征 錢二十 北行 諸 百

刺史。 以宿 軍。 陽 將 軍 尹 , 進世 恨下 王 江夏王 三月,遣大使分行四方,分断 僧 江夏王 獄 綽 祖 以先預 義恭 死。 號 義恭 征南將軍,加散騎常侍,撫軍將軍南平王鱳中軍將軍 禮官希旨,諡太祖 爲太保,司徒南譙王 廢立,見誅。 以太保領大宗師,諮稟之科,依晉扶 長沙王瑾、瑾弟楷、臨 以東五郡 不敢盡美稱,上諡曰中宗景皇帝。 義宣爲太尉,衞將軍、 爲會州 省揚州 川王 風 王 立司隸校尉,以殷沖補 燁、 荆州 故 事 桂陽侯覬、新渝 刺 史始 一會稽太守隨王誕 以雍 興王 州 濬 刺 史臧 進 侯 玠 號 之。 · () 質 驃 會州 爲丹 騎 以大 並 將

内, **教、給使,免軍戶,屬南彭城薛縣。** 移江 世 祖 夏王 及 南 義恭 譙王 住尙 義宣 書下舍, 隨王 誕諸方鎭並舉義兵。 義恭諸子住侍中下省。 一個下書,以中流起兵,當親率六師, 劭 聞義 自永初 師 元年以前 起, 悉聚 觀變江介,悉召下 諸王及大臣於 相 國府 入 傳 城

將吏。 加三吳太守軍號,置佐領兵。 四月、立妻殷氏爲皇后。

世祖檄京邑日

先旨以王室不造,家難亟結,故含藏容隱,不彰其釁,訓誘啓告,冀能革音。 噬,難發天屬者也。先帝聖德在位,功格區宇,明照萬國,道洽無垠,風之所被,荒隅變 情,發於齠齓,猜忍之心,成於幾立。 識,仁之所動,木石開心。而賊囚乘藉冢嫡,夙蒙寵樹,正位東朝,禮絕君后,凶慢之 君 色立朝,或聞逆弗順,並橫分階闥,懸首都市。宗黨夷滅,豈伊一姓,禍毒所流,未知 諸王幽閉窮省,[k] 存亡未測。徐僕射、江尚書、袁左率,皆當世標秀,一時忠貞,或正 不悛,同惡相濟,肇亂巫蠱,終行弑逆,聖躬離荼毒之痛,社稷有翦墜之哀,四海崩心, 人神泣血,生民以來,未聞斯禍。奉諱驚號,肝腦塗地,煩寃腷臆,容身無所。大將軍、 臣義合,理悖恩離,故堅冰之遘,每鍾澆末,未有以道御世,教化明厚,而當梟鏡反 夫運不常隆,代有莫大之釁。爰自上葉,或因多難以成福,或階昏虐以兆亂,咸由 賊濬險躁無行,自幼而長,交相倚附,共逞姦回。 何悟狂慝

昔人,義兼臣子,所以枕戈嘗膽,苟全視息,志梟元凶,少雪仇恥。今命冠軍將軍領諮 昔周道告難,齊、晉勤王,漢曆中圮,虛、牢立節,異姓末屬,猶或亡軀,況幕府職同

列

背 志須 揚 萬,授律枕戈,駱驛繼邁。 陽。 等,領壯勇五萬,相尋就路。 羽 軍 臧質忠烈協舉,雷動漢陰。 議 壓 塗,蜀、漢之卒,續已出境。 檄 卵 魯爽、前寧朔將軍王玄謨,並密信俱到,不契同期,傳檄三吳,馳軍京邑,遠近俱 中 旍 商 直 旣 時 萬 凡此 輔 其 う懷憤待用。 |兵柳元景、寧朔將軍領中直兵馬文恭等,統勁卒三萬,風 里。 馳 或 同 諸帥, ,華夷響會,以此衆戰,誰能抗禦,以此義動,何往 將軍領諮議中直兵宗慤等, 周之勢,曾何 . 思 樓艦騰 不盈一 皆英果權奇,智略深贍,名震中土,勳暢遐疆。 川,則滄江霧咽,銳甲赴野,則林薄摧根。 先聖靈澤,結在民心,逆順 旅,崇極羣小,是與比周,哲人君子, 足云。 司徒叡哲淵謨,赫然震發,徵甲八州,電起荆郢。 又安東將軍誕、平西將軍遵考、前撫軍將軍 冠軍將軍朱脩之誠節亮款,悉力請奮。 支軍別統,或焚舟破釜,步自姑孰, 勒甲楯二萬, 大數,冥發天理,無父之國, 征虜將軍領司馬武昌內史沈慶之 不捷。 必 加積 謀臣智士,雄 幕府親董精悍一十餘 或迅檝蕪湖, 馳徑造石頭,分趨白 息。 況逆醜 荆、雍百 蕭思話 傾 海注 無親,人鬼所 夫毅卒,畜 天下無之。 萬,稍次近 冠 一螢,頹 征 軍 入據雲 」房將 一將軍 Щ

茹 感,不可爲心。 諸 君 或 変世 貞賢,身□ 大軍近次,威聲已接,便宜因變立功,洗雪滓累,若事有不獲,能背逆]皇渥,或勳烈肺腑,休否攸同。 拘逼 巡對, 俛眉寇手, 含憤

月。 歸順,亦其次也;如有守迷遂往,黨一凶類,刑茲無赦,戮及五宗。賞罰之科, 原 火一燎,異物同灰,幸求多福,無貽後悔。書到宣告,咸使聞 知 信如日

者,猶冀弟迷而知返耳。故略示懷,言不盡意。主上聖恩,每厚法師,今在殿內住,想弟欲 蒙眷遇,著自少長,東宮之歡,其來如昨,而信惑姦邪,忘茲恩友,此之不義,人鬼同疾。今 具。今主上天縱英聖,靈武宏發,自登宸極,威澤兼宣,人懷甘死之志,物競舍生之節。 戒嚴。 知消息,故及。」鳥羊者,南平王鱳;法師,世祖世子小名也。 水步諸軍悉已備辦,上親御六師,太保又乘鉞臨統,吾與烏羊,相尋即道。 唯 起狂檄,阻兵反噬,縉紳憤歎,義夫激怒。古來陵上內侮,誰不夷滅,弟洞覽墳籍,豈不斯 |恐賊虜不敢動爾。」司隸校尉殷沖掌綜文符,左衞將軍尹弘配衣軍旅,蕭斌總衆事。 中外 劭 自 防守世祖子於侍中下省,南譙王義宣諸子於太倉空屋。劭使濬與世祖書曰:「聞弟忽 謂 素習武事,語朝士曰:「卿等但助我理文書,勿措意戎陳。若有寇難,吾當自出, 所以淹霆緩電 弟

卒,船舫陋小,不宜水戰。 考鎭東府。「刊濬及蕭斌勸劭勒水軍自上決戰,若不爾,則保據梁山。江夏王義恭慮義兵倉 驅逼,今忽誅其餘累,正足堅彼意耳。」劭謂爲然,乃下書一無所問。使褚湛之戍石頭,劉思 酚欲殺三鎭士庶家口,江夏王義恭、何尚之說之曰:「凡舉大事者,不顧家口。且多是 乃進策曰:「賊駿少年未習軍旅,遠來疲弊,宜以逸待之。 今遠出

傳

六條 梁山 子 先 惡, 行 所 朝 情 觀釁。」劭 ,以褚 爲 以 :未離,云尚可決力一戰。 軍 廷舊臣悉 勢據上流, 南兗州 事 固 南 ,慰勞將 龐 則京都空弱 ず、中軍 平王 秀之 石頭,俟諸侯勤王爾。我若守此,誰當見救。 湛 善其議,公蕭 之爲後將軍、丹陽尹,置佐 自 | 鑠右軍參軍, 励以其有將用,故以 不爲己用,厚接王羅漢、魯秀,悉以兵事 將軍 刺 士,親督都水治船艦,焚南岸,驅百姓家 石頭 沈慶之甚練軍事,柳元景、宗慤屢嘗立功。 史,新除左將軍、丹陽 南平王鑠爲使持節、都督南兗兗靑徐冀五 ,東軍乘虛,容能爲患。 先 衆 南 斌厲色曰:「南中郎二十年少,業能建如此大事,豈復 E奔,人 端坐臺城,何由得久。 (情由 是大震。 尹建平王宏爲散騎常侍、鎭軍 史,驃騎將軍始興王濬爲侍中、中書監 若分力兩赴, 以 心膂委焉。 征 ·委之, 房將 主 悉渡水北。 唯應力戰決之,不然不 相 則兵散勢離。 咸 軍 多賜珍玩美色,以悅 形勢 營道侯 或勸劭保石頭城者,劭 無戰意,此自天 州 諸 如 使有 軍 義綦卽 (此,實 事 將 軍 征 司 不如養銳待期, 二、江州 奏立 非 北 本 也 小 號 將 剋。」日 子偉之 敵。 司 可量。 爲 軍、開 刺 其 湘州 徒、 史。 唯 意 日 不 1:「昔人 納。 府 錄 爲 三方同 日 宜 刺 坐而 尚 皇太 自 儀 羅 及 史, 書 同 出 漢 疑 人

輔 國 將 軍 檀 和 之爲 西 一中郎 將、雍 州 刺 史。

劭 召秀與王羅漢共屯朱雀門。 + 九 日 義 軍 至新林,劭 登石 蕭斌 頭 統步軍,褚湛之統水軍。 烽 火 樓望之。 二十一日,義 二十二日,使蕭斌率魯秀、王 軍至新亭。 時 魯 秀 屯 i 白石,

子左衞率。二十五日,義恭單馬南奔,自東掖門出,於冶渚過淮。 質門人,治渚軍主原稚孫是世祖故史,義恭得免。砌遣騎追討,騎至冶渚,義恭始得渡淮。 縣,悉屬司隸爲民。以前軍將軍、輔國將軍王羅漢爲左衞將軍,輔國如故,左軍王正見爲太 秀又南奔。 門,蕭斌臂爲流矢所中。 平王鑠爲祝文,罪狀世祖 宮內、啓顙乞恩、拜爲大司馬、封鍾山郡王、[10]食邑萬戶、加節鉞。 蘇侯爲驃騎將軍。 義恭佐史義故二千餘人,隨從南奔,多爲追兵所殺。 太子,百官皆戎服,砌獨袞衣。下書大赦天下,唯世祖、劉義恭、義宣、誕不在原例,餘黨一 無所問。 、南兗州刺史南平王鑠進號驃騎將軍,與濬並錄尚書事。二十七日,臨軒拜息偉之爲 先遣太保參軍庾道、員外散騎侍郎朱和之,四四又遣殿中將軍燕欽東拒誕。 加濬使持節、都督南徐會二州諸軍事、領太子太傅、南徐州刺史,給班劍二十人,征北 列 時江夏王義恭謀據石頭, 褚湛之携二子與檀和之同共歸順。 會劭已令濬及蕭斌備守。 遣濬殺義恭諸子。以輦迎蔣侯神像於 砂駭懼, 走還 臺城。 劭並焚京都軍籍, 東掖門隊主吳道興是臧 其夜,魯

軍

斂軍

遽止,爲柳元景等所乘,故大敗。

羅

漢等精兵萬人攻新亭壘,砌登朱雀門躬自督率,將士懷劭重賞,皆爲之力戰。

砌又率腹心同惡自來攻壘,元景復破之,砌走還朱雀

將克,而秀

置立郡

五月,世祖

尙 所 叉使司 方, 遣 参軍 決破 '隸治中監琅邪郡事羊希栅斷班瀆、白石諸水口。 于時男丁旣盡,召婦女親役。 顧 柏崗方山埭以絕東軍。又悉以上守家之丁巷居者,綠淮竪舶船爲樓,多設大弩。 彬 之及誕前 軍,並至曲阿,與道相遇,與戰,大破之。 **励遣人焚燒都水西裝及左**

心閉守六門,於門內鑿塹立栅,以露車爲樓,城內沸亂,無復綱紀。 所爲,宣令所統,皆使解甲,自石頭遣息約詣闕請罪,尋戴白幡來降,卽於軍門伏誅。 孟 宗嗣等下及將吏,並踰城出 1酣作伎,聞官軍已渡,驚懼放仗歸降。 其月三日,魯秀等募勇士五百人攻大航,鉤得一舶。 一奔。 劭使詹叔兒燒輦及袞冕服。 緣渚幢隊,以次奔散,器仗鼓蓋,充塞街衢。 王羅漢副楊恃德命使復航,羅漢 蕭斌聞大航 丹陽尹尹弘 不守,惶窘不知 、前軍將軍 是夜,

於 軍 廣莫門 八越城 祚 入 主 徐 建陽門,遙見官軍,所領並棄仗走。 入 與安都 四 ,人,同· 遇江夏王義恭,濬下馬曰:「南中郎今何所作。」義恭曰:「四海無統,百司固請,上已 武 興祖、羅訓 日 庫井 ,太尉江夏王義恭登朱雀門,總羣帥,遣魯秀、薛安都、程天祚等直 副 會太 中, |譚金因而乘之,即得俱入。 、虞丘要兒等率衆來降。 極殿前,即 隊副高 禽執之。 斬 太子左衞 濬率 左右數十人,與南 安都及 率王 砂腹 砌先遣龍驤將軍陳叔兒東討,事急,召還。 Œ 心白直諸同逆先屯閶闔門外, 見。 軍主武念、宗越等相繼進,自己臧質大軍從 建平、東海等七王 平王鑠於 西明門出, 一並號 災俱 趣宣陽門。劭 並走還 俱共 世。 入殿。 劭穿 是日

耶。」義恭 俯 順羣心,君臨萬國。」又曰:「虎頭來得無晚乎。」義恭曰:「殊當恨晚。」又曰:「故當不死 曰:「可詣行闕請罪。」 又曰:「未審猶能賜 一職自効不。」義恭又曰:「此未可量。」勒

與俱

歸,於道斬首

史,將軍 督湘州諸軍事 騎常侍,進號 |濬字||休明,將產之夕,有鵬鳥鳴於屋上。||元嘉十三年,年八歲,封始興王。十六年,都 如故。 中軍將軍 、後將軍 十七年,爲揚州刺史,將軍如故,置佐領兵。 、湘州刺史。 仍遷使持節、都督南豫豫司 十九年,罷府。二十一年,加散 雍幷五州諸軍事 、南豫州 刺

與吳興太守孔山士同共履行,准望地勢,格評高下,其川源由歷,莫不踐校,圖畫形便,詳加 簿盛曇泰 噎不利,故處處涌溢,浸漬成災。欲從武康紵溪開漕谷湖,直出海口,一百餘里,穿渠浛必 之弊,方在未已。 則穰被京城,時或水潦,則數郡爲災。 無閡滯。 至漂沒。 明年,濬上言:「所統吳興郡,衿帶重山,地多汙澤,泉流歸集,疏決遲壅,時雨未過,已 隨 自去踐行量度,二十許載。去十一年大水,已詣前刺史臣義康欲陳此計,卽遣 或方春輟耕,或開秋沈稼,田家徒苦,防遏無方。 · 順周行,互生疑難,議遂寢息。 旣事關大利,宜加研盡,登遣議曹從事史虞長 州民姚嶠比通便宜,以爲二吳、晉陵、義興四郡,同注太湖,而松江 頃年以來,儉多豐寡,雖賑賚周給,傾耗國儲,公私 彼邦奧區,地沃民阜,一歲稱稔, 滬賣壅 主

列

算考,如所較量,決謂可立。 民,卽時營作。 之所建,雖則芻蕘,如或非妄,庶幾可立。」從之。 由永晏。 然興創事大,圖始當難。 若宜更增廣, 尋四郡同患,非獨吳興,若此浛獲通,列 尋更列言。 今欲且開小漕, 昔鄭國敵將,史起畢忠,一開其說,萬世爲利。 功竟不立。 觀試流勢, 輒差烏程、武康、東遷三縣近 邦蒙益。 不有暫勞,無 嶠

校尉,持節、常侍如故。 十年,徙都督荆雍益梁寧南北秦七州諸軍事、衞將軍、開府儀同三司、荆州刺史、領護南蠻 開府儀同三司、南徐]兗二州刺史,常侍如故。 二十三年,給鼓吹一部。二十六年,出爲使持節、都督南徐克二州諸軍事、征北將軍 二十八年,遣濬率衆城瓜步山,解南兗州。

散騎侍郎徐爰求鎭江陵,又求助於尙書僕射徐湛之。 揚州,時江夏王義恭外鎮,濬謂州任自然歸己,而上以授南譙王義宣,意甚不悅。 千人自隨,優遊外藩,甚爲得意。 之遂善。多有過失,屢爲上所詰讓,憂懼,乃與劭共爲巫蠱。 性忌,以潘氏見幸,遂以恚恨致崩,故砌深疾潘氏及濬。 又至愛,太祖甚留心。 濬少好文籍,姿質端妍。母潘淑妃有盛寵。 建平王宏、侍中王僧綽、中書侍郎蔡興宗並以文義往復。初,元皇后 在外經年,又失南克,於是復願還朝。 時六宮無主,潘專總內政。 而尚書令何尚之等咸謂濬太子次弟, 濬慮將來受禍,乃曲意事劭,劭與 及出鎮京口,聽將揚州文武二 廬陵王紹以疾患解 濬人才旣美,母 乃因員外

嬖

人人楊承

不聽

良久

「汝始咒

今日

用

1/1

發

明旦

不

宜遠出。

上以

上流之重,宜有至親,故以授濬。

時濬入朝,遣還京,爲行留處分。

至京數

知

事

之濟

憑

傳

粟,不過三日,凶黨自離。 頭 城 其悖逆乃如 入, 見劭 止濬,濬 《自守, 兵士 勒 不從。 一亦千餘 非 臣 殺 此 節 荀赤松等。 出至· 人。 也。」濬 中門、王慶又 俄 而 不 **劭遣張超之馳馬召濬,濬屏** 公情事 聽, 砂謂濬曰:「潘淑妃遂爲亂兵所害。」濬曰:「此是下情由來所願 乃從南門出,徑向 ⟨諫曰:「太子反逆,天下怨憤。 如此,今豈宜去。」濬曰:「皇太子令,敢有復言者斬。」 石頭,文武從者千餘 人問狀,卽戎服乘馬 明公但當堅閉城門,坐 人。時南 而 去。 平王樂守 朱 法 食 瑜 旣 積 固

情。」人情離散,故行計不果。 畢 ,願速敕謝賜 及砌將敗,勸劭 出船艦。 入海, 輦珍寶繒帛下船, 與劭書曰:「船故未至, 今晚期當於此下物令 尼已入 濬書所云尼,即嚴 臺, 願與之明 日 道育 決 也。 也 臣猶謂 車駕應出此, 不爾無以鎭物

殿前 日 曰:「殺諸弟,此事負阿父。」江湛妻庾氏乘車駡之,龐秀之亦加誚讓,劭厲聲曰:「汝輩復何 王 見 義 枉 恭 ",臧質 主上 廢,不能作 及劭 與諸 近在 入井,高禽於井中牽出之,砌問禽曰:「天子何在。」禽曰:「至尊近在新亭。」將劭 見之慟哭,劭曰:「天地所不覆載,丈人何爲見哭。」質因辨其逆狀,答曰:「先朝 王 音典 航 獄 南,自當有處分。」縛砌於馬上,防送軍門。 中 臨 囚,問計於蕭斌,斌見勸 視 之。 義恭 詰劭 日:「我背逆歸順,有 如 此。」又語質曰:「可得爲啓,乞遠徙不。」質 何大罪,頓 既至牙下,據鞍顧望,太尉 殺我家十二見。」劭 江 答 當 夏 至

煩爾一」先殺其四子,謂南平王鱳曰:「此何有哉。」乃斬劭于牙下。 至於此。」曰言 臨刑歎曰:「不圖宗室一

之所,爲亂兵所殺。割腸刳心,臠剖其肉,諸將生噉之,焚其頭骨。當時不見傳國璽,問劭, 濟尸首於江,其餘同逆,及王羅漢等,皆伏誅。張超之聞兵入,逆走至合殿故基,正於御床 丹陽尹湛之女,湛之南奔之始,即見離絕,故免於誅。其餘子女妾媵,並於獄賜死。投劭、 無罪人。」恪曰:「受拜皇后,非罪而何。」殷氏曰:「此權時爾,當以鸚鵡爲后也。」濬妻褚氏, 暴尸於市。 云:「在嚴道育處。」就取得之。 劭、濬及劭四子偉之、迪之、彬之、其一未有名,濬三子長文、長仁、長道,並梟首大航, 励妻殷氏賜死於廷尉,臨死,謂獄丞

江恪曰:「汝家骨肉相殘害,何以枉殺天下 道育、鸚鵡並都街鞭殺,於石頭四望山下焚其尸,揚灰于江。

封高禽新陽縣男,食邑三百戶。追贈潘淑妃長寧園夫人,置守冢。

毁励東宮所住齋,汙潴其處。

中,歷太子左右衞率、左右衞將軍,□人官爵高下,皆以委之。 處分,又爲劭簡配兵士,盡其心力。弘,天水冀人,司州刺史沖弟也。爲太祖所委任。 日平旦入直,至西掖門,聞宮中有變,率城內禦兵至閣道下。及聞劭入,惶怖通啓,求受 偽司隸校尉殷沖,丹陽尹尹弘,並賜死。沖爲劭草立符文,又妃叔父也。弘二月二十

萬二國,棄夏卽戎,武靈胡服,亦背華典。 興天屬,穢流牀第,愛敬之道,頓滅一時,生民得無左衽,亦爲幸矣。 史臣曰:甚矣哉,宋氏之家難也。 自赫胥以降,立號皇王,統天南面,未聞斯禍。 **戕賊之釁,事起肌膚,而因心之重,獨止此代。難** 唯荆、

校勘記

- 彼人若爲不已 「若」字下通鑑朱元嘉二十九年有「所」字。
- 正可促其餘命 「促」各本並作「保」、據南史、通鑑宋元嘉 二十九年改。
- [1] 前右衞率檀和之戍石頭 「右衞率」林邑傳作「左衞率」。
- 尙書殷沖爲侍中中 支 尙 書爲元凶侍中、護軍。 護軍 「殷沖」各本並作「殷仲景」。 此般仲景又一人,按卽沖字誤,又行景字。」按孫說是,今改正 孫彰宋書考論云:「據殷淳傳,殷沖以度
- 五. 新 渝 侯 玠 各本 並作「新諭侯球」,據南史、通鑑、本書長沙王道鄰傳改。
- 大將 軍諸王幽閉窮省 閉 各本並作「閑」。襲道耕蛛隱廬日箋云:「閑當作閉。」 按龑說是,

今改正。

宗室營浦侯遵考傳,張校是,今改正。

トキノ

- **砂善其議** 「議」各本並作「義」,據南史改。
- へたし 唯宜及人情未離 各本並脱「未離」二字、據通鑑補。
- C_{0} 封鍾 山郡王 通鑑無「郡」字、是。鍾山、山名、非郡名。
- 先遣太保參軍庾道員外散騎侍郎朱和之 「庾道」竟陵王誕傳、元龜三七九作「庾導」,南史作

「庾遵」。

安都及軍主武念宗越等相繼進

「宗越」各本並作「宋越」,據本書宗越傳改。

- 不圖宗室一至於此 「宗室」南史作「宋室」。

宋書卷一百

列傳第六十

自序

恪,將作大匠。 降劇賊尹良,漢光武嘉其功,封爲海昏縣侯,辭不受。 也。[1]春秋之時,列於盟會。定公四年,諸侯會召陵伐楚,沈子不會,晉使蔡伐沈,滅之,以 孫保,封竹邑侯。 沈子嘉歸。 以處太原, 昔少暭金天氏有裔子曰昧,爲玄冥師,生允格、臺駘。 達子乾,尚書令。乾子弘,南陽太守。弘子勗,河內守。勗子奮,御史中丞。 帝顓頊嘉之,封諸汾川。 其後因國爲氏。 恪子謙,尚書、關內侯。 保子遵,自本國遷居九江之壽春,官至齊王太傅、敷德侯。 自茲以降,譜諜罔存。秦末有沈逞,徵丞相,不就。 其後四國,沈、姒、蓐、黄。沈子國,今汝南平輿沈亭是 謙子靖,濟陰太守。 因避地徙居會稽鳥程縣之餘不鄉,遂 | 婧子||戎字||威卿,仕州爲從事,說 臺駘能業其官,宣汾、洮,障大澤 遵子達, 漢初逞會 奮子 驃 騎

列傳

第

六

師,義熙十一年,高祖賜館于建康都亭里之運巷。 後,太康二年,改永安爲武康縣,史臣七世祖延始居縣東鄉之博陸里餘烏邨。 縣,吳孫皓寶鼎二年,分吳郡爲吳興郡,復爲郡人,雖邦邑屢改,而築室不遷。 世家焉。順帝永建元年,分會稽爲吳郡,復爲吳郡人。靈帝初平五年,分烏程、餘杭 晉武 王父從官京 帝平吳 為永安

從事史。時廣陵太守陸稠,鸞之舅也,以義烈政績,顯名漢朝,復以女妻鸞。 相,演之、慶之、曇慶、懷文其後也。「三」滸子鸞字建光,少有高名,州舉茂才,公府辟州別駕 子直字伯平,州舉茂才,亦有清名,年二十八卒。 成子酆字聖通,零陵太守,致黃龍芝草之瑞。第二子滸字仲高,安平相。 年二十三,早 少子景,河間

妄交納,唯與族子仲山、叔山及吳郡陸公紀友善。州郡禮請,二府交辟,公車徵,並不屈,以 殄滅邪。」三年禮畢,殆至滅性,故兄弟並以孝著。瑜早卒。儀篤學有雅才,□□以儒 盛孝章,漢末名士也,深加憂傷,每撫慰之,曰:「汝並黃中沖爽,終成奇器,何爲逾制, 時海內大亂,兵革並起,經術道弛,士少全行,而儀淳深隱默,守道不移,風操貞整,不 子儀字仲則,少有至行,兄瑜十歲儀九歲而父亡,居喪過禮,毀瘠過於成人。 外祖 會稽 素自 自取

子憲字元禮,左中郎、新都都尉、定陽侯,才志顯於吳朝。子矯字仲桓,以節氣立名,仕

將軍,命參軍事。 林、長沙太守,並不就。 爲立武校尉、偏將軍,封列侯,建威將軍、新都太守。孫晧時,有將帥之稱。 徐馥作亂,殺吳興太守袁琇,陵討平之。子延字思長,桓溫安西參軍、潁 太康末卒。子陵字景高,太傅東海王越辟爲從事。 元帝之爲鎭東 吳平後,為鬱

弟子、執在三之敬。警累世事道、亦敬事子恭。子恭死、門徒孫泰、泰弟子恩傳其業、警復 學,亦通左氏春秋。王恭命爲前軍主簿,與警書曰:「足下旣執不拔之志,高臥東南,故屈賢 警曰:「沈參軍,卿有獨善之志,不亦高乎。」警曰:「使君以道御物,前所以懷德而至,旣 踵埭執穆夫及僞吳郡太守陸瓊之、吳興太守丘尫,並見害,函首送京邑,事見隆安故事。 參軍、振武將軍、餘姚令。其年十二月二十八日,恩爲劉牢之所破,輔國將軍高素於山陰回 事之。隆安三年,恩於會稽作亂,自稱征東將軍,三吳皆響應。穆夫時在會稽,恩以爲 子共事,非以吏職嬰之也。」初,錢唐人杜子恭通靈有道術,東土豪家及京邑貴望,並事之爲 有舊好,復引爲參軍,手書慇懃,苦相招致,不得已而應之,尋復謝職。子穆夫字彥和,少好 佐時,故遂飮啄之願耳。」還家積載,以素業自娛。前將軍、靑克二州刺史王恭鎭京口 謝安命爲參軍,甚相敬重。警內足於財,爲東南豪士,無仕進意,謝病歸,安固留不止,乃謂 子警字世明,惇篤有行業,學通左氏春秋。 。子賀字子寧,桓沖南中郎參軍,圍袁眞於壽陽,遇疾卒。 家世富殖,財產累千金,仕郡主簿,後將軍 ,與警 減前部 無用

仲夫、任夫、預夫、佩夫並遇害,唯穆夫子淵子、雲子、田子、林子、虔子獲全。 人沈預素無士行,爲警所疾,至是警聞穆夫預亂,逃藏將免矣,預以告官,警及穆夫、弟

道規 輔國、征西參軍,領寧蜀太守。 淵子字敬深,少有志節,隨高祖克京城,封繁時縣五等侯。參鎭軍、車騎中軍事,又爲 與劉基共斬蔡猛於大簿,還爲太尉參軍,從征司馬休

之,與徐逵之同沒。時年三十五。

後應之,不爲晚也。」正曰:「天下若有無父之國,則可矣。 寵。」琛曰:「江東忘戰日久,士不習兵。雖云逆順不同,然强弱又異,當須四方有義舉者,然 若馳一介,四方詎不響應。 刺史。誕將受命,正說司馬顧琛曰:「國家此禍,開闢未聞,今以江東義銳之衆,爲天下倡始, 軍安南行參軍。 大夫演之稱之曰:「此宗中千里駒也。」出爲始寧、烏傷、婁令,母憂去職。服闋,爲隨王誕後 不如荆、齊之賤士乎。況殿下義兼臣子,事實家國者哉。」琛乃與正俱入說誕,誕猶預未決。 於餘方。今正以弑逆冤醜,義不同戴,舉兵之日,豈求必全耶。 會尋陽義兵起,世祖使至,誕乃加正寧朔將軍,領軍繼劉季之。誕入爲驃騎大將軍,正爲中 子正字元直,淹詳有器度,美風姿,善容止,好老、莊之學。弱冠,州辟從事。宗人光祿 誕鎭會稽,復參安東軍事。元嘉三十年,元凶弑立,分江東爲會州,以誕爲 以此雪朝庭冤恥,大明臣子之節,豈可北面凶逆,使殿下受其僞 **苟其不爾,寧可自安讎恥,而責義** 馮衍有言, 大漢之貴臣, 將

兵參 委以 全齊之任。 軍,遷長水校尉。 未拜,二年卒,時 孝建元年,移青州鎮歷城,臨淄地空,除寧朔將軍、齊北海二郡太守, 年四十三。 正 生好樂,厚自奉養,旣終之後,家無餘

淵子弟雲子,元嘉中,爲晉安太守。

僚皆 入臺。 {傳。 元徽 中,以爲寧遠將軍 以 仍除 雲子子煥字 諂 劭 旣 進,煥獨 丞 自立 相行參軍 一以爲 士蔚, 不。 員 交州 頃之, 羽 少爲駙馬都尉、奉朝請。 林監,辭不拜,拜員外散騎侍郎,使防 外散騎侍郎,南昌 刺史,未至鎭,病卒,時年四 記室參軍周敬 令,有能 祖等為太宗 元凶之入弑也,煥時兼中庶子,直坊, 名。 所責 晉平王休 + 五 得罪,轉煥諮議參軍。 南譙王義宣 :祐驃騎中兵記室參軍,同 諸子,事在義宣 後廢帝 逼從

龍符 熙五 田 加 子 振 年,高 ,克平廣州 寡弱 戦沒 慮季高 武 田 將 子字敬光,雲子弟也。 不能 重 祖北伐鮮卑,田子 田 孤 子力戰破 循黨徐道覆還保始興,田子 危,謂藩 持人。 豊 可 坐視 日「廣州城雖 之。 若使賊還 危逼,不相拯救。」於是率軍南還,比至, 及盧循逼京邑, 領偏 從高 據 師 祖 此, 與龍驤 克京 險固,本是賊之巢穴,今循 凶勢復 復 城,進平京邑,參鎭 將軍 高祖 與 振。 右將軍 遣 孟龍 下官與季 田 劉藩 子 符 爲前 與 建 同 威 高 共 鋒。 軍 還圍 攻討 將軍 軍 同 履 事,封營道縣五等侯。 慕容超屯臨朐 賊已收其 之,或 艱 孫 季高 難 循 · |葬還 有 汎 由 (散卒) 內 滄 廣州 海 變。 海 道 以 距大 圍 襲 還圍 於 且 季高, 廣 季高 萬 州 死

列傳

第

武將軍、淮陵內史,賜爵都鄉侯。 鋒追討,又破循於蒼梧、鬱林、寧浦。 還至廣州,而季高病死。 城郭、殺害長吏,田子隨宜討伐,旬日平殄。刺史褚叔度至,四乃還京師。 季高單守危迫,聞田子忽至,大喜。 復參世子征虜軍事,將軍、內史如故。 田子乃背水結陳。身率先士卒,一戰破之。 旣兵荒之後,山賊競 八年,從計劉毅。 除太尉 參軍、振 出,攻沒 於是推 太守。

所殺萬餘人,得泓偽乘輿服御。高祖 舍,躬勒士卒,前後奮擊,所向摧陷。所領江東勇士,便習短兵,鼓譟奔之,賊衆一時潰散, 衆。」弘之猶固執,田子曰:「衆寡相傾,勢不兩立。 若使賊圍旣固,人情喪沮,事便去矣。及 疑兵,所領裁數百,欲擊之。 傅弘之曰:「彼衆我寡,難可與敵。」田子曰:「師貴用奇,不必在 棄衆,奔還覇西,咸陽空盡,義徒四合,淸蕩餘燼,勢在跂踵。」天子慰勞高祖曰:「逋寇阻隘, 領 卒曰:「諸君捐親戚,棄墳墓,出矢石之間,正希今日耳。封侯之業,其在此乎。」乃棄糧毀 其未整,薄之必克,所謂先人有奪人之志也。」便獨率所領鼓而進。合圍數重,田子撫慰士 十一年,復從討司馬休之,領別軍,與征虜將軍趙倫之,參征虜軍事、振武將軍、扶風 勁 大軍,慮田子襲其後,欲先平田子,然後傾國東出。乃率步軍數萬,奄至靑泥。 一般,背城電激,身先士卒,勇冠戎陳,奮寡對衆,所向必摧,自辰及未,斬馘千數。
心喪旗 十二年,高祖北伐,田子與順陽太守傅弘之各領別軍,從武關入,屯據靑泥。 表言曰:「參征虜軍事、振武將軍、扶風太守沈田子,率 姚泓欲自 田子本為

官,又言災異,轉西曹主簿。

時三吳水淹,穀貴民饑,刺史彭城王

亮字道明,清操好學,善屬文。

未弱冠

一州辟

從事。

會稽太守孟

顗

在郡

不

法

亮糾劾免

出北 矯高 地, 安, 振, 安橐倉門外,是歲義熙十四年正月十五 弘之營內 高祖 酒賜 林,俘獲蔽野,爲首奔进,華、戎雲集,積紀逋寇,旦夕夷殄。」長安旣平,高祖燕于文昌殿,舉 則郊 高祖 晏安假 以田子爲安西中兵參軍 武 論 田子 表天子,以田子卒發狂易,不深罪 祖 日 地禦之。 壘 臣 者謂鎭惡欲盡殺諸南 ··「今留卿文武將士精兵萬 令誅 疊卷,崤陝 日,舉斧函谷,規延王誅,羣師勤王,將離寒暑。 口效節, 請 日「咸陽之平, 之,併力破佛佛,安關中,然後南還謝罪。 鎮惡計事,使敬仁於坐殺之,率左右數十 初,高祖 田子何力之有。」卽授咸陽、始平二郡太守。 甫踐,則潼塞 將還, 卿之功也。」即以咸陽 龍 人,以數千人送義眞南還,至因據關中反叛。 田子及傅弘之等並以鎭惡家在關中,不可 開局。 驤將軍、始平太守。 人。 彼若欲爲不善,正足自滅耳。 也。 姚泓窘逼,棄城送死, 日 也。 無子,弟林子以第 時年三十六。 相賞。 時佛佛來寇,田子與安西司馬王鎭惡 人自歸義真。 田子宗 田子 公躬秉鈇鉞,稜威首塗, 謝曰:「咸陽之平, 大軍旣還,桂陽公義眞留鎭 二子亮 藍田偏 人沈敬仁驍果有勇 田子 初以 長史王修收殺田子於長 爲 勿 師,覆之霸川, 後 、保信, 功應封, 復多言。」 田子 屢言之高祖 此實聖略 因 力,田子於 與 戎輅載脂, 及俱出北 弘之謀 此事寢 甲首成 俱 所

一義康使立議

以救民急,亮

豐,邑富地穰,麥旣已登,黍粟行就,可析其估賦,仍就交市,三吳饑民,卽以貸給,使强 留一年儲,餘皆勒使糶貨,爲制平價,此所謂常道行於百世,權宜用於一時也。 鎭 運,以贍老弱。 以一 歷陽,行參征虜軍事。民有盜發冢者,罪所近村民,與符伍遭劫不赴救同坐。亮議曰: 東土災荒,民凋穀踊,富民蓄米,日成其價。 且酒有喉唇之利,而非飡餌所資,尤宜禁斷,以息遊費。」卽並施行。 宜班下所在,隱其虛實,令積蓄之家, 又緣淮歲 世祖出 壯 轉

壟非恒 迹"劫掠之黨,必歡呼以威其事。 **葬發冢之情,事止竊盜,徒以侵亡犯死,故同之嚴科。** ·塗所踐,至於防救,不得比之村郭。 督實劾名, [k] 理與劫異,則符伍之坐,居宜 故赴凶赫者易,應潛密者難。 夫穿掘之侶,必銜枚以晦其 且山原爲無人之鄉,丘

降矣。 叉結罰之科,雖有 同符伍之限,而無遠近之斷

其 責。 夫 防民之禁,不可頓去,止非之憲,宜當其律。 冢 無村界,當以 比近坐之,若不域之以界,則數步之內,與十里之外,便應同罹 愚謂相去百步內赴告不 時者,行

一歲刑,自此以外,差不及罰。

之體,氣用湮 制休老以六十爲限,役少以十五爲制,若力不周務,故當粗存優減。」詔曰:「前已令卿兄改 叉啓太祖 陳 府事曰:「伏見西府兵士,或年幾八十,而猶伏隸,或年始七歲,而已從役。 微,兒弱之軀 ,肌膚未實,而使伏勤昏稚,騖苦傾晚,於 理旣薄,爲 益 實輕。 衰耗

革, 尋值遷回, 竟是不施行耶, 今更勑西府也。」 時營創城府, 功課嚴促, 亮又陳之曰

限,方涉暑雨, 不日之成。 宜,無繫早晚。 經始城宇,莫非造創,基築旣廣,夫課又嚴,不計其勞,苟務其速,以歲月之事,求 比見役人未明上作,閉鼓乃休,呈課旣多,理有不逮。 多有死病,頃日所承,亦頗有逃逸。 若得少寬其工課,稍均其優劇,徒隸旣苦,易以悅加,考其卒功,廢闕 竊惟此旣內藩,事殊外鎮,撫莅之 至於息日, 拘備 關

臣聞不居其職,不謀其事,庖割有主,尸不越樽,豈臣疎小,所當預議。 但臣泳恩 無幾。

歲厚,服義累世,苟是所懷,忘其常體。

當不同,卿比可密觀其優劇也。」始興王濬臨揚州,復爲主簿、秣陵令,善擿姦伏,有非必禽。 太祖 韶答曰:「啓之甚佳。 稱其能,入爲尚書都官郎 此亦由來常患,比屢敕之,猶復如此,甚爲無理。近復令孟休宣旨,想

南陽 天子 寡老疾不能自存者,皆就蠲養,耆年老齒,歲時有餼。 甚留心,以舊宛比接二關,咫尺崤、陝,蓋襄陽之北扞,且表裏强蠻, 太守,加揚武將軍。 襄陽地接邊關,江左來未有皇子重鎭。元嘉二十二年,世祖出爲撫軍將軍、雍州 邊蠻畏服,皆納賦調,有數村狡猾,亮悉誅之。 時儒學崇建,亮開置庠序,訓授生徒。 盤帶 遣吏巡 疆場 行 諸縣,孤 以亮爲 刺史。

列傳

場,區 中 南譙 職同。」□□□□ 成產、偉連撫民、開奧增業、惠昭二邦、庸列兩漢。 務,拓土祈年之日。 彫毀,獫狁肆凶,犬夷充疆,遠肅烽驛,近虞郊閈,遂使沃衍弗井,巨防莫修,窘力輟耕,闕 「施生興業,首教農畝,立民崇政,訓本播穡,故能殷邦康俗,禮節用成。 誄、哀辭、祭告請雨文、樂府、挽歌、連珠、敎記、白事、牋、表、籤、議一百八十九首。 勳器,輒 分地,凶荒無待,流冗及今。禮化孚內,威禁淸外,斯實去盜修畎,昭農緒稼之時,弘圖 民多發冢,幷婚嫁違法,皆嚴爲條禁。 兵,領義成太守。 王義宣司空中兵參軍,詔曰:「陜西心膂須才,故授卿此職。」隨王誕鎮襄陽,復爲後軍 野腴潤,實爲神臯,而蕪決稍積,久廢其利,凡管所見,謂宜創立。昔文翁守官,起沃 班資焉。又賜書二千卷。二十七年,卒官,時年四十七。所著詩、賦、頌、讚、三言、 亮莅官清約,爲太祖所嘉,賜以車馬服玩,前後累積。每遠方貢獻絕國 殿下降心育物,振民復古,且方提封榛棘,綏入殊荒。 郡界有古時石場,蕪廢歲久,]又修治馬人陂,民獲其利。 在任四年,遷 雖効政圖功,不見所絕,聯事惟忝,憂同 亮籤世 頃北洛侵蕪,南宛 竊見郡境有舊石 祖修治之,日。 廣

而 哀號畫夜不絕聲。王母謂之曰:「汝當忍死强視,何爲空自殄絕。」林子曰:「家門酷橫、無 師之流 林子字敬士,田子弟也。 也。」與衆人共見遺寶、咸爭趨之、林子直去不顧。年十三、遇家禍、時雖逃竄、 少有大度,年數歲,隨王父在京口,王恭見而奇之,曰:「此兒

强讎 覽衆書,留心文義,從高祖剋京城,進平都邑。 獨 復假 已,然後就職,領建熙令,封資中縣五等侯,時年二十一。 板為冠軍參軍, 云並不就。林子以家門荼蓼,無復仕心,高祖敦逼,至彌年不 子兄弟挺身直入,斬預首,男女無長幼悉屠之,以預首祭父、祖墓。 害,常被甲持戈。至是林子與兄田子還東報讎。 謹 六喪,儉 爲揚州、辟爲從事,謂曰:「卿何由遂得不仕。 禍難,猶復偸生天壤者,正以仇讎未復,親老漂寄耳。 山草,無所投厝。 及 ~禍,而 一率老弱,歸罪請命。」因流涕哽咽,三軍爲之感動。 高祖軍政嚴明,無所侵犯。 又在郷里,唯當見隨還京,可得無恙。」乃載 日之心,直以至讎未復,故且苟存耳。」一門旣陷妖黨,兄弟並應從誅,逃伏草澤,常慮 沈預家甚强富,志相陷滅。林子與諸兄畫藏夜出,卽貨所居宅,營墓葬父祖 有禮。 時孫恩屢出會稽,諸將東討者相續,劉牢之、高素之放縱其下,虜暴縱橫 時 生業已盡,老弱甚多,東土饑荒,易子而食,外迫國網, 林子乃自歸曰:「妖賊擾亂,僕一門悉被驅逼,父祖諸叔 頃年相申,欲令萬物見卿此心耳。」固辭不得 以別船,遂盡室移京口,高祖分宅給焉。 時年十八,身長七尺五 五月夏節日至,預正大集會,子弟盈堂,林 高祖甚奇之,謂曰:「君旣 今日見將軍伐惡旌善, 仍爲本郡所命,劉毅 寸。 內畏强讎,沈伏 沈預慮林子爲 是國家罪人, 是有道之師, 起。 諸叔,凡 及高 一同罹 博 祖 叉

義熙五年,從伐鮮卑,行參鎭軍軍事。 大軍於臨朐交戰,賊遣虎班突騎馳軍後,林子率

皆議 散 固。 固 浦 「昔魏 卒擊之,無不 來 功 雖 精 會朱齡石救至,與林子幷勢,賊乃散走。 挑 兵, 一反以 隊。 乃 才 留 戦 若 非 遠 東 初, 進戰 僞 武 卿 林子 賊 古 今我 西奮擊,皆大破之。 揚 循 在官渡,汝、克之士,多懷貳心,唯李通獨斷大義,古今一也。」循至蔡洲, 其情 在 循 唯 僞 聲當 旨動 後 之下也,廣固未拔,循潛遣使結林子及宗 據 摧破 計 办 破 ,7[10]足以守之。」大軍 林子請 狀可 實受恩 進計 其 不立,大軍 也。」 悉衆於白石 林子。 津 之。 知 日 而 便鼓 移家京邑,高祖怪而問之,對曰:「耿純盡室從戎,李典舉宗居魏。 矣。 深 徐 阨其 :「此言妖詐,未必有實, 叔長 重。」高祖稱 道 躁 尋反, 君 賊養 要, 覆 慕容超退守廣固, 步上,而設伏於南岸,故大軍初起白石,留 素驍果,高祖以超未平,隱之,還至廣固,乃誅叔長。 而 乃更 出, 彼雖 銳待期, 上銳卒 賊伏 何患焉。」赤特 鋭師 既去,賊果 善久之。 兵 而 · 數里, 一、沿塘 大軍至自白石、殺赤特以殉、以林子參中軍軍事。 一齊發, 吾衆 林子時領別軍於石頭, 復與劉敬宣攻其 数里。 不敢 上,赤特將擊之,林子曰:「賊聲往 木 宜深爲之防。」高 赤特 曰:「今賊 盈二旅, 過 軍果敗,棄軍奔北岸,林子 人叔長。 林子 而 東 悉衆向白石,留者必皆 難以 策 必 《之日:「 也。」 林子 、西隅。 有 祖 功。 於 日「石頭 即密白高祖 賊沿 是乃 林子 屢戰摧寇。 廣固 今距守此 塘結 斷 與徐赤特 旣 城 塘 險 陣 而 率 險, ~, 且 ·, 戰 白石 貴遊之徒, 謂 鬭 羸老,以 而 循 軍 叔長不以 林子曰: 足 淮 盧循 收 斷 毎 者 而 不過 戰 赤 以 拒 棚 自 甚 查 無 特 銳 屢

奔、自己林子率軍討之,斬亮之於七里澗,納鎮惡。 雖 有營部 從 征 ,至於宵夕, 劉毅,轉參太尉軍事。 輒勑還 內侍。 + -年,復從討司馬休之。 賊黨郭亮之招集蠻衆,屯據武陵,武陵太守王鎮 武陵旣平,復討魯軌於石城,軌棄衆奔襄 高祖每征討 ,林子輒摧鋒居前 惡 出

陽,復追躡之。

襄陽旣定,權留守

江陵。

輸艱遠,三軍疑阻,莫有固志。 服。」[三道濟從之。 屈。 傷,守之則引日久,不如棄之,還援潼關。 薛帛先據解縣,林子 之,神虎伐其 餘 偽東平公姚紹爭據潼 尹昭據 西軍事,悉署三府中 人,高祖 若使姚紹據之, 十二年,高祖領 浦 坂,林子於陝城 欲綏懷 功,徑還襄邑。 以初附, 旣至, 至,馳往襲之, 兵,加 平北將軍,林子以太尉參軍,復參平北軍事。 則 關。 難 卽板 與冠軍檀道濟同攻蒲 建武 紹舉關右之衆,設重 林子謂道濟曰:「今蒲坂城堅池深, 圖 林子軍 爲 也。 將軍,統軍爲前鋒,從汴入河。 道濟議欲渡河避其鋒,或欲棄捐輜重, 太尉 及其未 帛棄軍奔關中,林子收其 次襄邑,即殺神虎 參軍, 至,當幷力爭之。 且潼關天阻, 加揚武將軍,領兵從戎。 坂, 圍 圍林子 龍驤王鎭惡攻潼關。 而 所謂 撫 及 其 道濟 若潼 兵糧 衆。 形勝之地, 不可 時襄邑降 鎭惡 關 時偽建威 旬日 其冬, 爲幷州 林子 事 等。 還赴高 捷, 而 鎭 姚泓 人董神 率神虎攻倉垣 高祖伐羌,復參征 剋, 時 惡 尹 浴將軍 刺史、河東太守 懸 聞大 祖 孤軍 昭 攻 虎有義 師 · 河 林子按劍 可 之則 軍至, 深 不 勢危 北 戦 土 太守 兵千 糧 卒 遣 剋 力 而

列

傳

耶。」塞: 賞,魏尙以盈級受罰,此亦前事之師表,後乘之良轍也。」高祖 事,自爲將軍辦 日 問其故, 虜 垂成之業,大軍 以千數,悉獲紹器械資實。 相公勤王,志清六合,許、洛已平,關右將定,事之濟否,所係前鋒。 一井焚舍,示無全志,率麾下數百人犯其 林子曰「夫王者之師, · 尚遠, 之。 然二三君子,或同業艱難,或荷恩罔 **賊衆方盛,雖欲求還,豈可復得。** 時諸將破賊,皆多其首級,而 本有征 無戦, 西北、紹衆 豊可: 復 增 張虛獲, 下官受命 小靡,乘其亂而薄之,紹 極, 林子獻捷 以此 日「乃所望於 以自夸誕。 退撓, 前驅, 書至, 亦何以見相 誓在 **今**捨 **沁卿也。**」 毎以實 國淵 盡 已捷之形 命, 乃大 以事 聞 公旗 今日 高高 /潰,俘 **災**, 鼓 之 祖

及驢 子率 屯據 遺長 姚 而 讚 坑 將兵屯 其衆。 |馬器械甚多。所虜獲三千餘人,悉以還紹, 使知王師之弘。 太尉行參軍嚴綱、竺靈秀卷甲進討,累戰,大破之,卽斬 九泉、口司憑河固險,以絕糧援。 史領軍將軍姚伯子、寧朔將軍安鸞、護軍 或曰:「彼去國遠關,其鋒不可當。」林子白高祖曰:「姚紹氣蓋關右,而力以勢屈,外兵 初、紹退走、還保定城、留爲武衞將軍姚鸞精 高祖 河上,絕水道。 |賜書曰:「頻再破賊,慶快無譬。 讚壘塹未立,林子邀擊,連破之,讚輕騎 高祖以通津阻要,兵糧所急, 姚默騾、平遠將軍河 兵 旣屢摧破,想不復久耳。」紹復遣撫軍 〈守嶮。 林子 伯子、默騾、小方三級,所俘 衛枚 兵糧兼儲,三軍鼓行 東太守唐小方率衆三萬, 復遣 夜襲, 得脫,衆皆 林子爭據河 卽 層其 ·奔散。 城, 源。 劓鸞 將 紹 而 林 又 軍 西

列 傳 第 六 十 自 序

旗鼓未交,一時披潰,讚輕騎遁走。 賜 屢敗,衰亡協兆,但恐凶命先盡,不得以釁齊斧耳。」尋紹[疽發背死。」高祖以林子言驗,乃 書 日 :「姚紹]忽死,[四可謂天誅。」於是讚統後事,鳩集餘衆,復襲林子。 旣連戰皆捷,士馬旌旗甚盛,高祖賜書勸勉,幷致練帛 林子率師禦之,

肴漿。

攻之。 子。 動, 便爲獨平一國,不賞之功也。」田子乃止。 乃舉衆奔霸 林子追討至寡婦水 關 高祖 高 中豪右, 高祖 祖 以林子綏略有方,頻賜書褒美,幷令深慰納 至閿鄉、姚泓掃境內之民,屯兵嶢柳。時田子自武關北入,屯軍藍田、泓自率大衆 西。 慮衆寡不 望 田子欲窮追,進取 風請附。 敵,遣林子步自秦嶺 ,轉鬭達于槐里,剋之,俘獲萬計。 西州人李焉等並求立 長安, 林子止之,曰:「往取長安, ,以相接援。 復參相 國事, 功, 之。 孫妲羌雜夷及 比至,泓已摧破,兄弟復 總任 長安旣平,殘羌十餘萬 · 如 前。 姚泓 林子威聲遠聞,三輔震 如指掌耳。 親屬,盡相 共追討,泓 门,西 復剋賊城, 率 歸 林

荆 爲 州 (才智,不使出 中郎中兵參軍 大軍東歸,林子領水軍於石門,以爲聲援。 議以林子及謝 也。 ,領新興太守。 故出仕 晦 爲蕃佐,高 以 來,便管軍 祖 林子思議弘深,有所陳畫,高祖未嘗不稱善。 日「吾不可頓 要, 自非戎車所指,自己未嘗 還至,〔朝議欲授以一州 無二人, 林子 行則 晦 外 典焉。 不 八一郡,二三高祖 宜 出。 後 乃以 太 大軍還至 祖 林 出 鎭

乃經 彭 之見,何 城 |國長民,宜廣建蕃屏,崇嚴宿衞。」高祖深相訓納。Cl+3俄而謝翼謀反,高祖歎曰:「林子 ,林子以行役旣久,士有歸心,深陳事宜,幷言:「聖王所以戒愼祗肅,非以崇威立武,實 .其明也。」太祖進號鎭西,隨府轉,加建威將軍、河東太守。 時高祖以二虜侵擾,復

欲親

成,林子固諫,高祖答曰:「吾輒當不復自行。」

故。 可輔 將 畢, 詔曰:「軍國 是卿諸人共弘建內外耳。 公知上深相矜重,恐以實啓,必有損慟,每見呼問,輒答疾病還家,或有中旨,亦假爲其答。 視 上 家 嚋 以 勳 之。」小差乃出。 軍 無餘財,未嘗問生產之事,中表孤貧悉歸焉。 林子孝性,不欲使哭泣減損,逼與入省,日 謝 國將 (^)歷代常典,封賞之發,簡自帝心。主上委寄之懷,實參休否,誠心所期,同國榮戚,政復 **尋召暫下,以中兵局事副錄事參軍王華。** 髙 祖 晦 任 踐阼,以佐命功,封漢壽縣伯,食邑六百戶,固讓,不許。傅亮與林子書曰「班爵 軍起。」林子固辭,不許,賜墨詔,朔望 當 國 多務, 政,晦每疾寧,輒攝林子代之。 上尋不豫,被敕入侍醫藥,會疾動還外。 內外須才, 足下雖存挹退,豈得獨爲君子邪。」除府諮議參軍,將軍、太守如 前鎭西諮議、建威將軍、河東太守沈林子,不得遂 上以林子清公勤儉,賞賜重疊,皆散於親故。 夕撫慰。 |不復還朝,每軍國大事, 輒詢問 林子居喪至孝,高祖深 遭母憂,還東葬,乘輿躬幸,信使相望。 敕諸公曰:「其至性過人,卿等數慰 永初三年,薨,時年四 相憂愍。 頃之有疾, 十六。 其情事。 時領軍

或 高 將 祖 軍 尋崩,竟不知也。 沈 林子 ,器懷眞審,忠績允著,才志未遂,傷悼在懷。 賜東園秘器,朝服一具,衣一襲,錢二十萬,布二百匹。 可追贈征虜將軍。」有司率常典 詔曰 「故輔

也。 林子簡 元嘉二十五年,諡曰 [泰廉靖,不交接世務,義讓之美,著於閨門,雖在戎旅,語不及軍事。 所著詩、 懐伯

賦 、, 贊、三言、箴、祭文、樂府、表、牋、書記、白事、啓事、論、老子一百二十一首。 太祖後讀林

子集,歎息曰:「此人作公,應繼王太保。」子邵嗣。

帝中韶。 義季 胎, 韶。 涕,太祖 淮 子周旋異常,可 人民慕 足爲良二千石。」上不許,曰:「其願還經年, 右軍 求人,上答曰:「稱意才難得。 邵字道輝 刺 義恭 亦悲不 州辟邵弟亮,邵以從弟正蚤孤,乞移恩於正,上嘉而許之。 中兵參軍。 其化,遠近莫不投集。 又啓太祖曰:「盱眙 ,美風姿,涉獵文史。 ·自勝。 以補選。」事見朱文帝中詔。 始興王 會强弩將軍 濬初開後軍府,又爲 太守劉顯眞 郡先無市,時江夏王義恭爲南兗州,啓太祖置立焉。事見朱文 缺,上詔錄尚書彭城王 沈邵雖未經軍事、既是腹心,作鍾離郡, 襲爵,駙馬都尉、奉朝請。太祖以舊恩召見,入拜,便流 於是拜强弩將軍。 ,求自解說,哪往莅任有績,彰於民 方復作此流遷, 中兵。 義季在 |義康曰:「沈邵人身不惡,吾與林 出為鍾離 江陵, 必當 在任六年, 大問 太守,在郡有惠政,夾 安西府 罔 及在後軍府,房 也。」事 中 聽,若重 入爲 兵 久 見宋文帝中 衡陽 缺,啓 一授町

列

傳

甚修理,或欲遣之。」其事不果。專見朱文帝中詔。入爲通直郎。 時上多行幸,還或侵夜,邵啓 ,即爲簡出。 前後密陳政要,上皆納用之,深相寵待,晨夕兼侍,每出游,或敕同輦。

不絕。元嘉二十六年,卒,時年四十三。上甚相痛悼。 以本號爲安成相。 老,勸課農桑,前後累蒙賞賜。邵疾病,使命累續,遣御醫上藥,異味遠珍,金帛衣裘,相望 老而彌篤。方授右職,不幸暴亡,可假孝廉檄,薦以特牲。 任未幾,而字卒,邵贈以孝廉,板敎曰:「前文學主簿王字,行潔業淳,棄華息競,志學修道, 兼錄事,領城局。後義康被廢,邵改爲廬陵王紹南中郎參軍,將軍如故。 丁艱,邵代謨爲大將軍中兵,加寧朔將軍。事見除文席中詔。邵南行,上遂相任委,不復選代,仍 兵參軍,掌城防之任,廬陵王紹爲江州,以邵爲南中郎府錄事參軍,行府州事,事未行,會謨 時 事 中 陳論 車駕祀 南郊,特詔四無侍中負璽,代眞官陪乘。大將軍彭城王義康出鎭豫章, 在郡以寬和恩信,爲南土所懷。 郡民王孚有學業,志行見稱州里,邵莅 緬想延陵,以遂本懷。」邵慰卹孤 義康徙安成,邵復 申謨爲中

子侃嗣,官至山陽王休祐驃騎中兵參軍、南沛郡太守。侃卒,子整應襲爵,齊受禪,

國除。

不凡,甚欲相識。」林子令璞進見,太祖奇璞應對,謂林子曰:「此非常見。」年十許歲,智度便 蹼字道真,林子少子也。童孺時,神意閑審,有異於衆。太祖問林子「聞君小兒器質 列 傳 第 六 十 自 序

家精 有大成之姿,好學不倦,善屬文,時有憶識之功。尤練究萬事,經耳過目,人莫能欺之。居 左常侍。 理 姻族資賴。 太祖引見,謂曰:「吾昔以弱年出蕃,卿家以親要見輔,今日之授,意在不薄。 弱冠,吳興太守王韶之再命,不就。 張邵臨郡,又命爲主簿,除南平王 王家

之事,一以相委,勿以國官乖淸塗爲罔罔也。」

事。 向聊相敦問,口口還白斐然,逐兼紙翰。昔曹植有言,下筆成章,良謂逸才贍藻,誇其辭說,以 事,乃宜引與晤對。」濬旣素加賞遇,又敬奉此旨。璞嘗作舊宮賦,久而未畢,濬與璞疏曰: 失,在家有孝友之稱,學優才贍,文義可觀,而沈深守靜,不求名譽,甚佳。 范曄坐事誅,于時濬雖曰親覽,州事一以付璞。太祖從容謂始興王曰:「沈璞奉時無纖介之 留察,故深更恭慎,而莫見其際也。 也。」璞以任遇旣深,乃夙夜匪懈,其有所懷,輒以密啓,每至施行,必從中出。 得失,特宜詳慎。 今況之,方知其信。 「卿常有速藻,舊宮何其淹耶,想行就耳。」璞因事陳答,辭義可觀。濬重敎曰:「卿沈思淹日, **嘩性頗疎,太祖召璞謂曰:「神畿之政,旣不易理。 濬以弱年臨州,萬物皆屬耳目,賞罰** 元嘉十七年,始興王濬爲揚州刺史,寵愛殊異,以爲主簿。時順陽范曄爲長史,行州 范曄性疎,必多不同。 執省躊躇,三復不已。吾遠慚楚元,門盈申、白之賓,近愧梁孝,庭列 在職八年,神州大治,民無謗黷,璞有力焉。二十二年, 卿腹心所寄,當密以在意。 彼雖行事, 其實委卿 汝但應委之以 曄正謂聖明

枚 厥心。」此書眞本猶存。 多。 璞淹思踰 、馬之客,欣恧交至,諒唯深矣。薄因末牘,以代一面。」又與主簿顧邁、孔道存書曰:「沈 旣欣股肱備此髦楚,還慚予躬無德而 歲,卿硏慮數旬,瓌麗之美,信同在昔。 濬年既長,璞固求辭事, 稱。 上雖聽許,而意甚不悅。 復裁 向聊問之,而還答累翰,辭藻豔逸,致慰良 少字,宣志於璞,聊因尺紙,使卿等具 以璞爲濬始興國大 知

農,尋除秣陵令

明。 當署餘曹,兼房住,不爾便宜行佐正署中兵,恐於選體如不多耳。」事見朱文帝中詔。乃爲正佐。 而護之。」與濬詔曰:「沈璞累年主簿,又經國卿,雖未嘗爲行佐,今故當正參軍耶。若爾,正 巧詐緣由,探擿是非,各標證據,或辨甲有以知乙,或驗東而西事自顯,莫不厭伏,有如 民 知懼。其閭里少年,博徒酒客,或財利爭鬭,妄相 以疾 時天下殷實,四方輻輳,京邑二縣,號爲難治。 去職。 太祖厚加存問,賞賜甚厚。濬出爲南徐州,謂璞曰:「濬旣出蕃,卿故當 誣引,前後不能判者,璞皆知其名姓,及 璞以清嚴制下,端平待物,姦吏斂手,猾 臥

千城,莫不奔駭。腹心勸璞還京師,璞曰:「若賊大衆,不盻小城,故無所懼。若肉薄來攻, 淮隅,道當衝要,乃修城壘,浚重隍,聚材石,自己積鹽米,爲不可勝之算。 衆咸不同,朝旨亦 謂爲過。 俄而賊大越逸,索虜大帥託跋燾自率步騎數十萬,陵踐六州,京邑爲之騷懼,百守

俄遷宣威將軍、盱眙太守。時王師北伐,彭、汴無虞。璞以强寇對陣,事未可測,郡首

傅第六十 自序

『同舟而濟,胡、越不患異心』也。今人多則退速,人少則退遲,吾寧欲專功緩賊乎。」乃命開 士不多,又非素附,雖固守有餘,未可以言戰也。但可整舟艫,示若欲渡岸者,以速其走計, 門納質。質見城隍阻固,人情輯和,鮭米豐盛,器械山積,大喜,衆皆稱萬歲。及賊至,四面 之刑,衆所共見,其中有福者,不過得驅還北國作奴婢耳。彼雖烏合,寧不憚此耶。所謂 云攻守不同,故當粗量强弱,知難而退,亦用兵之要。若以質衆法能退敵完城者,則全功不 屬所覆,無不殄盡, 唯輔國將軍臧質挺身走, 收散卒千餘人來向城。 衆謂璞曰:「若不攻則 謂諸將曰:「足矣。但恐賊不過耳。」賊旣濟淮,諸軍將帥毛熙祚、胡崇之、臧澄之等,〔三〕爲 則 蟻集攻城,璞與質隨宜應拒,攻守三旬,殄其太半,燾乃遁走。 曰:「不然。賊不能登城,爲諸君保之。舟檝之計,固已久息。賊之殘害,古今之未有,屠剝 在我,自己若宜避賊歸都,會資舟檝,則更相蹂踐,正足爲患。今閉門勿受,不亦可乎。」璞嘆 無所事衆,若其來也,城中止可容見力耳,地狹人多,鮮不爲患。 且敵衆我寡,人所共知,雖 吾報國之秋,諸君封侯之日。」衆旣見璞神色不異,老幼在焉,人情乃定。 收集得二千精手, 成禽也。 實行。」咸以爲然。 諸君何嘗見數十萬人聚在一處,[110]而不敗者。昆陽、合淝,前事之明驗。 有議欲追之者,璞曰:「今兵 此是

臧質以璞城主,使自上露板。 **璞性謙虛,推功於質。旣不自上,質露板亦不及焉。太**

者獯檢扈橫,掠剝邊鄙,郵販絕塵,坰介靡達,瞻江盻淮,眇然千里。吾聞涇陽梗棘,伊滑荐 歡,實協初慮。但乖塗重隔,顧增慨涕,比恒疾臥,憂委兼疊,裁書送想,無斁久懷。」 横斥,規効情命,收龜落簪,星舍京里,旣獲遄至,胡馬卷迹,支離霑德,復繼前緒,行葦之 古之田、孫,何以尙茲。商驛始通,粗知梗槪,崇讚膽智,嘉賀文猛,甚善甚善。吾近以戎暴 遁,鳥集絃絕,鬼深自古。承知廼昔寇苦城境,勝胄朝飡,伍甲宵舍,烽鼓交警,羽鏑驟合。 曰:「足下何如,想館舍平安,「三」士馬無恙。 蕪民精,負乘之愧,允當其責。近乞退謝愆,不蒙垂許,故以報卿。」宣城太守王僧達書與璞 狂凶,自送近服,偽將卽斃,酋長傷殘,實天威所喪,卿諸人忠勇之効也。 難爲心想。百姓流轉已還,此遣部運尋至,委卿量所贍濟也。」始興王濬亦與璞書曰:「狡虜 |祖嘉||璞功効,遣中使深相褒美。|太祖又別詔曰:「近者險急,老弱殊當憂迫耶。 而足下砥兵礪伍,總厲豪彥,師請一奮,氓無貳情。遂能固孤城,覆嚴對,陷死地,覿生光, 離析有時,音旨無日,憂詠沈吟,增其勞望。 吾式遏無素,致境 念卿爾時, 間

尚書令何尚之領吏部,舉璞及謝莊、陸展,事不行。事見文帝中詔。凡中詔今悉在臺,猶法書典書也。 三十年,元凶弑立,璞乃號泣曰:「一門蒙殊常之恩,而逢若斯之運,悠悠上天,此何人

,盱眙元功,當以歸之。沈璞每以謙自牧,唯恐賞之居前,此士變之意也。」時中書郎缺,

徵還,淮南太守,賞賜豐厚,日夕讌見。朝士有言璞功者,上曰:「臧質姻戚,又年位在

削

自 頌 意 。」日夜憂歎,以至動疾。 、讚 竣 勝 次疾逐 、祭文、誄、七、弔、四五言詩、牋、表,皆遇亂零失,今所餘詩筆雜文凡二十首。 以致恨。 增篤,不堪遠迎,世祖 及世祖 將至都,方有讒說以璞奉迎之晚,橫罹 會二凶逼令送老弱還都,璞性篤孝,尋聞尊老應幽執,輒哽咽 義軍至界首,方得致身。 先是, 世難,時年三十八。所著賦 琅邪 顏竣欲 與 璞交,不酬 璞有子 其

日

時,王 門,朔 伯玉 不 容狀似 超 左 中 此職 改, 衞 郞 直 顏竣 行 伯 民生 乖 望未 何法 景文領選,謂子 畫圖 參 門服玄衣。 玉 卿志。」王景文亦與伯玉 清請 字德潤,虔子子也。 軍 嘗問 盛校書東宮,復 定不 一,自國 仲尼像, 爲 司 訊 應住。」 馬。 ٥ 入府,以文義見知,文章多見世祖集。 出爲晉安王子勛 顏師伯 常 勛 出 戴法 典籤 補句容令,在縣 呼爲孔丘 爲 、戴法 沈光 餘姚 興聞景文此言,乃轉伯玉爲參軍事。 溫恭有行業,能爲文章。 一有舊, 0 興等並 祖 令,還爲衞尉丞。 百二 前 舊制 軍 常陪輦 有能 鄧琬 車駕 有蕃 行 參 名。 邸之舊,一不造問,由 出 軍 出 旦 行, , 復爲江 指伯 侍 爲 世 衞 子勛 長 祖 尉丞直 文史行 玉白 少除世祖武陵國侍郎,轉右常侍,南 舊臣 夏王義恭太宰行 讀 世 上三 祖 書。 事,沈伯 一故佐, 門, 踐 隨 孔丘奇 作,除員 常戎服。 子勛 府 是官次 普皆 玉 轉 先帝在蕃 初起兵,轉府功曹。 鎭 形容。」上 升顯 :參軍 外散騎郎,不拜。 軍行 不 張永 進。 ·, 與 伯 佐。 謂 □佐 於 玉 奉 Ŀ 伯 是特 自 朝請 以 前 玉月 伯玉 守 今 猶 廢 帝 私 聽 謝

別

在永興、皆有能名。 於人,有物輙散之知故。溫雅有風味,和而能辨,與人共事,皆爲深交。 理盡,閑臥一室,自非弔省親舊,不嘗出門。 獄,見原,猶以在南無誠,被責,除南臺御史,尋轉武陵國詹事,又轉大農,母老解職。 及卽僞位,以爲中書侍郎。初,伯玉爲衞尉丞,太宗爲衞尉,共事甚美。及子勛敗,伯玉下 後廢帝元徽三年,卒,時年五十七。伯玉性至孝,奉親有聞,未嘗妄取 司徒袁粲、司空褚淵深相知賞,選爲永世令,轉 貧薄

|之請爲征西諮議,未拜,卒。 明爲亂,仲玉遣司馬王天生討平之。廢帝韶以爲安成王撫軍中兵參軍,加建威將軍。沈攸 弟仲玉、秦始末、爲寧朔長史、蜀郡太守。 益州刺史劉亮卒,仲玉行府州事。 巴西李承

十、所撰之書,凡一百二十卷。條流雖舉,而採掇未周,永明初,遇盜失第五帙。建元四年 春,又被勑撰宋書。六年二月畢功,表上之,曰: 未終,被勑撰國史。 永明二年,又忝兼著作郎,撰次起居注。 自茲王役,無暇搜撰。 五年 二十許,便有撰述之意。泰始初,征西將軍蔡興宗爲啓明帝,有勑賜許,自此迄今,年逾二 史臣年十三而孤,少頗好學,雖棄日無功,而伏膺不改。常以晉氏一代,竟無全書,年

深,樹德往朝,立勳前代,若不觀風唐世,無以見帝嬀之美,自非覩亂秦餘,何用知漢祖 臣約言:臣聞大禹刊木,事炳虞書,西伯戡黎,功煥商典。 伏惟皇基積峻,帝烈弘

才,對揚盛旨,是用夕惕載懷,忘其寢食者也。 是以掌言未記,爱動天情,曲詔史官,追述大典。 臣實庸妄,文史多闕,以茲不

式規萬葉,作鑒于後。 運,亦足以勒銘鍾鼎,昭被方策。及虐后暴朝,前王罕二,國釁家禍,曠古未書,又可以 道屢屯,垂文簡牘,事數繁廣。若夫英主啓基,名臣建績,拯世夷難之功,配天光宅之 臣約頓首死罪:竊惟宋氏南面,承歷統天,雖世窮八主,年滅百載,而兵車亟動,國

桓玄、譙縱、盧循、馬、魯之徒,身爲晉賊,非關後代。吳隱、謝混、郗僧施,義 情,垂之方來,難以取信。 典文,始末未舉。 宜濫入宋典。 魯爽、王僧達諸傳,又皆孝武所造。自永光以來,至於禪讓,十餘年內,闕而不續,一代 爱踵成前 天文,律歷,自此外,悉委奉朝請山謙之。 南臺侍御史蘇寶生續造諸傳,元嘉名臣,皆其所撰。 宋故著作郎何承天始撰朱書,草立紀傳,止於武帝功臣,篇牘未廣。 作。 爰因何、蘇所述,勒爲一史,起自義熙之初,訖于大明之末。 劉毅、何無忌、魏詠之、檀憑之、孟昶、諸葛長民,志在興復,情非造宋,今 且事屬當時,多非實錄,又立傳之方,取捨乖衷,進由時旨,退傍世 臣今謹更創立,製成新史,始自義熙肇號,終於昇明三年。 謙之,孝建初,又被詔撰述,尋值病亡, 寶生被誅,大明 中,又命著作郎徐 其所撰志,唯 至於臧質、 止 前 朝,不 仍使

並刊除,歸之晉籍。

蹐,靦汗亡厝。 臣遠愧南、董、近謝遷、固,以閭閻小才,述一代盛典,屬辭比事,望古慚良,鞠躬跼 本紀列傳,繕寫已畢,合七帙七十卷,回司臣今謹奏呈。 所撰諸志,須成

續上。謹條目錄,詣省拜表奉書以聞。

臣約誠惶誠恐,頓首頓首,死罪死罪。

校勘記

封諸汾川其後四國沈姒蓐黃沈子國今汝南平輿沈亭是也 顧炎武日知錄云:「按沈、姒、蓐、黃

四國,皆在汾水之上,爲晉所滅。黃非江、黃人之黃,則沈亦非沈子嘉之沈。休文乃並列而合

之爲一,誤也。」

演之慶之曇慶懷文其後也「曇慶」之「慶」字各本脫去,今補。按沈曇慶,本書卷五四有傳。

儀篤學有雅才 「雅才」各本作「雄才」,據远龜五六一改。按下云「以儒素自業」,則上不當云

「雄才」。

刺史褚叔度至 度傳一錢說是一个改正。 「叔」各本作「升」。錢大町廿二史考異云:「升當作叔。」按本書卷五二有襁叔

- 五山 以數千人送義眞南還 「數千人」通鑑晉義熙十四年作「數十人」,疑是。
- 【六】督實劾名 「劾」各本並作「效」、據通典刑典改。
- - 愚謂. 相去百步內赴告不時者 「內」各本並作「同」,據通典刑典改。
- , , , , 劉毅又板為冠軍參軍 各本並脫「劉」字。孫彪宋書考論云:「當著劉字。」按孫說是,今補。
- . Уч. Ш 留林子與徐赤特斷拒查浦 「徐赤特」各本並作「徐赤將」,據本書武帝紀、通鑑改。 下五出「赤

將」,幷改。

- 10〕留卿在後 「卿」各本並作「鄕」,據通鑑改。
- (二) 武陵太守王鎭惡出奔 「太守」王鎭惡傳作「內史」。
- 尹昭可不戰而服 「服」各本作「復」、據南史、元龜三九八改。
- 紹又遣長史領軍將軍姚伯子寧朔將軍安鸞護軍姚默騾至屯據九泉 「姚默騾」本書武帝紀同。 晉書載記、通鑑作「姚墨蠡」。「九泉」通鑑作「九原」。 「姚伯子」通鑑作「姚洽」。
- 尋紹疽發背死高祖以林子言驗乃賜書曰姚紹忽死 「疽發背死至姚紹」十七字,各本並脫, 據

元龜四二八補。

- 還至朝 議欲授以一州 八郡 各本並脱「朝議欲授以一州八」八字、據元龜二〇〇補。
- 列傳第六十一校勘記 一人一自非戎車所指 「車」各本並作「軍」,據元鑑二〇〇改。

- 高祖深相訓納 「詶」各本並作「訓」。殿本考證云:「訓疑當作詶。」按殿本考證說是,今改正。
- (1<) 向聊相敦問 各本並脫「問」字,據元龜二九二補。
- [1元] 聚材石 各本並作「聚財石」,據元龜三九改。
- 諸君何嘗見數十萬人聚在一處 「諸君」各本並作「諸軍」、「軍」應爲「君」之誤、今改正。
- 諸軍將帥毛熙祚胡崇之臧澄之等 「毛熙祚」各本並作「毛遐祚」, 據本書臧質傳及索虜傳改

本並 若以質衆法能退敵完城者則全功不在我 脫「不」字,據通鑑補。 「質」各本作「今」,據通鑑宋元嘉二十七年改。又各

正。「臧澄之」各本並作「臧證之」,據本書文帝紀及臧質傳改正。

- 呈 想館舍平安 「平安」各本並作「正安」,據元龜九〇五改。
- 璞有子曰約 精。 子、田子、林子並有事蹟,獨無處子事蹟。「璞有子曰約」下,又接敍處子子伯玉、 其間有脫 只 如 沈約字傳,差郤數板亦不寤,其他可知也。」是則 葉。 司馬光溫國文正公文集卷六二與劉道原書:「今國家雖校定摹印正史, 各本「約」字空白,據南史、元龜五六一補。按沈穆夫五子,沈約自序中,淵子、雲 嘉祐初刻,蓋已殘闕不完。 仲玉 事 校得 蹟。 絕不 疑
- () 至 本紀列傳繕寫已畢合七帙七十卷 百卷,內本紀十卷,列傳六十卷先成。 「七帙」 永明六年奏呈時,每十卷爲一帙,凡七十卷,故云七帙。 各本並作「志表」,據元龜五 六一改 正、按沈約宋書

「合志表七十卷」者,其誤顯然,故今據元龜訂正。

